

S T E N O G R A M
22. RADNE SJEDNICE SKUPŠTINE KANTONA SARAJEVO
ODRŽANE U UTORAK, 03.03.2020. GODINE
SA POČETKOM RADA U 10,00 SATI

Predsjedavajući Mirza Čelik (u daljem tekstu predsjedavajući):

Otvaram 22. Radnu sjednicu Skupštine Kantona Sarajevo. Himna.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice.

Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 34 zastupnika, što je dovoljan broj za punovažan rad i odlučivanje.

Izostanak sa ove sjednice opravdao je ili najavio kašnjenje uvaženi zastupnik Vedran Jakupović.

Prijedlog dnevnog reda 22. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 18.02.2020.godine.

Na osnovu člana 73. Poslovnika Skupštine Kantona Sarajevo, Kolegij Skupštine Kantona Sarajevo, dana 27.02.2020. godine, prihvatio je da se Prijedlog dnevnog reda 22. Radne sjednice, dopuni sa sljedećim tačkama :

1. Prijedlog odluke o potvrđivanju Vlade Kantona Sarajevo; (razmatraće se kao tačka 2.);
2. Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo; (razmatraće se kao tačka 3.);
3. Prijedlog odluke o izmjeni Odluke o imenovanju predsjednika, zamjenika predsjednika i članova Odbora za javna priznanja Skupštine Kantona Sarajevo; (razmatraće se kao tačka 4.);

PRELAZIMO NA UTVRĐIVANJE DNEVNOG REDA DANAŠNJE SJEDNICE.

Poslovnička intervencija zastupnik Konaković. Izvolite.

Poslanik/zastupnik Elmedin Konaković:

Poštovani predsjedavajući, dopredsjedavajući, cijenjeni premijeru, ministri u Vladi Kantona Sarajevo, kolegice i kolege zastupnici, gosti, gledaoci TVSA i ostali koji putem medija pratite rad današnje sjednice, sve vas srdačno pozdravljam i imam jedno pitanje. Prije nego što glasamo o dnevnom redu, danas ste u dnevni red uvrstili jednu jako krupnu i vako važnu tačku, ona se zove „Imenovanje Vlade Kantona Sarajevo”. Molim vas da mi predlagač ili vi predsjedavajući, ili sekretar objasni koju ste poslovničku mogućnost koristili kako bi ste ono što je precizno propisano Poslovníkom a kaže da se imena dostavljaju 12 dana prije održavanja sjednice, provukli i kao dopunski materijal dostavili Imenovanje Vlade Kantona Sarajevo pet ili šest dana prije samog održavanja sjednice. To će naravno uticati na naše glasanje u samom dnevnom redu. Molim za pojašnjenje.

Predsjedavajući:

Zahvaljujem uvaženi zastupniče Konakoviću. Odredbe člana 17, znači nadležnost Kolegija jeste da utvrđuje prijedlog dnevnog reda za sjednicu Skupštine Kantona Sarajevo i kao i dopustit ćete mi, član 73. Pročitat ću vam.

„Prijedlozi za izmjenama prijedloga dnevnog reda radne sjednice dostavljaju se Kolegiju u pismenoj formi i sa obrazloženjem najkasnije četiri dana prije održavanja sjednice”. Znači poslovnička mogućnost je bila da neko od zastupnika zatraži dopunu dnevnog reda i to je učinjeno i Kolegij je utvrdio prijedlog dnevnog reda kako je i predloženo. Zastupnik Konaković.

Poslanik/zastupnik Elmedin Konaković:

Ne znam da li ste svjesno ili nesvjesno izbjegli najvažniji dio Poslovnika koji jasno precizira način imenovanja nove Vlade. Zaista je šteta da nakon svih gafova koje ste napravili ovu Vladu uvedete potpuno neposlovnički u njen cijeli mandat. Dakle član 204 precizno kaže i propisuje kako se i na koji način bira Vlada Kantona Sarajevo. Dakle nikada se nije desilo, nikada u ovoj sali da neko to stavi kao dopunu dnevnog reda jer piše da se materijal dostavlja 12 dana ranije. I ono što vi naravno radite jeste imamo ruke, lomiti ćemo, kršiti ćemo, i to je s političkog aspekta potpuno adekvatno. Niti ste organizirali neke druge. Mene zanima dakle zašto izbjegavate naravno taj 204 i tražiti ću naravno pauzu od 15 minuta za konsultacije sa klubovima kako bi smo utvrdili mogućnost da li da uopšte glasamo o ovakvom dnevnom redu, a svjesni činjenice da je na istom dnevnom redu Budžet, koji je najvažniji dokument za građane Kantona Sarajevo o kojem se danas svakako mora raspravljati. Tako da bih volio da mi kažete, evo sekretar ili neko da li je zaista moguće da Vladu Kantona Sarajevo imenujete kao dopunski materijal.

Predsjedavajući:

Zahvaljujem uvaženi zastupniče Konakoviću. Pa evo ja ću vam pročitati član 204, možda ne čitamo isti član, ali. „Kandidat za mjesto premijera Kantona Sarajevo dostavlja predsjedavajućem Skupštine prijedlog kandidata za ministre i to najmanje 12 dana prije početka sjednice Skupštine na kojoj će se vršiti izbor”. Ja ću vas podsjetiti na odrebu člana 194, također kaže da Komisiji za izbor i imenovanje i administrativna pitanja prije imenovanja treba se dostaviti 14 dana materijal. S tim u vezi imate prijedlog odnosno zahtjev uvaženog kandidata za premijera da je dostavio 15 dana prije održavanja same sjednice prijedlog kandidata za ministricu i ministre u Vladi Kantona Sarajevo. Tamo u članu 204 piše da predsjedavajući odmah, a u skladu sa zakonom o upravnom postupku, to je 8 dana, može i kolegica ministrica potvrditi i to je sve učinjeno u skladu s Poslovníkom. Nakon toga komisija je zasjedala i utvrdila Prijedlog odluke o potvrđivanju Vlade, prosljedila u skupštinsku proceduru, nakon toga Kolegij na zahtjev uvaženog zastupnika Devića je predložio dopunu dnevnog reda u skladu sa Poslovníkom i Kolegij je utvrdio Prijedlog dnevnog reda kako je navedeno u samom pozivu za sjednicu Skupštine Kantona Sarajevo. Ukoliko ima potrebe da sekretar. Evo poslovnička intervencija uvaženi zastupnik Nikšić izvolite.

Poslanik/zastupnik Damir Nikšić:

Ja bih isto se referirao sa na taj član 204 ali bih tražio odgovor od sekretarke. I isto tako ovaj amandman što smo dobili, novi par iz rukava ovih ministara. Amandman se poziva na član 152. međutim član 152 isključivo se odnosi na zakone a ne na odluke ili akte radnih tijela. Tako da ako nastavite s ovim vi dovodite u pitanje Vladu, jer ćemo se mi obratiti Ustavnom

sudu, pa vidite. A volio bih prije toga da čujem i sekretarku u vezi ovoga člana 152 i amandmana, da li je ovo tumačenje ovako ili ste opet nešto drugo protumačili.

Predsjedavajući:

O amandmanima ćemo kada se utvrdi dnevni red kada budemo na toj tački dnevnog reda, obzirom da je sastavni dio amandmana Prijedlog odluke, predlagač ima pravo do zaključenja rasprave podnositi amandmane. Kada utvrdimo dnevni red kada budemo na toj tački dnevnog reda ja bih vas molio da se javite povodom vašeg pitanja. Uvaženi zastupnik Konaković, izvolite. Pa ćemo evo dati mogućnost svakako sekretaru da odgovori.

Poslanik/zastupnik Elmedin Konaković:

Odmah poslije tumačenja sekretara tražim pauzu od 15 minuta za konsultacije o dnevnom redu.

Predsjedavajući:

Samo da napomenemo da sekretar nije taj koji će tumačiti, onaj ko donosi Poslovnik o radu Skupštine je Skupština i mi možemo samo tumačiti a možemo zatražiti svakako mišljenje od sekretara. Sekretar Kulovac Šetkić.

Sekretar po ovlaštenju Almira Kulovac Šetkić.

E hvala predsjedavajući. Ja sam upravo htjela da kažem da ja nisam nadležna da dajem tumačenje odredbi Poslovnika, čak nekako izbjegavam da dajem mišljenja, nego nastojim samo da upućujem na odredbe Poslovnika koje regulišu neku situaciju, koja je ovdje sporna. Ovdje se pozivate na član 194 i član 2904 koji govore o tome kada se moraju dostaviti imena. Član 194 kaže da se dostavljaju predsjedavajućem, znači ne govori zastupnicima nego predsjedavajućem najmanje 14 dana prije održavanja sjednice. Ja koliko sam vidjela iz materijala, imala sam, vidjela sam da je to dostavljeno 14 dana. Što se tiče samog dostavljanja zastupnicima, moje lično mišljenje je, koje baziram na članu 194 stav 3) koji kaže da je predsjedavajući dužan dostaviti poslanicima obrazloženje prijedloge najmanje tri dana prije održavanja sjednice na kojoj će se vršiti izbor odnosno imenovanja. Toliko.

Predsjedavajući:

Uvaženi zastupnik Konaković izvolite.

Poslanik/zastupnik Elmedin Konaković:

Ma samo pauzu da potvrdimo molim vas.

Predsjedavajući:

Koliko? 15 minuta pauza.

NASTAVAK NAKON PAUZE

Predsjedavajući:

Nastavljamo sa radom. Prelazimo na utvrđivanje dnevnog reda današnje sjednice. Ne vidimo da ste se uključili. Poslovnička intervencija zastupnik Konaković.

Poslanik/zastupnik Elmedin Konaković:

Pa dužan sam nakon što sam zatražio pauzu izvijestiti o epilogu nakon konsultacija sa šefovima klubova bez obzira što ste u svom odgovoru zanemarili vrlo bitne članove Poslovnika, član 71 koji precizira način sazivanja sjednice i slanje materijala 12 dana ranije. Da vam bude iskren meni se sviđa što se pozivate na ovaj član 194 jer ona kasnije ima jedno vrlo ozbiljno obrazloženje, koje ćete morati obrazložiti o amandmanima koje ste uložili, a piše da morate tri dana ranije. Da to ne komplikujem, o tome ćemo poslije, i još neka pitanja koja ćemo vam postaviti. Samo da konstatujem da je član 71 precizan kod sazivanja Skupština i slanja materijala. Posebno ćemo govoriti o tome šta su amandmani, kako Poslovnik precizira amandmane. Ali zaista zbog važnosti današnje sjednice i samog budžeta, prije svega, dogovorili smo se da podržimo sam dnevni red i pravo da vam kažem, malo nam je užitak da ljudi gledaju šta se ovdje u Skupštini Kantona Sarajevo dešava. Tako da ćemo glasati za dnevni red. Hvala.

Predsjedavajući:

Zahvaljujem. Uvažena zastupnika Dizdarević poslovnička intervencija.

Poslanik/zastupnik Neira Dizdarević:

Hvala uvaženi predsjedavajući. S obzirom da se prvi put javljam, pozdravljam sve prisutne u sali kao i gledatelje ispred malih ekrana, u ime Kluba Naše stranke, želim da podsjetim da ste zaista dakle prekršili član 194 Poslovnika koji kaže da se prijedlozi dostavljaju u pismenoj formi sa obrazloženjem predsjedavajućem Skupštine najmanje 14 dana. Dakle niste prije 14 dana dobili imena dva ministra koja ste nam jutros u vidu amandmana dostavili. Te predsjedavajući je dužan dostaviti poslanicima obrazložene prijedloge najmanje tri dana održavanja sjednice. Mi smo na ulazu u skupštinsku salu dobili dva CV kao da se radi o izmjenama dva člana nekog Zakona a ne o dva čovjeka, odnosno dva ministra. Ipak, s obzirom da je na podnevom redu danas budžet Kantona Sarajevo a da smo već u mjesecu martu i da nam krajem mjeseca ističe odluka o privremenom finansiraju, samo iz tog razloga ćemo podržati ovaj dnevni red, a sigurna sam da će navedene procedure dobiti svoj epilog na Ustavnom sudu. Hvala.

Predsjedavajući:

Zahvaljujem uvažena zastupnice. Prelazimo na utvrđivanje dnevnog reda današnje sjednice.

Na osnovu naprijed navedenog, Prijedlog dnevnog reda današnje, 22. Radne sjednice, glasi:

1. Poslanička/zastupnička pitanja, inicijative i odgovori;
2. Prijedlog odluke o potvrđivanju Vlade Kantona Sarajevo;

3. Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
4. Prijedlog odluke o izmjeni Odluke o imenovanju predsjednika, zamjenika predsjednika i članova Odbora za javna priznanja Skupštine Kantona Sarajevo;
5. Prijedlog budžeta Kantona Sarajevo za 2020. godinu;
6. Prijedlog zakona o izvršavanju Budžeta Kantona Sarajevo za 2020. godinu
7. Prijedlog zakona o kažnjavanju govora mržnje Kantona Sarajevo - skraćeni postupak;
8. Prijedlog odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2020. godinu sa Odlukom o izvršavanju Finansijskog plana Javne ustanove „Služba za zapošljavanje Kantona Sarajevo“ Sarajevo za 2020. godinu;

MOLIM ZASTUPNIKE DA SE IZJASNE O PREDLOŽENOM DNEVNOM REDU.

Otvaram glasanje. Molim rezultate.

ZA JE GLASALO 35 ZASTUPNIKA, PROTIV I SUZDRŽANIH NIJE BILO.

Konstatujem da je Skupština za 22. Radnu sjednicu Skupštine Kantona Sarajevo usvojila Dnevni red, kako je i predložen.

Kolegica Kerla se javlja, izvolite. Dajte riječ uvaženoj zastupnici Bibiji Kerli.

Poslanik/zastupnik Bibija Kerla:

Dobar dan svima u sali, dobar dan gledaocima pored TV ekrana. S obzirom da imamo vrlo važno pitanja o imenovanju Vlade i budžet Kantona Sarajevo predlažem da prva tačka dnevnog reda bude posljednja tačka danas. Pa molim predsjedavajućeg da tu odluku donesemo glasanjem ovdje. Hvala lijepo.

Predsjedavajući:

Zahvaljujem uvažena zastupnice. Dajem prijedlog uvažene zastupnice Kerle da se Poslanička pitanja i inicijative razmatraju kao posljednja tačka i evo otvaram glasanje. Molim rezultate.

ZA JE GLASALO 19, PROTIV 14, SUZDRŽANIH 2. KONSTATUJEM DA JE PRIJEDLOG KOLEGICE KERLE DOBIO POTREBNU VEĆINU.

Prelazimo na sljedeću tačku dnevnog reda, a to je:

AD – 2.

PRIJEDLOG ODLUKE O POTVRĐIVANJU VLADE KANTONA SARAJEVO

Prijedlog navede Odluke i biografije kandidata ste dobili u dopunskom materijalu.

Molim predstavnika Predlagača da podnese uvodne napomene. Uvaženi zastupnik Dević poslovnička intervencija, uvaženi zastupnik Marjanović.

Poslanik/zastupnik Damir Marjanović:

ja vam se zahvaljujem, možda griješim i nadam se da mi nećete zamjeriti. S obzirom da smo bili pričali o tome da ćemo danas po hitnome postupku razmatrati ovaj Zakon, mislim da nismo glasali o tome a ja sam htio svakako da predložim vezano za Zakon o kažnjavanju govora mržnje da se vrati u Nacrt. Tako da izvinjavam se ako sam pogriješio u toj procjeni, mislim da smo to trebali sada riješiti. Hvala velika.

Predsjedavajući:

niste pogriješili, kada dođemo na tu tačku dnevnog reda treba da se izjasnimo svakako da li je skraćeni ili nije, ali evo obzirom da smo razgovarali sa vama, ovaj ćemo Zakon svakako razmatrati u redovnoj proceduri, što znači da ćete vi predložiti koliko je dana potrebno za javnu raspravu. Ali evo dok dođemo do te tačke. Zahvaljujem.

Uvaženi zastupnik Dević javite se, vi ste predlagač Odluke.

Poslanik/zastupnik Mahir Dević:

znači vama je dostavljeno to u pismenoj formi, znači na bazi prijedloga koji je dostavio kandidat za premijera Kantona Sarajevo gospodin Mario Nenadić, znači u tački 1 Prijedlog odluke o potvrđivanju Vlade Kantona Sarajevo a koju ste dobili u materijalima prethodno za ovu sjednicu, tačke 10 i 12 se mijenjaju i glase, na poziciji 10. Kenan Alikadić – Ministarstvo kulture i sporta, 12. Hajrudin Grabovica – Ministarstvo za boračka pitanja Kantona Sarajevo. Obrazloženje: kandidat za premijera Kantona Sarajevo gospodin Mario Nenadić, obratio se komisiji za izbor i imenovanja sa prijedlogom novih kandidata za ministre u Vladi Kantona Sarajevo budući da su dosadašnji kandidati Emir Hadžihafizbegović i Senad Hasanspahić odustali od kandidature za ministre u Vladi Kantona Sarajevo. S tim u vezi, Komisija za izbor imenovanja je imala sastanak, pripremila prijedlog amandmana na bazi onog zahtjeva kojeg je dostavio mandatar, u skladu s Poslovnikom o radu Skupštine Kantona Sarajevo. I to danas imate u materijalima. Hvala.

Predsjedavajući:

zahvaljujem. Za riječ se javio uvaženi zastupnik Jakupović. Vjerovatno poslovnička intervencija, izvolite.

Poslanik/zastupnik Vedran Jakupović:

zahvaljujem. Zanima me samo kada se obratio kandidat za premijera, ovdje nema datum na ovom njegovom.

Predsjedavajući:

dozvolit ćete da otvorimo pitanja. Zahvaljujem, obzirom da nije poslovnički definisano, ustvari jeste poslovnički definisano da pitanja postavljamo Predlagaču, ali ćemo omogućiti pošto je do sada to bila i praksa u ranijem sazivu da se postavljaju pitanja i mandataru, odnosno kandidatu za premijera, pa ćemo otvoriti dvije, odnosno imat ćemo dvije tačke. Tiču se pitanja. Prvu ćemo imati kada otvorimo sada za komisiju i izbor imenovanje i administrativna pitanja, nakon izlaganja mandataru, tada ćemo krenuti sa pitanjima i nakon toga raspravom. Ukoliko imate pitanja za komisiju za izbor i imenovanje i administrativna pitanja, evo ja vas pozivam da se javite redoslijedom Konaković, Jakupović. Redoslijedom.

Poslanik/zastupnik Elmedin Konaković:

predlagaču bih postavio pitanje, gospodinu Mahiru Deviću predsjedniku Komisije za izbor i imenovanja a koja je predlagač materijala. Po kom osnovu ili kada ste se već pozvali na član 194 prilikom odgovaranja na pitanje gdje ste našli osnov, e sada mi recite gdje ste našli osnov i zašto tri dana prije imena ministara, kao što Poslovnik nalaže nisu dostavljena zastupnicima, nego tri minuta prije. Ustvari tri minute zakašnjenja jer smo mi ovo dobili kada je počela sjednica, ne tri dana prije. Volio bih da mi se odgovori pravni osnov za ovakav ne znam kako bih to, da ne koristimo, neće biti teških riječi, siguran sam, kakav je ovo manevar, pozivamo se na članove 151, 152 a ovamo se pozivamo na striktnu proceduru 194 i 195, pa vjerovatno znači, pitam također Devića, hoćemo li se pojedinačno o svakom od ministara izjašnjavati, jer tako kaže član 195. molim kolegu Devića da na to odgovori kao predlagač materijala. Hvala.

Predsjedavajući:

molim uvaženom zastupnika Devića da zapisuje, poslije će dati odgovore zajedno sve. Uključite uvaženog zastupnika Jakupovića.

Poslanik/zastupnik Vedran Jakupović.

Evo da ponovim pitanje sada zbog stenograma, nemamo datum kada se kandidat za premijera obratio predsjedavajućem Čelikom koji je to datum, pošto će biti izgleda bitno kada je to urađeno jel to bilo tokom 1, 2 ili vikend ili jutros? Eto čisto da znamo jer datuma zvanično nema, nema ni protokola nema ništa.

Poslanik/zastupnik Damir Nikšić:

pa isto bih predlagača pitao kada smo mi mogli da se pripremimo za ovo kao zastupnici za ovaj novi Ekspoze. Ovaj crno bijeli ekspoze, mi smo dobili jedan ekspoze prije nekoliko dana i ja sam ga pročitao i poslao sam građanima, ljudima da vide, da šta da daju neke odgovore. I jutros dobijem ovaj novi, vidim Sarajevo 03.03.2020. godine. Znači sada na ulazu dobijemo, kada će moja baza da se pripremi, da meni pripremi pitanja da ja vama postavim pitanja, kada će vam to stići sada preko telefona, kada? Ne znam, evo pitam vas u ime moje baze u ime građana, znači ljudi koji mi postavljaju pitanja da vam postavim pitanja. Znači jedno normalno pitanje, jelde da ima logike. Evo ako mi može Dević odgovoriti kada da se spremim. Da tražim još jednu pauzu od dva dana pa da se spremimo. Ne znam. Razumijete šta vas pitam. Ne postoji u fizici način da se to uradi fizički na vrijeme, a lijepo je to precizirano tri dana unaprijed, evo nije tri dana, nego kada, kada da odem?

Dopredsjedavajuća Danijela Kristić:

zahvaljujem predsjedavajući. Obzirom da se prvi put javljam, pozdravljam sve prisutne i gledaoce kraj malih ekrana. Obzirom da se kandidat za premijera obratio dopisom predsjedavajućem i da se pozvao na član 204 Poslovnika Skupštine Kantona Sarajevo ja molim predlagača da nam pročita član 204 Poslovnika Skupštine Kantona Sarajevo ali cjelokupni. Hvala.

Poslanik/zastupnik Damir Marjanović:

zahvaljujem predsjedavajući. Pa samo bih da se konsultujem isto s predlagачem. Možda postaviti ću ovo pitanje poslije mandataru, da li izmjene imena koja su dostavljena ujedno su dovele do toga da je došlo do nekih izmjena u ovom elaboratu. Jako me to interesuje a objasniti ću poslije i zašto. Hvala.

Poslanik/zastupnik Jasna Duraković:

zahvaljujem predsjedavajući. Srdačno pozdravljam sve prisutne u sali kao i sve one koji prate rad današnje sjednice. Također na istom tragu kao i kolega Nikšić. Zaista mislim da je krajnje neozbiljno očekivati da nas da se mi u roku od pet, deset minuta spremimo da možemo uopće pročitati ovaj Ekspoze, koji se znatno razlikuje u odnosu na onaj koji smo dobili prije nekoliko dana. Zbog stenograma dobili čini mi se ovo prije pet dana, prvi Ekspoze smo dobili prije pet dana, a ovaj novi nam je uručen, evo kako reče kolegica Kristić 3 minute nakon početka sjednice. Toliko hvala.

Predsjedavajući:

zahvaljujem. Dužan sam da kažem da Ekspoze koji ste dobili službeno mailom i koji je na službenoj stranici Skupštine Kantona Sarajevo isti taj materijal danas odštampan i zato nosi današnji datum. Uvaženi zastupniče Deviću imate li potrebe da odgovorite zastupnicima, bilo je pitanja. Izvolite.

Poslanik/zastupnik Mahir Dević:

nema zaista predsjedavajući. Ja sam u uvodnim napomenama sve kazao što sam imao kazati i ova neka druga pitanja koja se ne tiču ovog što sam rekao, zaista nemam. Hvala. Hvala.

Predsjedavajući:

zahvaljujem uvaženi zastupniče Dević. Ja bih sada zamolio uvaženi dopredsjedavajući Handžić imate riječ.

Dopredsjedavajući Vibor Handžić:

zahvaljujem predsjedavajući. Srdačno pozdravljam sve prisutne pošto se javljam prvi put. Čudi me da predlagач nije obavezan da obrazloži barem one dijelove Poslovnika na koje se pozvao ukoliko je za to upitan. Ne govorim evo u suštini ima nekih pitanja koja jesu za mandataru ali barem ove proceduralne zahvaljujem.

Predsjedavajući:

zahvaljujem. Predsjednik Komisije je kazao svoje. Ispravka krivog navoda uvaženi zastupnik Nikšić.

Poslanik/zastupnik Damir Nikšić.

Evo da ispravim krivi navod kažu mi da je Ekspoze isti, identičan vi ste rekli da je identičan, vi ste rekli, pošto nisam stigao da ga pročitam. Ali ne razumijem, znači nova dva su imena, nova dva ministra, jel, i opet isto pitanje kako da se ja i baza pripremimo sada za ta dva nova ministra. Jer nisam ja znao do jutros, ja nisam čitao ovo što ste vi čitali, sve ove TV i tamo i

vamo, nešto je u po noći je bilo neke nove. Ja sam to tek jutros dobio i tek jutros sam saznao za dva nova ministra, i sada nisam spremio neka pitanja u vezi njih, nisam se spremio šta oni donose sa sobom. Ne znam na šta da ciljам, ne znam razumijete li o čemu vam govorim? Moram ih pretresti, meni treba neko vrijeme da ih pretresem skupa sa svojom bazom da vidimo ko su ti ljudi jer imali ste dvoje pa su otpali, pa su otpali novo dvoje. E sada možda će i ovo dvoje otpasti ako ih malo pretresemo, ako nam date jedno 12 dana, kako je krenulo. Mislim ja govorim u ime baze. Znači svaki put otpadnu pa. Što su ovi drugačiji, bolji od ovih prije, dajte nam priliku da ih otresemo. Mislim to je fer plej u demokratiji.

Dopredsjedavajuća Danijel Kristić:

Predsjedavajući vi ste otvorili nama mogućnost pitanja Predlagaču i mi smo se svi javili i postavili pitanja, tako da očekujemo odgovore od predlagača ili ste se trebali usaglasiti da neće biti pitanja jer predlagač ne želi da odgovori.

Poslanik/zastupnik Samir Suljević.

Zahvaljujem predsjedavajući. Pozdravljam sve prisutne kao i gledaoce pored malih ekrana.

Predsjedavajući:

uvaženi zastupnik Nikšić, poslovnička intervencija.

Poslanik/zastupnik Damir Nikšić:

da prijavim prijetnju. Kolega Kerla mi opet prijeti. Kaže smiri ga da ga ja ne smirim.

Predsjedavajući:

ja bih vas lijepo molio Etičku komisiju

Poslanik/zastupnik Damir Nikšić:

pa molim vas, ja imam pravo ovdje, slobodu.

Predsjedavajući:

evo ja vas upozoravam da ne prijetite jedni drugima. Svakako imamo Etičku komisiju ja vam se zahvaljujem.

Poslanik/zastupnik Damir Nikšić:

nemojte da se osjećam ugroženim.

Predsjedavajući:

zastupnik Suljević molim vas nastavite.

Poslanik/zastupnik Samir Suljević:

moram da postavim ovdje samo jedno pitanje. Ekspoze oni od prije pet dana i oni od jutros isti. Promijenjena dva ministra, znači Ministarstvo kulture i sporta i ministarstvo za boračka pitanja. Kako su detaljni ciljevi i aktivnosti po resorima ostali u Ekspozeu isti, to znači da se novi

ministri ništa nisu pitali, znaju li oni šta piše ovdje u Ekspozeu ili su na neviđeno prihvatili ovo? Hvala.

Predsjedavajući:

zahvaljujem uvaženi zastupniče Suljević. Pitanje ćemo svakako postaviti, imat ćete priliku mandataru, odnosno kandidatu za premijera. Ja bih sada zamolio kandidata za premijera Kantona Sarajevo, gospodina Marija Nenadića, da se obrati ovoj Skupštini, iznese svoj Ekspoze i ukratko. Poslovnika intervencija uvažena zastupnica Kerla.

Poslanik/zastupnik Bibija Kerla:

s obzirom da sam ja drugi mandat ovdje bilo bi red stvarno da premijeru bivše Vlade Skupštine Kantona Sarajevo damo bar tri minuta da se obrati ovoj Skupštini. Hvala lijepa.

Predsjedavajući:

nema potrebe ali evo uvaženi premijer je to kazao. Kolegice Duraković poslovnička intervencija ili? Poslovnička intervencija dajte riječ uvaženoj zastupnici Duraković.

Poslanik/zastupnik Jasna Duraković:

zahvaljujem. Meni nije jasno zašto preskačete ovo sada, mi tražimo odgovore od gospodina Devića.

Predsjedavajući:

Dević je odgovorio.

Poslanik/zastupnik Jasna Duraković:

mislim možete li to uvažiti ili da prosto zanemarite naše mišljenje da nas potpuno bojkotujete ovdje danas. Ja molim neke odgovore.

Predsjedavajući:

uvaženi zastupnik Dević da li želite odgovoriti?

Poslanik/zastupnik Mahir Dević:

ja sam zaista obrazloženo situaciju u kojoj se nalazimo dao u samom uvodnom izlaganju. Ovdje je bilo niz pitanja koja su postavljena oko ekspozea to je pitanje za mandataru, bilo je pitanja o nekim članovima koje ja nisam spomenuo, ja zaista nemam na šta odgovarati, iz tog razloga ne odgovaram jer nemam šta odgovoriti.

Predsjedavajući:

zahvaljujem uvaženi zastupniče Deviću. Riječ ima uvaženi zastupnik Stojanović i prelazimo na Ekspoze kandidata za premijera Nenadića.

Poslanik/zastupnik Igor Stojanović.

Zastupnik Dević sebe često voli predstavljati kao poznavaoa Poslovnika, vrlo često insistira na nekim procedurama a sada nema ni jedan odgovor. A ovu Vladu može dovesti u jedan

veliki pravni propust zbog koje Vlada koja bi danas trebala da bude imenovana može biti osporena od strane Ustavnog suda. Gospodine Deviću nemate odgovor na član 204. ja ću vam ga vrlo jasno pročitati i volio bih da čujem vaše obrazloženje zašto sada ulazimo mimo procedura u diskusija o Vladi. Dakle član 204 kaže:”Kandidat za mjesto premijera Kantona dostavlja predsjedavajućem Skupštine prijedlog kandidata za ministre i to najmanje 12 dana prije početka sjednice Skupštine na kojoj će se vršiti izbor. Predsjedavajući Skupštine ovaj prijedlog odmah i bez odlaganja prosljeđuje komisiji za izbor imenovanja koja na osnovu njega utvrđuje prijedlog odluke o potvrđivanju Vlade Kantona Sarajevo.” vi nakon toga pozivate se na amandmane i na dopunu u kojima također stoji da se mora dostaviti najmanje prijedlozi najmanje tri dana prije. I sada nemate nikakvo objašnjenje zašto kršite Poslovnik. Vi kao predsjednik Komisije tek ste izabrani, a već ste krenuli sa prvom odlukom gdje se donose odluke mimo Poslovnika. Vi ćete sutra biti najodgovorniji ako ova Vlada dobije neku ustavnu odluku u kojoj jednostavno neće biti imenovana na propisan način. I stvarno je čudno da nemate ni jedan odgovor. Ako je vaše obrazloženje „nemam odgovor” onda stvarno ne razumijem. Hvala.

Predsjedavajući:

zahvaljujem. Ja bih sada zamolio kandidata za premijera Kantona Sarajevo, gospodina Marija Nenadića, da se obrati ovoj Skupštini, iznese svoj Ekspoze i ukratko predstavi buduće ministre i ministrice u Vladi Kantona Sarajevo. Izvolite uvaženi kandidatu, evo možete za govornicu.

Kandidat za premijera Mario Nenadić

Poštovani građani Kantona Sarajevo, poštovani predsjedavajući i zamjenici predsjedavajućeg, gospodo zastupnici, dragi gosti, predstavnici stručnih službi i medija, dozvolite mi da Vas najsrdačnije pozdravim i da na samom početku izrazim svoju zahvalnost na ukazanoj prilici da vam predstavim planove i načela rada i djelovanja Vlade Kantona Sarajevo za naredne tri godine .

Želio bih se također zahvaliti i predstavnicima domaćih i međunarodnih institucija i organizacija, federalnim, kantonalnim, općinskim i gradskim rukovodstvima i zaposlenima, predstavnicima organizacija civilnog društva, privrednicima i građanima na vrlo korisnim konsultacijama koje smo obavili prethodnih dana, po pitanju prioriteta i ciljeva rada buduće Vlade Kantona Sarajevo. Vjerujem da će oni svoje prijedloge i zahtjeve iskazane tokom konsultacija, prepoznati u ovom ekspozeu. Obavljene konsultacije bile su prilika za kratku reviziju stanja i potreba, trenutnih dešavanja i problema sa kojima se susreću građani Kantona. Konsultacije su dale puno svjetla članovima nove Vlade Kantona i stručnim timovima, da usaglase ovaj ekspoze i njegove sastavne dijelove. Nova Vlada radit će brzo i „u hodu” rješavati određena urgentna pitanja, ali će istovremeno pokrenuti odnosno nastaviti sa radom na sistemskim preslaganjima nagomilanih problema u Kantonu. U svakom resoru izvršili smo „blic” pregled realiziranog u godini mandata trenutne Vlade i spremni smo sve pokrenute pozitivne procese podržati, dodatno unaprijediti i ubrzati . Istovremeno, imamo puno novih ciljeva i usaglašenih prioriteta, želimo ih što prije dati u realizaciju. Vrijeme koje je pred nama, želimo iskoristiti da damo doprinos, prije svega ubrzanju europskog puta Bosne i Hercegovine, pa time i Kantona Sarajevo, ali ne deklarativno, nego kroz stvaranje uvjeta za

ostvarivanje širokog spektra konkretnih mjera i aktivnosti na zaštiti i ostvarivanju ljudskih prava i sloboda, koje danas uživaju građani Unije, a na žalost u Bosni i Hercegovini, vidljivi su uglavnom na kratko i obično u vrijeme izbornih i drugih promotivnih kampanja. Članovi buduće Vlade Kantona, spremni su svo svoje iskustvo staviti u funkciju unaprijeđenja života i standarda svih nas, građana Kantona Sarajevo, a posebno mladih. Bićemo snažan vjetar u leđa europskim integracijama i razvijati naš Grad, Kanton i domovinu Bosnu i Hercegovinu, kao prostor tolerancije, suživota i nade. Duže od 25 godina bavim se pitanjima zaštite ljudskih prava i temeljnih sloboda, te osjećam obavezu da nas danas, sa ovog privilegovanog i časnog mjesta, podsjetim na univerzalne vrijednosti i na ono na što se stalno pozivamo, a često više ni sami sebi ne vjerujemo kada o tim vrijednostima govorimo.

Podsjetit ću nas dakle, na vrijednosti, koje čine u svojoj osnovi taj često spominjani europski put, a nema jednostavnijeg načina da to uradim, nego pročitati samo par rečenica iz preambule Povelje Europske unije o temeljnim pravima. Ako neko ima strpljenja za to, možda na svakom mjestu gdje spomenem unija, da zamislite mjesto Kanton Sarajevo ili BIH, i bit će nam svima jasno o čemu govorim, dakle citiram preambulu Europske povelje o ljudskim pravima: „Narodi Europe, stvarajući sve tješnje povezanu uniju među sobom, odlučni su dijeliti miroljubivu budućnost utemeljenu na zajedničkim vrijednostima. Svjesna svojeg duhovnog i moralnog nasljeđa, Unija se temelji na nedjeljivim, univerzalnim vrijednostima ljudskog dostojanstva, slobode, jednakosti i solidarnosti; ona se temelji na načelima demokracije i vladavine prava. Ona pojedinca postavlja u središte svojeg djelovanja uspostavljanjem statusa građana Unije i stvaranjem područja slobode, sigurnosti i pravde.

Unija doprinosi očuvanju i razvoju tih zajedničkih vrijednosti uz poštovanje raznolikosti kultura i tradicija naroda Europe, kao i nacionalnih identiteta država članica i organizacije njihovih tijela javne vlasti na nacionalnoj, regionalnoj i lokalnoj razini. Ona nastoji promicati uravnoteženi i održivi razvoj i osigurava slobodno kretanje osoba, usluga, robe i kapitala te slobodu poslovnog okruženja. U tu svrhu nužno je ojačati zaštitu temeljnih prava u svjetlu promjena u društvu, društvenog napretka, te naučnog i tehnološkog razvoja, tako da budu vidljivija u Povelji.

Ova Povelja potvrđuje, uz dužno poštovanje nadležnosti i zadataka Unije te načela supsidijarnosti, prava koja proizlaze osobito iz ustavnih tradicija i međunarodnih obveza zajedničkih državama članicama, iz Europske konvencije za zaštitu ljudskih prava i temeljnih sloboda, iz socijalnih povelja koje su usvojile Unija i Vijeće Europe, te iz prakse Suda Europske unije i Europskog suda za ljudska prava... Uživanje ovih prava podrazumijeva odgovornosti i dužnosti prema drugim osobama, ljudskoj zajednici i budućim naraštajima."

Tako kratko, a sve je u suštini rečeno ! A zašto sam ovaj citat izdvojio za sami početak mog obraćanja danas ?

Želja mi je bila da nas sve podsjetim i opomenem gdje se mi kao društvo trenutno nalazimo, kakvim se sporednim pitanjima bavimo i koliko smo se udaljili od gore citiranih europskih i civilizacijskih vrijednosti .

Pozivam nas sve da se mijenjamo, da mijenjamo našu praksu i da počnemo odmah! U tom smislu, obećavam da će ova Vlada nastaviti da razvija i promovira tradiciju i običaje svih naših naroda, njihovu vjeru i kulturu, i istovremeno će njegovati naše zajedničke vrijednosti i uporno tražiti puteve za vraćanje međusobnog povjerenja . Pri tome, čuvat ćemo i jačati

sjećanje na sve naše žrtve, na ubijenu djecu i civile Sarajeva, veliki broj nestalih i ranjenih i na višegodišnju opsadu i patnju našeg Grada i Kantona!

II - Načela i pravci Sarajevo

Načela i pravci rada i djelovanja Vlade Kantona, prije svega želim da kažem da ćemo se mi rukovoditi i kretati u budućem radu u okviru načela zakonitost, zaštita javnog interesa, transparentnosti i borba protiv korupcije, ravnopravnost i jednakost pred zakonom, zaštita manjina svih vrsta i tzv. „isključenih“ grupa, savjesnosti i odgovornosti. Ova Vlada ni na koji način neće doprinijeti neprihvatljivoj javnoj retorici, niti će voditi osvetničku niti svađalačku politiku. Dobili smo legalnu priliku i skupa sa svima vama želimo je iskoristiti u službi boljitka svih nas u Kantonu Sarajevo i BiH. Budite sigurni da ni jednu ružnu i neprimjerenu riječ nećemo uputiti našim prethodnicima niti saradnicima, jer time samo umanjujemo šansu, priliku da uradimo nešto dobro i očekivano za naše narode i građane i za generacije koje dolaze.

Također vas sve molimo nemojte Vladu pokušavati uvući u visoku politiku, to je posao vas uvaženih zastupnika i viših nivoa vlasti u našoj zemlji. Na žalost, pokazuje, da svi vole da se bave visokom politikom, ali u realnim okolnostima u kojima živimo, to može biti samo prepreka i smetnja u realiziranju onih običnih, svakodnevnih, životnih interesa i pitanja, od kojih naši građani žive. Želimo raditi i stvarati na kantonalnom nivou, tamo gdje jesmo, na jednom prilično lokalnom nivou u skladu sa europskim dokumentima i propisima u BiH, u administrativnim okvirima Kantona i u skladu sa Zakonom o Vladi KS, Zakonom o organizaciji i djelokrugu organa uprave i upravnih organizacija u KS i drugim važećim propisima u skladu sa Ustavom BiH, Ustavom FBiH Ustavom Kantona Sarajevo, i naravno Europskom poveljom o lokalnoj samoupravi i drugim ratificiranim i potpisanim međunarodnim dokumentima.

Vlada će svoj posao raditi tinski, onako kako smo i pripremali ekspozice, a sa druge strane vodit će je dovoljno decentralizirano, što bi značilo da će svaki ministar u okviru propisanih pravila, imati tačno onoliko slobode u postupanju koliko je usaglašeno i utvrđeno važećim propisima, usvojenim budžetom i zaključcima Vlade i Skupštine Kantona. Svoj posao ćemo obavljati profesionalno, sa stručnim službama i zaposlenim državnim službenicima i namještenicima, s ciljem što efikasnijih rezultata, koji u konačnici, moraju biti mjerljivi i vidljivi.

Svjesni smo da smo iz više razloga, vrlo važan kanton, kanton glavnog grada, sa sjedištem brojnih domaćih i međunarodnih institucija i organizacija. Oči su uprte u nas i time je naša odgovornost još veća.

Međunarodnim organizacijama i institucijama obećavamo i ujedno od njih tražimo, maksimalnu saradnju i dogovaranje oko ubrzane realizacije međunarodnih dokumenata, ugovora i projekata, kao i oko uspostave najboljih puteva i praksi za naše europske integracije u skladu sa ključnim prioritetima iz Mišljenja Komisije o zahtjevu BiH za članstvo u Europskoj Uniji.

Kao što vidite, pored zaštite interesa konstitutivnih naroda i grupe ostalih, kroz prizmu ostvarivanja prava i interesa svih stanovnika Kantona i njegovih posjetitelja i gostiju, radit ćemo posvećeno i na posebnom tretmanu i zaštiti manjina svih vrsta, jer u dugogodišnjoj neravnopravnoj borbi za „mjesto pod suncem“, ovi „slabiji“ su postali dodatno „nevidljivi“.

Sarajevo planiramo brže i jače otvarati prema užem i širem okruženju. To se od nas očekuje, jer Sarajevo je oduvijek bilo prepoznatljivo po svojoj otvorenosti. Kada se toj tradicionalnoj otvorenosti doda i dio savremenog, onog kako moderan svijet danas živi, zaista možemo očekivati dobre rezultate.

Različitim mehanizmima, kroz donošenje odgovarajućih propisa gdje je god to moguće, ali i ciljanim projektima i koordinacijama, radit ćemo na suzbijanju govora mržnje. Zato mi je drago da i sa na današnjem dnevnom redu nalazi ovako jedan jako važan Zakon za građane Kantona.

Za oblasti u kojima ne postoje, donijet ćemo razvojne strategije ili dorađivati već postojeće, a u tom pravcu na raspolaganju nam je i to ćemo svesrdno koristiti, pomoć od strane brojnih međunarodnih organizacija i fondova. Struka i strategije, razvojni planovi gdje god ne postoje, treba ih osigurati i donijeti.

Ad hoc rješenja su nas i dovela do stanja u kojem je društvo danas. Jasno nam je da je rad na sistemskim rješenjima skup, da ne daje vidljive rezultate odmah, ali bez vizije i strategija, neće biti značajnih iskoraka i aktivnosti će davati samo trenutne rezultate bez trajnih i perspektivnih rješenja za generacije koje dolaze iza nas.

Što se tiče odnosa među brojnim institucijama i organizacijama unutar Kantona i odnosa prema višim nivoima vlasti, cilj našeg rada biće unaprijediti odnose na relaciji Kanton-Grad-općine, kako međusobno, tako i prema Federaciji i BiH. Potrebna je bolja saradnja, češće koordinacije, usaglašeni ciljevi i zajednički projekti, sa redovnom analizom i pregledom realiziranog. Imamo tri nivoa vlasti u Kantonu, podjela nadležnosti nije jasna, rješavanje pitanja lokalne samouprave u Kantonu traje decenijama, administracija je skupa i neefikasna. U godini smo lokalnih izbora, rizici su veliki i ova se koordinacija mora odvijati na dnevnoj osnovi .

Borba protiv korupcije će se nastaviti u skladu sa preporukama nadležnih tijela Europske Komisije i domaćim strateškim dokumentima i propisima. Korupcija je i dalje jedan od najvećih problema u našem društvu i široko je rasprostranjena, kako stoji i u Analitičkom izvještaju Europske komisije .

Javna potrošnja nije smanjena, čak imamo indicije da je povećana u prethodnom periodu, ovo se mora promijeniti. Prije svakog novog prijema zaposlenika u javni sektor, izvršit ćemo pregled unutrašnjih kapaciteta i insistirati na boljoj unutrašnjoj iskorištenosti i preraspodjelama. Brine podatak da je na budžetu Kantona za ovu godinu 14005 osoba zaposlenih u čak 230 institucija Kantona, za koje se izdvaja blizu 471 miliona KM!

Razvoj je tokom svih poratnih godina išao presporo u svim segmentima, a posebno u oblasti ekonomije. Bruto domaći proizvod (BDP) po stanovniku je nepunih 5000 eura godišnje, a to je na nivou 50 % regionalnog BDP-a, odnosno svega oko 15 % prosjeka BDP-a svih država članica Europske unije. U Kantonu je oko 140.000 zaposlenih i oko 62.000 nezaposlenih osoba.

U saradnji sa Službom za zapošljavanje KS, Privrednom komorom i Ekonomsko- socijalnim vijećem, upoređivat ćemo potrebe i mogućnosti, ispitati šta na tržištu nedostaje, a rezultat takvog rada i analiza, za cilj će imati pripremu posebnih ciljanih projekata u svrhu povećanja broja zaposlenih u realnom sektoru u Kantonu.

Imamo ogroman javni sektor i taj mehanizam mora bolje raditi i stvarati, zarađivati i za sebe i za one koji nisu imali tu privilegiju, u ovakvim uvjetima, raditi „za državu“. Ako je već tako,

onda rezultati koje ta armija zaposlenih daje, morat će biti puno vidljiviji. Insistirat ćemo na uvođenju principa korporativnog upravljanja u javnim preduzećima u nadležnosti Kantona Sarajevo.

U tom kontekstu, „dani otvorenih vrata“ za građane u javnom sektoru neće postojati u mandatu ove Vlade, a razlog je jednostavan : Dani otvorenih vrata će biti svaki radni dan, a tamo gdje je to neophodno imat ćemo i dodatne dežure i pripravnosti. Javna uprava će postati puno dostupnija građanima, kako kroz olakšan pristup službama, ubrzanje rješavanja njihovih predmeta, tako i unaprijeđenjem transparentnosti i vidljivosti onoga što se u javnom sektoru radi i dešava ili možda ne radi i ne dešava. Ovo se odnosi i na brži i transparentniji rad pravosuđa, bez ikakve namjere da se na bilo koji način uplićemo u njihovu nezavisnost i samostalnost.

Politike i odnose sa sindikatima želimo unaprijeđivati i stabilizirati kroz argumentiran socijalni dijalog. Težište interesa će se prebacivati na zapostavljeni realni sektor, pokretanje privrednih aktivnosti i unaprijeđeno zapošljavanje u tom sektoru .

Na nekoj od prvih sjednica, pregledat ćemo i kao posebnu sjednicu Vlade, obaviti raspravu o načinu ubrzanje i potpune implementacije odluka ustavnih sudova kada se radi o obavezama i odgovornostima Kantona. Neprihvatljivo je da su odluke Ustavnog suda, postale mrtvo slovo na papiru i da se na njihovu realizaciju čeka godinama. Time se najdirektnije urušavaju temelji svake, pa tako i naše države i Kantona Sarajevo kao njenog dijela, čime svakim danom postajemo sve udaljeniji od Europe i njenih vrijednosti.

Na istoj tematskoj sjednici, pregledat ćemo i preporuke ombudsmena za ljudska prava koje se odnose na Kanton Sarajevo, u svijetlu njihove uloge i značaja u sistemu. Moramo predvoditi procese, ne možemo se mjeriti prema drugim kantonima u FBiH, jer mi smo ti od kojih se očekuje da povedemo promjene. Brojne preporuke ombudsmena su ignorisane i tematskim sjednicama Vlade, rješavat ćemo jednu po jednu i time vraćati poljuljano povjerenje u institucije sistema.

Radićemo na dovršetku procesa povratka raseljenih i izbjeglih osoba i povrata imovine kroz prizmu implementacije Anexa VII Dejtonskog mirovnog sporazuma (Sporazum o izbjeglicama i raseljenim osobama) i Anexa VI (Sporazuma o ljudskim pravima), te omogućiti konačnu implementaciju u dijelu rekonstrukcije i povratka, ali i konačnog raspuštanja kolektivnih centara za raseljene osobe u Kantonu Sarajevo.

Na tom planu uspostaviti ćemo kontinuiranu saradnju sa državnim i entitetskim institucijama za zaštitu ljudskih prava i temeljnih sloboda.

Kako u zemlji tako i izvan nje, nastaviti ćemo borbu za povrat imovine Kantona, koja je ostala nezaštićena i nije na raspolaganju građanima Kantona. Posebno se to odnosi na našu imovinu izvan prostora Bosne i Hercegovine.

Jedan od prioriteta u našem radu biće unaprijeđenje mjera zaštite od zagađenja zraka u Kantonu. Ovo je pitanje šire od bilo kog resora u Vladi KS i zato svi moramo dati doprinos. Planiramo kombiniranjem sistemskih rješenja i konkretnih projekata i mjera, uz pomoć dostupnih međunarodnih fondova i ciljanih projekata, unaprijediti stanje u ovoj oblasti. Sve što je poduzeto na tom planu, preispitati i dodatno podržati. U ovom Expozeu nalaze se po resorima, brojne mjere s ciljem smanjenja zagađenja zraka u Kantonu.

Ove mjere neće dati vidljive rezultate odmah, u godini ili dvije, trebat će puno vremena i ulaganja kako bi se unaprijedilo ovo stanje, ali krenuti se mora odmah, jer Kanton je

desetinama godina zatvaran, gušen i vrijeme je u najmanju ruku da se to zaustavi i da se otpočne sa „liječenjem i oporavkom“.

Svjesni činjenice da su pitanja migracija, izbjeglica i azila, jedna od izvornih nadležnosti institucija BiH, svakako da ćemo u dijelu migracija jako poštovati o čemu govore i što budu kao politike donosile politike BiH, međutim ne smijemo pri tome zaboraviti da niti BiH, niti Kanton Sarajevo niti bilo koji dio naše zemlje nije eksteritorijalan u bilo kom pogledu i da ćemo u toliko svakako svi skupa morati dati doprinos za ublažavanje posljedica ekonomske migrantske krize u BiH u regionu, a evo vidimo i šire. U tom dijelu naših obaveza i odgovornosti sigurno da ćemo preuzeti onaj dio naših obaveza koji se odnosi na onaj često spominjani pristup pravima, pravo na osiguranje smještaja, zdravstva i drugih pitanja, evo da ne idem daleko jer ću otvoriti neka druga pitanja što mi nije cilj na današnjoj sjednici.

Jačat ćemo ulogu civilnog društva kao temelja demokratskog sistema u svakom društvu, kroz konkretne mjere i projekte, a posebno jačati modele koordinacije kroz unaprijeđene konsultacije pri utvrđivanju politika i donošenju propisa, a posebno pri raspodjeli javnih sredstava organizacijama civilnog društva .

U fokusu našeg djelovanja, biće mladi. Želimo im omogućiti da rade i stvaraju ovdje u svojoj zemlji, da uče i istražuju ono što vole i za što imaju afiniteta, da ih se uvažava, da svoj pripravnički staž ostvare u razumnom roku po diplomiranju i završetku školovanja i time steknu uvjete da izađu na tržište rada, da se zaposle u struci, da se ne stide svoje domovine i da postanu građani svijeta, ali ovdje u svojoj zemlji! Cilj će nam biti unaprijeđenje položaja i utjecaja mladih kroz Vijeće mladih Kantona i kroz druge uspostavljene mehanizme saradnje i koordinacije. Tražit ćemo i podržavati uključivanje mladih u sve segmente upravljanja i odlučivanja i u sva savjetodavna i druga tijela u javnom sektoru, jer mladih nije bilo dovoljno ni u radu ekonomsko socijalnog vijeća, ni u radu sindikata, ni u raznim komisijama, pa ni u Uredu za borbu protiv korupcije i sl. Kako svi bolje znaju šta treba mladima, osim njih samih. To ćemo mijenjati ! Mladi će biti više zastupljeni u komisijama koje odlučuju o školstvu, dodjeli subvencija za kupovinu stanova, u komisijama za pripremu i dodjelu projekata Službe za zapošljavanje i za dodjelu raznih poticaja. Tek tada, kada se uvjere kako se i na koji način donose odluke od kojih zavisi njihova budućnost, vjerovat će vlastima. Podrška projektima za mlade biće veća i transparentnija.

Mlade ćemo poticati da uče o toleranciji i otvorenosti. Podsjećamo ih ovom prilikom da je i grb Kantona posebna priča o tome. Kombinacija zvekira sa Svrzine kuće i rozete, ukrasa sa sarajevske katedrale, simboli su višestoljetnog nasljeđa i utjecaja velikih civilizacija sa Istoka i Zapada. A u gornjem dijelu našeg grba, raspoređeno je devet zlatnih zvjezdica, simbola devet općina Kantona Sarajevo. Nema ljepše priče o našem Gradu i Kantonu!

U pripremi ovog Expozea obavili smo neophodne konsultacije sa svim načelnicima općina i Gradonačelnikom i njihovim saradnicima, sa predstavnicima brojnih domaćih i međunarodnih institucija, vladinih i nevladinih organizacija i građanima, od kojih smo dobili konkretne podatke i prijedloge prioriternih zajedničkih projekata. Expoze je kao rezultat takvog rada, u stvari pregled skeniranih potreba Kantona, sa vrlo konkretnim ciljevima, zadacima i projektima .

U nastavku ćemo dati kratak pregled ciljanih aktivnosti koje planiramo provoditi po resorima, a prilog Expozeu je i detaljniji pregled ciljeva i planiranih aktivnosti, kao i pregled iskazanih prioriteta i konkretnih projekata po općinama i resorima, koje ćemo skupa sa predlagačima

razmotriti na tematskoj sjednici Vlade, kada budemo znali pravo stanje budžetskih i drugih mogućnosti.

Dozvolite mi da kratko prođem kroz sve resore iz mandata Vlade kako bih rekao na što će ova Vlada biti koncentrisana. Redoslijed nisam pravio zato što sam nekako najposvećeniji Ministarstvu pravde i uprave Kantona Sarajevo i ovom prilikom pozdravljam i svoju uvaženu kolegicu gospođu Lejlu Brčić nego zato što je tako rekao Zakon o organizaciji i djelokrugu i Zakon o Vladi, tako ih poredao a da volim ovaj resor pravde i uprave, zaista da.

U Ministarstvu pravde i uprave u oblasti pravosuđa unaprijediti efikasnost i nezavisnost i ojačati kapacitete dva najveća suda u BiH i Tužilaštva Kantona Sarajevo; ubrzati rješavanje velikog broja neriješenih predmeta, ubrzati naplatu potraživanja u izvršnom postupku posebno kod sporova male vrijednosti i neplaćenih komunalnih usluga; Vratiti građanima Kantona Sarajevo povjerenje u vladavinu prava i institucije sistema, koje će raditi na principima zakonitosti i pravičnosti i kao takve biti prepoznate od strane građana kao efikasan mehanizam zaštite njihovih prava; Intenzivirati aktivnosti na reformi javne uprave i smanjenju troškova administracije u javnom sektoru; Jačati borbu protiv korupcije u svakom segmentu društva; Redovno analizirati izvršenje odluka Ustavnih sudova i preporuka ombudsmena; Urediti lokalnu samoupravu u skladu sa Europskom poveljom o lokalnoj samoupravi, približiti je građanima i učiniti efikasnijom; Unaprijediti saradnju sa Uredom zastupnika BiH pred Europskim sudom za ljudska prava u Strazburu; Unaprijediti mjere za zaštitu imovine Kantona i ojačati kapacitete Upravnog inspektorata i Uprave za inspeksijske poslove; Kontinuirano poboljšavati položaj nacionalnih manjina i manjina svih vrsta i isključenih grupa .

U oblasti komunalne privrede i infrastrukture cilj je osiguranje kontinuiranog, sigurnog i kvalitetnog pružanja komunalnih usluga kroz unapređenje rada komunalnih preduzeća; Doraditi i uskladiti propise s EU direktivama u domenu komunalnih usluga i jednakog tretmana potrošača, sa akcentom na odgovarajuće kontrole putem uvođenja i implementacije jedinstvenog informacionog sistema, što je uslov za uspostavljanje ili inoviranje tarifnih metodologija kao jednog od bazičnih mehanizama uređenja tarifne politike u komunalnoj privredi i za građane pravedniji i transparentniji sistem cijena komunalnih usluga podložan centraliziranoj kontroli i unaprjeđenju; Unapređenje sistema poslovanja komunalnih javnih preduzeća kroz izradu šifrnika i unificiranje radnih mjesta sa istom odgovornošću u komunalnoj privredi. Nastavit će se sa rekonstrukcijom i izgradnjom vodovodnog i kanizacionog sistema radi osiguranja redovne isporuke pitke vode i smanjenja gubitaka u mreži (cilj do 10%); rješavanje problematike mulja na postrojenju otpadnih voda - Butile; rješavanje problema odvoza otpada na deponiji Smiljevići; unapređenje sistema odvoza otpada izgradnjom sistema primarne reciklaže, približavanje komunalnih usluga građanima kroz otvaranje novih centara za komunalne usluge u Novom Gradu, Starom Gradu i na Ilidži; Rješavanje isporuke toplotne energije u općini Vogošća i vodovodnog sistema Peračko vrelo; intenziviranje aktivnosti na proširenju daljinskog mjerenja (voda, gas, daljinsko grijanje); Nabavka vozila na prirodni komprimirani gas (CNG) u cilju poboljšanja kvaliteta zraka; Očistiti grad i držati ga čistim i urednim.

U oblasti prostornog uređenja, građenja i zaštite okoliša poseban akcenat u ovom resoru će biti na donošenju i uređenju postojećih propisa o prostornom uređenju i građenju, o zaštiti od zagađenja, o zaštiti od svjetlosnog onečišćenja, zelenim površinama i urbanom mobilijaru, o

upravljanju zajedničkim dijelovima zgrada i dr; Unaprijediti pitanja energetske efikasnosti i utopljanja kroz povećana ulaganja i prilagodbu propisa, te pripremu i implementaciju odgovarajućih projekata; Utvrđivanje područja od posebnog i općeg interesa za Kanton Sarajevo i izrada sveobuhvatne karte Kantona sa tim zonama; Pokrenuti aktivnosti za pripremu neophodne dokumentacije i stvaranje uslova za izgradnju i rekonstrukciju značajnih kulturno-historijskih, sportskih i infrastrukturnih objekata u Kantonu Sarajevo; Ubrzavanje procesa i resorna podrška izgradnji I i IX transverzale i Južne longitudinale i drugih prioritetnih projekata; Uspostavljanje Stručnog tijela urbanog planiranja pri ministarstvu (STUP Sarajevo); Organiziranje konferencije o Urbanom planiranju KS - Osvrt na nacrt urbanističkih planova koji su u fazi donošenja i pripreme za predstojeću izradu Prostornog plana 2023.-2043., kao i kritički rad i osvrt na postojeću situaciju u gradu, vezano za urbanizam, važeće Regulacione planove i dr.

Ministarstvo saobraćaja kroz interdisciplinarni pristup, prioritetno će se baviti unaprijeđenjem svih segmenata saobraćaja: saobraćajna infrastruktura, javnog gradskog prevoza, sigurnosti saobraćaja, mirujućeg saobraćaja, adaptivnog upravljanja saobraćajem, taxi prevoza; Fokusirati se na izgradnju novih i nastaviti već započete projekte od velikog značaja za Kanton; Krenuti u proceduru javne nabavke za izgradnju djela puta koji spaja IX transverzalu sa Lotom 2C u dužini 800 m; Usaglasiti tehničku dokumentaciju i provesti javnu nabavku za rekonstrukciju tramvajske pruge Marin Dvor - Ilidža; Riješiti imovinsko pravne odnose na dijelu Prve transverzale; Nastaviti izgradnju I dionice Prve transverzale od kružnog toka kod benzinske pumpe Gazprom do ulaza u prvi portal u sarajevskom naselju Šip u dužini od 1240 metara; Pripremiti tendersku dokumentaciju za - dionicu II, poddionica tunel Kobilja Glava u dužini 675 metara; Nastaviti izgradnju moderne saobraćajnice sa četiri trake kroz ulicu Džemala Bijedića s ciljem spajanja na V transverzalu, te Južnu longitudinalu, a spajanjem sa IX-tom transverzalom i Lotom 2C ostvariti spoj na autoput; spojiti dio neizgrađenog dijela Južne longitudinale od raskrsnice sa ulicom Derviša Numića, do raskrsnice sa ulicom Hamdije Čemerlića, uključujući i izgradnju kružnih tokova na tim raskrsnicama te konačno riješiti pitanje izmještanja zgrade na Grbavici koja se nalazi na trasi; Nastaviti izgradnju kružnog toka kod Energoinvesta; U saradnji sa lokalnim zajednicama unaprijediti stanje saobraćajne infrastrukture u svim općinama KS; Izvršiti sanaciju udarnih rupa i denivelisanih šahtova na putevima u KS; uraditi elaborate i ostalu tehničku dokumentaciju s ciljem otvaranja postupaka javnih nabavki za produženja isključenih traka u svrhu smanjenja gužvi u saobraćaju; Kada je riječ o Javnom gradskom prevozu, hitna analiza održavanja svih registrovanih polazaka javnog gradskog prevoza (tramvajski, trolejbuski, autobuski, minibuski saobraćaj) i reagovati promptno u skladu sa podacima koje pokaže analiza; Fokus na nabavku novih vozila u javnom gradskom prevozu; Uporedo sa navedenim raditi na sistemskom rješavanju i reorganizaciji GRAS-a; Usvojiti Strategiju i Zakon o Javnom prevozu; promptno raditi na donošenju nedostajućih podzakonskih akata Zakona o uređenju saobraćaja u KS; Nastaviti provedbu projekta elektronske naplate karata i zatvaranja tramvajskih stajališta; Uspostaviti centar za kontrolu javnog gradskog prevoza; Izraditi studiju opravdanosti uvođenja električnih vozila u javnom gradskom prevozu; Pripremiti projekat razvoja mreže električnih punionica u gradu Sarajevo za pristupnije punjenje električnih vozila; Unaprjeđivati stanje sigurnosti u saobraćaju u saradnji sa MUP-om KS i institucijama koje se bave istraživanjem saobraćaja, a za cilj postaviti „bez poginulih u

saobraćaju u KS"; Pokrenuti proces javne nabavke za izgradnju G3 garaže kod Hitne pomoći i završiti radove garaže na Bjelašnici i staviti istu u funkciju; Omasoviti i ubrzati postavljanje taktilnih traka i zvučne signalizacije na raskrsnicama, u svrhu sigurnog prelaska pješačkih prelaza za slijepa i slabovidna lica; Uspostaviti adaptivno upravljanje saobraćaja na raskrsnicama sa kontrolnim centrom za praćenje; Osigurati prvenstvo prolaza tramvajskom saobraćaju na raskrsnicama; Analizirati potrebu dodatnih taksi vozila uz mogućnost odobravanja dodatnih taksi licenci, u svrhu bolje usluge i sprečavanja obavljanja nelegalnog taksi prevoza; Usvojiti izmjene i dopune Zakona o taksi prevozu da se omoguće dodatne taksi licence za vozila koja će se koristiti za osobe sa invaliditetom.

U resoru Ministarstva unutrašnjih poslova svakako treba na viši nivo podići opću sigurnost i sigurnost građana Kantona Sarajevo, kroz preventivno djelovanje i poduzimanje operativnih mjera i radnji na dostizanju zadovoljavajućeg sigurnosnog ambijenta građana i njihove imovine; Skupa sa Ministarstvom pravde i uprave, Tužiteljstvom KS i pravosuđem, istrajati i ubrzati rješavanje neriješenih slučajeva stradanja mladosti i drugih neriješenih krivičnih djela u Kantonu Sarajevo; Unaprijediti rad policije u zajednici; Pokretanje izgradnje namjenskog objekta Ministarstva unutrašnjih poslova Kantona Sarajevo; Izmjene propisa kojima se uređuje obavljanje policijskih poslova, nabavljanju, držanju i nošenju oružja i municije, javnom okupljanju i dr.; Osnovni koncept je usmjeren na približavanje policije građanima, poboljšanje usluga, ujednačavanje standarda organizacije i rada policije KS u odnosu na standarde zemalja EU; Unapređenje međusobne komunikacije, jačanja povjerenja, povećanja subjektivnog osjećaja sigurnosti građana i njihove imovine, te stvaranja partnerskog odnosa između policije i građana u saradnji sa svim drugim akterima; Građani moraju upoznati i prepoznati „svog“ policajca, a policajac se mora identificirati sa „svojom“ sredinom; Odnos policije prema građanima poboljšati kroz paralelni proces unaprjeđenja odnosa unutar same policijske strukture, motivacije rada, promjene načina komunikacije i rukovođenja, kao i promjene u obrazovanju i stručnom usavršavanju; Odlučna i transparentna borba protiv svih vidova kriminala, s akcentom na borbu protiv organiziranog kriminala i korupcije, sigurnost građana i njihove imovine, sigurnost u saobraćaju i sigurnosne izazove kroz migrantsku krizu. U oblasti Ministarstva privrede stvarati poslovni ambijent koji će dati šanse privrednim subjektima za ubrzani ekonomski rast i razvoj, zapošljavanje, povećanje konkurentnosti i privlačenje stranih investicija; U saradnji sa Gradom Sarajevom i općinama unaprijediti funkcionisanje postojećih i ubrzati procedure za pripremu novih poslovnih zona; Posebnu pažnju posvetiti IT poduzetništvu, poljoprivredi, prehrambenoj proizvodnji, drvnoj i drveno-prerađivačkoj industriji, a posebno turizmu; Omogućiti brže i olakšane procedure za otvaranje novih firmi; u saradnji sa Udruženjem poslodavaca i Službom za zapošljavanje KS, zbog izraženih problema nedostatka pojedinih vrsta kadrova na tržištu, podržati provođenje obuka i prekvalifikacije radnika za poznatog poslodavca; donijeti planske dokumente u skladu sa Zakonom o turizmu Kantona Sarajevo i aktivno raditi na promociji i unaprjeđenju turizma kao očigledno najperspektivnije grane privrede u Kantonu Sarajevo; Aktivna promocija KS kao izvrsne destinacije za investicije; raditi na obnovi šumskog fonda i pozitivno utjecati na kvalitet zraka u KS; Podržati programe osposobljavanja mladih za osnivanje i vođenje biznisa kroz obuke za poduzetništvo; Omogućiti privrednim subjektima koji na tržištu radne snage ne mogu zadovoljiti svoje potrebe za kadrovima, da u saradnji sa Udruženjem poslodavaca i Obrtničkom komorom KS, organiziraju i prekvalifikaciju radnika za deficitarna zanimanja;

Sanacija i jačanje kapaciteta za sport, turizam i rekreaciju i cjelogodišnje korištenje sportskih objekata na olimpijskim planinama na Igmanu, Bjelašnici, Zetri, Skenderiji i dr.; Izgradnja biciklističkih staza, adrenalin parka i trim staza; Uz prethodnu analizu korištenja već odobrenih poticaja, nastaviti i unaprijediti politiku poticaja u poljoprivrednoj djelatnosti; Poboljšanje uvjeta za ekološko zbrinjavanje organskog, animalnog otpada i preventivno djelovanje na zdravlje ljudi i životinja u Kantonu Sarajevo; Unaprijeđeno upravljanje i gospodarenje šumama i šumskim zemljištem; Nastavak provedbe privatizacije i konačno rješavanje privatizacijskih sporova; Rješavanje pitanja imovine iz pasivnog podbilansa; Provedba aktivnosti za intenzivnije uključanje u tekuću treću industrijsku fazu društva i paralelno sa tim se pripremati da Kanton Sarajevo i njegovi građani budu aktivni učesnici u procesu četvrte industrijske faze koja je uveliko prisutna u svijetu. U tom pravcu izgrađivati rad i kapacitete JU „Centar za napredne tehnologije” uz snažnije povezivanje sa naučnom akademskom zajednicom i to onim njenim djelom koji je aktivno uključen u projekte prije svega vezane za EU fondove.

Ministarstvo financija - Najvažniji ciljevi u resoru financija biće izrada i donošenje „Budžeta za građane”, tj. planiranje finansijskih sredstava približiti običnom čovjeku, što će utjecati na dodatnu transparentnost i efektivnost planiranja budžeta. Građani će moći lakše razumjeti koje su namjere i prioriteti Vlade u vezi sa trošenjem finansijskih sredstava poreznih obveznika. Usvojene i implementirane prakse podijeliti sa općinama i Gradom; Nastaviti sa mjerama racionalizacije javne potrošnje tokom cijelog mandatnog perioda; odluke o potrošnji javnih sredstava donositi racionalno i samo na temelju potpune opravdanosti, kako se teret za porezne obveznike u budućnosti ne bi povećavao i kako bi se stvorili preduslovi za njegovo smanjenje. Ovo se posebno odnosi na novozapošljavanje u javnom sektoru i osnivanje novih budžetskih korisnika; Zajedno sa svim resornim ministarstvima, u komunikaciji sa poslodavcima i sa resornim ministarstvom detektovati koji fiskalni i parafiskalni nameti opterećuju poslovanje privrednih subjekata i koče razvoj poduzetništva; raditi na rasterećenju privrede kroz rad radne grupe za analizu parafiskalnih nameta, te setom zakonskih rješenja ili izmjenom postojećih utjecati na smanjenje fiskalnog opterećenja privrede; Izraditi matricu fiskalnih rizika za KS što će dovesti do smanjenja netransparentnosti i do efikasnijeg upravljanja javnim finansijama u KS; unaprijediti programsko i rodno- odgovorno budžetiranje; funkcionalno i digitalno povezivanje Dokumenta okvirnog budžeta, Programa javnih investicija i Budžeta KS; osigurati nove projekte iz alternativnih izvora, kao i kontinuitet projekata u resoru Ministarstva finansija koji su započeti u mandatima prethodnih vlada.

Ministarstvo zdravstva - U resoru zdravstva, ključne aktivnosti biće : promocija zdravlja i prevencije bolesti sa posebnim naglaskom na provođenje preventivnih screening programa karcinoma dojke i colorectuma; Jačanje i unapređenje zdravstveno-informacionog sistema; Uvođenje drugog modela finansiranja u zdravstvenom sistemu; reformirati model plaćanja bolničkih zdravstvenih usluga uvođenjem drug modela radi stvaranja poticaja za ograničavanje troškova i poboljšanje učinka davatelja usluga; povećanje uključenosti privatnoga sektora u zdravstvu i podsticanje javno-privatnoga partnerstva u pružanju zdravstvenih usluga; jačanje i unapređenje specijalističke palijativne njege - otvaranje hospicija (javno-privatno partnerstvo); Otvaranje hemodijaliznog centra (javno-privatno partnerstvo) u Općoj bolnici KS; Rješavanje prostora izolatorija za nova zarazna oboljenja i jačanje spremnosti za javnozdravstvene

prijetnje; Jačanje referalnoga puta pacijenta u sistemu zdravstvene zaštite; Omogućavanje učinkovite, brze i kvalitetne nabavke lijekova i medicinskih sredstava u svim zdravstvenim ustanovama kantona i apotekama; unaprijeđeno upravljanje ljudskim resursima; Rješavanje statusnoga pitanja zdravstvenih radnika (kolektivni ugovori, reprezentativnosti profesija, regulirane profesije); Kontinuirana edukacija i obrazovanje za sve profile zdravstvenih profesionalaca; Razvijanje sistema upravljanja i održavanja zdravstvenih tehnologija i dr.

U Ministarstvu za obrazovanje, nauku i mlade u duhu kontinuiteta započetih procesa iz oblasti obrazovanja, Vlada KS ostat će dosljedna ranije usvojenim zaključcima Skupštine KS. U resoru obrazovanja sve predstavlja izazov. Naime, ovaj sektor je na marginama političkih procesa i opterećen je kozmetičkim zahvatima koji su se često, nerijetko i neopravdano, nazivali reformama. Stoga su današnja realnost rezultati Pisa testiranja, zastarjeli planovi i programi, nejasni ishodi učenja, hiperprodukcija kadra koji već odavno na biroima bilježi sve rekorde i hipoprodukcija kadra za kojim vapi realni sektor. Vrijeme je da se obrazovni sistem Kantona Sarajevo, uvede u 21. stoljeće. Neophodno je napraviti bitne, hrabre i odlučne reformske poteze kao što su: usvojiti neophodne Strategije iz oblasti obrazovanja i nauke; Usvojiti izmjene postojećih i inicirati donošenje nedostajućih propisa s ciljem stvaranja stabilnog pravnog okvira za proces reforme obrazovnog sistema; Revidirati način polaganja eksterne mature; Povećati obuhvat djece u predškolskom odgoju i obrazovanju; Pravilnik o inkluzivnom obrazovanju prilagoditi u najboljem interesu djeteta; Zaštiti interes osnivača Univerziteta u Sarajevu; U potpunosti uspostaviti Institut za razvoj preduniverzitetskog obrazovanja i fondaciju za razvoj naučno istraživačke djelatnosti; Završiti analizu nastavnih planova i programa za devetogodišnju osnovnu školu i izraditi Kurikulum Kantona Sarajevo; Povećati promociju programa koje rade karijernu orijentaciju djece i mladih u osnovnim i srednjim školama s ciljem bolje upisne politike; Razmotriti mogućnosti realizacije projekata u cilju poboljšanja zdravstvene zaštite korisnika douniverzitetskog obrazovanja; Izvršiti reviziju registra studentskih udruženja; Uspostaviti registar djece sa poteškoćama u razvoju; Omogućiti da sva djeca budu uključena u obrazovni sistem u skladu sa principima inkluzije; Formirati bazu podataka omladinskih udruženja i neformalnih grupa mladih na području Kantona Sarajevo; Promovisati politike prema mladima i programe za mlade; Unaprijediti provedbu strateških dokumenata i Zakona o mladima FBiH; Promovisati volonterizam i mobilnost mladih; Unaprijediti mobilnost mladih i sudjelovati u aktivnostima međunarodne suradnje. Vjerujem da ćete među ovim prijedlozima za oblast obrazovanja, nauke i mladih prepoznati one zaključke koje je ova Skupština jednoglasno usvojila na svojoj tematskoj sjednici.

Ministarstvo kulture i sporta - U oblasti kulture i sporta, Vlada će se koncentrisati na poticanje kulture sjećanja u raznim društveno kulturnim segmentima; Otrgnuti od zaborava i usmene predaje bosanskohercegovačku kulturu, kroz medijske prezentacije svih segmenata kulture, u vidu art kuća filma, teatra, sarajevske škole rokenrola, književnosti, muzike i slikarstva čime će ovi sadržaji biti dostupni interaktivno i domaćoj i stranoj publici, kao i mnogobrojnim turistima; Na potezu od Holiday Inna i 'Željinog' stadiona pa do Hadžića, postoji jedna kulturološka rupa u kojoj je preko 300.000 stanovnika Kantona Sarajevo uskraćeno za adekvatne sadržaje iz područja kulture i žive u svojevrsnoj civilizacijskoj inverziji, te je cilj decentralizacija kulture kroz širenje kulturnih centara, događaja i sadržaja na područje cijelog Kantona, naročito kada su u pitanju teatar i film; Izgradnja moderne

bioskopske sale ili adaptacija nekog postojećeg prostora, na području opštine Ilidža; Revizija općeg stanja domova kulture na području Kantona Sarajevo, te izrada strategije za njihovu revitalizaciju, kako sadržajnu, tako i građevinsku; Doprinos rješavanju statusa institucija Kinoteke BiH, Zemaljskog muzeja, Univerzitetske nacionalne biblioteke, Historijskog arhiva BiH i Biblioteke za slijepa i slabovidna lica, kao i rješavanje pitanja arhiva bh kinematografije; u skladu sa prestižnim statusom Sarajeva kao UNESCO-vog grada filma, Ministarstvo kulture i sporta KS planira raditi na realizaciji obaveza iz akcionog plana, a koje između ostalog podrazumijevaju i uvođenje poticaja za proizvodnju filmova i TV serija u Kantonu Sarajevo; Planiranje i priprema dokumentacije za izgradnju namjenske koncertne dvorane na području KS; Podrška muzičkom festivalu "LIVE STAGE FESTIVAL" koji je najveći muzički festival u BiH; Kada je sport u pitanju : Uvesti dodatne sportske aktivnosti kroz sportske sekcije na nivou osnovnih i srednjih škola; Započeti rad na planiranju i izgradnji manjih samoodrživih sportsko-rekreativnih bazena na području općine Vogošća, Ilijaš i Hadžići, s obzirom da je utvrđeno da veliki broj sarajevske djece spada u kategoriju neplivača; Pokrenuti aktivnosti na vraćanju bh sporta na elitnu sportsku scenu kada je u pitanju fudbal, rukomet, odbojka, stolni tenis, atletika i gimnastika; Poseban prioritet i konkretnu podršku dati povratku KK "Bosne" u elitno sportsko društvo; konkretno pomoći i ženski košarkaški klub "Željezničar", klubove sjedeće odbojke "SPID" i "Fantomi"; Podrška fudbalskom klubu "Željezničar" za nastavak izgradnje i rekonstrukcije južne tribine stadiona, s ciljem ispunjenja preduslova igranja utakmica pod pokroviteljstvom UEFA i FIFE; U suradnji sa Olimpijskim komitetom BiH raditi na razvijanju i sprovođenju strateške promocije Kantona Sarajevo kao zimskog i olimpijskog centra; Razvoj i promocija teniskog sporta, planiranje izgradnje i izrada neophodne dokumentacije za izgradnju teniskog centra koji bi nosio ime počasnog građanina grada Sarajeva, pokojnog gospodina Juan Maria Tintorea, čovjeka koji je uradio velike stvari za teniski sport u Sarajevu i po kome je nazvan i teniski turnir koji je pokrenut u Sarajevu; Izgradnja namjenske sportske dvorane za slijepa i slabovidna lica, u kojoj će se sportom moći baviti i rekreativci i profesionalci sa invaliditetom; Podržati Sportske igre mladih, koje su se pokazale kao jedan od najboljih i najkvalitetnijih sportskih projekata u posljednjih dvadeset godina u BiH.

U Ministarstvu za rad, socijalnu politiku, raseljene osobe i izbjeglice Vlada Kantona Sarajevo biće posvećena socijalnim reformama uz proaktivan pristup građanima koji su u stanju socijalne potrebe. Fokus će biti na onim građanima kantona, koji su u stvarnom stanju socijalne potrebe, uz kreiranje posebnih mjera podrške onima koji imaju mogućnosti da izađu iz takvog stanja; Nastavit ćemo realizaciju projekata izrade socijalne karte Kantona Sarajevo koja je značajna za razvoj, planiranje i izradu mjera socijalne politike i socijalne zaštite; Radit ćemo na procesima deinstitucionalizacije i transformacije ustanova socijalne zaštite čiji će štićenici živjeti u lokalnim zajednicama u ovom kantonu, a ne u zavodima zatvorenog tipa; Kreirat ćemo zakonski okvir za razvoj socijalnog poduzetništva u Kantonu Sarajevo; Jedan od osnovnih prioriteta bit će osnaživanje i zaštita porodice pružanjem potrebne pomoći i podrške roditeljima djece sa poteškoćama u razvoju, kao i djeci u riziku iz socijalno ugroženih porodica; Unaprijedit ćemo saradnju i pružiti podršku aktivnostima institucija i udruženja iz resora socijalne zaštite, humanitarnog rada, udruženja osoba sa invaliditetom i udruženja civilnih žrtava rata; Nastavit ćemo provedbu Aneksa VII Dejtonskog mirovnog sporazuma, kroz dovršetak procesa održivog povratka i zatvaranje i posljednjeg kolektivnog

centra u Kantonu Sarajevo; Pružit ćemo punu podršku institucijama Bosne i Hercegovine u rješavanju migrantske krize; Predano će se raditi na razvoju stručnih kadrova koje će moći adekvatno odgovoriti potrebama tržišta rada, kao i na stvaranju novih radnih mjesta; Pripremit ćemo posebne programe za pripravnike sa konačnim ciljem da se u narednih pet godina pripravnički staž počne odrađivati u godini diplomiranja; Posebna pažnja će se posvetiti proširenju programa sufinansiranja samozapošljavanja, Start up programima i drugim projektima za nezaposlene .

I konačno, u oblasti Ministarstva za boračka pitanja kada je u pitanju Ministarstvo za boračka pitanja akcenat će biti na mjerama i aktivnostima, koja će doprinijeti vraćanju dostojanstva svih kategorija boračke populacije, kroz kreiranje i doradu pravnog okvira i njegovu kasniju primjenu, a prije svega Zakona o izmjenama i dopunama Zakona o dopunskim pravima boraca- branitelja Bosne i Hercegovine; Uspostava registra branilaca; Izrada socijalne karte svih pripadnika boračke populacije u Kantonu Sarajevo; Priprema i sprovođenje posebnih Programa odrađivanja pripravničkog staža za djecu šehida, poginulih, umrlih i nestalih branitelja, a potom i za ostale kategorije iz reda boračke populacije; Pomoć pri ostvarivanju prava na stan u vlasništvu i na doživotno korištenje za ukupno 196 osoba iz ove kategorije koje još nisu riješile svoj stambeni problem; Kreiranje jedinstvenog protokola za obilježavanje značajnih događaja, datuma i ličnosti iz perioda odbrambeno oslobodilačkog rata 1992. - 1995.godine; U saradnji sa lokalnom zajednicom otpočeti pravne i druge aktivnosti na izgradnji centralnog spomen obilježja svim poginulim braniocima Bosne i Hercegovine iz perioda 1992. - 1995.godine sa područja Kantona Sarajevo; Unaprijediti saradnju sa boračkim udruženjima, udruženjima logoraša i dr.; Akcenat će biti na mjerama na zapošljavanju boračke populacije, kako bi omogućili da se korisnici prava što više oslanjaju na svoj rad, umjesto na programe socijalne pomoći; Raditi na kontinuiranoj pomoći u stambenom zbrinjavanju boračke populacije, ostvarujući što bolju saradnju i sa općinama po ovom pitanju; Posebna pažnja će se posvetiti očuvanju tekovina odbrambeno oslobodilačkog rata 1992. - 1995. godine.

Poštovani Predsjedavajući, dame i gospodo zastupnici, dragi građani Kantona, kao što ste imali priliku čuti, Vlada čiji Vam sastav danas predlažem, svjesna trenutka u kojem živimo, različitih izazova i prioriteta, naših sličnosti i različitosti, problema koji muče većinu građana Kantona, odlučila je krenuti vrlo hrabro i odlučno, nudeći promjene i ciljeve od kojih svi trebamo očekivati korist u narednih par godina.

U ime ove Vlade garantujem građanima da ćemo pokazati očekivanu odgovornost za javne poslove koje radimo, pri tome tražiti načine za svaku vrstu međusobnog pomirenja u svakodnevnom životu i na javnoj sceni i da ćemo izbjegavati svađalačku retoriku i pokušati graditi ljepše i mirnije okruženje za mlade generacije. Želimo uvjeriti mlade da ovdje imaju šansu, pozvati ih da tu šansu skupa razvijamo i gradimo jednu europsku budućnost, da i sami postanu akteri svoje budućnosti i time prestanu svoju jedinu priliku, vidjeti daleko od svog grada i svoje domovine !

Potrebna nam je međusobna i međugeneracijska solidarnost i razumijevanje, unaprijeđen dijalog i povezivanje uz dobrodošle različitosti na političkom polju i kroz jasne i usaglašene vizije ekonomskog razvoja i napretka, a najbolji put u tom smislu su ubrzanje europske integracije naše zemlje, pa tako i Kantona Sarajevo. A do tada, ne smijemo u to sumnjati,

odličan pravac i dobar put za Kanton jeste da skupa sa nadležnim državnim institucijama, pratimo mjere i aktivnosti ili jednostavno rečeno zadaće, koje smo kao predkandidat za europske integracije i pridruženje, dobili od nadležnih europskih odbora i komisija i na čije se ispunjenje čeka kako bi smo ubrzano krenuli ka tom cilju.

Vlada će raditi na način kako smo pripremali i ovaj ekspoze : timski i na bazi iskustva i stručnih analiza, ali isto tako i dovoljno decentralizirano po ministarstvima, što će stvoriti posebnu posvećenost, međusobno takmičenje resora i ministara u postizanju postavljenih ciljeva. Istovremeno će takav način rada i ocjene rezultata, obavezati svakog ministra na posebnu odgovornost, jer će njegov rad biti transparentan i javan, građani će ga pratiti i ocjenjivati!

Vjerujem da smo kroz ekspoze jako konkretizovali naše ciljeve, a za kraj ja ću ih samo kratko ponoviti i naglasiti : Borba protiv korupcije i nulta tolerancija na korupciju; Unaprijeđenje položaja mladih; Izgradnja saobraćajnica s ciljem rješavanja gradskih saobraćajnih „čepova" i otvaranja Sarajeva prema sjevernim i zapadnim ulazima-izlazima iz Grada; Razvoj ekonomije, zapošljavanje i rješavanje nagomilanih problema u komunalnoj privredi; Kontinuirani i sistematičan rad na rješavanju problema zagađenja zraka; Obrazovanje; Zdravstvo i socijalna zaštita, posebno zaštita ranjivih kategorija stanovništva i manjina svih vrsta; Razvoj kulture i sporta; stvarna i pravna sigurnost građana Kantona.

Gore navedene i druge planirane ciljeve u mandatu ove Vlade, planiram realizirati sa timom koji svojom strukom, dosadašnjim rezultatima i iskustvom, osobnim referencama i kredibilitetom članova, garantira ispunjenje i najzahtjevnijih ciljeva i izazova u budućem radu. U tom kontekstu dozvolite mi da kratko predstavim i Vladu. Vlada će pored premijera imati 12 ministara, od čega je troje pravnika, troje ekonomista, jedan ministar sa završenom Vojnom akademijom, jedan sa završenim Fakultetom za sport, po jedan diplomirani inženjer mašinstva, arhitekture, saobraćaja i komunikacija i arhitekture i jedan doktor medicinskih nauka. Imamo u sastavu dva doktora nauka, četiri magistra, jednog doktoranta, osobe sa velikim iskustvom i brojnim završenim specijalizacijama u struci, sa puno javnih priznanja i nagrada.

U Vladi će biti tri žene ,10 muškaraca, a po nacionalnom sastavu je 9 Bošnjaka, dva Hrvata i dvoje iz reda ostalih.

Vrlo kratko o svakom od kandidata

gospodin Jasmin Halebić budući ministar finansija, doktor ekonomskih nauka, bivši dekan i prodekan Ekonomskom fakultetu, bivši ministar u Vladi Kantona Sarajevo, ministar finansija naravno, sa brojnim specijalizacijama i naperdovanjima u struci.

Gospođa Mersa Kustura, diplomirana pravica sa 35 godina iskustva. Dolazi iz lokalne samouprave iz Novog Grada gdje je čitav svoj život radila na svim nivoima vlasti u lokalnoj samoupravi sa brojnim obukama i unapređenjima u struci. kandidatkinja za ministricu pravde i uprave

Gospodin Faruk Kapidžić, diplomirani arhitekta, kandidat za ministra prostornog uređenja, građenja i zaštite okoliša. Dolazi iz realnog privrednog sektora iz privatne kompanije. Naravno s ovog mjesta neću promovirati kompanije nego pojedince i članove Vlade. Završio Arhitektonski fakultet autor brojnih nagrađivanih radova iz svoje oblasti. Puno njegovih

projekata išlo je u realizaciju i danas krase Kanton Sarajevo. Zaposlen je u privatnoj firmi i tamo pored njega rade još četiri druga zaposlenika.

Gospođa Nihada Glamoč, završila Mašinski fakultet, diplomirani inženjer mašinstva. Ujedno na postdiplomskom studij na Ekonomskom fakultetu Magistra ekonomskih nauka. Čitav svoj život u javnom preduzeću „Sarajevogas“ 25 godina svoje karijere. Bila dugogodišnja direktorica Sarajevo gasa gdje je u njenom mandatu Sarajevo gas iz faze negativnog prešao u fazu pozitivnog poslovanja, jedna vrlo energična rekao bih sposobna, hrabra žena.

Adi Kalem, kandidat za ministra saobraćaja, diplomirani inženjer saobraćaja i komunikacija. Radi a jednu internacionalnu kompaniju. Upravo u resoru saobraćaja. Predsjedavajući je Općinskog vijeća u Hadžićima, voditelj i koordinator brojnih projekata od državnog značaja poput izgradnje pojedinih dionica Koridora u saobraćaju u BiH.

Gospodin Ismir Jusko, kandidat za ministra unutrašnjih poslova, aktualni ministar za boračka pitanja. Inače diplomirao i magistrirao na FASTO gdje trenutno pohađa i doktorski studij. Bio pripadnik specijalne jedinice MUP-a, radio za američki State Department u Ambasadi SAD u BiH, bio suvlasnik zaštitarske kompanije, radio u Ministarstvu sigurnosti na različitim pozicijama, bivši kantonalni ministar MUP-a, ministar prometa i komunikacija BiH, evo kao što reko ministar za boračka pitanja, suosnivač kluba borilačkih vještina, sportista u glavi i u duhu.

Draško Jeličić, kandidat za ministra privrede

kolega Jeličić je završio Ekonomski fakultet. Obavljao poslove na vodećim funkcijama u privrednim društvima u Kantonu Sarajevo. Šipad, Saponia, Sarajevska pivara, Sprind i Klas, Poletu i drugim privrednim društvima. Posljednjih 10 godina radio u javnom sektoru u Federalnom ministarstvu na poslovima makroekonomskog planiranja, nakon toga je u Zajedničkim službama Vlade FBIH na poslovima koji su veoma relevantni za ono čime će se baviti ako bog da i u svom resoru.

Kolega Rusmir Mesihović, doktor Mesihović, kandidat za ministra zdravstva Rođen u Sarajevu, specijalista interne medicine, subspecijalista gastroenterohepatolog. Bio predsjednik Regionalne i BH gastroenterohepatološke koordinacije, bio šefa Klinike, gostujući profesor i pozvani predavač na međunarodnim stručnim skupovima, radio kao Generalni direktor KCUS, šefa Katedre za Internu medicinu Medicinskog fakulteta rekao sam redovni profesor. Bio ministar zdravstva u FBIH. U više mandata bio zastupnik u Federalnom parlamentu.

Gospodin Anis Krivić, kandidat za ministra obrazovanja, nauke i mladih Rođen u Sarajevu 1983. godine, gdje je završio Pravni fakultet. Tokom svoje karijere aktivni član i suosnivač različitih udruženja studenata prava i udruženja mladih. Radi u struci u javnom i privatnom sektoru, na poslovima II-stepenog upravnog rješavanja i izrade propisa. Radio kao kantonalni prosvjetni inspektor za rad i za visoko obrazovanje, vrši inspekcijski nadzor nad radom visokoškolskih ustanova u Kantonu Sarajevo.

Gospođa Jasna Agić, kandidatkinja za ministricu za rad, socijalnu politiku, raseljena lica i izbjeglice. Diplomirani ekonomista, svoj radni vijek provela u institucijama BiH i FBIH. Trenutno obavlja poziciju pomoćnice direktora Agencije za policijsku podršku. Član šehidske porodice. Pohađala brojne međunarodne i domaće kurseve obuke za rad u javnoj upravi u menadžmentu ljudskih resursa.

Imamo također dva kandidata gđina Hajrudina Grabovicu koji je završio Vojnu akademiju, on je brigadni general OS BIH. Obnašao značajne vojne dužnosti tokom rata i nakon potpisivanja Dejtonskog mirovnog sporazuma u OS aktivan u civilnom sektoru s ciljem rješavanja unapređenja položaja statusa boračke populacije. Bio komandant zajedničke komande Vojske FBH i brigadni general od 2004 godine.

Gospodin Kenan Alikadić, pravnik magistar uprave, vijećnik Općinskog vijeća Vogošća, direktor JU KSC Vogošća. Ima bogato iskustvo bogatu sportsku karijeru, bio juniorski i seniorski reprezentativac, osvojio brojne nagrade, medalje, zahvalnice, priznanja u oblasti sporta. Bio sportista općine Vogošća za 2005, 06 i 07 godinu. Nosilac Zlatne plakete općina Vogošća.

Evo gospodine predsjedavajući to je bilo ono što sam ja za početak imao predložiti, upoznati građane Kantona Sarajevo i uvažene zastupnike i naravno ukoliko bude pitanja tu sam ja i budući članove Vlade da odgovorimo. Hvala vam svima.

Predsjedavajući:

zahvaljujemo kandidatu za premijera Kantona Sarajevo gospodinu Mariu Nenadiću. Obzirom da imamo prijavljenih, vi Deviću imate poslovničku intervenciju ili?

Poslanik/zastupnik Mahir Dević:

Ukoliko može predsjedavajući Klub SDA pauza 15 minuta prije postavljanja pitanja ako nije problem.

Predsjedavajući.

Zahvaljujem uvaženi zastupniče Dević, pauza 15 minuta. Nastavljamo u 12,25.

NASTAVAK NAKON PAUZE

Predsjedavajući:

nastavljamo sa radom 22. Radne sjednice. Uvaženi kandidat za premijera Kantona Sarajevo gospodin Mario Nenadić je tražio, ne trebate obrazlagati pauzu. Izvolite uvaženi kandidatu za premijera.

Mario Nenadić.

Vrlo kratko. Hvala gospodine predsjedavajući. Dakle, ja sam samo u svojim završnim izjavama predstavljajući Vladu Kantona Sarajevo izvršio jedan previd. Nacionalni sastav Vlade je 9 Bošnjaka, 1 Hrvat i 1 Srbin i 1 Ostali. Hvala.

Predsjedavajući:

zahvaljujemo kandidatu za premijera Kantona Sarajevo. Obzirom da imamo prijavljenih moramo po Poslovniku dozvoliti da prvo predstavnici radnih tijela ukoliko žele riječ da. Da li ima neko od predstavnika radnih tijela da želi riječ? Nema. Ima li pitanja. Ima. Gospodin Konaković prvi.

Poslanik/zastupnik Elmedin Konaković:

a moje prvo pitanje je bilo upravo ovo što je sada nevješto naš, moj prijatelj, čovjek kog jako privatno cijenim, ali nikada ne miješam privatno i poslovno, rekao, to je da ste nam u dokumentu dostavili saziv nacionalni ove Vlade u kojoj piše 2 Hrvata, bez Srba i dva Ostala i ostali Bošnjaci. To ću kroz diskusiju pošto je sada gospodin Nenadić to ko biva promijenio, a Dodik to ne radi u RS. Kod Dodika toga nema. Bez konstitutivnih naroda nema ništa, ali eto o tom po tom. Pošto poznajem Nenadića postaviti ću prvo jedno ljudsko, otvoreno pitanje. Da li vam je imalo neugodno zbog načina na koji dolazite vi i nekoliko časnih ljudi u ovoj Vladi koje ja i privatno cijenim i poštujem, da li vam je imalo neugodno zbog svih skandala koji su obilježili proces imenovanja ove Vlade, od svih prekršenih mogućih procedura do povreda vitalnih nacionalnih interesa i činjenice da su vam četiri od 12 ministara odustali prije nego što su ušli u ovu salu. Da li vi tvrdite kao vrstan pravnik da su sve procedure ispoštovane s obzirom i na današnju peripetiju oko dostavljanja dva imena 3 minute nakon početka sjednice, a ne 3 dana prije početka sjednice kao što su nam u startu obrazložili sekretarka i predsjedavajući. Zanima me da nam vi iskreno u stenogram radi zapisnika kažete kakav će biti vaš lični odnos i odnos ove Vlade prema svim Budnjama ovoga grada? Onim ljudima protiv kojih smo se mi uspješno borili sve dok iz Centrale ne nazovu i ne naredi politički šefovi da se takvi ljudi ne smiju dirati. Želio bih danas da građanima i nama u sali vi lično kažete, a naravno da ćemo to vremenom pratiti po vašim djelovanjima kakav će vam biti odnos prema svim Budnjama Kantona Sarajevo. Zanima me da li ste detaljnije pregledali biografije ostalih ministara, da li ste mogli saznati nešto više o njima? Ne očekujem za dva kandidata od jutros, nego za one ranije, jer ste nekako meni uvjerljivo djelovali na Komisiji za izbor i imenovanja kada ste garantovali za Mačkića da je on čovjek koji misli onako kako normalni ljudi misle, a on to i kaže, samo ne kaže da je bio genocid u BIH, ne kaže da je 9. januar neustavan praznik koji se ne slavi, nego je pobjegao prije nego što je došao u ovu salu, a vi ste meni na komisiji tvrdili da ste u razgovoru s njim stekli dojam naravno ne osuđujem, taj dojam je mogao biti površan, niste mogli tog čovjeka upoznati dobro, ali nikako, iako mi prošli put to niste dali, nećemo zanemariti takvu činjenicu da je jedna politička partija predložila i takvog čovjeka u sastav Vlade Kantona Sarajevo i to na mjesto premijera i to politologa po struci. Zanima me jeste li sami birali ministre? Ono što bih znao pitati kolega Čampara u proteklom periodu kada smo imenovali Fortu, da li ste sami birali ministre ili su vam ih predložile političke stranke, a bitno mi je radi dalje rasprave. Da li ste analizirajući ministre svjesni činjenice da je ministrica pravde i uprave bila predsjednica NO ZOI-a u mandatu kada ste vi i ja i ostali članovi Vlade utvrdili sve nepravilnosti u funkcionisanju tog preduzeća i kada su to inspeksijski i drugi nalazi potpuno pa i čak i više potvrdili u ovom periodu rada ove Vlade koja je iznijela zastrašujuće informacije o procesima u ZOI, i da li isto tako znate da vam je kandidatkinja za ministricu pravde i uprave trenutno obnaša funkciju predsjednice opštinske izborne komisije u Novom Gradu i član je opštinske izborne komisije. Ja znam šta vi o tome mislite, ne morate to ni reći, ali bilo bi bitno radi javnosti da kažete svoj stav koliko je to potvrda političkih procesa u samom izbornom procesu a onda kao nagrada Ministarstvo, zamislite pravde i zamislite uprave. Zanima me, koliko ćete ozbiljno istražiti navode SDA ako budete premijer o stanju na KCUS u periodu kada ga je vodio gospodin Rusmir Mesihović. O kojem se govori u najgorim scenarijima. Strašno velikom dugu, prouzrokovanim kako moje kolege iz SDA kažu i kako su govorile, upravo radom ili neradom čovjeka kog ste nam danas

predložili za ministra zdravstva. Volio bih, a nije to praska naravno, da pitamo direktno ove ljude koji ovdje sjede, imat ćemo priliku, sarađivati ćemo u narednom periodu pa vas molim da pitate resornog ministra zdravstva ili da nam vi odgovorite šta mislite o progonu ljekara sa KCUS čiji smo mi suosnivač i veliki, najveći finansijer i činjenici da ti ljudi ne mogu ni predavati na Medicinskom fakultetu nakon što se protjeraju sa KC i hoćete li tu poduzeti određene mjere i radnje? Ako vidite Mesihovića pitajte ga šta misli recimo o slučaju protjerivanja Senke Dinarević – Mesihović. Vrsne ljekarke, akademika i jedne od najvećih autoriteta u oblasti pedijatrije i generalno zdravstva u Kantonu Sarajevo, a čije navode o progonima s KC možete pročitati ako blago zaguglate na Google, a ako se malo pozabavite dublje dolazite do strašnih informacija. Zanima me, pitajte Mesihovića ako budete mogli ili recite nam vi šta o tome misli on i šta o tome mislite vi. Hoćete li te prognane profesore pokušati vratiti kroz Ministarstvo obrazovanja na Fakultet medicinski i da li je ljudi moguće da niste htjeli, smjeli ili ne znam šta je drugi povod ali ni jednom u Ekspozeu napisati KCUS. Tu strašnu skraćenicu Klinički centar Univerziteta u Sarajevu koji je kičma zdravstvenog sistema. Na 30 i nešto strana ne postoji KCUS, ne možete naći ni da se igrate onog anagrama pa pokušate spojiti KCUS, ne može. Klinički centar nije predmet interesovanja po Ekspozeu ili jeste ako nam vi sada to kažete i kakav će biti odnos prema ovoj ustanovi koja bilježi sve manji, manji i manji broj usluga, manji broj pacijenata a sve smo više novca izdvajali. Pa kada budete razgovarali s Mesihovićem ako možete danas prenesite nam šta ćemo sa ovom, šta vam je plan da uradimo sa svom djecom koja više ne mogu izvršiti upravo iz oblasti kardio hirurgije, iz oblasti hirurške ortopedije, pa nam se djeca liječe u Turskoj. Kako mislite, imate li neki plan da li ste o tome razgovarali, možete li nam danas to odgovoriti. Kako nam mislite rješavati ove probleme. To su pitanja uvaženi mandataru za vas a kroz diskusiju ću se referirati posebno na ovaj dio nacionalnog saziva i strukture zbog kog je danas ovo još jedan tmurni, kišni dan u Sarajevu. U ekspozeu piše a to je o tome ću u diskusiji.

Predsjedavajući:

zahvaljujem uvaženi zastupniče Konakoviću. Poslovnička intervencija uvaženi zastupnik Dević, izvolite.

Poslanik/zastupnik Mahir Dević:

nisam htio predsjedavajući da prekidam kolegu Konakovića da ne bude bilo da je to namjera ali zaista pošto se nalazimo na pitanjima imat ćemo i diskusije, dajte da to ograničimo onda da su to 3 minute. Evo ovdje je na pitanjima kolega potrošio 8 ili 9 minuta. Nije inače praksa da se pita premijer i Vlada ali smo mi pitali premijera Fortu i Vladu, nemam ništa protiv naravno, ali dajte da imamo neko vrijeme, dajte nam 3 minute za pitanja. Imamo diskusije poslije, razgovore. Nisam htio da prekidam kolegu namjerno dok ne završi.

Predsjedavajući:

Poslovnik nije definisao vrijeme postavljanja pitanja, s tim u vezi mi se moramo držati Poslovnika, vi ukoliko izmijenite Poslovnik u narednom periodu, svakako ćemo to. Zahvaljujem. Idemo dalje s pitanjima uvaženi zastupnik Jakupović.

Poslanik/zastupnik Vedran Jakupović:

zahvaljujem predsjedavajući. Pozdravljam sve prisutne i građane Kantona koji nas gledaju. Vrlo je teško bilo čitati ovaj Ekspoze zbog ogromnog broja pravopisnih grešaka, čak ste i u imenu ministrice Glamoč ja mislim pogriješili u imenu njenom. Prvo pitanje stranica 6, duhovno i moralno naslijeđe EU Kantona Sarajevo, govorimo možda o korupciji, nepotizmu, vladavini prava, jel to ono što možemo očekivati od vas u pravom smislu, ili ovako kako smo imali priliku vidjeti protekli vikend u medijima? Stranica 7. principi korporativnog upravljanja u javnim preduzećima i ustanovama. Jel to opet stranačko kadroviranje i zapošljavanje, jel to struka? Jel to ono iskustvo i praksa koju imamo da profesor bosanskog jezika bude direktor Poljoprivrednog dobra? Ili ćete mijenjati? Ja ću se samo na dvije oblasti referirati. Obrazovanje ću ostaviti evo da sačekamo hoćete li ispuniti ovo obećanje da ćete ispoštovati zaključke sa tematske sjednice i prvenstveno da li ćemo u skorom roku dobiti posebnu sjednicu vezanu za osobe s poteškoćama u razvoju koju već dugo vremena čekamo. Kada je riječ o zdravstvu (nerazumljivo) model u kojoj zemlji Europe, osim UK, znači osim Velike Britanije se koristi, to je američki model, odličan koji je našao primjenu u Japanu, u Južnoj Koreji, a evo da vidimo koja smo mi to ekonomija i koliko se možemo porediti sa tim zemljama. Kada je riječ o skriningu zašto se spominje samo skrining i preventiva u oblasti onkologije, znači govorimo samo o karcinomima a najveća potrošnja lijekova je u hroničnim nezaraznim bolestima primarno dijabetes i kardio vaskularna patologija. Ne znam hoćete li vi ili da vam pomogne ministar budući. Kada je riječ o ljudskim resursima koji su pomenuti u zdravstvu jel to ovaj moratorij o zapošljavanju u kojem evo DZ će skapati izgleda očekujući nove kadrove. Vladajuća većina je prošle sedmice donijela protiv zakonito novi neki moratorij na zapošljavanje, na prekidanje svih konkursa u oblasti, evo ja ću se konkretno referirati na zdravstvo. A možemo govoriti o kulturi, jel to ta briga o ljudskim resursima. 1.marta Njemačka otvara granice a mi imamo jako puno mladih kolega koji očekuju zapošljavanje, imamo veliku potrebu u zdravstvenim ustanovama i imamo ovakav odnos vladajuće većine. I četvrto pitanje iz oblasti zdravstva, pomenut je izolatorij. Hoće li iseljavati generalnu direktoricu iz KC iz njenog ureda ili ćete praviti novi izolatori? Informatizacija i ostalo ako budem diskutovao pomenut ću to, to je konstantna priča i konstantni problem i zastoj koji imamo u zdravstvu. Kada je riječ o kulturi pominju se domovi kulture, decentralizacija kulture, znači izbacujemo kulturu iz Centra i Starog Grada ka periferiji što je lijepo. To je jedan komunistički model, ne znam hoće li ministar znati gdje su ti domovi kulture u kojim dijelovima grada i šta se radilo po tom pitanju. Prije ovog slobodarskog sistema. Opet reći ću imamo građevinsku operativu upregnutu u kulturu, opet govorim o nekim izgradnjama konstantnim izgradnji objekata više nego izgradnji ponude i izgradnji ljudskih resursa u kulturi. Nema ljudskih resursa uopšte, ne postoji HRM u oblasti kulture zašto znači jel imate u planu nešto uraditi? Znamo da je bivši ministar Kurić je potpisao kolektivni ugovor ali šta ćemo uraditi na poboljšanju rada ljudskih resursa koji se bave kulturom? Status ustanova u kulturi ne znam zna li ministar koje su to ustanove i kakav je to status njihov šta to mi trebamo da donesemo, riječ je od Zemaljskog muzeja, biblioteka, itd koje su faktički na plećima Kantona Sarajevo. Zašto je spomenut taj neki live stage festival od toliko mogućnosti da se spomenu kulturne aktivnosti u ekspozeu premijera budućeg. Imamo live stage festival, ne znam ni šta je to iskreno da vam kažem. Nikada čuo. U sportu, spominju se pomoć Željenućaru, tek na kraju negdje spomenuto da ne znam je li premijer za Želju navija, da malo okrenemo priču, ne znam

ko je šampion trenutni, osvajač kupa, da ni jednom riječju se ne spominje FK Sarajevo ako se spominje Željezničar. U ekspozeu ovoliko puta, naravno tražim identičan odnos prema oba sarajevska kluba. Eto toliko za pitanja hvala.

Dopredsjedavajuća Danijela Kristić:

zahvaljujem predsjedavajući. Ja ću imati par pitanja. Prvo pitanje kada ste pravili sastav nove Vlade da li ste vodili računa o Zakonu o izmjenama i dopunama Zakona o ravnopravnosti spolova, jer po tom Zakonu u poglavlju 9 javni život, član 20 stav 2) žene bi trebale biti zastupljene 40%, znači da bi u ovoj Vladi trebalo biti najmanje četiri žene a možda i pet. Novi ministar čiji prijedlog ste nam dostavili tri minute nakon početka sjednice, gospodin Alikadić u svom CV naveo je da je bio vijećnik Opštinskog Vijeća Vogošća, možete li nam reći ispred ko je stranke je bio vijećnik. Da li mislite nastaviti realizaciju projekta nove zgrade MUP-a, da MUP ima adekvatne uslove za rad i respektabilan objekat dostojan uloge i značaja. Da li mislite popunjavati radna mjesta u kulturi, obzirom da smo imali priliku čuti da postoji veliki broj upražnjenih mjesta. Da li se vi zalažete za zapošljavanje putem javnih konkursa? Možete gospodina Rusmira da pitate zašto nikada nije javno demantovao navode direktorice KC gospođe Sebije o stanju koje je zatekla na KCUS? Da li su istina ti navodi? I još me samo interesuje, obzirom da su kolege iz SDA se zalagale za smanjenje plata ministara oko 300 KM, koji je bio uslov da bi podržali ukidanje paušala, sada nadam se da će slijediti svoje principe i kada su pozicija da će se zalagati za taj dio. Da li ćete vi kao budući premijer to podržati i smatrate li da je taj dio opravdan? Hvala.

Poslanik/zastupnik Neira Dizdarević:

hvala predsjedavajući. Imam par pitanja pa polako ću. S obzirom da je kolega Dević maločas ispred komisije za izbor i imenovanja rekao da su određena pitanja za samog mandataru ja ovim putem pitam gospodina Nenadića kakav je vaš stav vezano za ovako predlaganje imena, posebno dva dodatna ministra jutros, odnosno da li je došlo do kršenja člana 194 Poslovnika pa ću pročitati polako „prijedloge kandidata za izbor i imenovanje koja vrši Skupština daju Komisija za izbor i imenovanje kao i poslanici. Prijedlozi iz prethodnog stava dostavljaju se u pismenoj formi i sa obrazloženjem predsjedavajućem Skupštine najmanje 14 dana prije održavanja sjednice na kojoj će se vršiti izbor, odnosno imenovanje. Predsjedavajući je dužan dostaviti poslanicima obrazložene prijedloge najmanje 3 dana prije održavanja sjednice na kojoj će se vršiti izbor odnosno imenovanje”. Molim za vaš komentar. Pitanje dva otklonite nam konačno dilemu da li ste vi stranački ili nestranački kandidat za premijera Kantona Sarajevo? Da li smatrate da je moralno imati u svom timu ministra koji je vršio mobing nad svojim vozačem na što je vaš stranački kolega uvaženi zastupnik Zvonko Marić u prošlom mandatu ukazivao? Pri tome je govorio da mu se od tih detalja utroba prevrće, ukazivao na nezakonit premještaj vozača za arhivara, na rastrošnost i zloupotrebu javnog novca za troškove reprezentacije pominjali su se neki čevapi. Da li je moralno da se ovakvi kadrovi recikliraju i vraćaju u politički život i da se za njih glasa? Budući da vaš koalicioni partner jako brine o sljedećem podatku, ja vas moram pitati da li smatrate da li imate legitimitet da budete premijer sa skromnih 1831 osvojenim preferencijalnim glasom? Kojom metodom ste odabrali nova dva kandidata za ministre? Da li je pobijedila stručnost ili politička stranačka podobnost? Budući da ste predlagatelj kandidata za ministra zašto ste povukli prijedloge za gospođu Musić i

gospodina Mačkića? Da li je europski put kojeg ste više puta spomenuli u svom ekspozeu da imenujete kandidata tokom noći nakon izbivanja afera, da li ste imali dovoljno vremena da vi proučite biografije, kompetencije jer je potrebna velika hrabrost i odgovornost predložiti svoju Vladu jer mi zastupnici nismo imali vremena da analiziramo materijale. I posljednje pitanje, kada bi ste morali procentualno reći u kojoj mjeri se recimo vaš ekspoze koji smo imali priliku i danas čuti kao listu želja, podudara sa mjerama prethodne Vlade? Iako je prethodna Fortina Vlada imala mjere konkretne mjere u kojem iznosu bi to bilo? U čemu su razlike? Ja nisam vidjela iskreno neke velike osim možda ovog adrenalin parka u Ministarstvu privrede, koji valjda planirate napraviti, doduše nismo kako sam i rekla, imali potrebno vrijeme da se detaljno analizira. Toliko. Hvala.

Poslanik/zastupnik Damir Marjanović.

Zahvaljujem se predsjedavajući. Zahvaljujem se kandidatu za premijera na iscrpnom izlaganju. Imat ću par konkretnih pitanja i sugerirat ću definitivno premijeru da se konsultuju sa potencijalnim budućim resornim ministrom vezano za ta pitanja. Prvo pitanje je izuzetno me zanima koje aktivnosti zanima da poduzme i premijer i kantonalno Ministarstvo obrazovanja i nauke vezano za poražavajuće rezultate PISA testiranja i na koji način planira da te rezultate iskoristi u svom budućem djelovanju a u cilju popravljivanja istih barem na području Kantona Sarajevo. Drugo pitanje je u ekspozeu nisam primijetio ništa vezano naučno istraživački rad zanima me stav vezano za izdvajanje osim što moram reći da sam primijetio za Fondaciju za nauku, ali zanima me stav i premijera i budućeg ministra vezano za izdvajanje za nauku o onome koliko je danas i koliko planira da bude u budućnosti. Treće pitanje uvaženi premijer se u svom ekspozeu dotakao tematske sjednice, između ostalog rekao je da će da prati sve nepravedne tačke. Jedna od navedenih tački, navedenih pitanja je bilo opcija razmatranja i podjele Ministarstva na visoko obrazovanje i nauku i obrazovanje i mlade, čini mi se da je to bila opcija. Zanima me stav ove Vlade i budućeg ministra da li će se ići u tom pravcu? Također me zanima stav premijera i ministra finansija ali i ministra obrazovanja vezano za odnos prema dugovanjima koje ovaj Kanton ima prema prosvjetnim radnicima na osnovu tužbi koje još nisu izmirene. Isto tako me zanima vezano za sklapanje kolektivnog ugovora sa uposlenicima u srednjem obrazovanju koji nije sklopljen, ustvari jeste sklopljen ali je vrijeme da se revidira, zanima me u kojem pravcu treba i koji planira da radi ova Vlada. Također me zanima vezano za dinamiku donošenja Zakona iz oblasti nauke i obrazovanja. Tamo postoje određeni limiti, određeni termini i tajming koji je u tim zaključcima tematske sjednice dat, da li će biti i da li će biti moguće ispoštovati te rokove? Isto me zanima dinamika uspostavljanja Instituta za preduniverzitetsko obrazovanje. Obradovao me je kada sam vidio da je to jedan od prioriteta ali me zanima kada i kako se planira uspostaviti. Nisam u ekspozeu primijetio segment koji se tiče rada sa talentovanim momcima i djevojkama jedna od stavki u prijedlogu budžeta jeste i izdvajanje određenih sredstava za uspostavljanje Centra za talentovane učenike. Zanima me da li je ovo neka naznaka da će ta sredstva biti sklonjena i da se neće raditi sa talentovanim momcima i djevojkama ili jednostavno nije ušlo u ekspoze. Zanima me da li će se započeti konačno ta priča o revizijama diploma koja se stalno spominje ali je nekako nagovještavala i činila se poprilično izvjesnom u prethodnom mandatu, prvenstveno mislim na diplome koje su izdate na univerzitetima u Bosni i Hercegovini, uposlenike kantonalnih institucija, uključujući i obrazovne institucije. I na kraju, moram ovdje malo pojasniti a

postavit ću pitanje, da smo ostavili prvu tačku pitanja i inicijative insistirao bih na tome, da jer bi bilo logično da prethodni ministrima i prethodnoj Vladi to isporučimo, ali insistirao bih na tome da vezano za ovu zabranu zapošljavanja koju imamo trenutno famoznu, da se po mogućnosti cijela povuče zato što si mnogi dobri pozitivni procesi zaustavljeni, a druga stvar definitivno bih insistirao i tražio bih izjašnjavanje Skupštine da se nastave započete procedure zapošljavanja u obrazovnim institucijama i institucijama zdravstva. I to ću iskoristiti normalno na 7 ili 8 tački kada budu te inicijative i pitanja ali evo iskoristit ću priliku da postavim pitanje premijeru, na koji način i koliko brzo, budućem premijeru, kandidatu za premijera, ako postane premijer će dopustiti da e procedure posebno u obrazovnim institucijama nastave zato što već sada imamo određene probleme, posebno u akademskim vodama u funkcioniranju određenih fakulteta i institucija ekipa koje ih prate. Hvala velika.

Poslanik/zastupnik Vildana Bešlija:

hvala predsjedavajući. Pa ja bih ovako, što se tiče ekspozea postavila pitanje nekako na žalost nismo čuli neke baš toliko konkretne mjere kao što je to bilo u protekloj Vladi, ali konkretno na strani pet ekspozea u načelima i pravcima rada i djelovanja Vlade gospodine Nenadiću naveli ste da ćete posebno raditi na zaštiti isključenih grupa u društvu. Zamolila bih da konkretno navedene koje su to po vama isključene grupe u društvu jer niste naveli po kom segmentu, o čemu se radi, mislim da tu treba dodatno obrazloženje. Iako smo imali priliku čuti vaš ekspozee koji ste pokušali dati akcenat na timski rad ja zaista moram reći da činjenica da ste napisali sa timom pretpostavljam ustvari sada ne mogu ni pretpostaviti sa koja dva ministra jer se već dva puta mijenjali ali nekako znači tim vam se mijenjao, i sada predložena ova zadnja dva imena ministara pretpostavljam da nisu baš učestvovali u postavljanju ciljeva u resorima za koje su predloženi. Voljela bih čuti s obzirom da ste rekli da ste nam na raspolaganju i vi i sami kandidati za ministre da nam daju svoje viđenje da čujemo šta je to jer zaista nisu učestvovali u pisanju ovog dokumenta jer su danas predloženi amandmanima. Tako da bih zamolila novo predložene ministre gospodu Kenana Alihodžića i Hajrudina Grabovicu da mi odgovore na pitanje koja je njihova vizija u resorima za koje su predloženi kandidati jer ipak će oni to sprovoditi a nisu pisali, odnosno učestvovali u pisanju istih. Hvala vam.

Poslanik/zastupnik Elvedin Okerić:

uvaženi predsjedavajući, dopredsjedavajući, zastupnice zastupnici, poštovani gosti, građani pored malih ekrana sve vas srdačno selamim i pozdravljam. Moja pitanja su sljedeća: kakav će odnos imati nova Vlada prema Tužilaštvu i sudovima Kantona Sarajevo jer je prethodna Vlada povećala finansijsku podršku s ciljem bolje kapacitiranosti ljudskim resursima i efikasnosti rada ovih institucija. Drugo pitanje, vodeći računa o nacionalnoj strukturi članova Vlade Kantona Sarajevo koje ministar interesuje nas koji je ministar koji se izjašnjava kao Srbin, obzirom da se u javnosti komunicira da su zastupljeni svi predstavnici konstitutivnih naroda, uključujući i ostale. I treće obzirom da je prethodna Vlada bila jasno opredjeljenja u borbi protiv korupcije i imala je konkretne mjere. Koje su to vaše mjere u borbi protiv korupcije? Hvala.

Poslanik/zastupnik Elvis Vreto:

hvala predsjedavajući. Koristim priliku da pozdravim sve prisutne kao i građane koji nas prate. Želim da se zahvalim kandidatu za premijera gospodinu Nenadiću na iscrpnom izlaganju. Imam dva pitanja konkretna. U načelima i pravcima rada dotakli ste javne potrošnje i potrebe za smanjenjem. Ukazali ste na neke od načina kao i na činjenicu povećanja broja uposlenih u javnom sektoru u prethodnom periodu. Moje pitanje je da li imate namjeru ukoliko budete imenovani ponuditi jasan akcioni plan za ostatak mandatnog perioda kako bi imali preciznije mjere racionalizacije i načina smanjenja uposlenih u javnom sektoru sa konačnim ciljem smanjenja troškova javne potrošnje. Smatrate li da je to neophodno. Drugo pitanje je vezano za problem vodozaštitne zone sarajevsko polje, nisam primijetio u ekspozeu, konkretno u Ministarstvu privrede da je jedan od prioriteta za rješavanje problem sa vodozaštitnom zonom Sarajevsko polje. Moje pitanje je na koji način imate namjeru posvetiti se navedenom problemu, obzirom na ogroman značaj i višedecenijski problem sa kojim se susreću, kako građani koji žive na tom području kao vlasnici imovine, tako i svi građani Kantona Sarajevo zbog snabdijevanja pitkom vodom. Toliko. Hvala predsjedavajući.

Dopredsjedavajući Vitor Handžić:

zahvaljujem predsjedavajući, zahvaljujem mandataru na izloženom ekspozeu, ja sam ga i ranije pročitao od prvog do zadnjeg slova, uključujući i ove priloge. Imam dosta pitanja pa molim vas za strpljenje. Ponavljam ovo otprilike ovo isto što je moja kolegica Dizdarević pitala i ne pitam to zato što mislim da je to išta potrebno da bi vi obavljali funkciju za koju ste kandidovani ali ovo pitam zbog principijelnosti pojedinih zastupnika ovdje. Možete li mi molim vas mandataru reći da li ste bili na nekoj od izbornoj listi na Općim izborima 2018 godine i ako jeste na kojoj ste listi bili, tj na listi koje političke partije? I možete li mi reći koliko ste glasova na toj listi osvojili, znate li koliko je to procentualno, odnosno ukupan broj? Dalje, kolegica Bešlija je pitala, rekli ste u Ekspozeu da ćete raditi na zaštiti manjina svih vrsta i tzv isključenih grupa. I u tome imate moju punu podršku, ali možete li mi samo malo detaljnije pojasniti šta se pod time misli i na koje ste manjine i isključene grupe mislili. Rekli ste da ova Vlada neće doprinijeti neprihvatljivoj javnoj retorici niti da će voditi osvetnički niti svađalačku politiku. Interesuje me šta ste konkretno mislili pod ovom osvetnička i svađalačka politika, šta znači to konkretno? Prema kome osvetničku politiku? Šta ste mislili pod ovim dijelom da vi nas molite da se ne bavimo visokom politikom i da vas ne uvlačimo u visoku politiku. Ne razumijem ove hipotetske dijelove ekspozea. Također ste rekli da administracija u tri nivoa vlasti u Kantonu Sarajevo skupa i neefikasna, da je previše zaposlenih u kantonalnim ministarstvima i institucijama. Kako namjeravate da se bavite ovim stvarima koje ste u nekoliko navrata istakli u ekspozeu istakli kao problem. Kako namjeravate ojačati realni sektor i pojačati zapošljavanje jer ste i to naveli kao jedan bitni segmenata budućeg rada, s druge strane koji su koraci konkretni za uspostavljanje korporativnog upravljanja u javnim preduzećima u Kantonu Sarajevo? Dalje, s obzirom da vam je jedan od fokusa ekspozea bio saradnja sa lokalnim zajednicama pitam vas kao bivšeg ministra pravde da li namjeravate raditi izmjene ustava Kantona Sarajevo kao čovjek koji je to vodio, posljednje izmjene 2017 godine, da li smatrate da su napravljene greške prilikom posljednjih izmjena ustava? Kako mislite unaprijediti nezavisnost sudova i Tužilaštva u Kantonu? Taj me dio posebno zanima. Rekli ste da će Ministarstvo finansija raditi na detektovanju koji su to fiskalni, parafiskalni

nameti koji opterećuju privredu i realni sektor u Kantonu Sarajevo, pa me zanima s obzirom da je ministar finansija kandidat koji je bio isti u kompletnom prethodnom mandatu, da li je moguće da ti nameti nisu već jasni i poznati? Rekli ste da ćete usvojiti budžet za građane i takve praske podijeliti sa gradom i opštinama. Ne znam da li znate da budžet za građane već godinama postoji u pojedinim lokalnim zajednicama u Kantonu Sarajevo? Šta je plan ove Vlade kada je resor obrazovanja, nauke i mladih u pitanju? Da li će se resor dijeliti na dva ili će ostati jedno Ministarstvo? Kako mislite povećati obuhvat djece u predškolskom odgoju i obrazovanju s obzirom da su liste čekanja već ukinute? Koje su to dodatne mjere koje su konkretne sistemske mjere za zagađenje zraka? Moram reći da mi nije jasan ovaj spisak opštinskih projekata koji je u prilogu ekspozea posebno jer je nefinaliziran dokument nisu opštine dostavile, Stari Gradi Ilidža. I da ove želje, spisak potreba vrijedi skoro 100 miliona KM, ja sam to sabrao, kakve one uopšte imaju veze sa Ekspozeom? Da li je ispoštovan član 14 Zakona o Vladi, vezano o pripadnosti konstitutivnih naroda i ostalih u sastavu Vlade prema popisu iz 91 godine. Do provedbe Aneksa VII Dejtonskog mirovnog sporazuma, mislim da li nije, ali da li su svi konstitutivni narodi su u sastavni dio predložene Vlade? Da li ovaj sastav Vlade procentualno zadovoljava pripadnost manje zastupljenog spola? Da li ima nekih izmjena po resorima u planu djelovanja pošto ste vi rekli da te radili na ekspozeu timski, mislio sam da je svaki ministar koji je ranije bio predložen pravio svoj plan rada u resoru i ovo kod vas sada izgleda kao da je nešto univerzalno da se može uklopiti bilo ko da bude ministar jer su mjere neke generalne. Pitam vas da li kao premijer garantujete opstojnost donesenih antikoruptivnih propisa i nastavak započetih antikorupcionih mjera, pitam jer su aktivnosti ove Vlade na tom pitanju bile u skladu sa UN konvencijom za borbu protiv korupcije, što je prepoznato od strane međunarodne zajednice na čijoj ste se tekovine često pozivali u ekspozeu, posebno kroz izvještaj o stanju u pravosuđu u kom je Kanton Sarajevo istaknut kao jedini pozitivan primjer u BIH. Šta ste mislili konkretno kod većeg involviranja mladih u recimo Ured za borbu protiv korupcije? Zna li kakvo je sada stanje u Uredu za borbu protiv korupcije, što na nivou generalne kapacitiranosti Ureda, što na nivou prisustva mladih ljudi u Uredu za borbu protiv korupcije. Zna li koja je razlika u odnosu na mandat kada ste vi bili ministar pravde, trenutno. I pitam vas je li moguće da se kao budući prvi čovjek Kantona Sarajevo niti na jednu turbulentnu situaciju u prethodnom periodu niste oglasili, čak ni na one koje su se ticale vaše buduće Vlade konkretno. Bez obzira ne aludiram koje vam je mišljenje po pojedinom pitanju. Zahvaljujem.

Poslanik/zastupnik Segmedina Srna Bajramović:

hvala predsjedavajući. Pozdravljam sve prisutne pa evo gospodin Nenadić pominjali ste poljuljane institucije sistema pa me zanima na koji način su poljuljane, ko ih ljulja, ko se ljulja u njima? Koji su njihovi uzroci i koga vidite kao najveći problem? Kažete da ste sa mnogima obavili konsultacije da li ste obavili sa svim zastupnicima kao članovima najvišeg zakonodavnog tijela Kantona Sarajevo? Ako niste, zašto je to tako? Da li su to načela europskog puta koji želimo slijediti? Da li vam je barem neugodno što će za vas glasati i neki kompromitovani zastupnici Skupštine Kantona Sarajevo nakon afere sa snimkom? Da li ćete u skladu sa svojim načelima EU puta i najavljene borbe protiv korupcije i kriminala, barem deklarativno odbiti taj glas? Kako mislite zadržati mlade u Kantonu Sarajevo kada pojedini državni zavodi za zapošljavanje učestvuju zajedno s njemačkim u odvođenju naše radne snage?

Sljedeće, koje ćete projekte Vlade Kanton Sarajevo u sadašnjem sastavu nastaviti ukoliko dobijete povjerenje? Koliko se uopšte vaš program rada razlikuje od plana rada današnje Vlade Kantona Sarajevo? Dalje, dio ekspozea koji ste čitali a vezani su za kulturu i boračka pitanja su planovi starih ili novih ministara? Još nešto što smatram važnim je pitanje šta će Ministarstvo zdravstva poduzeti u vezi potpisivanja kolektivnog ugovora radnika u zdravstvu? Štrajk traje od septembra? Kako ste timski organizovano radili i planirate raditi u budućnosti ako vam preko noći mijenjaju kandidate? Da li će sastav vaše Vlade biti nestabilan kao što su nestabilni vaši prijedlozi kandidata? U nekim prijašnjim vladama bili ste dio tima s istim političkim partnerima, zašto sada mislite da ćete biti uspješniji? To bi bila moja pitanja, zahvaljujem.

Poslanik/zastupnik Jasna Duraković:

zahvaljujem predsjedavajući. Prije svega izražavam svoje poštovanje naravno prema kolegi Mariju Nenadiću. Naravno prema njegovom liku i djelu, kako u ljudskom tako i profesionalnom smislu jer sma se u to uvjerila. I zahvaljujem naravno na iscrpnom ekspozeu. I u tom kontekstu očekujem od njega jednu serioznost u pristupu i budućem rukovođenju tj upravljanju Vladom Kantona Sarajevo. I očekujem neke odgovore na određena pitanja koja su već moji prethodnici i postavljali. Evo ja ću pokušati dase ne ponavljam. Pogotovo me zanimaju konkretni planovi rada i djelovanja Ministarstva za obrazovanje i nauku i evo počet ću redom. Jedna od tačaka koje ste naveli ovdje i koju naravno pozdravljam jeste da Ministarstvo kani u budućem periodu održati ranije zakazanu tematsku sjednicu o procesu inkluzije, sa posebnim osvrtom na proces inkluzivnog obrazovanja. Ja bih molila ili evo odgovor ako imate namjeru konačno sistemski ovo pitanje urediti, donijeti neki Zakon koji će zaista tretirati ovaj dio društva u najboljem mogućem smislu. Da li mislite ponuditi konačno neka sistemska rješenja nakon te sjednice koja se nadam će biti uskoro održana? Dalje ovdje navodite da Ministarstvo za obrazovanje i nauku planira završiti analizu nastavnog plana i programa za devetogodišnju osnovnu školu u Kantonu Sarajevo i planira kreirati kurikulum Kantona Sarajevo i postepeno kroz eksperimentalne faze uvoziti izrađene predmetne kurikulume u školske ustanove. Da li postoji šansa, ja sam ovo pitanje postavila i prošle godine ali nemam zaista konkretnog odgovora da nakon te detaljne analize koju još uvijek očekujem, postoji li šansa da se vratimo na taj stari osmogodišnji osnovni sistem obrazovanja i evo šta Ministarstvo konkretno planira poduzeti po ovom pitanju? I da li će se zaista napraviti detaljna analiza ishoda učenja u tzv reformskom procesu devetogodišnjeg obrazovanja? Potom planirate otkloniti uočene nedostatke u primjeni eksterne mature a mene zanima šta su ti uočeni nedostaci u primjeni eksterne mature? Također znamo da je u procesu donošenje novog Zakona o visokom obrazovanju pa me zanima evo kada se to planira i da li će Zakon o visokom obrazovanju ići u javnu raspravu? Koji je to period koji možemo očekivati pošto je to po meni jedno od ključnih pitanja. Također navodite ovdje onako vrlo paušalno i rekla bih malo pomalo populistički već priča koju smo čuli, to je da će Ministarstvo detektovati smetnje koje usporavaju integraciju UNSA i djelovati u cilju iznalaženja adekvatnih rješenja s ciljem osiguranja i jačanja akademske autonomije, kapaciteta i konkurentnosti javnog univerziteta u odnosu na zemlje EU, privlačenja što većeg broja studenata. Ja a ko se ne varam, prethodna Vlada je već detektovala postojeće smetnje i probleme u integraciji UNSA. Kao što je i predstavila potencijalna rješenja za isti ovaj problem pa mi nije jasno čemu služe ovakve ne

znam, floskule ili paušalne tvrdnje i povratak na te stare neke nefunkcionalne metode rada, a to su te da se ponovo bavimo detekcijom do kraja mandata a ne iznalaženjem sistemskih rješenja za probleme koji postoje već godinama. Potom, zanima me ovdje navodite da planirate poboljšati zdravstvenu zaštitu korisnika do univerzitetskog obrazovanja realizacijom interesornih projekata u cilju bolje zdravstvene zaštite, kako mislite ovo realizirati? Na šta se to tačno odnosi? Koji je to način i šta podrazumijevate pod poboljšanjem zdravstvene zaštite? Zatim kažete da ćete unaprijediti i promovisati volontiranje u Kantonu Sarajevo. Ovo se mislim da ne može urediti bez jasnog zakonskog okvira dakle ne možete nikoga natjerati da volontira ako on od toga neće imati neke koristi. Ovo bi nužno trebalo, ili evo šta je prijedlog Ministarstva da se ovo pitanje riješi? Da li to treba ići u okviru novog Zakona o visokom obrazovanju ili ne i na koji način se to planira rješavati? Zatim imam pitanje i s tim ću i završiti za Ministarstvo unutrašnjih poslova za uvaženog kolegu Jusku, mi znamo svi da se MUP već duži vremenski period suočava zaista sa velikom izazovom a to je ova migrantska kriza i najavljen je novi val migranata iz Turske. Dakle ja nešto ne vidim da se iko previše alarmira po ovom pitanju pa me zanima zaista da li postoji neka ozbiljan strategija djelovanja ili krizni plan komunikacije koji će se realizovati u okviru MUP-a u narednom periodu po ovom pitanju? Kako mislimo osigurati tu bezbjednost građana Kantona Sarajevo. I isto to pitanje postavljam novom ukoliko naravno bude imenovan, ministru za zdravstvo. Da li mislite preduzeti serioznije ozbiljnije mjere po pitanju krize sa Korona virusom? Dakle kakav krizni plan komunikacije nam nudite i šta kakva je uloga građana u Kantonu Sarajevo u svemu tome? Toliko. Zahvaljujem.

Poslanik/zastupnik Damir Nikšić.

Hvala. Dakle gospodine Nenadiću ovo su pitanja moje baze ne samo moja. Već 20 godina se borite za ljudska prava i temeljne slobode. U predloženoj Vladi imate 3 pravника. Možete li nam pojasniti sljedeće, ukoliko u Poslovniku piše da se skupštinski zastupnici moraju obavijestiti minimum tri dana o ovakvim vrstama promjena, predlagač to uradi 3 minute prije Skupštine, možete li nam vi i svaki od ova tri pravника ministara pojasniti kako je to moguće? Dakle to je prvo pitanje. Kažete da su nas ad hoc rješenja dovela do ovoga i da vi to nećete raditi a na početku vašeg ekspozea ste rekli da ćete u hodu rješavati probleme. To je malo kontradiktorno pa se pitam šta je od to dvoje. Dalje, kažete da su vam EU integracije a onda nas molite da vas ne uvlačimo u visoku politiku i da vas se ostavi na miru kako bi se bavili lokalnim pitanjima. Kako onda komentarišete izjavu Željka Komšića da je prethodna Vlada srušena da bi se dobio ANP i kakve po vama ima veze ANP sa lokalnim problemima u Kantonu Sarajevo? Malo off pitanje. Pozivate se na poštivanje Ustava FBIH, BIH i Kantona Sarajevo, i onda na stranici 18 piše u Vladi će biti 3 žene, 10 muškaraca, po nacionalnom sastavu je 9 Bošnjaka, 2 Hrvata i 2 iz reda Ostalih. Obzirom da Ustav FBIH i Ustav Kantona Sarajevo kažu da Vlada u Kantonu Sarajevo mora oslikavati strukturu stanovništva u Kantonu Sarajevo prema popisu iz 91. recite mi da li smatrate da je ova struktura ministara prikazuje sliku Sarajeva po popisu iz 91 godine ili po popisu iz 2013 godine? Mogu vam pročitati na koje dijelove Ustava FBIH mislim ali nemam vremena. Dakle ukratko gdje su vam Srbi? Za pretpostaviti da će ukoliko predložite ove ministre, Klub Srba uvaženi delegati Stojanović i Viteškić pokrenuti pitanje vitalnog nacionalnog interesa a ukoliko neće vjerujem da će se naći trećina zastupnika da podnese apelaciju Ustavnom sudu i da provjerimo da li je ovaj prijedlog

ustavan ili ne. Dalje, da li će jedna od politika zapošljavanja mladih ove Vlade biti zapošljavanje supruge u ministarstvima? Dalje ako možete malo pojasniti ove mjere borbe protiv zagađenosti zraka jer ih u uvodnom dijelu najavljujete da će biti skoro pa prioritet svakog resora, međutim poslije po pojedinačnim resorima je te mjere teško pronaći u ovom dokumentu. Dalje, kada se kroz 71 stranicu vašeg ekspozea pretraži riječ park, a znamo svi za hronični nedostatak parkova u samom gradu Sarajevu ali i ostalim opštinama u Kantonu Sarajevo spomene se park Betanija jednom, park Minijatura, pretpostavljam da je Minijatura gradova, Bijambare, pomene se i vozni park se jednom pominje, adrenalin park se pominje tri puta adrenalin park za djecu taj paint ball ono tamo gdje djeca u maskirnim uniformama vježbaju pucanje, jel to. A ostalih 13 puta riječ park se koristi kao dio riječi parking. Iz ovog proizilazi pitanje da li ćete se boriti protiv zagađenosti zraka betoniziranjem ovih par preostalih zelenih površina u gradu. Dalje da li ste upoznati s tim da je 05.06.2016 Federalni MUP po naredbi za prikupaljenje informacija i potrebne dokumentacije Tužilaštva Kanton Sarajevo tražilo izvještaj poslovanja za kompletnu finansijsku godinu u što hitnijem roku i to zasnovano na informaciji Federalne uprave za inspeksijske poslove. Ja imam taj dokument i ovaj dokument znači da su policija i Tužilaštvo ispitivali poslovanje vašeg budućeg ministra Mesihovića. E sada javnost i ja se pitamo da li je ovaj slučaj i dalje aktuelan i tražio bih tu informaciju ovom prilikom i od kantonalnog Tužilaštva u pismenoj formi da uđe u transkript. Da li je po vašem znanju ovaj slučaj riješen ili obustavljen ili jednostavno niste znali za njega ili postoji neki dogovor u vašoj koaliciji da se ovaj slučaj stavi u ladicu zbog političkih dogovora i interesa. Onda da zaključim, podsjetio bih vas da korupcija i nepotizam nisu evropski put, čak ni u hodu. Kompromitovanje demokratskih institucija i zaobilaženje zakonskih procedura također nisu evropski put. Zar zaista želite na ovakav način doći na premijersku poziciju? Naročito nakon vašeg ekspozea o evropski put. Zar zaista želite na ovakav način doći na permijersku poziciju. Naročito nakon vašeg ekspozea o evropskim vrijednostima. Ovaj, po mom mišljenju i po mišljenju moje baze veoma kompromitovani cirkus od smjene Vlade na koji ste pristali upravo jeste negacija evropskih demokratskih vrijednosti. Ovako sigurno nećete vratiti povjerenje u ovu instituciju, u demokratiju i demokratske promjene. Da li ste svjesni da ste vi saučesnik u procesu gubljenja povjerenja građana u demokratske izbore, demokratski procese i demokratske institucije ili jednostavno to ne želite sebi priznati. I zadnje pitanje moje baze, jel vam vuna? Hvala.

Poslanik/zastupnik Igor Stojanović.

Hvala predsjedavajući. Uvaženi gospodine Nenadiću u vašem ekspozeu primijetio sam da ste na nekoliko mjesta kada ste govorili o aktivnostima iz pojedinih ministarstava pomiješali nadležnosti. O tome ću govoriti u diskusiji a kada je u pitanju Ministarstvo prostornog uređenja imam za vas dva pitanja. Spomenuli ste Zakon o zaštiti od svjetlosnog zagađenja kao podlogu za donošenje kantonalnog propisa pa s obzirom da Zakon trenutno ne prepoznaje svjetlosno zagađenje mene zanima koji je plan, kako mislite ovo uopšte realizovati. Također spomenuli ste područja od opšteg interesa. Ja pretpostavljam da je riječ o zaštićenim područjima ne znam da li znate, ali bi volio da čujem vaše mišljenje. Zaštićena područja su utvrđena prostornim planom Kantona Sarajevo. I to se ne može izmišljati a s obzirom da su u velikoj mjeri ovi planovi narušeni upravo od vaših koalicionih partnera u ovom trenutku od ljudi koji će činiti Vladu a čiji načelnici dolaze evo konkretno iz opštine Ilidža, ili sa mjesta

gradonačelnika koji su ozbiljno narušili ovaj plan, zanima me kako se vi planirate suprotstaviti narušavanju prostornog plana koji je donešen na nivou Kanton Sarajevo? Raduje me činjenica da ste spomenuli da planirate investirati u KK Bosna i da se Bosna vrati u prvu ligu. Ne znam da li znate da trenutno Kanton izdvaja otprilike oko 200.000 KM za KK Bosnu i Bosna igra drugu ligu. A zanima me konkretno vrlo koji je to iznos koji ova Vlada planira izdvojiti za Bosnu i na koji način planira oživjeti Bosnu s obzirom da napomenut ću vas KK Igokea koji trenutno učestvuje u Jadranskoj ligi ima budžet od 1,5 milion i zanima me na koji način ćete vi to riješiti. Također u svom ekspozeu kada je saobraćaj u pitanju ne spominjete nigdje projekat pruge prema Ilidži. Kao ni proširenje trolejbuske mreže prema Vogošći. Da li to znači da ova Vlada odustaje od ovih projekata s obzirom da je prethodna Vlada uložila značajne napore da ovi projekti zažive. Molio bih taj odgovor također. U svom ekspozeu također ste spomenuli da ćete se zalagati da se izvrše presude ustavnog suda. S obzirom da ste bili ministar od 2015 do 2018 godine a da su ove presude također bile su prisutne u javnom životu i s obzirom da ih niste mogli u pravnom smislu riješiti kao član Vlade u tom periodu, zanima me na koji način mislite da ćete sada uspjeti ako niste uspjeli u te tri godine s obzirom da je sastav Vlade barem kada su stranke u pitanju isti uz DF. Osvrnuli ste se i da je korupcija nulti prioritet vaše Vlade. S obzirom na aferu „Asim” i da čak neki od zastupnika kao direktni učesnici treba da glasaju za vas i mislim da se ne radi samo o dva ministra koja su zamijenjena iako je javnost svjedočila u proteklom periodu, s obzirom da su uključeni najveći dužnosnici SDA, zanima me kako se planirate suprotstaviti svim ostalim dužnicima određenim strankama kao jednom od glavnih zamjerki građana kada je u pitanju korupcija, politiziranje ministarstava. Volio bih da čujem šta je konkretna neka aktivnost u kojoj vi planirate da se suprotstavite s obzirom da zavisite od podrške stranke iz koje smo slušali o aferi „Asim” zanima me kako planirate zaustaviti bilo kakav uticaj na vaše ministre u Vladi i kako ćete se suprotstaviti i koja je to nulta tolerancija? I na kraju, vezano za vašu borbu za ravnopravnost i za sastav Vlade. Govorite da ćete se zalagati da sve manjine imaju bolja prava i da ste za ravnopravnost i da je to fokus vašeg djelovanja i kroz vaš CV. Predstavili ste Vladu u kojoj participira 9 Bošnjaka, 2 Hrvata i 1 iz reda Ostalih. Ne znam da li shvatate da ćete predvoditi Vladu koja negira u potpunosti participaciju Srba. Kako se onda mislite izboriti za neke manjine koje su ugroženije ako već ovdje niste bili u stanju na početku da imenujete u Vladu nekog iz reda Srba. Podsjetit ću vas da je to vaša obaveza a o političkoj poruci prema neprijateljima BIH mislim da bi ste kao predvodnik ove Vlade trebali da vodite računa, pogotovo što ste predstavljeni kao neko ko donosi taj novi multietnički duh u Sarajevo. I zanima me da li ste vi samo kamuflaža za multietničnost u ovom trenutku kao mandatar i da li shvatate da ćete m orati imati podršku ljudi koji verifikuju znanje i vrijednosti isključivo na osnovu imena i prezimena. Jeste li spremni da stanete ispred takvih ljudi sa podrškom ljudi koji su se direktno ocjenjivali rad po imenu i prezimenu, vi ćete sada biti kao neko ko je nebošnjak personifikacija takve politike. Ja mislim da ćete biti samo kamuflaža a volio bih da me uvjerite u suprotno i da mi dokažete da to neće tako biti. Hvala.

Poslanik/zastupnik Samir Suljević:

hvala predsjedavajući. Pa evo prije svega moram da naglasim da sam pročitao ekspozu da se našalimo i stari i novi, i ono što me asocira je da je ekspozu pregled lijepih želja. Puno je lijepih stvari navedeno ali nigdje ne piše u kom periodu se te stvari misle završiti, da li u ovom

mandatnom periodu ili je ovo spisak želja za narednih 20 godina. Gospodin Nenadić kaže dalje da će ova Vlada ponuditi promjene u odnosu na šta? Jel u odnosu na prethodnu Vladu, prethodnu, moram napomenuti da je prošla Vlada imala podršku preko 70% građana Kantona Sarajevo i pitam vas šta mislite koliko će podrške građana Kantona Sarajevo imati ova Vlada? Što se tiče ekspozice koji detektuje stanje u boračkoj populaciji tu moram da kažem da sam sa velikim brojem prijedloga mjera saglasan ali opet je to urađeno po meni na jedan populistički način. 25 godina poslije rata mi u Kanton Sarajevo nemamo riješena stambena pitanja boračke populacije znači porodica šehida i poginulih boraca, kažete da ćete ovih 196 pitanja odnosno stanova završiti, opet postavljam pitanja u kojem periodu. Zatim da li ovo što ste rekli znači da ćete u narednom mandatnom periodu napokon završiti spomen obilježje palim borcima i šehidima na Žuči? Kanton Sarajevo ovo očekuje preko 25 godina i borci to očekuju ali nikako da iko to završi. Vrlo važno pitanje da li to nova Vlada odbacuje priču o borbi antifašista u NOB-u? Ovom ekspozici je vezano za boračka pitanja svašta navedeno ali da vam samo citiram, kreiranje između ostalog jedinstvenog protokola za obilježavanje značajnih događaja datuma i ličnosti iz perioda obrambeno oslobodilačkog rata 92-95. itd. U svakom slučaju ni jedna jedina riječ ne postoji o važnim datumima Sarajeva za period 41-45 jer to znači da Vlada neće pokušati da obilježava te značajne događaje i da neće komunicirati sa udruženjima kao što je ABNOR? Ono što mi je interesantno vezano za Ministarstvo saobraćaja je da ste naveli ovdje puno, dvadesetak transverzala i očigledno je da i za ovo isto se podrazumijeva da je ovo za jedan dugačak period, sigurno 10 godina. Ne mislim da se ovo navedeno može uraditi u vašem mandatnom periodu. Još jedno pitanje za kraj pošto ću ostalo ostaviti za diskusiju, hoće li ova Vlada ukinuti revizore za zapošljavanje koje je protekla Vlada uvela? Hvala.

Poslanik/zastupnik Amra Junuzović- Kaljić:

hvala predsjedavajući. Prije svega srdačan pozdrav svima u Skupštini Kantona Sarajevo i građanima Kantona Sarajevo koji prate. Zahvaljujem sem kandidatu za premijera na iscrpnom ekspozici. I u tom kontekstu naime upravo zbog toga što je iscrpan i u kontekstu ovih pitanja koji su postavili moji uvaženi prethodnici, još jednom da se prisjetimo da se bavimo vrlo serioznim pitanjima budućnosti Kantona Sarajevo. Moje pitanje se odnosi na sljedeće: u ekspozici u djelokrugu Ministarstva zdravstva nema niti jednom riječju primarne zdravstvene zaštite koja stanovnicima Kantona Sarajevo, građanima pruža najveći broj zdravstvenih usluga. I u tom kontekstu također bih se htjela nadovezati praktički pitanje koje je uvaženi Marjanović već postavio a to je zaključkom sa prethodne Skupštine zabrana zapošljavanja koja zdravstvene ustanove i sve druge ustanove stavlja u još veći problem. Naime, u JU DZ mi imamo odobrenje od Ministarstva za zapošljavanje zdravstvenog kadra gori od tih potreba pa time je onemogućeno i zaustavljeno kao i zaustavljeno zapošljavanje po konkursima Zavoda za zapošljavanje. To je jedno pitanje koje se prije svega odnosi molim vas šta je sa primarnom zdravstvenom zaštitom koja niti jednom riječju nije spomenuta u ekspozici. I moje drugo pitanje odnosi se na sljedeće: posebno je važno za porodice sa djecom. Da li će uvaženi Nenadić ostati ova subvencija za vrtićku djecu koje je uvela prethodna Vlada? Hvala vam lijepo.

Poslanik/zastupnik Amel Mekić:

hvala vam predsjedavajući. Pošto se prvi put javljam, pozdravljam vas, dopredsjedavajućeg, premijera, ministre, kolege zastupnike, službe, goste i naravno one najvažnije gledaoce ispred TV ekrana. Pitanja za gospodina mandataru, gospodina Nenadića. Pitanje dokle je i šta je sa slučajem Pazarić? Da li smatrate da je ministar trebao podnijeti ostavku obzirom da je kadar SBB? Ako smatrate da, zbog čega SBB ne traži njegovu smjenu? I drugo pitanje da li je planirano otvaranje dnevnih centara za djecu sa poteškoćama? Hvala.

Predsjedavajući:

zahvaljujem uvaženi zastupniče. Obzirom da imamo nekoliko desetina pitanja za našeg mandataru, mandataru da li vam je potrebna pauza kako bi se pripremili ili ne? Zahvaljujem. Mandataru izvolite na odgovor na pitanja. Izvolite.

Mario Nenadić:

izvinjavam se, nije problem, nije problem psihičke prirode nego mi je malo utrнула noga vjerovali ili ne. Tako da stvarno se izvinjavam. Hvala svima na postavljenim pitanjima. Vjerujem da ću vrlo otvoreno jasno odgovoriti na veliki broj vaših pitanja. Ona koja ne znam, ne koja neću, delegirat ću ako to uopšte Poslovnik dozvoljava svojim kolegama, tako da mi nije namjera izbjeći bilo koje od vrlo, vrlo konkretnih jasnih pitanja koje sam čuo danas.

Predsjedavajući:

Poslovnička intervencija, uvaženi zastupnik Konaković. Izvolite.

Poslanik/zastupnik Elmedin Konaković:

evo mogu li vas pitati, iz naše prakse poslovničke zašto sada ovo ovako radite. Zašto kao i svaki put do sada sve ljude koje zatrpamo pitanjima, koji imaju svoje kolege ne pustite da u roku od sat vremena sa njima se konsultuju i daju nam adekvatne odgovore a ne ovako kako to danas radi Deviće. Nemoguće je da Nenadić odgovori na pitanja koja smo pitali. On neću da odgovorim, neću da odgovorim. Dakle ja vas molim i evo tražim pauzu od pola sata a vi dajte na glasanje sat. Logika je da se čovjek konsultuje, ne može odgovoriti na neka pitanja koja smo indirektno preko Nenadića postavili ministrima. Ako bude to pokušao uraditi, smatram da je to izbjegavanje odgovornosti sviju vas. Pa vas molim da uradimo kao svaki put do sada i na tematskim i na običnim sjednicama.

Predsjedavajući:

možda niste bili u sali ali sam pitao kandidata za premijera da li je potrebna pauza kako bi se pripremio za odgovore. I kandidata za premijera je odgovorio da ne treba, da ima spremne odgovore, te da može odgovoriti odmah. I ja sam tako i postupio. Niko od zastupnika odnosno šefova klubova nije zatražio pauzu. Ne mogu dati pauzu na osnovu neke insinuacije da li neko treba ili ne treba pauza? Zahvaljujem. Izvolite uvaženi kandidatu.

Uvaženi zastupnik Jakupović, izvolite. Poslovnička intervencija vjerovatno.

Poslanik/zastupnik Vedran Jakupović:

tražimo pauzu od pola sata Klub NiP.

Predsjedavajući:

Pauza pola sata. Ukoliko smatrate da imamo potrebu sat vremena moramo se izjasniti, ja vas pozivam da se izjasnite da li ste za pauzu u trajanju od jednog sata?

Molim rezultate. Za je glasalo 24, protiv 1 i suzdržanih 1 i pauza jedan sat. Znači nastavljamo do u 14,35 sati. Hvala.

NASTAVAK NAKON PAUZA

Predsjedavajući:

nastavljamo s radom 22 radne sjednice. Uvaženi kandidat za premijera Nenadić izvolite.

Mario Nenadić:

evo još jedno poštovanje svima. Predsjedavajući, kolege, bilo je stvarno dosta pitanja, mi ćemo i kroz stenogram pokušati do svih pitanja, mada evo ja koliko sam stigao i ministri mi smo ih pohvatali, ja ću vam dati odgovor pa mogu se možda i referirati onoliko koliko sam ja i pohvatao ko je kakvo pitanje postavio. Ima dosta pitanja. Ugrubo, to je blizu 180 pitanja je postavljeno. Tako da ću ja neka koja se ponavljaju, evo naravno neću ponavljati ponovno kod osobe koja ih je eventualno postavila paralelno sa nekim prethodnikom.

Prvo na pitanja gospodina Konakovića. Vrlo otvoreno, moj stav evo da ne bude bilo kakvih dilema. Niko, apsolutno niko, bilo koji tajkun, ako je to već neka uvriježena riječ ovdje kod nas u Kantonu Sarajevo, neće imati podršku moju niti ove Vlade kada e radi o poštivanju legalnih procesa, poštivanju propisa i s te strane sigurno je da nećemo dati bilo kakav doprinos nekim negativnim ili ne daj bože, retrogradnim procesima. Što se tiče kolega koje smo spominjali, koji su bili kandidirani pa su odustajali, ja moram samo radi, evo radi digniteta nekih od njih, reći da nisu oni, mada to nije kolega Konaković čini mi se rekao, „otpadali” iz procedure, izvinjavam se, zato sam se i ogradio, nego su odustajali iz ovih ili onih razloga. Mogu detaljno odgovoriti o razlozima. Pa evo možda nije dobro obzirom da su to procesi iza nas, ali mlada kolegica koja je bila predložena za ministricu rada, socijalne politike, raseljenih osoba i izbjeglica, mlada sposobna žena, koja je vrlo otvoreno došla i nakon što je bila kandidirana rekla mi da jednostavno njen privatni biznis od trenutka kada je krenula u ovu proceduru rapidno opao, da joj porodica nije u prilici preuzeti taj biznis i sama je odustala od daljnje procedure. Kolega koji je bio kandidovan za Ministarstvo privrede također je sam odustao od kandidature kao mlad čovjek, čini mi se nije se na kraju uspio iznijeti sa pritiskom politika koje su, evo takve kakve jesu, složeni su ovo procesi. Bilo je to pitanje i stavova i ja sam to rekao i na Komisiji za izbor i imenovanje, i stavovima vezanim za Srebrenica, genocid, 9. januar i ostalo. Ja moram reći da sigurno predvodim jednu Vladu pravu pro bosanskohercegovačku Vladu i kao takvu je predstavljam i kao takvu ću je zastupati od prvog do zadnjeg dana. Ne znam da li je to u ovom trenutku važno ali sigurno da ova Vlada ne može biti dovedena u bilo kakav (nerazumljivo) sumnju vezano za Srebrenicu. Ja sam jedan od državnih činovnika koji je mogu reći najviše radio u Srebrenici, predvodio sam i radne grupe koje su rekonstruisali Srebrenicu u cjelini, obnovili tamo i to naravno znaju svi načelnici Općine Srebrenica, ja ih naravno znam svakog pojedinačno. I 11 zgrada i javnu rasvjetu i dom kulture i stadion, i sportsku. Dakle sve što je urađeno u Srebrenici tih par godina dok je Vijeće

ministara obnavljalo Srebrenicu bio sam direktni sudionik i predvodio te procese, isto kao što sam predvodio povratnike prilikom povratka na područje Istočne Bosne i u druge krajeve širom, ali evo ovom prilikom se spominje Srebrenica i zato sam se referirao na ovo pitanje. Da li je jedna od trenutnih kandidatkinja za Vladu Kantona Sarajevo bila članica općinske izborne komisije? Da. Vjerovatno je određeni politički ili neki drugi kontekst. Naravno da svi koji će se eventualnim ulaskom u sastav Vlade Kantona Sarajevo naći u sukobu interesa pa su dužni podnijeti ostavke na ta mjesta. Da li neki od članova Vlade imaju neku kriminalnu ili neku drugu prošlost. Moram reći da sam ponovno, pet puta preispitao iako znam koga sam predložio, svjestan sam toga, u pauzi ponovno razgovarao sa kolegama, dobio sam decidue nedvojbene izjave da niko od njih nema nikakvu vrstu sumnjive ili ne daj bože, inkriminisane prošlosti. Vezano za progone ljekara, vezano za položaj i odnos ove Vlade prema javnim ustanovama, prema KCUS, itd. Vrlo otvoreno borit ćemo se da na svakom mjestu zaštitimo interese ove Skupštine čija smo Vlada u smislu zaštite njenih interesa, njenih suosnivačkih i drugih prava. Pa i ono kada sam govorio o prelasku gdje je god to moguće na korporativno upravljanje, upravo to jeste jedan od modela, isto kao što je naš model biti će i kasnije pitanja, ali evo, možda je najbolje da sada prođem sada kada sam već uzeo riječ po tom pitanju da ćemo se sigurno boriti da vezano za transparentnost zapošljavanja, vezano za neke druge procese koji su u vezi sa ovim pitanjima. Uvaženi kolega Jakupović govorio je, evo prvo o pravopisnim greškama. Izvinjavam se i vama i građanima Kantona Sarajevo. Ja sam insistirao da se ovaj ekspoze, kada smo ga završili u sadržajnom smislu, ja sam insistirao da se on nađe, možda to i nije bila praksa, da se nađe ranije, da ne bude da ga dijelimo jutros pred početak sjednice, da se nađe pred vama uvaženim zastupnicima, tako da ako ima gramatičkim greškama, a ima, ako je kompjuter na nekom mjestu nešto. Ajde da s te strane da nam to istolerišete, ja garantiram da ćemo i ovaj ekspoze lektorirati u naredni dan dva i da ćemo ga u svakom smislu sadržajno i gramatički doraditi. Bilo je upita također od kolege Jakupovića, šta podrazumijeva vladavina prava, korporativno upravljanje jel to farsa itd. Ovo maloprije kada sam rekao, ja sam uočio prilikom sastavljanja ovog eskopeza, makar onog njegovog uvodnog dijela, primijetio sam puno stvari koje ne idu u prilog ni našim upravljačkim, nadzornim ni drugim strukturama, niti su u skladu sa EU direktivama, a odnose se konkretno kada je ovo pitanje na redu, odnose se na činjenicu da mi danas imamo institucije u kojim pojedini javni činovnici, da ne govorim sada jesu li to državni službenici, namještenici ili drugi uposleni u javnom sektoru, što bi rekli, do podne rade u jednoj instituciji, a zatim poslijepodne kao članovi upravljačkih struktura odgovaraju sami sebi ili instituciji iz koje dolaze a onda da nonsens bude zaokružen, za sedam, osam ili 17 dana pojavljuju se u redovnim ili ciljanim, onim usmjerenim nadzorima u istoj toj instituciji. Evo ako je to bio upit, ili možda šire od toga- ovo je ideja da se jednostavno te nespojivosti konačno riješe. To je možda samo prvi korak u trajnom kvalitetnom rješavanju pitanja upravljačkih i drugih struktura. Nisam neki ekspert naravno u zdravstvu ali evo na prijedlog, kako je ova Skupština zadužila pa sam iskompletirao ova pitanja koja se odnose na zdravstvo i školstvo i na pojedine druge resore, uglavnom vezano za (nerazumljivo) model u zdravstvu. On je već uveden u Sloveniji, uvele su ga i neke druge, uvode se u nekim zemljama regiona. Prije pet godina Federacija je počela pod navodnicima da brine o ovom pitanju, da izdvaja za njega, tako da s te strane sigurno da je (nerazumljivo) model nešto o čemu treba ozbiljno razmišljati kada je zdravstvo u pitanju. Vezano za skrining programe, dobio sam podatke koliko je bolesnika sa karcinomom debelog

crijeva, da je on povećan za 100%, da je to razlog što je ovo i neko drugo pitanje vezano za skrining u zdravstvu što je stavljeno u ovaj ekspoze. Domovi zdravlja, put pacijenta, primarna zdravstvena zaštita, evo možda u onom dijelu koji sam ja danas čitao kratko, ne mogu se ni ja sjetiti naravno, malo sam i pod stresom, međutim, detaljno evo imam ovdje pročitati ću vam kasnije, detaljno smo ovo pitanje obradili pod jednom tačkom u onom prilogu 1. našeg ekspozea. Tako da, da ima i obiteljska medicina i DZ i ta primarna zdravstvena zaštita ima detaljno obrađena. Vezano za domove kulture, evo ministar je to onako slikovito objasnio, rekao je da on je imao u vidu pet domova kulture, dakle ministar Alikadić i da je on u tri od tih pet domova i sam radio, trenirao itd. Status ustanova u kulturi, da li smanjenje ili racionalizacija zapošljavanja u javnom sektoru. Da li se odnosi na kulturu i na zdravstvo primarnu zdravstvenu zaštitu. Definitivno ne. Dakle nismo rekli nigdje da se to odnosi na bilo koji resor. Ja sam jasno rekao da je cilj staviti zapošljavanje u javnom sektoru pod kontrolu na način da ne širimo administraciju tamo gdje to nije potrebno, da izanaliziramo svugdje gdje planiramo raditi nova zapošljavanja, da prvo izanaliziramo raspoložive kapacitete i ukoliko je to potrebno što da ne, i u kulturi i u zdravstvu znamo posebno u oblasti domova zdravlja, primarne zdravstvene zaštite, i vjerujte da će to ova Vlada ukoliko bude izglasana i u prilici da će sigurno podržati. Ponavljam uz ove principe koji nisu bili usmjereni ni protiv kulture ni protiv zdravstva niti protiv bilo kog drugog resora. Jednak tretman imat će svi klubovi. Klubovi su udruženja građana u Kantonu Sarajevo. Mi to znamo 4300-4400 je udruženja registriranih, koliko se sjećam. Tako da s t strane, sva udruženja građana, svi klubovi će imati jednak tretman, posebno ako to gledamo kroz poziciju klupskih sportova i kod sportova na tim nivoima, i omogućavanje izlazaka ovih naših klubova na europska i druga takmičenja. Gospođa Kristić dopredsjedavajuća, postavila je pitanje vezano za Zakon o ravnopravnosti polova da li je kolega Alikadić, ispred koje stranke je delegiran. Voljeli bi smo naravno da je i u našim redovima i to ćemo se boriti da popravljamo kroz daljnju strukturu, da je više kolegica i kolega dolazi SDA, tako da s te strane nije bilo dilema. Šta sam sa MUP-ovom zgradom? Zgrada MUP-a još u Vladu kojoj sam ja sjedio prije godinu i po dana sigurno je bila predmet interesovanja, tada nismo postigli rješenje. Međutim definitivno MUP, Uprava policije trebaju da imaju svoje administrativno sjedište, da se kroz tu instituciju razvijaju kapaciteti. Mi znamo da nam je danas na nekoliko lokacija u gradu da su nam ove institucije podstanari i cilj pa možda krenuti sa ledine, odnosno praviti namjenski ciljani, po standardima kakav je propisan za ovu vrstu objekata odgovarajući centar. Opet pitanja o kulturi, što ponavljam nije sporno. Da li podržavam javne konkurse. Vi znate da sam ja, možda znate da sam ja prilikom dolaska na funkciju ministra pravde i uprave 2015 godine ovoj Skupštini predložio Zakon o državnoj službi, da je to bio Zakon koji je propisao kriterije za prijem državnih službenika, eksterne i interne premještaje i druga pravila i procedure. Ukoliko bude potrebno taj ćemo Zakon doradivati i mijenjati, međutim smatram dalje u okviru državne službe zapošljavanje u drugim dijelovima javnog sektora moramo istrajati na onome što je urađeno i kroz Ured za borbu protiv korupcije. To će biti moja intencija. U okviru tog Ureda, on je uspostavljen u mandatu prethodne Vlade, ova Vlada je također uradila puno, puno na njegovom etabliranju, na profesionalizaciji tog ureda, mi ćemo tome dati punu i maksimalnu podršku kroz sve one mjere koje su išle i kroz zaključke ove Skupštine. I ono što je u Zakonu definirano. Evo ovdje sam zapisao, i u tom ćemo dijelu sigurno nastaviti politiku i mjere koju je provodila i ova i prethodne Vlade. Uostalom ako smijem to na kraju potvrditi činjenicom da sam ja prilikom,

pred kraj mandata dobio i zahvalnicu Ureda jer smatram da sam tada kao resorni ministar uradio dosta na uspostavi tog ureda, na njegovom zakonskom okviru skupa sa tada gospodinom Konakovićem koji je bio premijer u toj Vladi, tako da ponosan sam na to što je urađeno u okviru Ureda za borbu protiv korupcije i tome ćemo dati puni doprinos i u nastavku. Kolegica Dizdarević pitala je kakav je stav da li je došlo do kršenja Poslovnika, pa je kasnije bilo još pitanja u vezi toga. Ja ću odgovoriti, odgovorio sam i na Komisiji za izbor i imenovanja. Pitao me tada uvaženi kolega Vibor. Ja sam to odgovorio na jednostavan način. Ja trenutno dolazim privrede, dolazim iz društva ograničene odgovornosti, društva s kojim imam potpisan ugovor. Ja se nisam kao što ste primijetili prethodna dva, tri mjeseca oglasio ni na jedan upit niti medija niti bilo koga u strukturi. Ja sam ovdje predložen za mandatar. Evo danas ponavljam sa ovog časnog mjesta, tako se i ponašam. Prema tome, onaj ko treba tumačiti skupštinske procedure neka ih tumači. Ja ne želim ni ovom prilikom ući u analizu onoga šta je rađeno, kako je rađeno, neka to rade, ako treba nadležne institucije i kao eventualno budući premijer učinit ću puno da se doradi Poslovnik Skupštine na mjestima za kao smatram da jeste odgovornost Vlade ili da Vlada treba reagirati. Da li sam stranački ili nestranački kadar? Dakle tu nema dileme, a to nikada nisam krio, ja sam kadar SBB a dolazim kao zajednički kandidat SDA, SBB i DF. Dakle tu mislim da nije bilo, možda je to onog trenutka kada sam predložen za kandidata možda je to u tom trenutku ostalo negdje da visi u zraku. Da riješimo uz ovo pitanje da riješimo i pitanje da li sam, ne znam kako je to ovdje spomenuto, kamuflaža ili kako već. Ne ja sam autohtoni sarajevski Hrvat, Bosanac i Hercegovac, ponosim se svojim porijeklom. Dakle da u javnosti ne bude nikada nikakvih dilema više oko toga. Ponavljam dakle, Sarajlija rođen u ovom gradu, Hrvat, poštujem svakog građanima Kantona, tu sam čitav, osim par privatnih i službenih putovanja, čitav život, čitav rat sam ovdje, borio se za ono za šta se bori većina u ovoj Skupštini. O tome ne dozvoljavam uopće bilo kakvu polemiku niti politiku. Dakle tu planiram živjeti. Oboje djece vezani su mi za ovaj grad, neizmjereno ga volio i čitava moja porodica. Nemam o tome šta reći i o stranačkom i o nacionalnom i o drugom porijeklu. Ali evo, možda sam trebao biti ovako jasan da se ovo pitanje više nikada ne bi polemiziralo. Svakoga to interesuje sada zna. Nisam fikus bilo čiji. Hrvat sam. Moj interes je da moja djeca, isto kao i vaša, i svaki građanin Kantona da ima ljepšu budućnost u ovom gradu, da ima olakša pristup komunalnim i drugim uslugama. Da ima bolji pristup obrazovanju. Za oboje plaćam školovanje. Za oboje djece. Bilo je kasnije pitanja da li ćemo zapošljavati supruge ili nećemo. Moja 26 koliko je diplomirani pravnik živi i radi u privatnom sektoru. Evo ja dolazim iz privatnog sektora, bio sam prije toga u javnom sektoru, prije toga sam bio karijera mi je počela u privatnom sektoru, nemam nikoga u desetom koljenu zaposlenog u javnom sektoru. Toliko o mom stavu vezano za ovo pitanje. Bilo je dalje dosta pitanja dugovanja prema uposlenicima, vanskudske nagodbe i ostalo. Ja se dobro sjećam da smo i u tu vrijeme u resoru Ministarstva finansija i Ministarstva pravde i uprave skupa koordinirali. Napravili smo taj oblik vanskudskom poravnanja, odnosno nagodbi vezano za presuđenu stvar, odnosno vezano za pravosnažne presude. Ako se sjećate, to smo kombinirali uz odricanje od prava na kamatu i ostalo i taj sistem dobro funkcioniše. Mi ćemo ga nastaviti i ova Vlada mu je dala doprinosa više od onog koliko je zakonski minimum tako da s te strane mi ćemo sigurno i po ovom i po svakom drugom pitanju nastaviti da realiziramo te vanskudske nagodbe. Rad sa talentovanim učenicima, hoće li ostati ta stavka, da, ona je ja sam to potvrdio kroz potvrdu i odnos prema onih 12 mjera koja ova uvažena Skupština

donijela na tematskoj sjednici tako da naravno da, i na svakom mjestu gdje budemo u prilici podržat ćemo ovo je jedan od naših ključnih ciljeva isto kao i cilj ove Vlade što je bio, isto kao i ovo o čemu sam maloprije govorio, da unaprijedimo položaj mladih, sve naše djece koja planira živjeti ovdje ali i one koji planiraju živjeti negdje drugdje. Naše je da im pružimo kvalitetno obrazovanje a oni će sami izabrati i ne samo obrazovanje, zavisi to od čitavog niza drugih mjera šta će oni. Dakle rad sa talentovanim učenicima da, pojačati gdje god budemo mogli, o tome ćemo znati onog časa kada ostvarimo detaljan uvid i u budžet i šta smo tu zatekli, kakve su stavke ostale vezano za to pitanje. Dalje, bilo je još upita revizija diplome. da. Što da ne. Vidimo da se u nekim kantonima u FBiH i na nekim drugim mjestima u BiH ovo pitanje i trenutno rješava i rade analize. Postoje državne agencije koje su oformljene za realizaciju ovog posla, što da ne. Naravno postoji i Zakon o slobodi pristupa informacijama ali i o zaštiti osobnih podataka, tako da ćemo to uskladiti i evo to je nešto možda što nije bilo u ekspozeu. Ali vrlo rado što da ne u odnosu na kapacitete u radu naše buduće Vlade. Zastupnica Bešlija pitala je koje su to isključene grupe. Ja sam to pokušao u ekspozeu objasniti na način, za mene je isključen svako onaj kome nije posvećeno dovoljno pažnje. Da li se tu radi o djeci sa poteškoćama u razvoju, osobama sa invaliditetom, neki oblici nacionalnih ili bilo kojih drugih manjina, budite uvjereni da su vrata i mog ureda i resornih ministarstava otvorena. Mi smo se ovdje ne deklarativno, nego stvarno pozvali na europsku priču. Dugo godina pratim međunarodne konvencije i s te strane dobro došli. Svi koji se osjećaju manjinom po ovom gradu po bilo kom osnovu da radimo skupa i da rješavamo zajednički njihove probleme. Zastupnik Okerić je pitao odnos prema Tužilaštvu, sudovima, mjerama u borbi protiv korupcije. U mjerama u borbi protiv korupcije jasno sam rekao moje opredjeljenje vezano za rad o tome bih mogao naravno dugo govoriti, vezano za rad sudova i tužilaštava u Kantonu Sarajevo. Pa i vezano za određene procese u advokaturi, u Zavodu za besplatnu pravnu pomoć u pravobraniteljstvu itd su dosta ili dobro poznate široj javnosti jer sma puno radio na jačanju kapaciteta sudova u Kantonu Sarajevo. Mi imamo jednu jako lošu poziciju nagomilanih problema u sudovima na kantonalnom sudu, trenutno u građanskom i krivičnom odjeljenju imamo blizu 24.000 neriješenih predmeta. Želja mi je da u ovoj i do polovine naredne godine, o tome sam već razgovarao sa odgovornim osobama, da pokušamo ovaj broj svesti ispod 20.000 što bi nas vratilo u situaciju da makar pređemo na rješavanje sporova iz 2017 i 2018 godine jer nažalost još uvijek smo na 2015 i 16. što znači ako to poredimo sa problemima ili sa pitanjima koja su pokrenuta ovih dana i Federalnom parlamentu a to je pitanje izmjena Zakona o krivičnom postupku, koji kaže da je predložena jedna mjera od strane nadležnog federalnog ministra prema kome bi na godinu čekanja u trajanju sudskih procedura bila uvedena naknada nematerijalne štete od 100 KM. Ako to pomnožimo puta 20.000 i nešta hiljada sporova na čekanju, puta toliko godina bankrotirat ćemo. Prema tome jačati kapaciteta sudova na općinskom sudu, ne želim zloupotrebjavati ovu govornicu, stanje tamo jako dobro poznajem. Tako da završit ću time da na općinskom sudu mi imamo preko milion sporova male vrijednosti u oblasti potraživanja za naplatu komunalnih tužbi. Tako da s te strane treba puno podrške. To ne može samo riješiti u odnosu prema sudovima, moramo djelovati i prema državnim institucijama. Imamo situaciju da sam još te 2018 godine ostavio zahtjev za prijem 11 sudaca na opštinskom sudu. VSTV to nikada nije realizirao. Prema tome trebat će nam puno, puno mudrosti, usklađenih politika i prema državnim i federalnim institucijama. Spominjali smo tamo također kada govorimo šta su to evo kada već govorimo šta su to mjere,

moramo puno više sarađivati i sa uredom zastupnika za zastupanje BIH pred Europskim sudom za ljudska prava u Strazburu. Tu se krije puno izazova, opasnosti za BIH u EU integracijama, ali evo ne želim o tome ovom prilike više, osim ako me budete pitali. Opstojnost antikoruptivnih mjera. Nakon svega ovoga samo mogu reći da. Ured za borbu protiv korupcije da, uz jačanje kapaciteta, uz moju punu podršku. To ćemo dokazati već prvim danima naše saradnje. Kolegica Segmedina Srna pitala je vezano za konsultacije sa svima. Nažalost ne. Ne mogu reći ni sa većinom, ali sa nekima da, onoliko koliko je to i vrijeme i mogućnosti dozvoljavali. Ovdje u ovoj Skupštini izvan ove Skupštine sa određenim institucijama obišao sam ono koliko smo mogli u pripremi ekspozea i mislim da smo napravili jako kvalitetne konsultacije prije definisanja ovih mjera. Kako zadržati mlade. Vi ste to najbolje rekli. Na tematskim sjednicama u okviru strateških i drugih inicijativa, pratit ćemo sve ono što je dobro urađeno, također ćemo predložiti i određene dodatne mjere. Naravno mlade možemo zadržati samo kvalitetnim obrazovanjem. Blagovremenim zapošljavanjem. Pitanjem raznih stambenih, statusnih pitanja, subvencija, a znamo već praktično tu su nam, ako bude dobre volje, a ima je, tu su nam ideje i šanse zaista neograničene. Zašto sada mislim da ću biti uspješniji u ponekim. Pa evo, ako ništa, malo sam iskusniji, malo sam ozbiljniji, stariji. Nisam baš bio jako neuspješan ministar u Vladi Kantona Sarajevo. Vi se sjećate da je 18 ili 19 Zakona doneseno u ovoj Skupštini na moj prijedlog. Nikada u istoriji nigdje na svijetu nije se desilo da je svaki Zakon koji sam ja predložio Skupštini jednoglasno usvojen. To je 700. 800 puta ruka išla u zrak, nikada nije ostala na stolu. To ne govori da sam jako pametan, govori samo o tome da prilikom predlaganja bilo koje mjere da vršim detaljne konsultacije sa svima na koje se ta mjera može odnositi. Svim onim donosiocima odluka, tako da mislim da ću biti još uspješniji nakon ovih iskustava, gledao sam to evo sada nakon godinu dana i sa druge strane to je jedan od razloga što se u ovom ekspozeu često spominje taj balans između javnog i privatnog sektora, ali evo da ne uzimam puno vremena sada na ta pitanja. Kolegica Duraković je postavila čitav jedan, prvo hvala na lijepim riječima koje ste mi uputili. Postavila je čitav set pitanja koji se odnose na konkretne planove u oblasti Ministarstva za obrazovanje, nauku i mlade. I posebno na migrantsku krizu. Ja ću samo preletiti jer ne bih ovo znao tako brzo pročitati vi ćete prepoznati dosta mjera i iz onog paketa od 12 mjera i određenih tematskih sjednica koje set imali po pitanjima mladih i po pitanjima obrazovanja. Radi se o pitanju uspostave instituta za razvoj preduniverzitetskog obrazovanja. Naravno to ćemo pitanje nastaviti raspravljati, analizirati u odnosu na postojeće stanje vrlo konkretno dati svaki doprinos na njegovom rješavanju. Uspostava fondacije za razvoj naučno istraživačke djelatnosti, održati ranije zakazanu tematsku sjednicu o procesu inkluzije, završiti analizu nastavnog plana i programa za devetogodišnju osnovnu školu, pa tu ima čitav set predviđenih mjera kojima ćemo se posvetiti vezano za povratak sa devetogodišnjeg na osmogodišnje školovanje. Set mjera vezan za Okvirni Zakon. Kako je ovo pitanje uređeno u drugim zemljama u okruženju i šire pitanje reformi i ostalo, otkloniti uočene nedostatke u primjeni eksterne mature, vezano za visoko obrazovanje, naravno nastaviti integraciju sa jedne strane i očuvanje autonomije sa druge strane. Puno ćemo raditi sa OSC i drugima koji su uključeni u ova pitanja. Šta napraviti sa PISA rezultatima, evo tu ima čitav set, pet, šest mjera koje ćemo također objaviti uz ovaj ekspozee jer su iz njega i izvučene, itd. Dakle pitanje obuhvata djece u predškolskom obrazovanju, znam da je u ovom mandatnom periodu znam da je Vlada riješila pitanja čekanja, mi tome želimo da damo svaku vrstu trajne, i sistemske, institucionalne

podrške, i da osiguramo proširenje kapaciteta, tako da s te strane više nikada ne dođemo u problem sa uključivanjem djece u taj dio nastave. Da, migrantska kriza je bila jedno od pitanja, na žalost vidim ovih dana dramatičnu situaciju vezano za migrantsku krizu. O tome sam govorio malo u ekspozeu. Ovim pitanjem bavim se čitav svoj život tako da ponavljam neću zloupotrebljavati ovu govornicu, ono što sma rekao u uvodu, jedna od desetak isključivih nadležnosti institucija BIH su pitanja i migracija izbjeglica i azila, tako da ovo pitanje, ali ne, a da, to je važno kada kažemo šta ćemo to mi raditi. Dakle, politika u oblasti migracija izbjeglica i azila je nadležnost državnog nivoa. Međutim pristup pravima država nije eksteritorijalna isto kao što nije ni jedan njen Kanton . Mi smo svi dio te države i svi skupa moramo dati podršku rješavanja pitanja migracija u BIH pa i šire. Vi znate , vjerujem da znate da smo mi potpisnici brojnih međunarodnih konvencija iz oblasti migracija, iz oblasti izbjeglica, tako da naša je obaveza osigurati pristup pravima kada govorimo o pristupu na ishranu, smješta, na sigurnost tokom boravka u BIH, na pitanje socijalne zaštite, a u okviru procesa i politika koje vode državna ministarstva sigurnosti, vijeće ministara i nadležne institucije, odnos ove zemlje prema migracijama, da li je to politika nekog trajnog zbrinjavanja ili je politika zbrinjavanja na humanitarnoj, na izbjegličkoj, azilantskoj, ili drugim pitanja, priznavanje subsidijarne ili neke druge zaštite i to je nadležnost države. I tu ćemo se potruditi da ono što su obaveza Kantona ispoštujemo. Kolega Nikšić pitao je za tumačenje Poslovnika, ad hoc rješenja ili sistemske mjere. Kako to međusobno dovesti u vezu. Ja mislim da će ova Vlada naravno morati provoditi i donositi i ad hoc mjere za pitanja koja su goruća tamo, međutim ja sam veliki pobornik sistemskih rješenja, i mislim da kao što sam i rekao u ekspozeu strategije ne donose brza, ne donose jeftina, ne donose neka populistička rješenja, međutim smatram da jedino jednim strateškim zakonskim pristupom stvaranjem ambijenta i kreiranjem ciljeva sa jasno definiranim rokom da se svako pitanje može voditi ka nekom cilju ili dovršetku tako da ad hoc rješenja ili sistemska rješenja ponavljam preferiranje sistemskih i na Zakonu utemeljenih rješenja. Na pitanje šta sam htio reći da nas se ne uvlači u visoku politiku. Pa vidite, ja sam 23 ili 24 godine radio u državnim ministarstvima. Svjestan sam da ova Vlada, nismo mi nikakvi ni veliki političari, evo u najmanju ruku visoki funkcioneri ili političari ja smatram da ćemo bavljenjem visoke politike u smislu određenja prema nekim pitanjima o kojima nadležnost i obavezu brine državni nivo vlasti, entitetski nivoi, da ćemo samo sebi uskratiti priliku da se bavimo konkretnim pitanjima i interesima građana u Kantonu. Prema tome, evo ako sam nekoga povrijedimo time želio sam samo da kažem da se neću baviti nikakvom visokom politikom nego da ću svu svoju koncentraciju i pažnju skupa sa ovih 12 ljudi usmjeriti ii pokušati usmjeriti na rješavanje običnih, životnih svakodnevnih interesa građana u Kantonu Sarajevo. Dakle bez bilo kakve neodređenosti, svako pitanje što se mene tiče, ali dajte da se jednom oko toga odredim, dajte da se ne vraćam na njega svaki dan. To je bila ta poruka iz uvodnog dijela ekspozea u kojem sam ja pisao i upisao svaku riječ. Dalje je bilo zapošljavanje supruga u javnom sektoru. Hoćemo li podržati. Evo mislim da nakon što sam spomenuo mislim da nemam potrebu da ponavljam decidno tu izjavu pošto nisam podržavao ni u vrijeme kada sam bio ministar, ni upis svoje djece u školu. Ponavljam otišli su na plaćene školarine, ni zapošljavanje svoje supruge, časnno, vrlo odgovorno s ove govornice pozdravljam sve i molim ih da se meni sa takvim pitanjima ne obraćaju, a argumenti su upravo ovi koje sam upravo dao. Dakle, s tim u vezi je pitanje konkursa. Podržat ću, hajmo ga raditi, hajmo ga šifrirati, hajmo raditi sve modele skupa sa Uredom za borbu protiv korupcije, to je

ono na čemu ću ja sigurno dati doprinos i insistirati. Bilo je pitanje zelenila u gradu, tih općih posebnih zona, izvinjavam se. One se ne odnose na ono što smo čuli kasnije u komentarima na zaštitu, odnosno na područja od posebne zaštite, nego je to definiranje u smislu urbanog planiranja. Definiranje općih i posebnih zona u jednoj urbanoj gradskoj cjelini. Neće beton imati prednosti u odnosu na gradske parkove. Tako da evo ima tamo negdje u onim mjerama da smo veoma decidni u tom pitanju. Da i u smislu onoga što od Sarajevo šuma tražimo kroz saradnju sa nevladinim sektorom povećanje sa 100 na 200 i na pola miliona zasađenih sadnica do kraja mandata. Bilo je kritika da se nisu spominjale, pa se to na par mjesta ponavlja pruga Marin Dvor i Ilidža. Da jeste, spomenuli smo je detaljno obrazložena i u onom prilogu dva, spomenuli smo je i u ovom dijelu, bilo bi stvarno nelogično da taj decenijski projekat ne dovedemo do kraja. Da, i ta pruga i trolejbuska mreža za Vogošću. I jedino ja nisam spominjao 20-tak transverzala nego smo baš spominjali 6. nismo se mi tu puno razmahali, znamo šta je dogovoreno sa EBRD. Moram napomenuti sa ove govornice, a to je ono što maloprije kažem, mi znamo da zaključenje novih kredita, novih međunarodnih ugovora podrazumijeva bilo da se radi o subsidijarnim ili drugim ugovorima da to podrazumijeva saradnju izvršne i zakonodavne vlasti na svim nivoima u BiH. Tako je i u RS i u FBiH i kroz Vladu jednu i drugu, i Narodnu Skupštinu i Parlament FBiH, na kraju Vijeće ministara i konačno ratifikaciju u Predsjedništvu BiH. Svjesni smo mi koliko je to trnovit put za angažiranje bilo kojeg kredita. Iskorist ćemo ovo što nam je na raspolaganju sada, i nećemo se baviti visokom politikom da ne bi smo time sebi zatvorili vrata u obezbjeđenju sredstava za rješavanje evo običnih pitanja interesa građana. Presude ustavnom suda, šta mislite s njima, kako mislite. To je jedno vrlo, vrlo složeno pitanje. Dat ćemo mu doprinos na svaki mogući način, čestitam i zahvaljujem svojoj prethodnici, kolegici Brčić koja je nastavila također rad na Zakonu o lokalnoj samoupravi, na amandmanima na Ustav Kantona da li će ih trebati provesti do kraja ili ne, hajde dajte nam da to izanaliziramo. Jedna od pitanja zbog kojih sam spomenuo presude Ustavnog suda, opet ponavljam nisu ove visoke politike, nego najobičnija pitanja vezana za lokalnu samoupravu u Kantonu Sarajevo, a to je onih 16 ili 17 presuda ako se sjećamo. A sjećamo, znam da ste o njima često ovdje govorili, prema kojima je Kanton Sarajevo povrijedio pravo lokalne zajednice na lokalnu samoupravu i ja sam na to imao akcenat kada sam govorio o tom pitanju. Korupcija nulti prioritet da, da li sam dužnik strankama. Decidno ne. Nikom ništa nisam dužan, osim ovih kredita koje imam u porodici. Dakle nikome ništa nisam dužan, tako ni strankama, ali istovremeno im se zahvaljujem što su me prepoznali kao zajedničkog kandidata i to ću ispoštovati na svaki način. Ali dužan nikom ništa nisam. Vezano za pitanje evo to je i pitanje kamuflaže, jesam li ja neka kamuflaža, ne osjećam se tako, ponosno hodam kroz svoj grad. Branio sam ga na svaki mogući način tako će biti dok sam živ. Ne planiram, ne vidim svoju budućnost. Niti moja djeca vide budućnost igdje izvan ovog grada. Tako da ružno bih se osjećao da me neko doživljava kao kamuflažu i to su stvari o kojima najmanje volim da razgovaram u ovom gradu. Kolega Suljević je pitao realizacija ciljeva iz Ekspozea oni su okvirno utvrđeni. Mi ćemo naravno kao i svaka druga Vlada, svako drugo odgovorno tijelo, procijeniti na budžet na moguće kapacitete i ostalo, i kroz redefinirane programe rada ovo pitanje propisati na jedan prilično, nije moguće u ovakvim procesima definirati rokove ali sigurno da ćemo ovom voditi računa. I mogao bih možda s tim u vezi još reći kada govorimo o tim ciljevima iz ekspozea bilo je pitanja koliko se preklapaju. Možda se mislilo ako neko nije konkretno pitao, kolik je prepisano. Ne mogu reći prepisano, ali je

ponovljeno sve ono, a ja se ne stidim toga reći, naprotiv, sve ono što je ova i svaka druga Vlada i Skupština kvalitetno uradila, mi smo to ozbiljno razmotrili. Pa nećemo valjda stvari vraćati unazad. Sve što je dobro, sve što smatramo da su dobre politike u oblasti i obrazovanja i zdravstva i socijale i boračke zaštite i ostalo, naravno da ćemo podržati. Tako ako se neka mjera podudara ponosan sam na to da smo svi skupa na istom putu i da će mjere koje mi danas ovdje predlažemo naći se u ekspozeu neke koje budu nedovršene, naći se ekspozeu, nekih budućih Vlada. Tako da s tim nemam nikakav problem. A prepisivali sigurno nismo. Bilo je dalje pitanja šta je s ovih 196 stambenih zbrinjavanja boraca, kada? Evo vidimo da je za ovu godinu predviđeno već rješavanja više od 1/4, 50 stambenih rješenja tako da možemo ako bi to išlo tom dinamikom, možemo u mandatu ove Vlade ili vezi sa tim rokom, računati da će naši branitelji, borci konačno dobiti i trajno stambeno zbrinjavanje. Pitanja obilježja na Žuči i centralno spomen obilježja, vjerujte da ćemo se o ovom pitanju maksimalno posvetiti. Već smo u koordinaciji i komunikaciji sa općinskim načelnicima, vidjeli ste to u onom prilogu 2 projekata, da ćemo se tim pitanjima posvetiti i posebno da na jedan kvalitetan, urban način u centru grada, na Trgu Alije Izetbegovića riješimo pitanje centralnog spomen obilježja svim našim borcima i braniteljima. Bilo je također pitanja vezano za antifašističku borbu. Vjerujte da tu niko od nas nema nikakve dileme. Ja smatram upravo i zato želim vrlo jasno i odgovorno da izjavim sa ove govornice da ne želimo revidirati nikakve datume koji su već utvrđeni tokom perioda istorije nakon NOR-a i s te strane i udruženje AVNOJ i svi drugi koji temelje antifašističku borbu dobro su došli u moj ured i u bilo koji ured buduće Vlade Kantona Sarajevo. Dakle, tu vjerujte dileme nikakve nema. Zastupnica Junuzović je pitala pitanja vezano za zdravstvo, primarnu zdravstvenu zaštitu i ostalo. Evo ministar me je podsjetio ili neko od kolega izvinjavam se da je na strani 46, tačka 8) ovo pitanje detaljno razrađeno tako da nije baš da nije spomenuto. Evo rekao sam u odgovoru na prethodna pitanja da ćemo sigurno dati punu pažnju i zapošljavanju pod opet ponavljam onim uslovima maloprije, zapošljavanju u primarnoj zdravstvenoj zaštiti, DZ i svima gdje to treba, tako da obiteljska medicina i ostalo nije zapostavljena ovim ekspozoom, naprotiv. Evo rekao sam gdje je pojašnjenja. Zabrana zapošljavanja decidno ne, u smislu zabrane zapošljavanja. Nego samo analiza kapaciteta, preusmjeravanje, potpuna iskorištenost unutrašnjih kapaciteta i resursa prije nego dignemo ruku za nova zapošljavanja. Naravno gdje je to specifično pa i u zdravstvu i kulturi, naravno da se ovaj princip ne može na isti način primijeniti. Kada govorimo u kulturi imamo različita pitanja vezano za zapošljavanje, da li se to radi o institucijama kulture, u Ministarstvu i slično. Tako da s te strane sigurno ćemo praviti analize i voditi ozbiljnu politiku. Kolega Mekić pitao je za slučaj Pazarić i otvaranje dnevnih centara za djecu sa poteškoćama. Slučaj Pazarić je da baš kao što ste rekli na žalost slučaj nadležnih federalnih institucija. Znam da je to kolegi Mekiću jasno, i da nije zbog toga postavio to pitanje. Odgovornost svakoga u lancu vezano za Pazarić i za svaku drugu instituciju će biti sa naše strane podržana. Možda je ovo pitanje ostavljeno vezano za dovođenje u vezu mog trodnevnoga članstva u UO Zavoda Pazarić. Dakle ja sam bio predložen i od strane Federalne Vlade bio sam imenovan za v.d. u taj Zavod. Nikada nije urađena ta konstituirajuća sjednica. Ukupno sam bio tri, četiri dana i jedno jutro kada sam na svom računaru vidio da se roditelje djece koja su smještena u Zavod Pazarić bune zbog odluka Federalne Vlade to vam neću, rekao sam već neću s ove govornice da spominjem imena, ja sam se sam javio roditeljima djece i rekao sam smatram da je korektno da oslobodim ovo mjesto i da ga ustupim vama. Bili su protiv toga, svaka riječ koju

sam ja danas ovdje izgovorio je provjerljiva. Nisu htjeli da prihvate mogu ostavku, ja sam donio tada čvrstu neopozivu odluku. Ostali smo prijatelji. Ja ću sa svake strane onoliko koliko je to moguće kroz Ministarstvo za rad, socijalnu politiku, raseljene osobe i izbjeglice i kroz druge resore pružiti podršku Pazariću, evo bez obzira što sam svega tri ili četiri dana bio član tog UO. Ovo sam imao potrebu spomenuti jer u ova dva tri mjeseca koliko se vodi polemika to je jednog ili dva pitanja s kojima se dovodim u neku netransparentnost ili neku sumnju. Tako da evo time ću, nisam planirao ali nekako mi se složilo da ću se zahvaliti i svima vama i medijima na vrlo korektnom praćenju ovoga kroz šta smo svi skupa pa tako i ja osobno prošli u prethodnom periodu. Nije bilo apsolutno ni jedna ružna, ni jedna nekorektna ni jedna neprincipijelna riječ i to je ono što sam poručio i kroz svoj ekspozé. Neću voditi svađalačku politiku prije svega nemam ni razloga i neću da time propustim šansu da uradimo nešto bolje za Kanton Sarajevo. Ja vjerujem da sam propustio ne mogu reći puno, ili možda vjerovatno jesam propustio, vi ćete i u svojim diskusijama prokomentarisati ,a mi ćemo zaista ako budemo u prilici, a možda imamo pravo čak i ovako i ako ne bude izglasana ova Vlada Kantona Sarajevo, mi ćemo zatražiti stenogram i dati iz poštovanja prema građanima i vama uvaženim zastupnicima dati detaljne odgovore i obrazloženja na svako vaše pitanje. Hvala još jednom.

Predsjedavajući:

zahvaljujem kandidatu za premijera Nenadiću. Obzirom da imamo prijavljenih, pretpostavljam da je to za raspravu. Prelazimo na raspravu i redoslijedom kako su prijavljeni uvaženi zastupnik Konaković. Izvolite.

Poslanik/zastupnik Elmedin Konaković.

Pošto ovdje nemamo pravo da kažemo nezadovoljstvo odgovorima, imamo pravo da kažemo da nam nije odgovoreno. Propustili ste to predsjedavajući ali ja mislim da nema ni smisla, jer će nam Nenadić onako kao rade dobri, vrsni pravnici opet to raširiti, umotati, razblažiti. Ovako kako je to uradio od samog početka. I mislim da će to biti samo gubljenje vremena. Nema neke posebne svrhe niti ja posebno mislim da je to akcenat današnji, neka pitanja koja nam nije odgovorio Nenadić ili ih je malo uvio. Ja ću u raspravi prokomentarisati. Skandaloznim smatram da ste na pauzi od 15 minuta promijenili nekome nacionalnost. Ne mislim da je vrsnom pravniku kakav je Nenadić bilo moguće napraviti tehničku grešku, pa u ekspozéu piše Bošnjaci 2, Hrvati 2 i 2 Ostala nego ste se dosjetili kada smo mi počeli gundati da vam je ovo neustavna Vlada i dobro ste uradili, s aspekta prava ne može vam niko to dokazati a s aspekta morala još je ovo jedna nemoralna stvar koju ste uradili ne mislim da ste se posebno danas još jednom proslavili. Odgovori koje sam ja dobio, malo ću ih prokomentarisati. Zamislite kako kadriraju stranačke centrale, ove za koje vi sada radite. Jedno nam je predložena ministrica kako mandatar kaže rapidno joj opao biznis i neće ona sada da bude ministrica jer porodica kaže vidi ti si krenula u to rapidno ti opao biznis. E tako je SBB procijenio kandidata za Ministarstvo rada, socijalne politike, i takvoj osobi povjerio povjerenje koja je trebala napraviti malu revoluciju u oblasti zapošljavanja, jer mladi ljudi odlaze jer je ovdje katastrofa ali je ona skontala da rapidno opada biznis u oblasti prirodne farmaceutike, kako bih to nazvao, one biljne lijekove i kaže e izvinite ja ne mogu biti ministrica. Drugi skandal je ovaj o kojem ja govorim i danas ponovo hoću da kažem. I žao mi je, znam kako Mario Nenadić razmišlja,

znam da je srcem pravi Bosanac patriota, što nemat snage kao ljudi da kažete sramota je da predložimo bilo koga ko u ovoj sali ne može izaći i reći da, desio se genocid. Znao je mislio, nije mislio, on se ovako, nije onako. To je naša zajednička sramota. I to je sramota i predlagača i nas koji bi na to šutili. Ja zato nisam šutio i zato nikada više neću šutiti. Predložili ste čovjeka iz DF koji nije bio spreman ući u ovu salu i reći desio se genocid jer ja takvih časnih Srba, hrabrih Srba u Banjaluci i drugim gradovima znam mnogo. Kao što sam kao pripadnik X brdske brigade otišao na Kazane sa svojim predsjednikom položio cvijeće nevino ubijenim Srbima. E to je ono oko čega bi se ova zemlja trebala praviti. A to je ono što vaše centrale nemaju hrabrosti i neće nikada uraditi. A vi slušajući svoje centrale bit ćete sigurno takva Vlada. Jeste bila je malo članica OIK-a. Bio je naredni odgovor eto znate to jeste ali to. Dakle opštinska izborna komisija koja provodi izbor, čijeg smo bivšeg predsjednika slušali u još jednom audio snimku kako objašnjava kako se to birački odbori prave, kako to stranke tamo imenuju ljude, njega je naslijedila gospođa Kustura. Naravno ništa nije učinila po tom pitanju suprotno, nastavila je isti koncept rada. Bit će ministrica pravde i uprave u Ministarstvu u Vladi na čije čelu je Mario Nenadić. Nisam rekao da je to kriminalna prošlost. Rekao sam da je sramota da pokrivete sve kriminalce u ZOI, kao član NO, a znam da većina ljudi to ne radi ličnog interesa nego radi naloga iz centrale. Dakle centrala je rekla usvojite taj izvještaj, pokrijte to, nema veze. A ja tvrdim Hubijar je lopov a vi ste ga pokrivali. Kako se vi tu osjećate boga mi to je za vas pitanje, nije za mene. I možda za neke istražne organe koji na tome rade jer su tamo napravljene dubinske analize, uočene ogromne nezakonitosti i anomalije. Vaša sreća danas pa se mi ne možemo parcijalno baviti iako moj lični stav, većinu ovih ljudi personalno poznajem. Personalno su vrlo stručni, sposobni, kredibilni. Personalno. Ali sam se i sto tako uvjerio da u moru ovakvog političkog problema nema puno hrabrih ljudi koji smiju uraditi drugačije od stava centrale kada je stav nezakonit ili nemoralan. Nema. I svjedočio sam radeći sa nekim od njih da su u tom segmentu bili malo tanji nego što bi trebalo biti. A danas je taj sistem gori nego ikada. Jer ste brutalnost tog sistema ovih dana mogli slušati i u video, i audio i međusobnim. Vidite kako se međusobno sada ljudi optužuju jedni druge i ti si, i ti si... i sve vam je ovo istina što tamo piše. I ti si, i ti si, i jesu. I šta je ovdje razlika u suštini. Možda personalno bi smo mogli naći kada bi smo mečirali ove dvije Vlade čak i u korist ove Vlade možda pojedinca, ali sistemski uz sve greške koje je ova Vlada pravila, bilo ih je. To ne može u istu rečenicu stati. Ne može stati u istu rečenicu, sistem koji je gradila ova Vlada i sistem koji nam se vraća na scenu, kupovinom dvije ruke Pece i Plehe i sa 16 ljudi koji ovdje čine većinu u koaliciji. Dakle, ja znam šta slijedi. Vi ćete sada dobijati imena direktora. Nije kod vas u prvom ešalonu belaj. Belaj je iza i pogledajte da ja to govorim pet godina i pogledate da smo mi to otpakovali i s tim se počeli boriti. Niko prije nas nije nikada, ja tvrdim da vi to nećete nastaviti- nećete smjeti ljudi. Znam da nećete smjeti. Rizikujete previše, rizikujete sve ovo što prolaze ljudi koji se tome suprotstave. Iza vas je problem u drugom ešalonu. U javnim preduzećima, ustanovama, fondovima zavodima. To zanima stranke i to je pravi plijen. Vi ćete biti ono što ovdje većina ministara prolazi i često se mijenjanju i ništa se nisu posebno nisikirali sinoć što ste vas dvojica jutros zamijenili onu drugu dvojicu. Ne, strankama su ministri a pogledajte u kontinuitetu da to stalno govorim to su ljudi onako razbijači ovog terena, boga mi sa zadacima. Vjerujte mi zapamtite da ćete se teško osjećati zbog stvari koje ćete morati raditi. Ova Vlada je došla sa 300 konkretnih mjera, tajminzima rokovima. Vi ste došli sa ekspozicijom, teško ja ne mislim da je plagijat, Mario to sebi ne bi dozvolio. Teško je

reći nešto što već svi nismo rekli u ovoj sali. I ova Vlada i ona prije nje, i ona prije njege, nije problem definisati neke prioritete, ponuditi neki akcioni plan, okupiti ljude iz struke, ali opet što ja znam, vi nećete moći okupiti ljude iz struke, vama će sada nekada budete mogli jer zakoni vam to ne dozvoljavaju da radite i metete odmah, niti ćemo vam mi to dati. Opet ćete dobijati one zaslužne iz kampanja profesore bosanskog za nekog direktora PD ili sline stvari jer je to koncept koji vas ovdje dovodi. Dakle to vas čeka, ja to znam i vjerujte mi vam uopšte nećemo odmagati. U svakoj od tih situacija ćemo vam pomagati da pokušate biti hrabriji nego što su inače ljudi koji iz tog sistema dolaze. Vi ovih dana sikirate mog predsjednika Izetbegovića svi redom pa i vi Nenadiću. Vi ste danas rekli da ste SBB a on vas je najavio kao nestranački kadar i nemojte to raditi tako. Dakle najavljeni ste kao nestranački kadar. Izašao Izetbegović i rekao mi imamo kompromis i vi ste danas mog bivšeg predsjednika ponovo nasekirali. Nasekirali ste mi Radončića. Dakle Radončić, Klub SBB traži smjenu Drljače u Federalnom parlamentu a Radončić ga za sobom pod ruku i prvi mu je saradnik u pregovorima u ovim zadnjim koji su bili vezano, glede ovoga što ste. Sikirate mi predsjednike, o tome bi ste malo trebali povesti računa. KCUS je vama bauk. E volio bih vidjeti prvog od vas koji o tome smije reći jednu riječ. To će možda biti vaš najkrupniji test. Dakle vi ste ovdje svi imenovani uz amin prve žene bh politike. Svi redom. Niko nije mogao doći, pa ni gospodin Mesihović, bez da je ona rekla u redu, progutat ćemo tu žabu, bez obzira na sve što sam o tome govorila i sve istrage koje sam najavljivala i sve policije koje sam mu poslala. Uopšteni vaši odgovori po tim bitnim pitanjima, hoćete li 150 časnih ljudi, onako kako smo mi pokušali vratiti u KC? Hoćete li nam pomoći da se djeca ne liječe u Turskoj za 50-60.000 nego da Ismet Gavrankapetanović, Tanović, Bišćević i drugi dobri doktori, Maksić, vrata se u neku od tih sala, da operišu našu djecu i da uče naše mlade studente. Profesorica Dinarević-Mesihović isto tako, da ne radi po privatnim klinikama. Hoćete da vam kažem odgovor? Ma nećete ljudi. To je kraj vašeg političkog djelovanja i bivstvovanja. U tome je razlika ova dva politička koncepta. Dobro je da nas je zasjenila priča i da pričamo o konceptu: dužan mi je, završit ću ti, ne brini, jel vuna, nije li vuna.. inšala. To je koncept koji dominira i neka, da ne bi možda nekog od vas čak i povrijedili nezasluzeno jer znam da većinu koju znam su poštene ljudi koji rade svoj posao i ponekad i progutaj neku knedlu zbog posla koji moraju da rade. Ali je ovaj scenarij za mene nekako bio idealan s političkog aspekta kao predsjednika jedne stranke. Mogu mu samo aplaudirati za sve što se ovdje desilo. Kao čovjeka me jako plaši šta će se dalje dešavati sa jednim zdravim konceptom koji je ovdje pokrenut, sa jednom zdravom pričom koja je imala podršku 70% građana Kantona Sarajevo koji su tu promjenu osjetili, vidjeli iz samo jednog razloga, jer ljudi iznad ovih dobrih, časnih ljudi odlazeće Vlade nisu od njih tražili uz greške i kikseve kojih je bilo pojedinačnih, ovaj sistemski koncept koji nam se na žalost danas vraća na scenu i očekujemo da vidimo neke nove Hubijare i kioske od 250.000 KM na koje ste svi šutili. Nikoga nisam čuo da je o tome rekao.

Predsjedavajući:

vrijeme uvaženi Konakoviću, jedino ako govorite u ime Kluba izvolite.

Poslanik/zastupnik Elmedin Konaković:

kolega Čelik ne govorim u ime Kluba, tačno sam završio, zahvaljujem se.

Poslanik/zastupnik Damir Nikšić.

Hvala. Ja sam mandataru lijepo pokazao dokument po kojem bi Tužilaštvo Kanton Sarajevo trebalo voditi postupak protiv jednog od vaših kandidata. I vi kažete da odgovorno tvrdite da nema nikakvih postupaka protiv kandidata. Ja ovdje imam papir po kojem bi se postupak trenutno trebao voditi. Sada moje pitanje i moje strahovanje da li ste vi sigurni u ono što vi govorite jer ja sam jutros tražio, znači ušlo je ovaj zapis da, tražio sam izvještaj Tužilaštva u ovom slučaju. I podnijet ću ga i pismeno, tako da nemojte da se nađemo u čudnoj situaciji da ste vi ovdje tvrdili da nema nikakvih postupaka a onda da mi u neka doba otkrijemo da se protiv nekog od vaših kandidata vodi neki postupak ili da je neke čudne radnje. Samo onako, eto da upozorim. Drugo, neodgovoreno i što mi nije jasno i što bi protestovao. Znači na strani 18 vašeg ekspozea od prije pet dana i od jutros potvrđeno, ponovo otprintano 03.03. sa datumom, piše da će u Vladi biti 3 žene i 10 muškaraca, a po nacionalnom sastavu je 9 Bošnjaka, 2 Hrvata i 2 iz reda Ostalih. To piše. E sada ja čujem ne znam ni odakle, u hodnicima, da je u međuvremenu jedan od ministara postao Srbin. Ja sam vidio šta piše u ekspozeu, to je materijal koji sam dobio kao zastupnik građana ovdje. Ako je to istina, da je neko u vremenu promijenio nacionalnost, onda predlažem da nastavimo sjednicu nakon što lektorišete ekspoze i ispravite sve detalje o njemu, jer ste stiče utisak da se poigravate sa nama zastupnicima i sa građanstvom, pripremajući nas za ovu sjednicu podacima kojima ste nas kao prvo, dali prekasno, a onda sada vidimo da ste nam dali i netačne podatke. Da mi ovdje, mene dovodite u situaciju da ja postavljam pitanja o stvarima koje nisu više aktuelne u međuvremenu, jer ste ih u hodu, kako kaže mandatar „u hodu ćemo raditi” vi ste ih u hodu prepravili. Jel to to u hodu što ste obećali u ekspozeu? Takve greške u hodu da izostavite u hodu čitav jedan konstitutivni narod iz ekspozea? To je u hodu. I tvrdite da je to greška. Čujem da je neko rekao da je predsjedavajući rekao da je to greška u ekspozeu. OK. Evo greška. Da vi to smatrate štamparskom greškom, sitnom štamparskom greškom ili smatrate kardinalnom greškom zbog čega je čitav ekspoze zapravo greška. Da parafraziram Bracu Dimitrijevića „nema grešaka u ekspozeu, čitav ekspoze je greška”. Ako kažete da je greška, ako to nazivate greškom, onda je to apsolutno nedopustivo i neprihvatljivo. Ja ni u kom slučaju to ne prihvatom. To ne smijete raditi. Po vašem ekspozeu jutros, 03.03.2020. ova Vlada nema Srba i kao takva dolazi pred Skupštinu, pred mene na glasanje. Sve što ste u međuvremenu promijenili, u toku dana, nije materijal koji sam ja primio. Ja zahtijevam da primim taj materijal. Ako ćete praviti neki amandman II, u Devičevoj komisiji onda da vidimo taj amandman u printanoj formi sa potpisom predsjedavajućeg Komisije jer bez njega ja ne vidim kako će to biti legitimno. Ne može mi neko reći u hodniku, ma znaš šta, ima Srba. Pa će piše? Ne znam, neće piše. Ja u materijalu nisam vidio da piše. Znači jutros u Vladi nije bilo Srba i nema ih u ekspozeu mandataru, predlažem ja da se sjednica prekine, da se uzme jedna pauza od pola sata, sat, sat i po, dok ne zasjeda ta komisija ili dok se ne dopuni taj amandman ili dok se ne isprinta novi ekspoze na strani 18 gdje će stajati jedan Srbin. Znači hoću novi ekspoze da mi dođe ovdje da bih ja uopšte mogao biti u ovoj sali i smatrati sebe ozbiljno nekim zastupnikom jer ne smijete ovako šibicariti u zadnjem momentu jer to ne samo da nije demokratski, već je neprofesionalno i podmuklo. Pravi od nas zastupnika i javnosti budale. To ne smijete raditi. Ponavljam i izražavam svoje negodovanje. Građanstvo mora znati na čemu je, javnosti je dosta vaših podvala. Meni je dosta vaših podvala. Ja ne bih smio kao zastupnik saznavati stvari nezvanično iz medija ili na hodnicima, već iz materijala. I ti materijali moraju

biti dostavljeni na vrijeme , najmanje tri dana prije sjednice a ne na početku ili u toku sjednice. U materijalu u ekspozu nema navedenih Srba, i to ne spada u štamparsku grešku, i ne može se jednom štamparskom greškom izostaviti čitav jedan konstitutivni narod. I molim vas da prekinemo ovu sjednicu dok se novi materijal ne lektoriše, i ne dopuni pa da nastavimo dalje. Demokratski i parlamentarno. Hvala.

Predsjedavajući:

zahvaljujem uvaženi zastupniče. Sljedeći za riječ se javio uvaženi zastupnik Stojanović. Izvolite.

Poslanik/zastupnik Igor Stojanović:

predsjedavajući, zbog toga što se u pauzi u međuvremenu jedan od ministara promijenio nacionalnost, tražim pauzu od 30 minuta u ime Kluba SDP kako bi utvrdili koji je to ministar naglo promijenio nacionalnost i kako bi znali kako ćemo diskutovati u narednom periodu.

Predsjedavajući:

zahvaljujem. Pauza pola sata na zahtjev Kluba SDP.

NASTAVAK NAKON PAUZE

Predsjedavajući:

evo nastavljamo sa radom. Obzirom da stručne službe dijele ovu ispravku ekspozea koju je podnio kandidat za premijera Nenadić. Evo sačekat ćemo samo da se podijeli pa dat ćete riječ uvaženom Stojanoviću pošto je on bio na redu.

Poslanik/zastupnik Igor Stojanović:

predsjedavajući, zatražio sam pauzu i nakon konsultacija sa zastupnicima nisam dobio informaciju koji je od prijedloga za ministra iz Vlade je iz reda Srba. Pa bih vas molio prvo da nas upoznate koje je to ime, koji je to kandidat iz reda Srba s obzirom da u ekspozu piše da je Vlada treba da bude sastavljena od 9 Bošnjaka, 2 Hrvata i 2 Ostala. A nakon toga zamolio bih i dopredsjedavajuću, odnosno predsjednicu Kluba Srba Smiljanu Viteškić da sazove hitnu sjednicu kako bi Klub Srba utvrdio stav vezano za ovu izmjenu za koju Skupština nije znala. Hvala.

Predsjedavajući:

zahvaljujem. Pa evo možemo razriješiti tu dilemu da evo premijer ili kandidat za premijera ili ako treba neko drugi da kaže ko je taj ko se izjašnjava kao Srbin. To nama nije problem. Ali evo kandidatu hoćete li izaći za govornicu pa kazati, a nakon toga dat ćemo riječ i uvaženoj dopredsjedavajućoj Smiljani Viteškić.

Mario Nenadić.

Evo još jednom vas pozdravljam. Dakle gospodin Draško Jeličić je osoba koja se izjašnjava kao Srbin. Hvala.

Predsjedavajući:

zahvaljujem kandidatu. Molim vas jel trebamo sada dati riječ uvaženoj dopredsjedavajućoj Smiljani Viteškić ili vama? Smiljana Viteškić.

Dopredsjedavajuća Smiljana Viteškić:

zahvaljujem predsjedavajući. Pozdravljam sve prisutne i žao mi je što se javljam ovim povodom jer sam i sama često izložena tako nekim pitanjima. Ja smatram kao predsjednica Kluba Srba evo imamo u Vladi čovjeka, ministra koji se izjasnio kao Srbin. I u prošloj Vladi smo imali jednog, da nema nikakve potrebe da povlačimo vitalni nacionalni interes i da komplikujemo oko ovog imenovanja.

Predsjedavajući:

zahvaljujem uvažena dopredsjedavajuća Smiljana. Dajte molim vas riječ uvaženom zastupniku Stojanoviću. Izvolite.

Poslanik/zastupnik Igor Stojanović:

pa moram vam reći da smatram sramotnim ovakav stav predsjednice Kluba Srba Smiljane Viteškić. U jednoj situaciji kada se za 15 minuta promijeni nacionalnost i čisto da bi Vlada ispunila jednu ustavnu normu, smatram ogromnim propustom, pogotvo u situaciji u kojoj Milorad Dodik na ovakav način djeluje u RS-u i dajte mu potpuni legitimitet da on na isti način ovako mijenja nacionalnost u toku samo 15 minuta pauze. Mislim da je žalosno da iz Sarajeva šaljemo ovakvu poruku, da pružamo šansu da u RS-u pozovu se kažu šta vi pričate, u Sarajevu se isto dešava. Žao mi je što ponovo gledam u režiji SDA. A svoju diskusiju ću nastaviti sada. Niste mi gospodine Nenadiću odgovorili o kamuflaži, odgovorili ste kamuflirano i o kamuflaži. Niste mi rekli da li zbog sastava Vlade smatrate se da i zbog stavova pojedinih zastupnika, pogotovo iz SDA koji sude o radu direktora i ministara na osnovu imena i prezimena, da li smatrate kamuflažom zbog toga. Nisam vas pitao ovo što ste mi vi odgovorili da ste vi ponosni Hrvat. Vi to treba da bude i to je sasvim normalno. I nisam uopšte dovodio u pitanje vašu nacionalnost, nego ono koje politike vi zastupate i ispred koga ste vi u ovom trenutku mandatar? Ispred kojih političkih opcija i kojih stavova. Popravili ste ovo u 15 minuta i promijenili naciju jednom čovjeku, ali to vas sigurno neće opravdati i nećete sigurno dobiti epitet da ćete biti multietnička Vlada. To sigurno nije tako. Niste mi odgovorili na nekoliko pitanja i iznijeli ste nekoliko pogrešnih konstatacija kada je u pitanju Kanton Sarajevo. Prije svega iznijeli ste podatak da u Kantonu Sarajevo imamo 62.000 nezaposlenih a to nije tačno. Broj nezaposlenih je 58.000. da ne bi ste za svoju Vladu pripisivali smanjenje ovog broja, dužan sam ovdje da ispravim ovaj podatak. Također, ništa niste rekli vezano za prugu prema Hrasnici. Moram konstatovati da u svom ekspozeu ste samo prepisali plan rada Ministarstva saobraćaja al ste izostavili da li namjerno ili slučajno ovaj dio oko pruge za Hrasnicu, da li to vjerovatno ova Vlada neće imati kao svoj prioritet u svom radu, za mene vrlo simptomatično i loše. Također ste iznijeli pogrešne podatke vezano za Ministarstvo prostornog uređenja. To sam vam već najavio, postavio sam vam nekoliko pitanja vezano za Ministarstvo prostornog uređenja, također mi niste odgovorili niti o prostornim planovima, niti o zaštiti od svjetlosnog zagađenja koje nije dio uopšte bilo kojeg akta na nivou Kantona Sarajevo i Kanton Sarajevo ga uopšte ne prepoznaje. Pa sam vas pitao kako mislite ovo

realizovati, nisam dobio odgovor. Također ste spomenuli ubrzavanje i podršku za I i IX transversalu, za Južnu longitudinalnu. Ovo vas također moram upozoriti da nije nadležnost Ministarstva građenja i prostornog uređenja nego Ministarstva saobraćaja. U okviru ovog Ministarstva ste također spomenuli i sportske plohe. Moram vas napomenuti da to nije u nadležnosti ovog Ministarstva nego u nadležnosti Ministarstva kulture i sporta. To su neke od grešaka koje ste iznijeli u svom ekspozeu nadam se da neće uticati u budućnosti na vaš rad. Kada su u pitanju vaši kandidati, imam nekoliko zamjerki na kandidate Vlade i njihov CV nam govori puno da naredna Vlada neće donijeti nikakve nove vjetrove i nikakve promjene. Niste mi gospodine Nenadiću odgovorili kako se mislite boriti sa aferom Asim i sa svim onim koji budu polagali račune strankama. Vi ste rekli da vi nikome ništa ne dugujete. Ja vam vjerujem, ja vjerujem da vi nikome ne dugujete ništa ali sedam ministara koji dolaze iz SDA ubijeđen sam da nekome nešto duguju, jer je predsjednik Asim Sarajlić koji je podnio ostavku tu već dovoljno dugo i potpredsjednik je i ostat će u strukturi stranke, bit će vjerovatno jedan-

Predsjedavajući:

poslovnička intervencija, ja se izvinjavam uvaženom zastupniku Stojanoviću. Uvažena zastupnica Bišćević-Tokić.

Poslanik/zastupnik Jasnima Bišćević-Tokić:

zahvaljujem predsjedavajući. Ja bih vas stvarno molila da se vratimo na tačku o kojoj danas evo cijelo vrijeme slušamo i raspravljamo. Molim vas ako vi nećete da upozoravate, ja vas stvarno pozivam da se ozbiljno prihvatite svog posla i da se vratimo na tačku dnevnog reda. Zahvaljujem.

Predsjedavajući.

Zahvaljujem poslovnička intervencija. Zastupnik Konaković.

Poslanik/zastupnik Elmedin Konaković:

tražim od vas da upozorite hitno gospođu Bišćević-Tokić jer ako joj ne odgovara uhu ono što Stojanović govori, a govori o ministrima u Vladi i načinu njihovog izbora, ne smije zloupotrebjavati ovo dugme, i govoriti o zloupotrebi Poslovnika jer Poslovnik nije zloupotrijebljen. Dakle ne smije zloupotrebjavati ovo dugme. Molim vas da je upozorite.

Predsjedavajući:

upozoravam sve zastupnike koji zaista pokušavaju da današnji tok diskusije okrenu tamo gdje ne treba i neće se to desiti dok ja predsjedavam ovom sjednicom Skupštine Kantona Sarajevo. Molim vas uključite zastupnika Stojanovića.

Poslanik/zastupnik Igor Stojanović:

želim prije svega da kažem da govorim o kredibilitetu kandidata i o njihovom prošlom radu s obzirom da imamo kandidate ko ji su i učestvovali u radu UO i NO, kao i u radu Vlade i imaju direktnu odgovornost za određene procese koji su se dešavali. Ja mislim da javnost o tome treba da zna. Treba da zna koji nam kandidati dolaze i kakvu politiku mogu da očekuju. Ne mislim da sam rekao bilo šta neumjesno i nevezano za tačku. Govorim dakle o kandidatima za

ministre. Prije nego što pređem na to, želim također skrenuti pažnju gospodinu Nenadiću da mi ništa nije rekao o presudama Ustavnog suda za koje sam ga također pitao kako ih smatra realizovati s obzirom da je bio ministar pravde od 2015 do 2018 godine i to se nije desilo. Šta će se sada promijeniti i kako nisam dobio odgovor. Kada su u pitanju kandidati imam nekoliko zamjerki i pitanja za kolege zastupnike. Prije svega sjećam se diskusije gospođe Smilje Viteškić vezano za izmjene o dopunama Zakona za ravnopravnost spolova kada je komentarisala da nemamo četiri žene u Vladi. Sada su ponovo tri žene i vjerujem da joj neće biti problem da glasa za ovu Vladu iako za onu prošlu, zbog ovog svog stava vjerovatno nije glasa. Ali ne sumnjam da će sada glasati. Također volio bih da se obratim Samri Ćosović koja je problematizirala na prošloj sjednici broj glasova gospodina Forte koji je imao 3428 glasova od 417.000 glasača. Ona je to problematizirala kao veliki problem. Gospodin Nenadić ima 1831 glas. Zanima me da li ćete vi danas glasati za gospodina Nenadića jer on ima skoro pola manje glasova od gospodina Forte, ali vjerujem da vam to nije problem kao ni da vam nije problem što ode Edin dođe Mario. Gospodine Čelik, predsjedavajući, vama se obraćam. Vi ste pri imenovanju prošle Vlade šestorke direktno komentarisali nacionalni sastav Vlade i izrazili šte želju, što je za mene bilo vrlo onako pohvalno, ponadao sam se da u SDA mogu puhati neki vjetrovi koji govore da SDA treba da bude više bosanska stranka, pa ste rekli otprilike da je šteta što sastav Vlade nije više u duhu popisa iz '91 godine, što nema više Srba i Hrvata u Vladi i ja sam se isto slagao sa tom kritikom. Mislim da je trebalo biti više i zbog poruka prema RS-u i zbog onog što Sarajevo istinski živi, zbog onog duha, međutim evo sada nove Vlade onda smo za 15 minuta dobili tek jednog Srbina što ne ispunjava ni ove kvote ni Ustavom propisane, a nije u skladu sa vašom diskusijom da ne kažem da su vaši stavovi poprilično drugačiji. I citirat ću vas šta ste rekli na toj sjednici. Nadam se da neko od ovog sastava Vlade neće biti izabran u Međlis islamske zajednice. Ovako ste rekli za prošlu Vladu. Ne znam da li sada mislite isto što se tiče nacionalnosti za ovu Vladu. Sada ću nešto reći o kandidatkinji koja dolazi iz Novog Grada iz opštine. Dugo je radila u opštini Novi Grad, gospođi Mersi Kusturi koja treba da dođe za ministricu pravde. Također želim ovdje da se obratim i kolegama vezano za njeno imenovanje. Kolegama iz SBB jer su zajedno sa SDP, Našom strankom, NiP-om podnijeli zahtjev da se održe ponovo izbori 2018 godine isključivo zato gdje smo god tražili ponovno prebrojavanje glasova u opštini Novi Grad ni jednom nismo našli isti broj glasova kako je zapisano neposredno nakon brojanja. A gospođa je bila članica Opštinske izborne komisije u tom periodu. Ne znam da li su sada kolege iz SBB promijene stav da im je odjednom pretpostavljam gospođa prihvatljiva za funkciju pravde, što dovoljno govori o tome šta možemo očekivati. Mnogo sam dobrog čuo o gđi Kusturi, to moram reći. Čujem da je izuzetan pravnik i da je mnogi cijene ali ne mogu se oteti utisku da je gospođa Kustura svoju profesiju, svoj CV stavila pod navodnicima da posuši sve ono što kriminalni dio političkih stranaka želi da sprovede. Pa ću biti vrlo konkretan kada je u pitanju njen rad. Mimo ovih izbora i opštinske izborne komisije, gospođa Kustura je obavljala poziciju članice NO u preduzeću ZOI'84 i to u periodu pa možemo slobodno reći najvećeg kriminala. Meni je sporno da gospođa Kustura kao predsjednica NO nije vidjela ništa sporno u kupovini lifta od 3,6 miliona KM za koji je firma koja je prodavala ovaj lift upozorila da ne može funkcionisati na Bjelašnici. Razumijem što ga je direktor Hubijar kupio. To mi je sasvim jasno jer o njegovim poslovnim potezima, kiosku i ostalom javnost je izuzetno dobro upoznata. Ali je ovo verificovala pravno gospođa Kustura koja dolazi za ministricu. I meni to govori da politika

koja Vlada u Kantonu Sarajevo 20 godina, sigurno se sa gospođom Kusturom neće promijeniti bez obzira na njene kvalifikacije, odlučan CV i sve ono što građani u opštini Novi Grad koji su bliski načelniku i strukturama vjeruju. Ono što mi je još sporno vezano za ZOI to su putni nalozi gospodina Hubijara koje imam isprintate i koje je također gospođa Kustura verificovala kao predsjednica NO. Dakle radi se o putovanju direktora Hubijara u ZOI 84 koji je vjerovali ili ne u julu otišao osam dana u Malagu, u to poznato skijaško ljetovalište, to bi najbolja riječ bila. Otišao je osam dana i kako je napisao u svom obrazloženju putnog naloga otišao je da traži partnere za uređenje ski staza. Iste godine u aprilu je bio sedam dana u Italiji za šta je također dobio verifikaciju gospođe Kusture a onda ponovo i u januaru, također pet dana u Italiji. I gospođa Kustura nije vidjela tu niti jedan jedini problem u poslovanju. Ne bih stvarno ulazio šta su efekti poslovanja, ali da se ovo trebalo istražiti, i da u Malagi biti u sred jula, nije posao direktora ZOI ja mislim da bi se o tome sigurno dalo diskutovati. Na kraju ću reći svoje mišljenje o prijedlozima ove Vlade i iskazat ću svoju veliku žalost i tugu, pogotovo prema svojim kolega iz DF i SBB s kojima smo do jučer bili u koaliciji šestorke. I želim da kažem da mi je žao što su se odlučili da nakon godinu dana onog što je šestorka pokušala da promijeni u načinu politike i vođenja upravo ovakvih putnih naloga i kupovina od tri, četiri, pet miliona, koji su zaustavili razvoj Kantona i države, koji su zaustavili projekte koji mogu da promovišu ovu državu, koji mogu da pruže šansu ljudima i bolji život ovdje, žao mi je što su se odlučili da ponovo nas vrata u ovo što imamo 20 godina. Žao mi je jer mislim da sve ovo što smo vidjeli u aferi „Asim” i ovo što sam iznio vezano za rad jednog od ministara, sigurno nije bolje od onog što smo mi radili godinu dana, iako se slažem da je bilo grešaka. Žao mi je što su se odlučili za ovakav potez i vratili nas nazad, ali želim i da im poručim da će se sigurno ova politička situacija okrenuti i da ćemo mi smoći snage da ponovo nas vratimo na kurs promjena i to čim prije. Hvala.

Poslanik/zastupnik Jasna Duraković

zahvaljujem predsjedavajući. Ja sam se naravno bila javila za diskusiju ali obzirom da smo evo sada svjedoci bili ovog sramotnog čina, ja se moram na to osvrnuti kratko. Ovo je sramota, ovo što ste uradili. Ja prosto ne mogu da vjerujem da je ovo tehnički propust ili tehnička greška, kako je vi nazvaste, zato što je naravno potpuno opravdano kada se dese tehničke greške poput pravopisnih i gramatičkih i toga je zaista jako puno u ovom ekspozu. Ali tehnička greška ove vrste je prosto neshvatljiva i neprihvatljiva. To bi sada bilo isto kao da ja sada kažem evo jutros sam ustala, probudila se i razmišljala i odlučila sam da ću danas biti Srpkinja, evo. Odlično. Zato što mi to donosi neku korist. A sutra ću opet biti Bošnjakinja, tako ću se izjašnjavati zato što mi to opet sutra donosi neku drugu korist. Mislim da smo s ovim činom popljavali po Ustavu, diskreditovali sve one ljude koji zaista se izjašnjavaju tako kako se izjašnjavaju, tako da mislim. Ako je ovo princip vašeg djelovanja, već na samom početku, a niste još ni imenovani, ja mislim da ovo ne sluti nimalo svijetlu budućnost. Evo, toliko. Morala sam dati taj komentar. Ovo je jedno veliko razočarenje. Kolegi Nenadiću, također moram uputiti kritiku zato što nije odgovorio niti na jedno moje pitanje. Ja znam da smo ograničeni vremenom, evo kao što ste i vi nas danas ograničili vremenom, nismo uopće imali vremena da razmotrimo, da pročitamo dodatke u ovom ekspozu, niti da se malo bolje upoznamo sa dva nova predložena kandidata za ministre. Ali evo to dakle ne opravdava činjenicu da niste odgovorili niti na jedno pitanje. Pitanja su bila vezana za Ministarstvo

obrazovanja. Dakle niste imali dovoljno vremena. U tome mi nije jasno zašto ste onako žurno požurili na govornicu da odgovarate prije nego što ste uopće imali priliku se konsultovati sa kandidatima koji sjede ovdje vezano za pitanja koja su bila postavljena za njihove resore. Također ovo mi niste odgovorili, evo dat ću priliku kada budete imenovani u izvjesnom vremenu da o tome malo bolje razmislite i da naravno novi ministar da malo konkretnije odgovore na pitanja koja smo postavili kolega Marjanović i kolegica Neira Dizdarević čini mi se i ja, i možda još par pojedinaca jer su ovo problemi i pitanja koja tište zapravo ovaj resor već dugi niz godina, tako da ja vjerujem da ne možemo odmah imati odgovore, ali evo. Očekivala sam ipak nešto malo ozbiljnije. Postavila sam također pitanje, a pa evo kolega Ismir Jusko mi je u kratkim crtama pokušao objasniti, znam da je sada dolazimo na novi izazov svi mi zajedno, ne samo ovi resori pojedinačno, taj novi val migranata koji nam stiže. Očekivala sam ipak malo konkretniji odgovor u smislu kako se nova Vlada misli nositi sa tim izazovom. Na koji način misli rješavati ovaj problem. Da li planira neku ozbiljniju strategiju po ovom pitanju? Kako misli svesti tu paniku koja kod građana već postoji, na neki minimum? Kako zaštititi građane i građanke Kantona Sarajevo i šta će se dešavati u narednom periodu? Može li nam iko odgovoriti na to pitanje? Ja znam da naravno MUP ne može biti jedino zaduženo za to, ali u ovom trenutku nosi najveći teret zajedno sa nama, zato što se predviđa da će nam stići nekih 3 do 5.000 novih migranata i to svi u Kantonu Sarajevo. Tako da je to zaista ozbiljan problem. Mislim da se mi svi nekako paušalno s tim bavimo, ne zanima nas izgleda. A trebalo bi nas zanimati prije nego što to u potpunosti eskalira. A drugo moje pitanje na koje ste niste ni osvrnuli, a to je bilo kako se mislimo nositi sa novom krizom korona virusa? Mi nemamo nikakve upute, znamo da je formiran neki krizni štab, da postoji neki krizni plan komunikacije. Ali šta taj plan sadrži, kako se odnositi prema ljudima koji su možda inficirani, koji su došli iz nekih drugih zemalja koje jesu sada trenutno najugroženije jer je bilo slučajeva, već o tome se pričalo u javnosti ali evo mi o tome ovdje ne pričamo na žalost da su svi oni koji su imali te simptome, navodno, samoinicijativno se pozvali na te DZ, KC itd i rečeno im je da idu u samoizolaciju 14 dana da sjede u kući. I to je naše rješavanje te krize. Mislim dajte se ljudi uozbiljite više. Evo sada ja pitam zaista bih voljela čuti neki konkretan odgovor kako se novi ministar zdravstva misli nositi s ovim problemom? Na koji način ga misli rješavati i ova Vlada koja će biti imenovana? Evo toliko, hvala.

Poslanik/zastupnik Segmedina Srna Bajramović.

Hvala predsjedavajući. Pa evo zaista mi je žao da moram na ovakav način komunicirati sa mandatarom za premijera Kantona Sarajevo gospodinom Nenadićom jer činjenica jeste sve ono što je on rekao da smo puno drugačije komunicirali u mandatu dok je obnašao poziciju ministra pravde u Vladi, a ja nisam bila dio parlamentarne većine koja je pratila tu Vladu. Na žalost moram izraziti nezadovoljstvo jer nije odgovorio također na jako veliki broj mojih pitanja, čak i ona kojih se dotako ovlaš ih se dotakao i potpuno izvan konteksta, no ponovit ću samo jedno koje smatram jako važnim u kontekstu moje rasprave današnje. Ja sam pitala gospodine Nenadić da li vam je barem neugodno što će za vas glasati neki kompromitovani zastupnici u skupštini Kantona Sarajevo nakon afere sa snimkom? Da li ćete u skladu sa svojim načelima europskom puta i najavljene borbe protiv korupcije i kriminala barem deklarativno odbiti taj glas. Zašto ovo govorim? Zato što smatram raspravljati danas o Vladi i njenom programu uz sve dokaze političkog konvertitstva na kojem se ona uspostavlja bilo bi

sve samo ne normalno. Meni je jasno apsolutno da konvertitstvo prati političku istoriju od samog njenog početka, još od Makijavelija. Ali da će svoju najveću ekspanziju doživjeti u mojoj zemlji, nisam ni sanjala. Zato i ne treba da nas čudi što su laž, mijenjanje političkih tabora i opšta negacija moralnih vrijednosti postale uobičajena pojava koja više nikoga ne iznenađuje. Mislila sam da je s preletačima u politici dodirnuto moralno dno, ali nije. Izgleda kada krene moralno propadanje, dna nema. Provalija je očigledno beskrajna. Kada vidiš da novac prisvajaju oni trguju naklonošću, kada vidiš da se ljudi bogate na osnovu ucjena i trgovine utjecajem a ne rada, i da zakoni ne štite tebe od njih, nego njih od tebe, kada vidiš da se korupcija nagrađuje a poštenje postaje akt samožrtvovanja, znaš da je društvo osuđeno na propast. U državama vladavine prava koje se zasnivaju na moralu ovakve pojave koje smo imali prethodnih dana tretirale bi se dodatno i kao psihijatrijski slučajevi. Samo u jednom danu vidjeli smo sav besmisao politike željne vlasti. Interesne grupe ništa sem laži, nepotizma, trgovine i nema da ponudi građanima. Međutim kod nas će se sve to opet zbog bolesti sistema tretirati kao destabilizacija patriotizma, ugroza ljudskih prava i nešto što je sasvim normalna stvar. Dakle jasno je da svjedočimo još jednom dokazu potpunog moralnog sunovrata i politike i ljudskih prava. I dodatno pojedinačne ljudske podlosti i pokvarenosti u igri sa egzistencijom. Živimo dakle u vašaru političkih kockara, trgovaca u velu raznih sujetnih šupljeglavaca i mase političkih slijepaca. Ogoljena nemoralnost koju proizvodi politika i širi politika prenosi se na sve i postaje društveni obrazac ponašanja. Zaraza koju širi bolesna politika je tihi ubica časnih i moralnih ljudi. Sociolozi su davno rekli da se sve može popraviti u jednom društvu koje je u krizi, osim krize morala, koja ruši sve društvene podsisteme kao kule od karata. Dakle teško je očekivati od čovjeka koji je navikao da laže da prestane lagati ili od onoga koji je navikao da krade da prestane krasti. Aktuelna vlast, bez obzira na pojedinačna imena, nema nikakve šanse zaustaviti biblijska iseljavanja, niti može spriječiti brutalnu korumpiranost koja je umarširala u sve pore društvenog života jer se uspostavlja na odnosima i vrijednostima koruptivne močvare. Već vidim kako je modus operandi ove vlasti čerupanje javnih resursa na štetu građana. Kratkoročni horizont ima primat u odnosu na dugoročni, a individualni interes je nadređen opštem. Za to vrijeme nama ne preostaje ništa drugo nego da vas budno pratimo i čekamo. Razumijevajući da taj vaš teatar apsurdna može da bude poučan i zabavan sve dok njegovi dometi nonsensa ne postanu činovi u životima građanski i građana Kantona Sarajevo. Na kraju, sve se posložilo da danas možemo reći kako je izbor „Petka 13” za ovu koaliciju ipak bio potpuno pogođen jer se strah od vašeg petka kao i onih mitoloških pojavio kod građana u različitom intenzitetu. Hvala.

Poslanik/zastupnik Damir Marjanović:

ja vam se zahvaljujem. Moram priznati da neću napadati potencijalnog budućeg premijera vezanog za plagijat jer moram priznati onako znanstvenik u meni kaže da je bilo lijepo čuti da je premijer citirao prethodnike. Znae kako to u znanosti izgleda. U znanosti imate iznosite nekada neke tvrdnje i prilikom iznošenja tih tvrdnji pozivate se na prethodne publikacije i one koji su prethodno iznijeli te tvrdnje ili pravili neke planove i programe itd. I ono što me u ovom cijelom elaboratu kada sam ga čitao jeste obradovalo taj dio segmenta vezano za obrazovanje, i za nauku koji se dobro oslanja na onih 50 mjera napisanih u 300 predloženih mjera i dobro se oslanja na sve ono što smo uradili na tematskoj sjednici vezanoj za obrazovanje i nauku. Ono što lijepo zvuči na papiru ponekada u javnosti u praksi možda može

da škripi i to me malo zabrinulo, lijepi su to bili elaborati, lijepo je napisano, lijepo je prezentirano al onda prilikom nuđenja odgovora, moram primijetiti da 90% odgovora na pitanja koja sa postavio nisam dobio. I mogu reći i mogu prihvatiti opciju da je bilo i previše pitanja, i mogu prihvatiti opciju da je tu bilo nekih stručnih pitanja kojima je trebalo možda više konsultacija sa budućim resornim ministrom. Ali recimo, jedno banalno osnovno pitanje koje je tipično političko je u kojem će pravcu ići ova Vlada tipa da li će se dijeliti Ministarstvo ili se neće dijeliti Ministarstvo, mislim da se na to moglo na neki način odgovoriti sugerirati, analizirati, šta god. i tu me sada malo brine kako ćemo realizirati i kako će ova Vlada realizirati, kako će premijer na svojim leđima iznijeti realizaciju svega onoga što je napisano u ovom elaboratu. Nemam namjeru da oduzimam previše vremena, mislim da je svima ovdje manje više jasno onaj lošiji dio političara u meni, kažem lošiji ne zato što je to nešto loše, nego što sam ja jednostavno vrlo loš političar a dobar sam u matematici, kaže 18 ruku je tu, 18 ruku šta god mi danas rekli ili možda nije tu, e to je onaj dio politike koji ja ne razumijem, ali 18 ruku će podržati, možda čak i malo gubimo vrijeme u ovoj cijeloj diskusiji, no imam obavezu da skrenemo pažnju onima s kojima ćemo raditi u naredne 2,5 godine, očigledno na odnosu pozicija, opozicija da ako je netko pomislio da je nešto olako napisao u elaboratu tek tako da lijepo izgleda i da se neće preispitivati svaka riječ, rečenica, misao ideja ili bilo šta drugo, grdno se vara. Dokumenti koji se pišu, tragovi koji se pišu, ono što se kaže za ovom vjernošću, kaže se i napiše se da bi se stalno preispitivalo da bi se moglo izmjeriti šta je urađeno a šta nije urađeno jer ako pogledate ovaj dokument ja bih sada, ne bih sada postavljao pitanje premijeru, ponekada je malo i teško kritikovati osobe, ja sam to javno rekao, koja iza sebe ima tako dobre i odlične rezultate u dosadašnjem angažmanu, kako premijer to definitivno ima, ali evo postavio bih pitanje momcima i djevojkama, onih 18 što će danas vjerovatno dići ruku, zbog čega smo zamijenili onu ekipu kada je ovaj dokument manje više isti kao onaj protiv kojeg ste prošli put glasali? I vidim da jednim dijelom ekipa koja je sudjelovala u njegovoj realizaciji u vidu dvije stranke koje su sada malo prešle na drugu stranu, je manje više ista. Mislim izgubili smo dva tri mjeseca u toj cijeloj priči kada smo mogli fino nastaviti u svemu onome dobrom što je napisano u ovom elaboratu u svemu dobrom što je prethodna Vlada manje više uradila. U svakom slučaju priča o obrazovanju, nauci, malo sam se nadao da će mi neko odgovoriti vezano za naučno istraživački rad i za neke druge stvari ali evo nekim neformalnim razgovorima otprilike mogu da prepoznam da će se nastaviti te neke pozitivne intencije. Ono što mene jako brine, sama realizacija, sami rokovi, prethodna Vlada je imala godinu dana, nije bilo to briljantno na onaj način da se sve moglo ispuniti ali neki pozitivni pomoci viđeni, postavljeni su neki osnovni temelji, plašim se da sada će proći opet godinu dana da se opet postavlja neki novi temelji. I mislim da kao krajnji rezultat svega toga može se desiti da i dobre ideje, i dobri projekti u krajnjem slučaju građani Kantona Sarajevo svi oni koji ovise o obrazovanju a svi mi ovisimo o obrazovanju će, bojim se na kraju ispaštati, ako podhitno ne uradimo stvari koje su i napisane ovdje i koje su bile prethodno napisane u onim mjerama i koji su kao krajnji zaključci doneseni na tematskoj sjednici. Pozivam se na tu tematsku sjednicu, na tih 12 zaključaka, podsjećam i očekivao sam malo da će biti preciziran neki tajmnig pa čak i da će se tražiti možda neka mala odgoda od mjesec, dva ili tri mjeseca vezao za realizaciju nekih od tih zaključaka. Na žalost nisam dobio taj odgovor i malo se brinem ako budemo opet čekali šest ili sedam mjeseci ili nekih 100 dana koji je uobičajeno da se analizira stanje unutar Ministarstva, mislim da ova Vlada taj luksuz ne može imati, mislim

da ljudi koji su odlučili da sjednu u ovu Vladu zajedno sa premijerom već moraju da imaju dovoljno informacija u šta se upuštaju i unaprijed se njima izvinjavam a definitivno najavljujem da u svakom svom budućem djelovanju neću poštovati tih 100 dana, kao što ne poštujem ni onih 15 akademskih minuta jer mislim da je tih 15 akademskih minuta izmišljotina loših članova akademske zajednice. Tako i onih koji se spremaju da rade fenomenalne stvari pod navodnicima u okviru projekta koji se zove Vlada Kantona Sarajevo morali su se dobro pripremiti tako da već od sljedeće sjednice mogu očekivati konkretna pitanja, a i tražit ću konkretne odgovore za pojedine stvari i mogu samo da vam obećam i te kako ću se držati svega onoga što ste napisali u ovom elaboratu i svega onoga dobrog što je citirano iz prethodnih Vlada a posebno iz onih 300 mjera, na kojima se zasnivao rad prethodne Vlade, a posebno opet onih 53 mjere iz oblasti obrazovanja i nauke. I na kraju, malo iskustvo, nadam se da mi niko neće zamjeriti, imao sam priliku da vodim timove. Nekada su to bili jaki timovi koje sam mogao naslijediti od prethodnika. Nekada su to bili novi timovi koje sam u potpunosti mogao da biram, a nekada su to bili timovi s kojima sam morao da radim jer ih nisam imao priliku sastavljati. Siguran sam da je premijer svjestan da u ovoj trećoj situaciji, u kojoj se on konkretno sada nalazi, u kojoj bez obzira na sve vjerujem da nije imao baš presudan uticaj prilikom odabira svojih suradnika, sav teret i sve negativno što će se eventualno desiti prelomit će se preko leđa kapetana tima, a sve dobro što će se eventualno izroditi otići će u džepove onih političkih nalogodavaca koji su sastavljali tim ovakav kakav jeste. U krajnjem slučaju, da malo razbijem ovaj ton i ovo sve, ako se bude desilo da ova Vlada danas bude potvrđena ja ću svakako im poželiti puno sreće u radu i na fini način još jednom sugerirati, ljudi ne opuštajte se, sa ove strane imate dosta ljudi nisu sjeli u ove klupe tek da bi zaradili neke paušale, plate itd. Koji znaju šta su očekivali od prethodne Vlade a boga mi i šta da očekuju od svake buduće Vlade. Hvala velika.

Predsjedavajući:

zahvaljujem uvaženi Marjanoviću. Poslovnička intervencija uvaženi zastupnik Nikšić.

Poslanik/zastupnik Damir Nikšić.

Tražim pauzu od 30 minuta ispred Kluba.

Predsjedavajući:

Pauza 30 minuta nakon toga nećemo imati više pauza jer smatram da je to zloupotreba od strane zastupnika koji današnju sjednicu pokušavaju da prekinu. Pauza 30 minuta. Nastavljamo 17,50.

NASTAVAK NAKON PAUZE

Predsjedavajući:

nastavljamo sa sjednicom. Sljedeći zastupnik koji se javio za riječ je uvaženi zastupnik Suljević. Izvolite. Morate se prijaviti. Dajte riječ uvaženom zastupniku Nikšiću. Vi se kolega Suljeviću javite ponovo i vi ćete dobiti riječ.

Poslanik/zastupnik Damir Nikšić:

Ja se izvinjavam što nisam na vrijeme. Samo da obrazložim zašto je bila pauza. Moram reći da sam pomalo uvrijeđen što ste rekli da zloupotrebljavam vrijeme. Ja nisam zloupotrebljavao već upotrebljavao vrijeme pauze. To je vrijeme od pola sata, umjesto tri dana koje ste nam uskratili time što ste tek jutros sa početkom sjednice, amandmanom ubacili nova dva kandidata koja evo ja i moja baza i raja na forumima povjeravamo, čitav dan od jutros. Tražio sam pauzu da bih se konsultovao i provjerio informacije koje sam morao imati vremena da provjerim protekla tri dana a nisam. Znači samo ja želim da kažem o čemu se radi. Dakle u međuvremenu smo saznali da kandidat Alikadić Kenan ima presudu od 26.01.2006 godine za nanošenje teške tjelesne povrede. Pretpostavljam da je gospodin Nenadić nije to znao kada ga je uvrstio u svoj tim. Ni ja nisam znao dok nismo provjerili. Građani nisu to mogli znati. Niko to ovdje nije znao evo do sada. Sada da znate i da znaju svi zastupnici u ovoj Skupštini pa neka izvole glasati. Drugi kandidat kojeg smo dobili jutros gospodin

Predsjedavajući:

uvaženi zastupniče, ja bih vas lijepo molio da samo da obrazložite pauzu. A kasnije kroz diskusiju.

Poslanik/zastupnik Damir Nikšić:

ja vam samo kažem, presuda Kantonalnog suda u Goraždu protiv Gineksa u kojem je gospodin Grabovica predsjednik ili član NO, znači postoje brojne prijave, barem desetak sličnih prijava protiv Gineksa a koji se zasnivaju u najmanju ruku na nesavjesnom radu NO, čiji je on dio. Ova presuda od 04. februara, znači to je nova presuda, prije mjesec dana protiv tuženog Gineksa gdje je Grabovica u NO, da li je, pretpostavljam da gospodin Nenadić nije ni ovo znao prije nego što ga je uključio u svoju Vladu. I sada želim da to znaju svi ovdje zastupnici. Sada znaju pa neka glasaju. Hvala.

Predsjedavajući:

zahvaljujem zastupniče Nikšiću. Dajte molim vas riječ uvaženom zastupniku Suljevcu. Izvolite.

Poslanik/zastupnik Samir Suljević:

hvala predsjedavajući. Čitav dan danas slušamo ekspozice, slušamo mišljenja danas zastupnika i vjerujte da mene ovo podsjeća na ono rat u Sloveniji. Oni se ko, oni pucaju, mi se borimo, a u suštini ovo je jedna vrsta silovanja pravde i prava. Poslije naših ministara u prošloj Vladi koji su vodili Vladu zasnovanu na 300 mjera i principa, koji su bili blizu naroda i za koje ankete govore da je 70% građana Kantona Sarajevo stoji iza njih, došli smo u situaciju da čujemo jedan ekspozice koji je lijepo napisan, puno obećanja, puno lijepih riječi, nigdje rokova, nigdje kada će se to uraditi, a na kraju dolazimo u situaciju na ovo što je moj kolega Damir Nikšić rekao, da imamo određenih indicija za sudske presude, imamo promjene nacionalnosti u zadnjem trenutku. Ja inače ne želim da se vodim time i da razmišljam ko je šta po nacionalnosti, ali ovdje moram doći i reći da je žalosno što ste ovo dozvolili i vi kao nova većina, a i što je sebi dozvolio moj drug, kolega sa posla Draško. Ljudi me pitaju jel moguće

da je on Srbin, do sada smo kažu sve katoličke praznike čestitali. Da čovjek u 65 godini sebi dozvoli ovakve blamaže to je za mene nedopustivo. Ali u svakom slučaju svako je tvorac svoje sudbine. Vratiti ću se na ekspoze. Poštovani mandataru kažete, danas je to citirano nekoliko puta, kažete molimo vas nemojte Vladu pokušavati uvući u visoku politiku, to je posao vas uvaženih zastupnika i viših nivoa vlasti. Ne mislite li da je u najmanju ruku neozbiljno ovo reći kada se zadnjih dana potencijalni ministri povezuju s aferama oko zapošljavanja i obećanja zaposlenja određenih političkih krugova iz nove skupštinske većine. Zar ne mislite da je donošenje zaključka na prošloj sjednici koje je van svih zakonskih normi, koje je protivno federalnim zakonima, da se kojim se zabranjuje mladim ljudima bukvalno zapošljavanje u javnom sektoru, odnosno to je prepreka i smetnja realizaciji onih običnih, svakodnevnih životnih interesa i pitanja od kojih naši građani žive. Zatim, kaže se da će nova Vlada raditi brzo i u hodu rješavati određena urgentna pitanja, ali će istovremeno pokrenuti, odnosno nastaviti sa radom na sistemskim preslagivanjima nagomilanih problema u Kantonu. Mandatar ne reče ko je napravio te nagomilane probleme, da nije možda prošla Vlada. Želite dati doprinos prije svega ubrzanju europskog puta BiH pa time i Kantona Sarajevo. Ali ne deklarativno nego kroz stvaranje uvjeta za ostvarivanje širokog spektra konkretnih mjera i aktivnosti na zaštiti i ostvarivanju ljudskih prava i sloboda koje danas uživaju građani Unije, a na žalost u BiH vidljivi su uglavnom na kratko i obično u vrijeme predizbornih i drugih promotivnih kampanja. Ne rekoste na koji način. Zatim kažete ad hoc rješenja su nas dovela u stanje u kojem je društvo danas. Jasno nam je da je rad na sistemskim rješenjima skup, da ne daje vidljive rezultate odmah ali bez vizije i strategija neće biti značajnih iskoraka aktivnosti će davati samo trenutne rezultate bez trajnih i perspektivnih rješenja za generacije koje dolaze iza nas. Pitam vas ko je doveo društvo do stanja u kojem smo danas i koliko mislite da će biti potrebno vremena da ova Vlada da vidljive rezultate. Po meni možda neće ni 20 godina. Kažete zatim borba protiv korupcije će se nastaviti u skladu sa preporukama itd. Pa, do jutros smo imali prijedloge za ministre koji se dovde u vezu sa zloupotrebom položaja a nisu još ni sjeli na svoje pozicije. Zar to ne indicira koruptivne radnje i šta ćete uraditi ako nadležne institucije iste dokažu? Kažete zatim 62 000 nezaposlenih osoba u Kantonu Sarajevo, što kaže moj kolega Igor 58. kažete da ćete u saradnji sa Službom za zapošljavanje, Privrednom komorom, Ekonomsko socijalnim Vijećem, upoređivati potrebe i mogućnosti, ispitati šta na tržištu nedostaje. A rezultat takvog rada je analiza za cilj će imati pripremu posebnih ciljanih projekata u svrhu povećanja broja zaposlenih u realnom sektoru u Kantonu. Jel to znači da nećete dozvoliti zapošljavanje u javni sektor? Također postavio sam maloprije pitanje, ako ćete dozvoliti, pitam da li ćete ukinuti revizore koje je prošla Vlada uvela? Jedan od prioriteta u vašem radu bit će unapređenje mjera zaštite od zagađenja zraka u Kantonu. Ovo je pitanje šire od bilo kojeg resora u Vladi Kantona Sarajevo i zato svi moramo dati svoj doprinos. U ovom ekspozeu nalaze se po resorima brojne mjere s ciljem smanjenja zagađenja zraka u Kantonu. Ali zato isto tako kažete, ove mjere neće dati vidljive rezultate odmah u godini ili dvije, trebat će nam puno vremena i ulaganja kako bi se unaprijedilo ovo stanje. Ali treba krenuti odmah jer Kanton je desetinama godina zatvaran, gušen, i vrijeme je u najmanju ruku da se to zaustavi i da se otočne sa liječenjem i oporavkom. Pošteno ste rekli: ovaj Kanton je desetinama godina zatvaran i gušen. Ko ga je gušio? Od prošle Vlade se tražilo da za godinu dana urade sve ono što prošle Vlade nisu desetljećima. Odlično ste se sjetili kada je u pitanju Ministarstvo za boračka pitanja, da akcenat mora biti na mjerama i aktivnostima koje će

doprinijeti vraćanju dostojanstva svih kategorija boračkih populacija kroz kreiranje i doradu pravnog okvira i njegovu kasniju primjenu, a prije svega Zakona o izmjenama i dopunama Zakona o dopunskim pravima boraca, branitelja BIH, uspostava registra branilaca, izrade socijalne karte itd. A između ostalog rekli ste pomoć pri ostvarivanju prava na stan u vlasništvu i na doživotno korištenje za ukupno 196 osoba iz ove kategorije koje još nisu riješile svoj stambeni problem. 25 godina poslije rata u Kantonu Sarajevo imamo skoro 200 porodica iz ove kategorije koje nisu riješile stambeni problem. Kreiranje jedinstvenog protokola za obilježavanje značajnih događaja, datuma i ličnosti iz perioda oslobodilačkog rata 92-95 također rekli ste da u saradnji sa lokalnom zajednicom ćete otpočeti pravne i druge aktivnosti na izgradnji centra spomen obilježja svim poginulim braniocima BIH u periodu 92-95. sve je ovo izuzetno, izuzetno lijepo, potrebno i podržavam. Unaprijediti saradnju sa boračkim udruženjima, udruženjima logoraša itd. Raditi na kontinuiranoj pomoći u stambenom zbrinjavanju, to smo već rekli. Pohvalno. Ali kako sam maloprije u pitanjima postavio kako nigdje niste naveli da će se obilježavati značajni datumi iz NOB-a period 41-45. jel to znači da se isti neće obilježavati i da se udruženjima kao što je ABNOR nećete surađivati? Na kraju, čitajući ekspozice, biografije pojedinih ministara, te onim dostupnim iz medija, očito je da će biti kadrovskih pojačanja u svim sektorima, skoro svih ministarstava ali ne razumijem jedino ovo kako ne zapošljavati u javnu službu. Naročito ćemo u narednom periodu imati više zaposlenih u kulturi. Do jutros sam mislio da će trbušni ples dobiti značajniju ulogu, imat ćemo nove prvake u sportu, KK Bosna će vrlo brzo biti novi gigant košarke u BIH, moram svom drugu Feti iz Vogošće čestitati koliko vidim iz ovoga s novim ministrom ubrzo će biti i prvaka BIH u rukometu. Bravo Feto. A između ostalog prioriteta će biti muzeji i biblioteke.

Predsjedavajući.

Pretpostavljam da govorite u ime Kluba ili ćete to u drugu diskusiju?

Poslanik/zastupnik Samir Suljević.

da. spriječit ćete malverzacije tajkuna u plaćanju računa javnim firmama. Koliko vidim ide nova kotlovnica u Vogošći a na Žući će se praviti spomen obilježje poginulim u proteklom ratu. Ovo podržavam. Ide ubrzano zapošljavanje demobilisanih boraca, a raduje kažu to što će porodice šehida i porodice poginulih konačno poslije 25 godina dobiti stambeno zbrinjavanje. Imajući u vidu da su se pojavile određene naznake da se izborni proces s za gradonačelnika nije odvijao u skladu sa zakonom, nadam se da će i pravosudni organi, odnosno Tužilaštvo Kantona Sarajevo i MUP Kantona Sarajevo raditi određene korake, te dokazati nevinost poznato borca protiv anitfašizma. Možda se zbog toga oslobodjenje Sarajeva u NOB-u 45 i ZAVNOBiH neće obilježavati, ali raduje me što najavljujete poštivanje odluka Ustavnog suda BIH, i nadam se da će se taj proces iz Kantona Sarajevo ubrzo prebaciti na teritorij čitave BIH. Mladi će ostati u Sarajevu jer će posla biti ali u realnom sektoru, djeca u školama će imati bolje udžbenike, manje gradiva, a ide i reforma u školstvu. Transferzale i ostale saobraćajnice će se ubrzano izgraditi. Koliko sam vidio u ekspozici najavili ste da i Gras postaje zdrava firma, to je odlično. Riješiti će se svi neriješeni slučajevi iz domena kriminaliteta, građani će imati svoje lokalne policajce. Odlično. Doduše problem svih problema prošle Vlade, helikopter, se ne će nabaviti. Ali zato će problemi građana koji žive oko deponije Smiljevići ubrzo biti prošlost a prestanak zagađenja vazduha je već počeo. Jedino mi nije jasno šta će biti

sa KCUS? Koliko znam novi ministar je bio uzrok svih problema KC i današnjoj direktorici, a sada se vraća da riješi sve probleme u zdravstvu. Poslije ovoga možda nas i korona virus zaobiđe. Hvala.

Predsjedavajući:

zahvaljujem uvaženi zastupniče Suljević, uvažena zastupnica Bešlija je sljedeća.

Poslanik/zastupnik Vildana Bešlija:

kao prvo želim da istaknem da na žalost nisam dobila odgovore na postavljena pitanja jer nismo dobili mogućnost izražavanja nezadovoljstva odgovorima. Odgovor koji sam dobila na postavljeno pitanje u vezi teksta koji se spominje na strani 5. ekspozea i isključenih grupa u društvu je nekako širok od strane kandidata za premijera i kao većina ekspozea nekako uopštena. Međutim, ono što je primjetno je činjenica da ste neke od politika gospodine Nenadiću, ove Vlade koju nasljeđujete uvrstili u svoj ekspozee i to potvrđuje da je Fortina Vlada radila dobro. Međutim, ipak su to liste želja i okvirnih politika a ono što nedostaje je prijedlog nekih novih, konkretnih mjera po kojima bi ova vaša Vlada bila prepoznatljiva, kao što je to bio dokument sa 300 mjera koji je predložila u usvojila Vlada na čelu sa Edinom Fortom. Iako smo imali priliku čuti vaš ekspozee kojim se pokušali dati akcenat na timski rad, činjenica da ste ga pisali timski, kako ste nas pokušali uvjeriti, je narušena jer u njemu još uvijek stoje imena drugi put promijenjenih ministara. To je već signal koji baca sumnju i na žalost zbog svega toga me niste uvjerili da ćete biti u poziciji da upravljate timom jer su posljednja dešavanja koja su potresla javnost u aferi „Asim” diskreditovala 2 ministara koja su trebali biti dio vašeg tima sa kojim se kako ste rekli pisali ekspozee i namjeravali ga sprovesti zajedno sa njima i to pod pritiskom javnosti pred današnju sjednicu. A onda kako su ti isti ministri bili u situaciji razmotriti obaveze koje prihvataju i odgovornost koju preuzimaju, kako. Ali ste se ako koalicija promptno dosjetili da nas nakon pauze usmeno izvijestite da ste napravili grešku u nacionalnosti jednog od ministara. Ne zato što vi niste uradili nešto kako treba nego zbog toga što ste na žalost na čelu tima koji je sastavljen po ustaljenoj matrici, kako smo to i mogli čuti u snimku iz afere „Asim” tj po kojoj se radilo posljednjih više od 20 godina naših života u Kantonu Sarajevo ali i ostatku države. Pa tako niste vjerovatno imali vremena prilagoditi i podatke koje navodite na strana 17 i 18, a tiču se njihovih zanimanja. A onda i na stranama 21 i 22 gdje još uvijek stoje biografije nesuđenih ministara Emira Hadžihafizbegovića i Senada Hasanspahića, nakon silnih ovih pauza. U ovom kratkom roku što sam uspjela pronaći na Google o novo-predloženom ministru za boračka pitanja je da je kao predsjednik NO UNIS Gineks, gospodin Hajrudin Grabovica imao slobodu trošenja novca iz Gineksa za svoje osobne potrebe, kao da je njegova osobna kompanija, te da koristio poslovnu karticu firme u većinskom državnom vlasništvu koja se bavi namjenskom industrijom. Navodi se da i jedan od dobavljača Gineksa i firma u vlasništvu kćerke njegovog stranačkog kolege gospodina Fadila Novalića, a njegova supruga direktor. Zanimljivo je da je jedan član NO Gineksa ujedno i kupac u Gineksu. Kako se navodi u tekstu objavljenom na jednom od portala od 20.03.2019 godine, istina kolega Nikšić je imao evo i svježije informacije o presudi, da svaka pauza znači nešto novo donosi, potvrđuje ovo obrazloženje zastupnika Damira Nikšića iz kojeg smo saznali za presude oba nova kandidata za ministre. S obzirom da ste nam rekli da ste nam i vi i ministri na raspolaganju zamolila sam novo-

predložene ministre, gospodina Kenana Alikadića i Hajrudina Grabovicu da mi odgovore koja je njihova vizija u resorima za koje su predloženi kao kandidati jer ipak oni će to sprovesti a nisu učestvovali u pisanju istih. Ali na žalost ni od njih ali ni od vas odgovor nisam dobila. S obzirom da ste naglasili da ste dobili potvrdu da kandidati koje ste danas predložili nakon dvije izmjene, nemaju nekih kriminalnih radnji, pitam se da li paralelno s tom tvrdnjom smatrate da su zamijenjeni nesuđeni članovi Vlade imali? S tim u vezi, kao odgovoran premijer i nekadašnji ministar pravde i uprave ovog Kantona, očekujem da ćete učiniti ve da se promptno uključi Tužilaštvo Kantona Sarajevo u procesuiranje aktera afere „Asim” i nastave aktivnosti Antikorupcionog tima. To je pitanje koje sam danas u okviru tačke pitanja i inicijative željela postaviti Tužilaštvu. Da li je donešena naredba o sprovođenju istrage u aferi „Asim” ali je zatraženo da se ta tačka prebaci na kraj dnevnog reda, naravno iz razloga izbjegavanja nezgodnih pitanja. Iz tog razloga želim naglasiti da je proces koji nezaustavljivo mora biti pokrenut i završen. Međutim ne mogu da se otmem utisku da na žalost zbog načina na koji funkcionise koalicija Petak 13 i činjenice da ste u ovom kratkom roku od prvobitnog prijedloga imena članova Vlade, pa do danas izvršili dvije izmjene, kako da vjerujemo da su i danas predloženi članovi Vlade adekvatni funkciji za koju su predloženi jer istini za volju ovako ispada da ste već dva puta pogriješili u procjeni a prema zadnjim informacijama koje smo dobili od kolege Nikšića, bojim se i treći put. Hvala.

Dopredsjedavajući Vior Handžić:

zahvaljujem predsjedavajući. Dakle zahvaljujem mandataru na predstavljenom ekspozu i uvodnom izlaganju. Prije svega, eto vi ste odgovorili na to pitanje to je sugerirao i kolega Jakupović, najdobronamjernije vam sugeriram pošto vjerujem da će se ovaj ekspoz negdje objaviti da će biti javno vidljiv, da ga pošaljete prije toga na lektorisanje zato što ima ogroman broj ne samo gramatičkih grešaka, i ovo gdje se obraćate zastupnicima i javnosti u množini se ne piše sa velikim „V”, nego sa malim, kada nekog persirate. Ima dosta ć i č grešaka. Ali vjerujem da će se to uraditi u narednom periodu. Postavio sam vam namjerno pitanje za vaše učešće na izbornim listama i broju glasova koje ste osvojili. Napominjem da to nisam radio zato što smatram da je to ikakav mjerodavan kriterij za funkciju koju ćete vi obnašati u narednom periodu, niti je meni lično to i za šta što se vaše buduće funkcije tiče, nije mi ni za šta bitno, nego sam to uradio prije svega da pokažem da je neko ko je u medijima izjavljivao da ste vi nestranački kandidat zajednički slagao, i da pokažem jednu sistemsku neprincipijelnost pojedinaca koji će danas za vas glasati a spočitavali su to bivšem premijeru, još uvijek ustvari premijeru Forti. Spočitavali su mu broj njegovih glasova i računali njegov procenat na ukupni broj glasova koji je eto, ispostavilo će se statistički skoro duplo veći nego vaš. Također imali ste pitanja vezana za rodnu zastupljenost u ovom sastavu Vlade. Nije ni ova Vlada trenutna u potpunosti ispoštovala to da budem tačan, ali opet iz razloga neprincipijelnosti jer su neki zastupnici koji će danas glasati za vas taj razlog naveli kao razlog zbog kojeg neće glasati za prethodnu Vladu Edina Forte. Pitao sam vas lično da li ste ispoštavali član Zakona o Vladi jer ste i na sjednici Komisije za izbor i imenovanja i u ekspozu koji ste dostavili nama u pismenom obliku i u uvodnom izlaganju koji ste usmeno podnijeli jasno rekli da u sastavu Vlade ima 9 Bošnjaka, 2 Ostala i 2 Hrvata. Iako ne volim da pričam o tome, iskreno da vam kažem, iako smatram da je mogućnost da neko zaspe kao Hrvat a probudi se kao Srbin, temeljno ljudsko pravo, moram istaći da smo danas nazočili svoj

suludosti etničkog koncepta i etičkog predstavljanja kada je crpljenje političkih prava u BIH u pitanju i ovaj primjer kojem smo danas nazočili je najbolji pokazatelj toga o čemu pričamo. Uvodni dio ekspozea što se mene lično tiče je bogat nekim uobičajenim floskulama i diplomatskim rečenicama i po meni, govorim po meni, mnogo njegovih dijelova ne korespondira sa stvarnošću u Kantonu Sarajevo. Namjerno sam vas pitao šta konkretno znači vaša borba za manjinske zajednice isključene grupacije jer većinski dio vaše Vlade i parlamentarne većine čini politička partija koja se u prethodnom periodu javno i transparentno ograđivala od pojedinih zaštita omogućavanja crpljenja ljudskih prava i takvih grupacija pa ne znam, sumnjam da li ćete uspjeti u tom svom naumu, zbog toga sam vas to pitao. Nisu mi jasni ovi dijelovi u vašem uvodu, vezani za neke hipotetičke pretpostavke u uvodnom dijelu. Nisam mogao da shvatim šta mislite kada kažete da nećete voditi osvetničku politiku, ne znam prema kome, jel prema nama zastupnicima ili prema članovima Vlade. Nikada da vam iskreno kažem nisam čuo da je bilo koji pojedinac koji sjedi ovdje išta ružno i loše rekao, posebno kada ste vi u pitanju. Posebno mi je zanimljiv ovaj dio u kom vi tražite od nas da vas mi ne uvlačimo u visoku politiku. Zna li vi dragi mandataru kako ste uopšte došli u priliku da danas budete mandatar i da se ova Vlada koju vi predlažete formira. Ne vjerujte valjda da je to zbog lokalne politike ili helikoptera. Ako mislite da je tako ja vam kažem da ste u zabludi. Da je i prošla Vlada, i skoro sve Vlade prije nje smijenjena upravo zbog visoke politike, i ne one koja je došla iz skupštinskih klupa, nego izvan zgrade Skupštine Kantona Sarajevo. Citiram vas dalje: „borba protiv korupcije će se nastaviti u skladu sa preporukama nadležnih tijela EU komisije i domaćim strateškim dokumentima i propisima. Korupcija je dalje jedan od najvećih problema u našem društvu i široko je rasprostranjena kako stoji i u analitičkom izvještaju Evropske komisije. Da li ste sigurni da ćete ovo moći sprovesti? To se pitam vjerujete mi. Moram također istaći da mi je potpuno neprihvatljivo da ste kao budući prvi čovjek Kantona Sarajevo, i jesam vas to pitao na komisiji, pitao sam vas i danas, i prihvatam odgovor u kojem ste mi rekli da niste htjeli da izlazite s informacijama dok ste još uvijek bili sudionik u realnom sektoru, slažem se zato. Pitao sam vas, zašto se niste oglasili kada ste zvanično postali mandatar za sastav Vlade Kantona Sarajevo. Potonuo nebitno u kojem pravcu vaše mišljenje ide, da li se slažete sa mnom ili ne slažete. Najprije oko pravnih peripetija koje su ovdje trajale dva mjeseca. Oko činjenice da su vam dva ministra u Vladi zamijenjena, oko posljednjih dešavanja u Kantonu Sarajevo u prethodna dva dana. Moram da izrazim vlastitu bojazan da ćete se vi u budućem radu, ne zbog vas personalno, ali da se možete u svom budućem radu sa problemima suočavati isto tako sa šutnjom i prećutnim odobravanjem. Ovo kako ste reagovali i prethodnih, evo reću mjesec dana da uzmem taj period koji vam ne zamjeram, je meni najbolji pokazatelj ovog dijela uvoda u kojem vi tvrdite da ćete ovu Vladu voditi decentralizirano. Ja se bojim da će to biti i previše decentralizirano. Što se tiče mjera u ekspozeu, njih ima jako puno i mislim ako se ovako gledaju kao slovo na papiru dosta su korektno napisane, i vjerujte mi ako ispunite sve ovo što ste napisali u svom ekspozeu da ćete uraditi, ja ću vam na tome iskreno čestitati. Nejasno mi je bilo par stvari i to sam vam postavio u pitanjima. Na neka sam dobio odgovor na neka nisam. Ali moram i to sam postavio u pitanjima, komične su mi malo ove univerzalne mjere koje ste dostavili, koje znači da vjerovatno i ja kao magistar međunarodnih odnosa mogao sam biti ministar zdravstva jer stoje neke mjere u ekspozeu pa nije bitno ko je ministar ko će ih provoditi. Također me žestoko buni ovih 20 strana općinskih projekata koji su sastavni dio ekspozea u vrijednosti od gotovo 100

miliona KM. Ne vidim im svrhu i potrebu da stoje u ekspozu, pretpostavljam da sam i ja mogao uputiti dopis općinama i dobiti ove podatke koj i su njihovi projekti. Ponovit ću ono što sam govorio i ranije kada su me pitali zašto neću glasati za novu Vladu i koji je ključni razlog zašto nikada u životu ne bih podržao formiranje ove Vlade. Ja ne vjerujem u koncept koji je bio apsolutno dominantan u Kantonu Sarajevo u prethodnih 20 godina i koji će biti apsolutno dominantan u radu buduće Vlade Kantona Sarajevo. To mi potvrđuje ovaj snimak od prije neki dan. Potvrđuje mi moje mišljenje da Nikola Tesla ne može biti dobar ministar u radu ove Vlade kada mu direktive izdaju predsjednici općinskih organizacija i šefovi kadrovskih komisija. To je koncept koji je skoro pa sve suprotno od onoga što ste vi naveli u uvodnom izlaganju, po mom mišljenju. I parafrazirati ću vam za kraj nešto iz stenograma kada je Vlada Edina Forte birana. „čestitam i budite sigurni da ćemo svim srcem stajati iza premijera i nove Vlade“. Čuvajte se takvih obećanja. Zahvaljujem.

Poslanik/zastupnik Neira Dizdarević.

Hvala predsjedavajući. Pokušat ću da budem što kraća, da ne ponavljam ono što su prethodnici već naveli. Zaista moram reći da su ove izmjene koje nam dostavljate ovako u sudijskom vremenu potpuno nedopustive jer u moru ovih papira izmjena i dopuna, gotovo je više nemoguće upratiti ko su zaista ministri u novom sazivu Vlade, koji su to zamijenjeni, koji su sami odustali, pa čak i ove ispravke koje ste danas radili, niste uradili kako treba, pa ste izmijenili recimo nacionalnu strukturu ali ostavili stručnu spremu koja ne odgovara najnovijem sastavu Vlade. Ovo nije visoka politika gospodine Nenadiću. Ovaj dom zaslužuje bar minumim ozbiljnosti i odgovornosti, ja se nadam da se ovakva praksa neće ponavljati u budućem radu Skupštine. Također kako je moja kolegica Segmedina navela, gospodina Nenadića zaista pamtim kao vrlo stručnog ministra pravde u prošlom sazivu. Imali smo veoma korektnu saradnju, pa sam samim tim možda malo više i razočarana odgovorima koje danas, pa nisam ni dobila na pitanja koja sam uputila. Od osam jasnih i konkretnih pitanja dobila sam odgovor na jedno a i to jedno ste nekako upakovali i stavili potpuno van konteksta pa dali odgovore na neka pitanja koja nisam uopšte uputila. Niste mi odgovorili da li smatrate da imate legitimitet da budete premijer sa skromnih 1831 osvojen glas iako ja zaista smatram kao i kolege Vibor da to nije uopće relevantno, ali je to upravo broj glasova koji odgovara negdje polovini broja glasova premijera Forte, i to je bio jedan od glavnih argumenata kolega iz prvog reda kada smo prije nešto više od godinu dana imenovali Vladu Kantona Sarajevo, Fortinu Vladu. Niste mi odgovorili ni na pitanje kojom ste metodom jutro prije sjednice promijenili sastav Vlade, da ili ste imali dovoljno vremena da proučite biografije, kompetencije, jer mi zastupnici nismo. Biografije smo dobili na Niste mi odgovorili da li je to taj europski put koji spominjete više puta u vašem ekspozu da imenujete kandidate tokom noći nakon izbivanja afere. Još jedna činjenica koja je za mene poražavajuća jeste da ste u svom ekspozu samo jednom spomenuli građane Kantona Sarajevo. Jedan jedini put. I bojim se da je to možda više od puke simbolike, da je možda to najbolji mogući pokazatelj u kojem smjeru i kojoj mjeri će nova Vlada raditi u korist građana Kantona Sarajevo. Hvala.

Poslanik/zastupnik Vedran Jakupović.

Zahvaljujem predsjedavajući. Na dosta pitanja nisam dobio odgovor, ali da ne ponavljam, većina kolega ih nije dobila. Pažljivo sam slušao iako nisam bio prisutan u sali pažljivo sam

slušao šta je kandidat za premijera govorio. Tako da evo tu činjenicu ćemo zaboraviti. Ja ću, evo naglasit ću da govorim u ime Kluba, nadam se da neću preći 10 minuta ali da me ne prekidate ako budem prešao. Četiri su stvari koje ću izvući kao jednu nit koju možemo iz ovog ekspozeta vidjeti. Prvo je duhovno i moralno naslijeđe koje je spomenuto u ovom ekspozeu. Zatim korporativno upravljanje. Proći ću kratko kroz biografije ponuđenih kandidata za ministre. I reći ću na kraju zašto neću glasati za ovu Vladu. Evo kada govorimo o ovom duhovnom i moralnom nasljeđu smatram lično gospodina Nenadića moralnim čovjekom, više ili manje privatno i na osnovu mišljenja ljudi koje cijenim došao sam do jednog stava da je gospodin Nenadić moralan čovjek, i smatram ga da bi on mogao nositi segment duhovnog naslijeđa koje je pomenuo, samo evo ponovim ono što je gospodin Konaković rekao, pitanje je koliko će biti hrabar da se suprotstavi silnicama koje u suštini vode kompletnu priču smjene Vlade. Zloupotrijebljen je u samom početku imenom i prezimenom, Nenadić, kao pandan Zukorliću. Kada spomenemo visoku politiku, evo već dvoje troje kolega prije mene su za rad neke visoke politike ova Vlada Kantona Sarajevo morala biti srušena. Gospodin Željko Komšić inteligentno, marketinški išao je na ovu priču da je gospodin Nenadić pandan jednom radikalnom sistemu, nekim radikalnim sarajevskim imamima, evo da kažem nekom Zukorliću kao nosiocu jednog nakaradnog sistema vrijednosti, pa će nam kao gospodin Nenadić pomoći da mi vratimo taj jedan moralni sistem koji smo nekada živjeli itd. I onda se desi ovaj nacionalni gaf, odnosno gaf sa nacionalnošću kandidata kojeg je gospodin Komšić odnosno njegov DF predložio. Ja ću se osvrnuti posebno na ovo duhovno naslijeđe i da kažem evo pomenuo je i kolega Suljević. Postoji naslijeđe jednog nazovimo ga komunizma ili prethodnog sistema i neko naslijeđe tradicionalističkog religioznog onoga što živimo, možemo slobodno reći kao vjernici Muslimani. I može li se to spojiti? Ja mogu reći slobodno kao unuk dvojice komunista, poštenih, koji su me naučili slobodno ću reći najbitnijim stvarima a to je, odnos prema komšiji i odnos prema društvenoj imovini i državnoj imovini. Nekada je bila državna a sada društvena, pa ni društvena ni državna. I koliko mora čovjek paziti kada upravlja novcem ljudi koji su mu dali povjerenje. A čuh slučajno sasvim, a ništa nije slučajno, jednu hikaju, evo da idem na ovaj tradicionalistički dio odgoja, u kojem se kaže da su nekada naši na selu da bi im djeca imala ovaj hajr, tu riječ koja se spominjala nedavno imali smo je priliku čuti, kada bi krave vodili kroz komšijino stavljali im te brnjice da te krave ne pasu komšijinu travu. Znači imali su ti naši stari seljaci taj jedan odnos prema komšijinoj imovini, a mogu zamisliti kakav je odnos prema toj nekoj javnoj u ovom slučaju možda vakufskoj bio a evo kakav slučaj mi sada imamo priliku vidjeti prema i društvenoj i državnoj imovini. Dakle ovo je krucijalna stvar, ovo duhovno naslijeđe koje pomenuto. I evo dajem podršku gospodinu Nenadiću da proba izvući tu nit duhovnog naslijeđa koju je pomenuo. Pomenuo sam već jednom ovaj nacionalni gaf, i i gospodina Nenadića koji će nam donijeti tu multikulturalnost i tu multinacionalno jednu priču a evo možemo i vidjeti među zastupnicima DF i zastupnicima SBB nema ni jednog nebošnjaka. A evo sada i među ministrima imamo neke dogovore i pregovore ko je šta u zadnjih 15 minuta. Pomenuo sam evo kažem duhovno naslijeđe i prebacujem se na drugu tezu a to je korporativno upravljanje koje bi u skladu i sa ovim duhovnim naslijeđem i u skladu sa korporativnim pravilima trebalo da insistira na zapošljavanju stručnih ljudi. Ne na zabrani zapošljavanja stručnih ljudi nego za zabrani stranačkog zapošljavanja. Što je ova Vlada pokrenula prethodna Vlada naravno. I o toj važnosti menadžmenta ljudskih resursa u javnoj upravi, u JP i JU. Kratko ću proći kroz mogu slobodno

reći da i tu očekujem da će gospodin Nenadić da će neke stvari promijeniti. Ja sam inače, mogu intimno reći o korporativnom upravljanju učio od njegovog brata blizanca pa nadam se ima tu malo i relacija da kažem genetskih. Dakle uz ovo poštenje očekujem i hrabrost u postavi korporativno upravljanja. Rekao sam već proći ću kratko kroz biografije ministara, pomenuo sam gospodina Nenadića, neću dalje. Gospodin Halebić je pokazao da dosta dobro znao do sada uraditi svoj posao, mada nije imao nekog korporativnog iskustva ali evo taj dio stručni. Gđa Kustura, ne bih komentarisao ovo, već su kolege govorile, opština Novi Grad i sve stvari oko Opštine Novi Grad su prilično mutne, da bi se dalo neko povjerenje. Gospodin Kapidžić očekujem kao stručnjak da će raditi posao u urbanizmu kako treba. Gospođa Glamoč, također stručnjak u svojoj oblasti. Gospodin Kalem, evo hvala bogu ministar saobraćaja da bude ministar koji je završio saobraćajni fakultet pa ima i neko iskustvo korporativno. Očekujem da će nastaviti ovu neku energiju koju je gospodin Šteta u ovom najbitnijem Ministarstvu za Sarajevo pokazao. Gospodin Jusko također očekujem kvalitetan rad. Gospodin Jeličić jako dobar CV i evo da nije ovog gafa nacionalnog ja se nadam dajem jednu vrstu podršku. Ali način na koji je sve ovo urađen je poprilično tužan. Gospodin Mesihović, moj, od asistenta, profesora, jedan od većih znalaca u ovoj oblasti, ali mogu mu obećati da ću mu puhati za vratom posebno kada je riječ i o listama i organizaciji zdravstvene zaštite i nekim stvarima koje se mogu uraditi i njegovoj volji da te stvari uradi na dobar način a bez ovih duhovno neodgovarajućih aktivnosti. Gospodin Krivić, evo vidjet ćemo ostavljam na stand by. Gospođa Jasna Agić također bez nekih posebnih karakteristika, govorim o negativnim karakteristikama. Očekujem da će nastaviti ovo što je gospodin Garibija radio, jako je puno stvari pokrenuto i za puno više od jednog mandatnog perioda. Hasanspahić Crvele nije tu ali imamo drugog kandidata iz Vogošće, ne znam jel to ista šema. Nije. I gospodin Grabovica, složit ću se evo za ova dva kandidata da tri minute prije sjednice ne možemo ništa posebno ni dobro ni loše. I na kraju, zašto neću glasati za ovu Vladu. Kao što je kolega Handžić rekao sistem u kojem se sređuju neke stvari a ne u kojem se pravi sistem. To je ono što smo živjeli 20 godina, što je i mene na kraju natjeralo da uđemo u politiku da mijenjamo neke stvari. Daj Bože da se bilo šta izmijeni ovdje da ne budemo opet sređivali neke stvari, opet imali neke pritiske i vodili Kanton na način na koji je vođen od 96 godine. Hvala.

Predsjedavajući:

zahvaljujem zastupniče Jakupoviću. Druga diskusija zastupnik Konaković.

Poslanik/zastupnik Elmedin Konaković.

Hvala predsjedavajući. Ako budete dobro radili reći ćemo svima a ako ne bude dobro radili reći ćemo samo vama. Šalim se, nećemo. Reći ćemo svima i ako ne budete dobro radili. Mašina radi i dalje. Cvrle je riješen, ovdje je u ovoj zgradi pronašao posao za nepunih 10 sati. Tako službe za zapošljavanje SDA rade. Jutros razriješen, danas riješen. Vi ste Vlada u koju je SDA uložila najviše od kada postoji. Uložila je u vas državna Ministarstva, uložila je u vas pregovore na svim nivoima vlasti, Federalnu Vladu je uložila u vas, uložila je u vas ustupke koje nikada ne bi napravila da bi vi danas bili formirani. Udovoljeno je željama koje vi niste mogli sanjati da bi vi danas bili imenovani za ministre i zato imate težak posao. Večeras u ovoj sali samo vama ne bih bio u koži jer ulazite u nešto za šta mislim da možda vas nekoliko zna šta ga tamo čeka, a svi ostali boga mi ćete se sjetiti ovih mojih riječi. Veže vas galama za

NATO put, dobili smo IMP., vežu vas različiti procesi kakve nikada niko u ovoj sali nije doživio, a vjerujte mi pomalo se ko Halid Genjac osjećam, ovo je meni deveta godina u ovoj sali. Ovo mi je treći mandat, već mi polako izgleda to predugo. I ovo mi je šesta smjena Vlade koju pratim u ovih devet godina. Imam u tome baš iskustva, i mijenjali su i mijenjao sam i jednom smo bili gladni, kifle sam unosio. Mnogo je anegdota koje se vežu ali nikada nije bio ovakav ambijent. Da Skupština i cijeli grad žali odlazeću Vladu. Vi dolazite na jedan teški posao i da zamijenite ljude koji su imali 2/3 simpatije javnosti a uglavnom su se odavde Vlade tjerale kamenjima i nekada su se i zgrade palile. To vam je ljudi zaista težak posao. Dolazite na način da su u ovoj sali neki ljudi morali pogaziti svoje životne principe, neke su od njih hapsili a oni za vas moraju glasati danas. Nekima su uradili životnu štetu a oni za vas moraju glasati jer su tako naredile centrale. Pogazili su ljudi ovdje i obraz i dostojanstvo da bi za vas glasali, a mi im rekli da su nama oni odgovorni ko što i jesu. Meni je Milavica odgovoran za ovog Mačkića i to mu nikada neću halaliti. Halalio sam mu, teška je riječ, neću mu zaboraviti. I još neki ljudi koji su ovdje uradili stvari a vi danas na to dolazite. I gledaj kakav je to završetak. Ja vjerujem u dragog boga, i kada bog to poreda, onda vam ova Vlada ostavlja registar projekata, nikada niko nije došao na registar projekata. Vi dolazite na potpuno uređen sistem, u registru vam stoje mjere, tajminzi, rokovi, novac, a vaš zadatak je da to dignete na jedan viši nivo. Neka vam je zbog sviju nas dragi bog na pomoći. Hvala vam.

Predsjedavajući:

zahvaljujem uvaženi zastupniče Konaković. Obzirom da nemamo više prijavljenih, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU VLADE KANTONA SARAJEVO U CJELINI, U SKLADU SA ČLANOM 205. STAV 1. POSLOVNIKA SKUPŠTINE KANTONA SARAJEVO.

Otvaram glasanje. Molim rezultate. Za je glasalo 18 zastupnika, protiv 15, suzdržanih 1. KONSTATUJEM DA JE SKUPŠTINA DONIJELA ODLUKU O POTVRĐIVANJU VLADE KANTONA SARAJEVO U SASTAVU KOJI JE I PREDLOŽEN.

Uvaženi zastupnik Stojanović poslovnička intervencija.

Poslanik/zastupnik Igor Stojanović:

izražavam sumnju u glasanje i tražim pojedinačno izjašnjenje.

Predsjedavajući:

molim vas uključite Almiru Kulovac Šetkić.

Sekretar po ovlaštenju Almira Kulovac Šetkić:

1. Aljović Hamed ZA
2. Bešlija Vildana PROTIV
3. Bišćević-Tokić Jasmina ZA
4. Čampara Aljoša ZA
5. Čelik Mirza ZA

6. Ćosović-Hajdarević Samra ZA
7. Delalić Sabahudin ZA
8. Dević Mahir ZA
9. Dizdarević Neira PROTIV
10. Duraković Jasna PROTIV
11. Handžić Vibor PROTIV
12. Hasagić Amra ZA
13. Hasanović Senad ZA
14. Hodžić Admela ZA
15. Jakupović Vedran PROTIV
16. Junuzović-Kaljić Amra PROTIV
17. Kerla Bibija ZA
18. Konaković Elmedin PROTIV
19. Krstić Danijela PROTIV
20. Marić Zvonko ZA
21. Marjanović Damir PROTIV
22. Mekić Amel ODSUTAN
23. Memić Arijana PROTIV
24. Milavica Sead ZA
25. Nikšić Damir PROTIV
26. Okerić Elvedin PROTIV
27. Pecikoza Fahrudin ZA
28. Pleho Haris ZA
29. Poturak Dževad ZA
30. Srna- Bajramović Segmedina PROTIV
31. Stojanović Igor PROTIV
32. Suljević Samir PROTIV
33. Šahman Bilsena ZA
34. Viteškić Smiljana ZA
35. Vreto Elvis SUZDRŽAN

Predsjedavajući:

Za je glasalo 18, protiv 15 i suzdržanih 1.

**KONSTATUJEM DA JE SKUPŠTINA DONIJELA ODLUKU O POTVRĐIVANJU
VLADE KANTONA SARAJEVO U SASTAVU KOJI JE I PREDLOŽEN.**

Molim članove Vlade, uvažene ministrice i ministre, da pristupe davanju svečane izjave.

SVEČANA IZJAVA

**„SVEČANO IZJAVLJUJEM DA ĆU POVJERENU DUŽNOST OBAVLJATI
SAVJESNO, PRIDRŽAVATI SE USTAVA I ZAKONA BOSNE I HERCEGOVINE,
FEDERACIJE BOSNE I HERCEGOVINE I KANTONA SARAJEVO, ZALAGATI SE
ZA LJUDSKA PRAVA I SLOBODE I DA ĆU U SVIM PRILIKAMA ŠTITITI
INTERESE BOSNE I HERCEGOVINE, FEDERACIJE BOSNE I HERCEGOVINE I**

KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Meni je zadovoljstvo da u svoje ime, u ime zamjenika i svih uposlenika u Skupštini Kantona Sarajevo čestitam Vladi Kantona i zaželim uspjeh u budućem radu. Vjerujem zaista da će Vlada Kantona zajedno sa zastupnicima u Skupštini ostvariti uspješnu saradnju na zadovoljstvo svih nas, ali prije svega na zadovoljstvo građana Kantona Sarajevo.

Ja ću dati sada pauzu da imate šansu da čestitate novoimenovanom premijeru i ministrima. Prije toga dozvolite mi da iskoristim priliku da prethodnom sazivu Vlade i njihovim ministrima u svoje lično ime, u ime zamjenika, i svih zastupnika zahvalim na njihovom radu i zaželim svako dobro i sreću u budućem angažmanu.

NASTAVAK NAKON PAUZE

Predsjedavajući:

Nastavljamo sa radom, molim službe da pozovu zastupnike kako bi krenuli.

Nastavljamo sa radom, tačka tri.

AD – 3.

PRIJEDLOG ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Obzirom da smo imali nekoliko zahtjeva zastupnika, odnosno klubova za izmjenu imena ja bih vas molio da ovu tačku razmatramo u nastavku kada budemo počinjali sjednicu da prva bude ova tačka. Ali s tim u vezi ja moram dati taj prijedlog na glasanje. Te vas molim da glasamo o ovom prijedlogu da tačka 3. bude razmatrana u nastavku same sjednice kada se budu stvorili uslovi za to, kao prva tačka dnevnog reda.

Otvaram glasanje, izvolite glasajte. Molim rezultate.

Za je glasalo 29, protiv i suzdržanih nije bilo.

Otvaramo tačku 4.

AD – 4.

PRIJEDLOG ODLUKE O IZMJENI ODLUKE O IMENOVANJU PREDSJEDNIKA, ZAMJENIKA PREDSJEDNIKA I ČLANOVA ODBORA ZA JAVNA PRIZNANJA SKUPŠTINE KANTONA SARAJEVO

Prijedlog ste dobili u dopunskom materijalu. Molim predstavnika Predlagača da podnese uvodne napomene, ukoliko je potrebno. Nema potrebe. Da li predstavnici radnih tijela žele riječ? Ne žele. Ima li pitanja? Otvaram raspravu. Zaključujem raspravu, ukoliko se više niko ne javlja za riječ.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IMENOVANJU PREDSJEDNIKA, ZAMJENIKA PREDSJEDNIKA I ČLANOVA ODBORA ZA JAVNA PRIZNANJA SKUPŠTINE KANTONA SARAJEVO.

Otvaram glasanje. Molim rezultate.

Za je glasalo 28, protiv 1, suzdržanih nije bilo.

KONSTATUJEM DA JE SKUPŠTINA DONIJELA OVU ODLUKU.

Obzirom da imamo Prijedlog budžeta Kantona Sarajevo kao sljedeću tačku dnevnog reda, pošto imamo novoformiranu Vladu, odnosno ostavljamo mogućnost da amandmansi djeluju ja evo, ako se slažete da prekinemo sjednicu. Obzirom da smo izvršili konsultacije u rukovodstvu ja prekidam ovu sjednicu, o nastavku ćete biti obaviješteni. Zahvaljujem vam. Vidimo se sljedeći put.

S T E N O G R A M
NASTAVKA 22. RADNE SJEDNICE SKUPŠTINE KANTONA SARAJEVO
ODRŽANE 11.03.2020.GODINE

Predsjedavajući Mirza Čelik (u nastavku predsjedavajući):

Otvaram nastavak 22. Radne sjednice Skupštine Kantona Sarajevo. Himna Bosne i Hercegovine.

Pozdravljam uvažene kolegice i kolege zastupnike, članove Vlade i uvažene goste, kao i predstavnike medija koji prate rad današnje sjednice. Svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 34 zastupnika, što je dovoljan broj za punovažan rad i odlučivanje.

Izostanak sa ove sjednice opravdala je zastupnica Memić Arijana.

Molim sve prisutne da učenjem Fatihe ili svako na svoj način odamo počast rahmetli akademiku Muhamedu Filipoviću. Nek mu je vječni rahmet duši.

Također vas pozivam da minutom šutnje odamo počast preminulom Svetozaru Pudariću, ranijem zamjeniku predsjedavajućeg Skupštine Kantona Sarajevo u mandatu 2006-2010.godina. Nek mu je vječna slava.

Podsjećam vas da smo u prvom dijelu sjednice u prošli utorak, obradili tačke 2. i 4. dnevnog reda, a tačku 1. „Zastupnička pitanja i inicijative i odgovori” smo dogovorili da ćemo razmatrati na kraju tačke 8, te nam tako ostaju sljedeće tačke:

3. Prijedlog odluke o izboru predsjedavajućih, zamjenika predsjedavajućih i članova stalnih radnih tijela Skupštine Kantona Sarajevo;
5. Prijedlog budžeta Kantona Sarajevo za 2020. godinu;
6. Prijedlog zakona o izvršavanju Budžeta Kantona Sarajevo za 2020. godinu
7. Prijedlog zakona o kažnjavanju govora mržnje Kantona Sarajevo - skraćeni postupak;
8. Prijedlog odluke o davanju saglasnosti na Finansijski plan Javne ustanove „Služba za zapošljavanje Kantona Sarajevo“ Sarajevo za 2020. godinu sa Odlukom o izvršavanju Finansijskog plana Javne ustanove „Služba za zapošljavanje Kantona Sarajevo“ Sarajevo za 2020. godinu;
1. Poslanička/zastupnička pitanja, inicijative i odgovori.

Prelazimo na realizaciju tačke 3. Dnevnog reda. Poslovnička intervencija uvaženi zastupnik Marić Zvonko, izvolite.

Poslanik/zastupnik Zvonko Marić:

zahvaljujem predsjedavajući. Dame i gospodo, drugarice i drugovi, poštovani gledatelji koji pratite rad ove sjednice, budući da smo suočeni sa iznimno važnom situacijom koja ugrožava zdravlje naših građana, mislim da bi bilo primjereno da nas, ukoliko je tu neko iz kriznog stožera ili štaba, izvijesti o stanju vezano za korona virus i da nas isto ministar obrazovanja, eventualno budući da je to najosjetljivija kategorija stanovnika osim hroničnih bolesnika,

kakav je režim i šta planiraju poduzeti i koje mjere vezano za na neki način zaštitu ili previranje korona virusa koja je zahvatila čini mi se skoro cijeli svijet a posebice ono zabrinjava što je već ovdje u regionu i znamo na kojim principima se zapravo to dešava sve i širi ta zarazna bolest i na neki način kao je moguće da nam samo u najkraćem kažu šta Vlada i da li je bilo što poduzela i koji su to koraci kako bi se suzbila ova opasnost. Zato molim ako je moguće da prije nego što počnemo sa sjednicom da nam se obrate ljudi koje sam pomenuo a posebice mislim resorni ministar zdravlja, gospodin Mesihović i ako je neko tu iz kriznog stožera i kažem ministar obrazovanja. Zato smatram da bi bilo ovo vrlo primjereno da čujemo i da građani zapravo čuju koji su najzainteresiraniji i da nas kao zastupnike izvijeste o aktivnostima koje su poduzeli.

Predsjedavajući:

Zahvaljujem uvaženi zastupniče Mariću. Obzirom da smo utvrdili dnevni red na samoj sjednici Skupštine Kantona Sarajevo, i dogovorili smo se da zastupnička pitanja i inicijative se razmatraju kao posljednja tačka, i možemo samo na toj tački razmatrati ova pitanja koja ste već kazali. A evo pozivamo svakako krizni štab, Ministarstvo zdravlja i Ministarstvo za obrazovanje da se pripreme jer će biti pitanja. Omogućit ćemo također da budu oni koji prvi odgovarati na poslanička pitanja i inicijative a tiče se korona virusa. Zvonko Marić imate da dodate nešto, izvolite.

Poslanik/zastupnik Zvonko Marić:

zahvaljujem se predsjedavajući. Da, zaista ja razumijem i Poslovnik ali ovo je izvanredna situacija i također mislim da bi bilo efikasnije zbog rada ove sjednice Skupštine, budući da smatram da će u okviru zastupničkih pitanja i inicijativa biti jako puno pitanja koja se odnose na ovu problematiku, da bi možda efikasnije radili u zastupničkim pitanjima ne bi imali potrebe da se vraćamo na ovu tematiku i smatram da bi to možda bilo efikasnije, s obzirom da je efikasnija situacija da napravimo i iznimku u odnosu na ono što proceduru nalažu. Hvala.

Predsjedavajući:

zahvaljujem. Poslovnička intervencija uvaženi zastupnik Čampara Aljoša, izvolite.

Poslanik/zastupnik Aljoša Čampara.

Zahvaljujem predsjedavajući. Pa otprilike isto na ovom tragu. Mislim kada se radi o zdravlju građana u Kantonu Sarajevo, a prije svega naše djece koja idu u školu, mislim da evo trebamo svi ovdje razmisliti da se ministri pripreme pa možda u nekom narednom periodu ja očekujem i da građani traže od nas, odnosno od resornih ministara da se izjasne o sveukupnoj situaciji vezano za korona virus i mislim da nam je to sada prioritet u odnosu na ove poslovničke odredbe i na sve ono što se nalazi u dnevnom. Naravno, ako mislite da ostavimo to za zadnju tačku, da brzo prođemo ove tačke, OK. Ali mislim da u svakom slučaju moramo imati izjašnjenje dva resorna Ministarstva vezano za ovu sveukupnu situaciju koja se ne samo evo dešava ovdje kod nas, nego i regionu i u EU i svijetu, itd. Mislim da je ovo ozbiljno pitanje gdje građani očekuju od institucija vlasti odgovor. Hvala.

Predsjedavajući:

zahvaljujem uvaženi zastupniče Čampara, sljedeća za riječ se javila zastupnika Junuzović Kaljić Amra. Izvolite.

Poslanik/zastupnik Amra Junuzović Kaljić:

srdačan pozdrav svim kolegama i kolegicama, članovima Vlade, stanovništvu, građanstvu Kantona Sarajevo. Ja samo želim da korigujem obzirom da je uvaženi Marić spomenuo vanrednu situaciju. Dakle, ovo je situacija u kojoj se nalazimo, nije vanredna, nije proglašena vanrednom situacija, nego je to situacija javno-zdravstvene prijetnje u kojoj je zdravstveni sistem Kantona Sarajevo od početka februara mjeseca poduzeo adekvatne mjere, stepenovao praktički i procjenu rizika i prema tome se upute i naredbe stanovništvu su upućene. Samo toliko. Naravno ministar zdravstva će više o tome reći. Hvala lijepo.

Predsjedavajući:

zahvaljujem uvažena zastupnice. Zvonko Marić se javio kratko i dat ću prijedlog neki, izvolite.

Poslanik/zastupnik Zvonko Marić:

zahvaljujem predsjedavajući, zahvaljujem na korigiranju kako kaže dr. Junuzović. Međutim i sama činjenica da je opasnost, ona nije svakodnevna, prema tome i ona sama po sebi je izvanredna kao što je i situacija u mnogim nekim drugim zemljama. Prema tome, preveniranje i otklanjanje te opasnosti nije ni svakodnevica kao što ni ta opasnost nije svakodnevna, pa prema tome može se tretirati kao izvanredna. Hvala.

Predsjedavajući:

zahvaljujem uvaženi zastupniče Mariću. Sljedeći za riječ se javio uvaženi zastupnik Konaković Elmedin i nakon toga ću obustaviti dalju diskusiju i dat ću prijedlog svakako.

Poslanik/zastupnik Elmedin Konaković:

hvala vam predsjedavajući. Poštovano radno rukovodstvo, cijenjene kolegice i zastupnici, ministrice i ministri u Vladi, gosti, gledaoci, sve vas srdačno pozdravljam. Imate rješenje ukoliko imate volju da onako kako ste tačku Pitanja i inicijative izglasali da se raspravlja kao zadnja na zadnjoj sjednici, danas glasamo o tome da se raspravlja kao prva. Da je vratimo u okvire dnevnog reda, da se izjasni Skupština o tome. Ja podržavam i ovo što su govorili kolega Marić i Čampara, mislim da je danas važnost dogovora na ova pitanja bez obzira što je riječ o budžetu, ipak ima prioritete i ne vjerujem da smo nešto ograničeni vremenom. Dakle ako to hoćete, date nam prijedlog. Mi kažemo da, vrati se tačka Pitanja i inicijative danas kao prva. Čujemo šta kažu resorni ministri i eventualno poslije toga donesemo neke zaključke. Hvala vam.

Predsjedavajući:

Zahvaljujem uvaženi zastupniče Konakoviću. Pa to sam i ja htio predložiti ili da sazovemo Kolegij da zakažemo hitnu sjednicu pa da prekinemo ovu radnu sjednicu i da krenemo sa hitnom. Ali obzirom da smo evo sada dobili informaciju od vas da želimo to čuti ja bih molio

ministra zdravstva i nekoga iz kriznog štaba da čujemo da li su spremni da odgovore na pitanja ili da li ćemo organizovati hitnu sjednicu ili da poslanička pitanja i inicijative damo na glasanju, odnosno da vratimo da je danas razmatramo kao prvu tačku dnevnog reda. Hajte malo konsultacije šefovi klubova ako mogu da priđu da bi se kratko samo dogovorili.

NASTAVAK NAKON PAUZE

Predsjedavajući:

Molim zastupnike da zauzmu svoja mjesta. Kolegij je na kratkoj sjednici dogovorio da se predloži, moramo dati na glasanje, poslovnička zastupnička pitanja i inicijative i odgovori da se razmatra kao prva tačka dnevnog reda na današnjem nastavku sjednice, nakon toga suzdržavat ćemo se od inicijativa za koje ne trebaju usmeni odgovori, odnosno pitanja. Također zaključak ukoliko je potreban da se usvoji na Skupštini neka se pročita i dostavi materijal kako bi mogli umnožiti i podijeliti zastupnicima.

Stoga otvaram glasanje a tiče se da se tačka Poslanička /zastupnička pitanja i inicijative i odgovori danas razmatra kao prva tačka dnevnog reda.

Molim rezultate. Za je glasalo 31, protiv 1.

Konstatujem da je Skupština donijela prijedlog zaključka da Poslanička/zastupnička pitanja i inicijative i odgovori razmatra kao prva tačka.

Prelazimo na realizaciju prve tačke dnevnog reda današnje sjednice,

AD-1.POSLANIČKA/ZASTUPNIČKA PITANJA, INICIJATIVE I ODGOVORI

Predsjedavajući:

uvaženi zastupnik Suljević Samir ima riječ.

Poslanik/zastupnik Samir Suljević:

hvala predsjedavajući. Pozdravljam sve prisutne zastupnike i zastupnice, Vladu, prisutne i gledaoce kraj malih ekrana. Imam jedan zaključak i jedno zastupničko pitanje.

Zaključak o kojem bi želio da se Skupština izjasni. Vezan je za zaključak donesen je 25.02. na istoj ovoj Skupštini znači na svojoj 21. sjednici. Dana 25.02.2020 godine na 21. sjednici Skupština Kantona Sarajevo donijela je zaključak kojim se zabranjuje zapošljavanje državnih službenika u aktuelnom sazivu Vlade Kantona Sarajevo, JP i institucije koje se finansiraju iz budžeta Kantona Sarajevo. Doneseni zaključak je nezakonit, štetan i u cjelosti pravno neprovodiv. Isti je u suprotnosti sa odredbama Zakona o radu, kao lex specialis propisa iz nadležnosti FBIH, kao i Uredbom o postupku prijema u radni odnos u zavodima, agencijama, direkcijama, i upravnim organizacijama. Pravnim licima sa javnim ovlaštenjima na teritoriji Kantona, Grada, općina u JU i JP čiji su osnivači Kanton; Grad ili općina te u privrednim društvima u kojima Grad, Kanton, Općina učestvuju sa više od 50% ukupnog kapitala. Pravno je neupitno da je zaključak Skupštine nezakonit, neprovodiv i štetan po budžet Kantona Sarajevo, da stvara pravnu anarhiju i pravnu nesigurnost u Kantonu Sarajevo, te se kao takav mora hitno staviti van snage i u skladu s navedenim predlažem da se donese zaključak o

stavljanju van snage zaključka Skupštine Kantona Sarajevo sa 21 sjednice Skupštine Kantona Sarajevo održane 25.02. kojim se zabranjuje zapošljavanje u JP i institucije koje se finansiraju iz budžeta Kantona Sarajevo. Moram pročitati obrazloženje: odredbe predmetnog zaključka Skupštine Kantona Sarajevo direktno su u suprotnosti sa članom 15. naprijed navedene Uredbe koja glasi: „ Član 15. Nakon oglašavanja javni oglas se ne može poništiti. 2. Izuzetno od stava ovog člana javni oglas se može poništiti u sljedećim uslovima, ako dođe do promjene odgovornog lica u poslodavcu koji je raspisao javni konkursa

predsjedavajući:
vrijeme uvaženi zastupniče.

Poslanik/zastupnik Samir Suljević:

brzo sam, ostao sam samo na ovom da moram samo molim vas pola minute. Ovaj zaključak je izuzetno štetan. Dostavit ću u pisanoj formi. I zastupničko pitanje koje ću dostaviti u pisanoj formi to je vezano za Apoteke Sarajevo i zaštitne maske od korona virusa, zašto se prodaju po 7 KM a realna cijena je 30 feninga. Hvala.

Poslanik/zastupnik Amel Mekić:

hvala vam predsjedavajući. Pozdrav prisutnima i naravno gledaocima ispred TV ekrana. Imat ću dvije inicijative. Prva je Ministarstvo za obrazovanje, nauku i mlade Kantona Sarajevo. Pokrećem inicijativu da se na adekvatnoj lokaciji napravi Univerzitetska čitaonica i studentska menza. Druga inicijativa Ministarstvo zdravstva Kantona Sarajevo. Pokrećem inicijativu za uvođenje patronažne službe u okviru sadašnje primarne zdravstvene zaštite kako bi unaprijedili zdravstvenu oblast a potrebe građana za optimalnom zdravstvenom zaštitom doveli na zadovoljavajući nivo. Efikasan i uspješan sistem zdravstvene zaštite može biti samo kroz razvoj njene primarne zdravstvene zaštite, prema potrebama njenih građana.

Detaljna objašnjenja ću dostaviti u pisanoj formi za obje inicijative. Pošto imamo jako malo vremena, postavio bih sljedeća pitanja za ministara Mesihovića zbog novonastale situacije a vezano za korona virus.

Prvo pitanje, da li uposlenici u primarnoj zaštiti imaju odgovarajuću zaštitu, odnosno odgovarajuće maske sa navedenim vremenom zaštite, zaštitne naočale, kaljače i itd.

Drugo pitanje, koliko je raspoloživo kreveta u izolatoriju i koji broj respiratora imamo u pripremi? Da li se vrši dodatna dezinfekcija zdravstvenih ustanova? Gdje su izvršene dezinfekcije u javnim prostorima i na koji način i koja vrsta dezinfekcije? Da li je pojačan nadzor u školskim ustanovama sa svim preporučenim mjerama i da li je krizni štab u kontaktu sa privatnim zdravstvenim sektorom i da li je neko iz privatnog sektora uključen u krizni štab? Još također želim da napomenem da imamo veliki broj migranata koji su i te kako opasnost za širenje bolesti. Interesuje me da li su resorna Ministarstva pregovarala i dogovarali na koji način će se liječiti isti i ako dođe do velike pandemije, kako ćemo ih staviti u izolaciju? Toliko od mene hvala vam.

Poslanik/zastupnik Zvonko Marić:

zahvaljujem predsjedavajući. Ja sam već postavio pitanje i nadam se da će se resorni ministar obratiti, neko iz kriznog štaba i ministar obrazovanja i ako ima potrebe i neki od ministara ili premijer. Pitanja ostaju ista, da ih ne ponavljam međutim puno je razloga da govorimo o ovome jer sam čuo u onim našim konsultacijama tokom njih da je zabranjeno okupljanje više od tri sata i da ovaj skup ne treba biti duži. Ali učenici su po 6 sati u školama i također te škole u prirodi organiziraju se na svakom koraku i bojim se da nisu bog zna kakvi uvjeti. OŠ „Osman Nuri Hadžić” priprema školu u prirodi vezano za Bjelašnicu. Kažu da su tamo higijenski uslovi katastrofalni i možda da neko ko organizira to ode i izvidi stanje kakvo je stanje u tom mjestu gdje će boraviti učenici. Moje zastupničko pitanje se odnosi konkretno, neću obrazlagati, zašto su u novi urbanističkom planu dovedeni u pitanje olimpijski objekat na Velikom polju Igman za koje KJP ZOI'84 posjeduje pravosnažne upotrebne dozvole, građevinsko urbanističku saglasnost, a to su streljište, startno ciljani prostor, startni objekat, sistem za vještačko osnježavanje sa akumulacijom, tehnička baza, sanitarije, javni wc, mostovi na stazama itd. Da li je prilikom izrade nacrtu urbanističkog plana za Veliko polje ispoštovana procedura koja je zakonom propisana s obzirom na važnost projekta u smislu prostora koji obuhvata, to je 37,5 hektara i na koncu zašto su prilikom izrade nacrtu urbanističkog plana za Veliko polje nisu ispoštovane smjernice koje je usvojilo Opštinsko vijeće Hadžići u svojoj odluci o pristupanju, izradi urbanističkog projekta Igman Veliko polje koja je objavljena u službenim novima Kantona Sarajevo 10.08.2017 godine. Ne bih dalje, zahvaljujem na ukazanom vremenu da postavimo ova pitanja. Hvala.

Poslanik/zastupnik Neira Dizdarević:

hvala predsjedavajući. Također pozdravljam sve prisutne u sali kao i građen koji prate naš današnji rad. Vezano za trenutnu situaciju po pitanju koronavirusa imam jedno pitanje s obzirom da sam dobila veliki broj upita od roditelja čija djeca pohađaju školske ustanove. Predškolske ustanove mahom traže da se do kraja mjeseca marta u skladu sa ugovorima o pružanju usluga predškolskog odgoja dostave ljekarska uvjerenja za mališane odnosno brisevi grla i nosa. Međutim znamo da je među prvim preporukama da se u DZ odlazi isključivo u slučaju prijeke potrebe. Pa molim ministra da možda na neki način se ovaj dio iskomunicira sa predškolskim ustanovama, kako javnim tako i privatnim. Odnosno da se roditeljima daju direktive na koji način postupati jer odlazak s mališanima u DZ je zasigurno sada potpuno neprihvatljiv. Samim time ukoliko sami roditelji odu sa recimo nalazima briseva po ljekarsko uvjerenje ipak se izlažu prisutnosti virusa u čekaonicama. Drugo pitanje koje nije vezano konkretno za zdravstvo i koronavirus ali koji zaista moram uputiti zbog alarmantne situacije koja je prisutna iz godine u godinu i koja je rekla bih poraz za sve nas ovdje kako u Skupštini tako i u vladama, jeste pitanje mališana koji pohađaju nastavu po EDUS programu. Molim ministra obrazovanja za usmeni odgovor da li je upoznat sa situacijom i upućujem inicijativu da se odmah poduzmu sve aktivnosti koje su potrebne da djeca iz spektra koji pohađaju EDUS program u Centru Vladimir Nazor otpočnu s nastavom. Svaki sat rada koji je izgubljen za ovu djecu predstavlja veliku regresiju i ustvari poništava sate i sate rada. Imam još jedan zaključak koji je potrebno da se Skupština izjasni, ali ću ga dostaviti predsjedavajućem pa na kraju možete zbog stenograma pročitati i zamolit ću da se zastupnici i zastupnice izjasne o istom. Hvala.

Predsjedavajući:

Zahvaljujem uvažena zastupnice. Sljedeća ima riječ Bišćević_Tokić Jasmina, izvolite.

Poslanik/zastupnik Jasmina Bišćević Tokić:

Zahvaljujem predsjedavajući, pozdravljam sve prisutne kao i gledaoce kraj malih ekrana. Ja sam na prošloj sjednici delegirala jedan zaključak koji je Skupština kantona usvojila 25.02. međutim tražim dopunu tog zaključka iz razloga manjka radnika i ukazane potrebe prema građanima Kantona Sarajevo u sljedećim kategorijama, i predlažem da u prvom dijelu zaključka usvojimo da se izuzetno od zabrane iz prethodnog stava izuzimaju odgojne , obrazovane, zdravstvene ustanove, za hitna i opravdana zapošljavanja, kao i upošljavanja pripravnika i djece šehida, poginulih boraca, kroz realizaciju programa, kao i sve ostale programe zapošljavanja kod nadležnih službi za zapošljavanje uz obaveznu prethodnu saglasnost vlade Kantona Sarajevo. Ostali svi stavovi iz Zaključka ostaju na snazi. I evo dala sam zaključak kako bi se mogla Skupština Kantona Sarajevo o tome izjasniti. Zahvaljujem.

Poslanik/zastupnik Damir Marjanović:

Ja vam se zahvaljujem. Evo da budemo efikasni zatražit ću od ministra za obrazovanje, nauku i mlade Kantona Sarajevo da hitno prikupi informacije iz svih osnovnih i srednjih škola da provjeri da li su ispoštovane odluke i preporuke kriznog štaba koje su date prije mjesec dana vezano za sprječavanje širenja koronavirusa. Posebno to govorim i mislim vezano za obezbjeđivanje sredstava za dezinfekciju. Normalno vjerujem da ćemo danas dobiti mnogo šire odgovore i kakve su ideje o tome da li da se nastava treba obustaviti ili ne treba obustaviti, ali to ću stvarno prepustiti stručnjacima da govore. I druga stvar vezano je za vrlo sličan zaključak koji je kolegica Bišćević predložila, dobrim dijelom se slažem s ovim zaključkom, ako zaključak gospodina Suljevića ne prođe, s tim što bih proširio ovaj zaključak jedan, mislim da je kolegica Bišćević mislila na tome, ovdje se govori o odgojno obrazovnim ustanovama, da ne bi bilo nedoumice, postoje visoko – škole ustanove koje bi trebali isključiti iz ove priče. Pa ako se kolegica Bišćević slaže da se proširi ovaj zaključak na visoko škole ustanove, onda ne bih davao na glasanje nešto odvojeno. Hvala.

Predsjedavajući.

Prije glasanja ćemo dati svakako riječ uvaženoj zastupnici Bišćević Tokić da se izjasni po osnovu ovog prijedloga uvaženog zastupnika Marjanovića. Sljedeći ima riječ uvaženi zastupnik Jakupović vedran, izvolite.

Poslanik/zastupnik Vedran Jakupović:

Zahvaljujem predsjedavajući. Pozdrav vama i prisutnim. Obzirom da ulazimo već u naredne faze, mislim da je neko od kolega postavio, zna li se tačan broj respiratora koji posjedujemo u Kantonu Sarajevo? Na kojim klinikama? To je znači usmeni odgovor u Ministarstvu zdravstva. I evo složit ću se sa kolegom Marjanovićem, vidim da su u prostorijama kantona već postavljena neka sredstva za dezinfekciju, da li je i šta je urađeno po tom pitanju u školskim ustanovama od predškolskog do visokog obrazovanja? Govorim čisto o sredstvima za

dezinfekciju, pošto znamo da ta sredstva su veliki problem i da idu što kažu na mišiće i najosnovnija sredstva za higijenu u ovim ustanovama. Evo imamo ovu preporuku za skupove od 250 ili više učesnika, da se ne održavaju i zanima me mišljenje posebno direktorice Pilav da li bi trebalo sve skupove zabraniti. Sada da li je 250 ili 50 ili je 30, koja je tu razlika? I da ponovim još jednom za osnovne škole, neko je od kolega pitao, kakav je plan Ministarstva obrazovanja za prekid nastave? Hvala.

Poslanik/zastupnik Segmedina Srna Bajramović:

Hval predsjedavajući. Pozdravljam sve prisutne. Budući da od Zavoda zdravstvenog osiguranja nisam dobila odgovor na svoje zastupničko pitanje koje sam pokrenula na 14. Radnoj sjednici Skupštine Kantona Sarajevo izražavam svoje nezadovoljstvo i pitanje ponovno upućujem. Molim ZZO Kantona Sarajevo da mi dostavi podatke o broju izvršenih kontrola od 2018 do danas na osnovu člana 21. Ugovora o pružanju zdravstvene zaštite osiguranim licima Kantona Sarajevo potpisanim sa KCUS i Općom bolnicom „Prim.dr. Abdulah Nakaš“ kao i informacije o utvrđenom stanju te kopije akata tih kontrola. Također molim Ministarstvo zdravstva da me obavijesti o poduzetim aktivnostima u rješavanju i definisanju puta pacijenta u sistemu zdravstvene zaštite Kantona Sarajevo. I vezano za ovo o čemu je već govorila kolegica Dizdarević imam potrebu postaviti još neka pitanja. Dakle djeca s poteškoćama u razvoju uključena u predškolski program u okviru Centra Vladimir Nazor njih 80, od prošlog polugodišta i 40 na listi čekanja, dakle oko 120 ni nakon više od mjesec dana od početka drugog polugodišta još uvijek nisu krenula u svoju školu u vrtić u kojem se radi po eksperimentalnom programu Edusa. Kada se uzme u obzir ogromna šteta koja se ovoj djeci čini svakim danom koju provedu u kući umjesto u školi, postavljam pitanja: kakav je njihov status trenutno, tj kada možemo očekivati da će se krenuti sa radom? Kako je program rada već odobren od Ministarstva obrazovanja i nauke Kantona Sarajevo te izvršen transfer neophodnih sredstava u ustanovu Centar Vladimir Nazor, a u Edusu i dalje spremni da nastave sa vođenjem programa, da li je ova veoma duga pauza koja je postala već poslovnička na početku svakog polugodišta bila neophodna i ovaj put i ko je za nju odgovoran, tj ko će snositi posljedice za štetu nanесenu djeci? Da li je istina medijska informacija kako je postojao veto na prijem uposlenika u Centru Vladimir Nazor, te ako jeste, molim da mi se dostavi obrazloženje osnove istog u skladu sa standardima, zakonima i interesima djece. I za kraj, kako je prva vijest oko tranzicije vlasti bila kako je ukraden fejsbuk profil Vlade, molim pojašnjenje zašto je novi saziv Vlade Kantona Sarajevo nastavio koristiti Fejsbuk profil Vlade Kantona Sarajevo koji je prema mišljenju državne službenice i zastupnice u Skupštini Kantona Sarajevo vlasništvo britanske ambasade, te predstavlja navodni udar na suverenitet države, ili je pak istina potpuno drugačija. Zamolit ću pojašnjenje vezano uz ovo pitanje. Hvala.

Poslanik/zastupnik Bilsne Šahman:

Zahvaljujem predsjedavajući. Pozdravljam sve prisutne i naše građane. Prvo pitanje Ministarstvu za rad i socijalnu politiku da li su prioritetno zaštititi ustanove socijalne zaštite i kao mjere prevencije od koronavirusa i da nam u roku od sedam dana pošalju potvrdu šta su uradili po tom pitanju. Ministarstvu saobraćaja pitanje usmeni odgovor tražim, da li se radi

dezinfekcija vozila na dnevnoj bazi i u koliko ne, zašto? Ministarstvu unutrašnjih poslova postavljam pitanje i tražim također usmeni odgovor da nam da informaciju o 500 novih migranata koji su jutros prebačeni iz Tuče u Sarajevo. I na kraju, premijeru i Vladi kantona da i u ovoj zgradi postave sredstva za dezinfekciju, jer znamo da kroz ovu zgradu svakodnevno prođe stotine ljude, da krenemo od nas. Zahvaljujem.

Poslanik/zastupnik Damir Nikšić:

Ja sam htio postaviti ista pitanja vrlo slična pitanja kao kolegica Neira i Srna Bajramović. Tako da nemam trenutno ništa, samo bih htio da evo zamolim da što prije krenemo na ove izvještaje kriznog štaba i ministra da počnemo pričati o koronavirusu. Hvala.

Poslanik/zastupnik Dževad Poturak:

Zahvaljujem predsjedavajući.

Za danas imam dva pitanja i jednu inicijativu. Prvo pitanje se odnosi na Ministarstvo obrazovanja, nauke i mladih. Koliko je potrebno vremena da se uspostavi on-line nastava i koji je rizik ako se to uspostavi uopšte on-line nastava i koji je rizik po nastavu. I s druge strane imamo zabranu skupova, a djeca nam idu u školu, što mislim da je to malo kontradiktorno. To treba nekako vidjeti da se to usaglasi da djeca idu u školu preko on line nastave. Drugo pitanje za premijera. Gospodine premijeru, vi ste u vašem ekspozu najavili posebnu brigu oko mladih. Možete li nam reći šta ste u ovih četiri, pet dana uspjeli uraditi za našu mladost, za našu omladinu u Kantonu Sarajevo? Odgovor nam dostavite u pisanoj formi. Treća inicijativa za ministarstvo saobraćaja. Tražim od ministra saobraćaja da u narednom periodu se vozila, javnog saobraćaj, održavaju čiste svaki dan umjesto svakih sedam dana zbog upravo ovog koronavirusa. Zahvaljujem.

Poslanik/zastupnik Vildana Bešlija:

Hvala. Pozdravljam sve one koji nas prate. Pretpostavljam da je veliko interesovanje i očekuju od nas konkretnije neke i odluke zbog evo situacije, ljudi su uplašeni vjerovatno zbog korone virusa i imamo li adekvatne mjere. S tim u vezi ja bih uputila pitanje prema vladi Kantona Sarajevo ministarstvu zdravstva i Ministarstvu obrazovanja, da povodom epidemije korona virusa koja je zahvatila BIH, to je već izvjesno i uzimajući u obzir preporuke zdravstvenog savjeta Naše stranke, pozivam Vladu, Ministarstvo obrazovanja i Ministarstvo zdravstva ad pristupi višem stepenu preventivnih mjera. Naravno da nema mjesta panici ali ima mjesta za oprez i adekvatnu preventivu. I zato molim da ozbiljno razmotrite obustavu nastave u svim obrazovnim institucijama u Kantonu Sarajevo, i ovim povodom date usmeno obrazloženje. Sve ostale inicijative ću dostaviti u pisanoj formi. Hvala.

Dopredsjedavajuća Danijela Kristić:

Zahvaljujme predsjedavajući. Pozdravljam sve prisutne i gledaoce kraj malih ekrana. Ja ću imati jedno samo usmeno pitanje za ministricu Glamoč, da li ćete izvršiti pritisak na Vladu FBIH da zbog naglog pada cijena nafte i naftnih derivata hitno smanji cijenu gasa u skladu sa članom 31 Uredbe o organizaciji i regulaciji sektora plinskog gospodarstva. Usmeni odgovor. I za ministra zdravstva imam tri kratka pitanja. Prvo je, ukoliko oboli zdravstveni radnik a nije imao sve za zaštitu na radu, ko snosi odgovornost? Ko vrši dezinfekciju velikih tržišnih

centara BBI, SCC, Bingo? I dali škole imaju dovoljne količine tečnog sapuna i dezificijensa za ruke i šta planiraju za zaštitu učenika? Toliko.

Predsjedavajući:

Zahvaljujem. Obzirom da imamo nekoliko pitanja, i prijedloga zaključka koji trebamo da se izjasnimo ja dajem pauzu pet minuta kako bi se klubovi dogovorili vezano za zaključke i da vi kolegice Tokić zajedno sa Marjanovićem ispravite ovaj vaš prijedlog zaključka i da krenemo sa usvajanjem. Pet minuta pauza.

NASTAVAK NAKON PAUZE

Predsjedavajući:

Molim službe da pozovu zastupnike, nastavljamo za jednu minutu. Nastavljamo s radom. Prvo ćemo dozvoliti Vladi da odgovori na pitanja, pa evo ovako ćemo redoslijedom. Uvaženi ministar Mesihović imao je pitanja od Mekića zastupnika Marića, Dizdarević, Jakupović, Šahman, Nikšić, Bešlija i uvažena dopredsjedavajuća Kristić je postavila pitanja za vas. Izvolite.

Ministar Rusmir Mesihović:

Hvala lijepo predsjedavajući. Pozdravljam predsjedavajućeg, rukovodstvo, uvažene zastupnike, medije, gledaoce kraj malih ekrana. Dakle, ja ću par minuta onako reći kakvu ja imam informaciju a sigurno ta informacija u ovom trenutku ima težinu, ima sigurno uporište što govorim. Ovo je trenutno javno zdravstvena prijetnja, nije još ušlo u pandemiju. Mislim da će ući, da budemo svi svjesni toga, bez ikakve panike, ali naravno moramo poštovati sve što kaže krizni štab. Najveće hit pitanje trenutno to je koliko imamo tih famoznih, nesretnih respiratora. Koliko imam informaciju KC ima 36, 8 ima Opća bolnica, Vlada je iz budžeta predložila nadam se zajedno sa svima, sredstva za još 10 za KC i 5 u reciprocitetu za Opću bolnicu. Što se tiče ja govorim šta sam se sjetio samo ovih pitanja koja su onako najurgentnija, a iza mene ću zamoliti i nadam se da ćete mi dozvoliti da se obrati, direktorica Zavoda za javno zdravstvo i predsjednica kriznog štaba. Što se tiče izolatorija, zdravstveni sistem ne prepoznaje Federacije, po kojem mi radimo, ne prepoznaje izolatorij, prepoznaje karanten. U jako smo dobroj fazi da završimo taj karanten blizu tu u Sarajevu. Mislim da bi Vlada Federalna trebala da donese jednu odluku po kojoj bi trebali taj prostor da dobijemo. Što se tiče velikog karantena za FBIH, veliki karanten, najvjerojatnije će se riješiti iz imovine vojske, državnog Ministarstva odbrane, dakle jedna kasarna u pitanju. Mogu reći sljedeće da naš zdravstveni sistem funkcionira zajedno sa zdravstvenim sistemom federalnog Ministarstva. Dakle radimo sve koordinirano ko što oni rade. Hit pitanje dakle dilema, hit tako da kažem je prestanak zabrana nastave u školama. Federacija to još nije donijela ali mi smo razmotrili tu mjeru, i jučer smo već bili spremni za tu mjeru. Mi u Kantonu Sarajevo nemamo hvala bogu za sada ni jednog pozitivnog na koronuvirus. ZDK ima tri pa nisu zabranili nastavu. Međutim evo, za ove malo detljaljnije stvari evo ja bih zamolio ako uvaženi da ne gubimo vrijeme, ako uvaženi predsjednik dozvoljava da nam se obrati gđa Aida Pilav pa ću ja nastaviti dalje kada bude. Hvala lijepo.

Predsjedavajući.

Naravno, evo dajemo riječ uvaženoj direktorici, odnosno Aidi Pilav.

Direktor Zavoda za javno zdravstvo Aida Pilav:

Dobro jutro. Doktorica Pilav Aida u ovoj situaciji kao predsjednica Kriznog štaba kantonalnog Ministarstva zdravstva vezano za pojavu analizu praćenje i postupanje u slučaju te pojave novog koronavirusa. Ja bih krenula prvo sa nekim podacima koji će vama vjerovatno biti interesantni a onda ću ići sa tim odgovorima na pitanja koja ste postavljali. Dakle jutrošnji apdejt za cijeli svijet evo čisto za podsjećanje 114.243 slučaja od toga 4023 smrti u cijelom svijetu. I u Europi je 14.890 laboratorijski potvrđenih slučajeva. Ono što je hot spot, što bi se reklo u Europi, ono što je SZO proglasila hot spotom, je Italija. Sa današnjim apdejtom Italija ima 9.172 oboljela a iza toga slijedi Francuska sa 1412 oboljelih. Nakon toga slijedi Njemačka sa 1300 oboljelih. Ja dalje ne bih iščitavala da ne zauzimam vrijeme, nego čisto onako da dam neku globalnu situaciju kakva jeste. Među zemljama koje su dakle na spisku laboratorijskim potvrđenim slučajevima je i BIH. U BIH kao što znate u RS su potvrđena 4 slučaja i kod nas u Federaciji BiH u Zenici su potvrđena 3 slučaja. Ovo govori u prilog dakle da BIH ulazi u tu grupu zemalja sa malim brojem laboratorijski potvrđenih oboljelih od koronavirusa. Ono što bi vas vjerovatno još interesovalo pa bih ja krenula sa tim podacima o testiranjima. Mi još uvijek u BIH, govorim ne samo za Kanton generalno radimo testiranje prema strogo potvrđenim i povezanim epidemiološkim i medicinskim indikacijama. U Federaciji BiH do sada je testirano 25 osoba, od čega je 12 bilo osoba iz Sarajeva, 6 iz Mostara, 5 osoba iz Zenice gdje su tri potvrđena pozitivna slučaja. I jedan iz Tuzle i 1 iz Istočnog Sarajeva. Ovo su pacijenti koji su testirani u Institutu za mikrobiologiju KCUS jer Institut za mikrobiologiju referalna laboratorija. Vjerovatno nije niko pitao al ja pretpostavljam jer idem nekim redoslijedom jer je tu bilo najviše upita, dakle testova ima dovoljno. Obzirom na indikacije koje smo mi postavili i da ne smijemo zaboraviti činjenicu da Institut za mikrobiologiju KCUS kao referalna laboratorija u stalnom kontaktu sa SZO i SZO svojim referalnim laboratorijama koje proglasi referalnim dostavlja odgovarajući broj testova. Tako da tu nemamo brige. Jedna od naših saopštenja je bilo da nema samoinicijativnog testiranja. Evo to smo nekako uspjeli da riješimo. Ponavljam još jednom, radi se prema strogim povezanim epidemiološkim i medicinskim indikacijama. Ono što vas također nije niko pitao ali kažem to su neki brojevi, ukupan broj osoba koje su trenutno pod zdravstvenim nadzorom u Kantonu Sarajevo je 98. Odnosno kumulativni broj osoba koje su bile pod strogim zdravstvenim nadzorom je 98. Trenutno je 72 osobe pod zdravstvenim nadzorom. A za 26 je završen zdravstveni nadzor što znači da su dobili rješenje o izvršenju rješenja kako se to kaže na upravni način. od ovih 72 osobe pod nadzorom 2 su grupna nadzora, izdat je jedan za 38 osoba. To su bili učenici iz Druge gimnazije koji su bili na ekskurziji u Njemačkoj i ova 4. I bio je za 4 osobe iz Wuhana. To su bila ova grupa Kineza koji su zapravo prvi testirani u Kantonu Sarajevo. Pored toga u obradi je od samog početka kada smo počeli, mi smo počeli 30.01. obrađeno je 439 sanitarnih upitnika što znači da su to ljudi koji su bili u stalnom kontaktu s našom epidemiološkom službom. To bi bili evo neki osnovni podaci gdje se nalazimo po pitanju praćenja situacije. Dakle u Kantonu Sarajevo još uvijek nema potvrđenih slučajeva. Kao što znate, mi smo otvorili četiri epidemiološka telefona, nadležne epidemiološke službe i naše kolege su u stalnom kontaktu sa osobama koje

dolaze iz ugroženih područja. Ugrožena područja još uvijek mi smatramo Kinu po preporukama, Kina, Južna Koreja, Iran, Italija, rekla sam kao hot spot i ima dosta pitanja oko toga koronavirus je tu negdje u cirkulaciji, on je tu oko nas ali još uvijek neka restrikcija prema zemljama u okruženju, kao što je Hrvatska, Srbija, Slovenija, evo rekla bih neke naše susjedne zemlje. Ja bih sada krenula na odgovore koje sam ja uspjela zapisati uvaženih zastupnika a mislim da je prvi bio uvaženi zastupnik Mekić. Možda nije redoslijed ali evo, vi se pratite. Krizni štab kantonalnog Ministarstva zdravstva formiran je 03. Februara 2020. Zvanično. I članovi kriznog štaba a prema preporukama federalnog Ministarstva zdravstva su direktori ovih većih tako bih rekla zdravstvenih ustanova. Članovi kriznog štaba sam ja predsjedavam kriznim štabom. A tu su direktor DZ prof Kulić, direktor Opće bolnice, prim. Kravić, tu imamo tačno evo da to je krizni plan pripravnosti koji smo mi tada napravili, bila obligacija da pošaljemo prema Federacija BiH. Mi smo to uredno ispoštovali obzirom da je Kanton Sarajevo uvijek nekako lider predvodnik i zbog svih tih dešavanja koji su unutar Kantona Sarajevo. Dakle, samo malo. Da tačno, kantonalno Ministarstvo zdravstva, Zavod za javno zdravstvo Kantona Sarajevo, DZ Kanton Sarajevo, Opća bolnica prim. dr Abdulah Nakaš, direktori su predstavnici, Hitna medicinska pomoć, KCUS, Kantonalna uprava za inspekcijske poslove, Kantonalna uprava civilne zaštite. Od nekog vremena kako se razvija higijensko epidemiološka situacija nama je dodijeljena iz Vlade Kantona ova gospođa za press, za pravljenje redovitih saopštenja i uvažena zastupnica dr. Amra Kaljić Junuzović u ime Skupštine. Pitanje je bilo ima li neko od privatnika u Kriznom štabu, ne smatramo niti je prema Poslovniku rada kriznog štaba koje je sa nivoa Federacije BiH dolazi, nema potrebe da bude neko od kolega iz privatnih zdravstvenih ustanova. Li redoviti su naši kontakti sa kolegama iz privatnih zdravstvenih, tačnije na prvom mjestu sa ugovornim i oni dobivaju potpunosti informacije sve koje dobivaju JZU. Sljedeće pitanje možda nije redoslijed, izvinite, je bila spremnost ovog hospitalnih kapaciteta. Uvaženi profesor Mesihović je vama rekao o broju respiratora. Možda ja samo još jednom da dodam mi imamo 36 respiratora u KCUS, od čega 33 u redovnom pogonu i 3 koja su u te prostorije klinike za Podhrastove, evo kolokvijalno ću reći premješteni kao mobilni respiratori u slučaju potrebe za tretiranje ove vrste pacijenata. Dakle ukupno 36 i 8 je u Općoj bolnici. Taj izolatorij koji je pripremljen kao što je rekao profesor Mesihović taj termin ne postoji ali evo uvriježio se, to su zapravo hospitalni kapaciteti koji su obezbijedeni posebno za slučaj potrebe tretiranje ove vrste pacijenata. Mi ne smijemo zaboraviti činjenicu da jedino KCUS ima te dvije sobe sa negativnim tlakom. Dakle jedini u BIH. Sobe sa negativnim tlakom. To su dvije sobe, na zadnjem katu, koje imaju četiri ukupno postelje. Što znači da bi. A sve ukupno ih ima 22, ali jako značajno da u slučaju zaista najteži ukoliko bi bilo najtežih stanja i oboljenja Kanton Sarajevo u potpunosti spreman. Sljedeće pitanje je bilo zaštitna oprema. Vidite ovako, kada je kriza počela, mi smo svi, evo ja dolazim isto iz jedne zdravstvene ustanove gdje je epidemiološka služba Zavoda za javno zdravstvo također izložena. Dakle, mi smo odmah u svojim planovima nabavke i kroz februar radili, krajem januara počeli kroz februar radili nabavku, dakle kao menadžeri kao direktori zdravstvenih ustanova, s tim što smo u trenutku evo proglašavanja javno zdravstvene prijetnje naložili direktorima da pojačaju tu kupovinu, s jedne strane i također išli as jednim prijedlogom prema civilnoj zaštiti. I mislim da je taj jedan zaključak bio na zadnjoj sjednici Vlade u prethodnom sazivu i mi smo sada u fazi realizacije nabavke dodatne opreme. Nešto da vam kažem, i stvarno ću iskoristiti priliku. Zaštitna

oprema ono je nešto što je redovno da zdravstvene ustanove trebaju imati. Pazite, u sezoni gripe zdravstveni radnici trebaju nositi masku, trebaju pojačati dezinfekciju svojih prostora. Tako da po pitanju toga ne postoji nikakva kako bih rekla neka dodatna potreba nego ono što se redovito radi u sezoni gripe. Da ne objašnjavam, to smo čitali i polemizirali svi zajedno kakva je razlika između korona virusa i gripe. Dakle, oprema pretpostavljam da je to bilo neko, što kaže neka poruka iz toga. Šta znači oprema sa dodatnim filterom? Oprema sa dodatnim filterima je za ljude koji neposredno rade sa pacijentima u tim izolatorijuma, odnosno hospitalnim kapacitetima. Savršeno nema potrebe da ljekari. Ja sam radila u primarnoj zdravstvenoj zaštiti nema potrebe da kolege s njima smo imali dosta razgovora da imaju FP3 ili FPP5 itd. To je oprema za kolege koji rade s pacijentima, kolege koji uzimaju uzorke isto tako. Tako da u ovom momentu ta zaštitna oprema je dostatna za obim problema ili teret bolesti koji je trenutno u BIH. Preventivne preporuke, od kada smo počeli, evo ja dolazim iz zavoda za javno zdravstvo gdje u principu, i da nije bila krizna situacija, i da nije bio krizni štab, mi radimo redovite, šaljemo te redovite preventivne preporuke prema zdravstvenim ustanovama u sezoni gripe, koji su naravno sada kroz koronavirus u potpunosti zadovoljena i shodno svim situacija, ili svim postupcima i aktivnostima koji rade zemlje u regionu. Na web stranici Zavoda za javno zdravstvo Kantona Sarajevo imate sve potrebne preporuke. Mi stalno radimo recimo sa tim preporukama koje mi prevodimo iz SZO i Europskog centra za kontrolu oboljenja, kontinuirano radimo prevode i stavljamo na našu web stranicu. A isto tako u pisanoj formi i na način na koji informacioni kanali od kako se dogovorimo šaljemo prema javnim i privatnim zdravstvenim ustanovama. Kažem vam, sve vrlo praktične preporuke. Kako nama dolazi pitanje, tako mi radimo te prevode. Recimo najnovije je način dezinfekcije prostora tih osoba koje su u kućnoj izolaciji, ili način dezinfekcije nezdravstvenih ustanova. Ja ću ovdje iskoristiti priliku i to je rečenica koju stalno pominjem, Zakon o zaštiti stanovništva zaraznih bolesti postane interesantan onda kada se dešava zaraza, iako on cijelo vrijeme kao takav egzistira. Dakle po članu 3. Zakona o zaštiti stanovništva od zaraznih bolesti Sl. Novine FBiH 29/05 izrijekom stoji da su svi pravni, fizički, sve zdravstvene ustanove, lokalne zajednice odgovorne za provođenje mjera zaštite stanovništva zaraznih bolesti. Tako da u kriznoj situaciji vi samo njih pozivate na njihovu obavezu i pozivate na potrebu pojačanih mjera, evo recimo dezinfekcija, dezinsekcija. Evo reći ću samo dezinfekcija, to je posebna mjera zaštite stanovništva od zaraznih bolesti koja se redovito mora raditi pa da budem iskrena malo sam iznenađena da je baš vijest bila da se javni transport, posebno dezinficira. To je ono što se kontinuirano mora raditi, kao taksi prevoz itd. Mjere preventivne dezinfekcije za sve obavezne po Zakonu i njih provode ta lica pravna, fizička sve firme i institucije. A ono što radi sistem kao su protiv epidemijske mjere. Konkretno mi smo kao Zavod za javno zdravstvo u tri navrata radili u ovoj situaciji protiv epidemijsku mjeru. U momentu kada su te osobe bile odvedene na testiranje, to je bio jedan hotel, jedna privatna zgrada i isto je tako u petak bilo. Sistem radi protiv epidemijsku dezinfekciju, ponavljam još jednom. A ovo su mjere preventivne na koje smo skrenuli pažnju svojim dopisima i pozvali sve da tu mjeru na taj član 3 Zakona o zaštiti stanovništva od zaraznih bolesti. Onda je bio put pacijenta. Uvaženi zastupnik Nikšić. Mislim da su bila ista pitanja. Ovo sad škole pa ću njih sada ostaviti negdje na kraju. Gđa Bešlija isto tako preventivne mjere isto za školu, to ću ostaviti na kraju. Aha, mislim da sam odgovorila zaštitu zdravstvenih radnika rekla sam to ko je odgovoran, mislim da je bilo pitanje, mislim da je to

bila gđa Bešlija ili Dizdarević, zaštita zdravstvenih radnika i ko je odgovoran. Ponavljam još jednom, prema Zakonu o zaštiti stanovništva od zaraznih bolesti svi smo odgovorni za zaštitu od zaraznih bolesti i to je razlog zbog čega smo mi jučer, mi smo prvi Kanton koji je išao sa narednom, cijelo vrijeme smo mi kontinuirano pratimo naredbe Federalnog Ministarstva zdravstva nekako zbog dešavanja ovog u okruženju i prvi potvrđeni slučaj u Federacija BiH, Kanton Sarajevo se odlučio da jučer napravi naredbu, vrlo jasno, ja pretpostavljam ali ono želim da skrenem pažnju vama kao uvažanim zastupnicima i građanstvu generalno, postoji nešto što se zove krivična odgovornost. Znae po krivičnom Zakonu FBiH ne poštivanje preporuka zdravstvenih ustanova i nadležnih organa u provođenju mjera zaštite stanovništva od zaraznih bolesti je krivično djelo. I to jučer baš u federalnoj naredbi jasno istakao i federalni ministar zdravstva. S tim u vezi jedna od naših preporuka gdje smo se mi pozvali na tu mjeru, da bi digli na nivo odgovornosti, primjera radi, evo ja ć iskoristiti priliku nalaže se osobama koje su u posljednjih 14 dana boravile u zemljama koje su ugrožene zarazom novom koronavirusom a nisu prošle sanitarnu graničnu kontrolu jer se to može desiti, pazite na svakom prelazu nema sanitarnog graničnog inspektora, i nemaju izdato rješenje o zdravstvenom nadzoru da se obavezno telefonski javi u epidemiološku službu Zavoda za javno zdravstvo Kantona Sarajevo zbog uspostavljanja zdravstvenog nadzora. Ne provođenje ove mjere zaštite stanovništva podliježe krivičnoj odgovornosti. Tako da smo pored tih preporuka, mi smo pozvali na ovu našu obavezu. Ne zato što mi smatramo kao krizni štab da je jako zabrinjavajuće epidemiološka situacija, međutim ono što je nama sa epidemiološkog stanovišta važno da uhvatimo kao što je uradila Hrvatska, kada uhvatite indeks, ili prvi slučaj, onda komunicirate kontakte onda radite klaster i zatvarate tu priču. Zato nije slučajno da je Hrvatska u Zagrebu završila, ja ću reći samo, mislim to je puno, ali će se samo 12 ili 14 slučajeva ali to su svi ljudi iz neposrednog okruženja, tako da je s te strane jako važno da mi imamo taj registar i da prepoznamo indeks slučaja da bi klasterisali i tu priču završili. Definitivno se to nije desilo u Italiji i zbog toga se ovo naglo buknuo u Italiji. Ono čega se mi također, što je najgori mogući scenario i o čemu jako vodimo računa su zdravstvene ustanove gdje su imuno kompromitirani pacijenti, to je ono zbog čega mi zadržavamo, zabranjujemo posjete i praktičnu nastavu učenika, studenata zdravstvene škole ali je ta zabrana dešava se i u doba gripe. Sljedeća sada bih se vratila na te škole. Pazite, preporuka europskog centra za kontrolu bolesti ECDS koju mi redovito pratimo, oni izrijeком kažu: pratite to se prati iz dana u dan, pratite situaciju i onda donosite lokalne. Tu nema preporuka zavisi do broja učenika, distribucije škole itd. Mi smo to naravno jučer razmatrali i nekako smo odlučili da još uvijek pratimo situaciju. Zašto? U Kantonu Sarajevo nema potvrđenih laboratorijskih slučajeva, to je jedna stvar. Druga stvar, što smo sebi dali zadatak što bi rekli mi da je scenario iza. Najlakša varijanta je da mi sada ovog momenta kažemo zatvaramo škole, mi time nismo riješili ništa. Idemo sada u pripremu. Mi smo u pripremi ovog zasjedanja obavili razgovor sa uvažanim ministrom obrazovanja, mi moramo imati spreman scenario šta sa djecom kada zatvorimo školu. Ta će se djeca negdje skupljati, ta će se djeca negdje družiti. To vi, još uvijek dok njih imate u ovoj fazi da kažem u školi pod kontrolom znači da mu možete reći da pere ruke, da provjetrava, možemo ići sa opcijom nekih manjeg broja djece unutar razreda itd. Zaista se strogo ne preporučuje odmah restriktivna mjera jer se otvara cijeli drugi niz pitanja. Ako idemo sa obdaništima vi odmah imate roditelje na bolovanjima i onda pravite jednu situaciju kojom zapravo ne možete upravljati. Da bi tu mjeru mi uzeli, o tome ozbiljno razmatramo,

moramo imati razrađeni scenario šta se dešava iza toga. Ponavljam mi smo u stalnom kontaktu, naravno kao što vidite i sa kolegama iz Federacije BiH u principu i taj neravnomjerni odnos unutar Federacije BiH napravi bi neku situaciju koja nije dobra za nas ve unutar Federacije BiH. Dakle kao što ste vidjeli mjeru je donijela jučer kolega iz RS-a ali za cijeli RS. Onda se ta priča završi u cijelom entitetu, možete biti sigurni da mi o tome razmišljamo i još uvijek federalno Ministarstvo zdravstva nije tog stava i to je razlog što kolege iz Kantona ZDK bez obzira što su oni prvi sa tri prva potvrđena slučaja još uvijek nisu išli na tu mjeru. Ostat ćemo naravno u kontaktu. Ono što očekujem od vas da idete prema Kriznom štabu, prema svima nama lično i to obavljamo, kao i sve što možemo zajedno napraviti od velike je koristi. I mislim da je uvaženi zastupnik Jakupović Vedran pitao zašto 250 itd. Vidite kada je počela Slovenija odjednom sa prvim slučajem Slovenija je bila u panici. Oni su nekako ograničili na 1000. Hrvatska mislim da je išla sa 500. Mi smo išli. Federacija nije, Federacija je ostavila kantonima da oni odluče. I mislim i još je neko pitao, odmah da vam razjasnim. Javna okupljanja, postoji Zakon o javnom okupljanju Kantona Sarajevo. Tačno se zna šta jesu javna okupljanja, škole fakulteti, obdaništa da se razumijemo nisu javna okupljanja. Zna se koncerti, kongresi, itd. To je decidno napisano prema propisima. A ovaj neki broj. Evo mi smo išli na neki broj niži da bi mogli da pratimo. Shvatite to kao naredbu koja je bila jučer i koja se može već u petak promijeniti. Da ne bi bilo grubo, da bi dali ljudima vremena iako evo bilo je čak ideja da uopće ne idemo sa tom mjerom, ali da bi dali ljudima vremena da se oni naviknu da u nekom periodu može biti potpuna zabrana javnog okupljanja. Ja mislim da sma ja na sva pitanja odgovorila.

Predsjedavajući:

Zahvaljujem uvažena direktorice Pilav. Uvaženi zastupnik odnosno ministar Krivić. Možete se prijaviti sa mjesta odakle sjedite.

Ministar Anes Krivić.

Poštovanje, dobar dan. Sve vas srdačno pozdravljam. Uvaženi predsjedavajući, gosti, građani Kantona Sarajevo, uvaženi zastupnici. Ja sam imao više pitanja pokušat ću da odgovorim na sva. Želio bih da vas obavijestim o aktivnostima ministarstva vezano za ova pitanja koja sam uspio danas da zabilježim. Želim da kažem da je Ministarstvo u stalnom kontaktu sa kriznim štabom. Sa Vijećem roditelja Kantona Sarajevo i sa svim direktorima odgojno obrazovnih ustanova u Kantonu Sarajevo. Kontinuirano pratimo izostanke učenika sa nastave i u ovom trenutku, zaključno sa ovim momentom to iznosi 9,5% po školi za OŠ i 15% za srednje škole što je u granicama višegodišnjeg prosjeka u ovom periodu. To su posljednje informacije po pitanju izostanaka. Također zanimljivo je da je taj procenat niži u odnosu na prošle dvije sedmice. Ministarstvo je u svim školama u Kantonu Sarajevo obezbijedilo dodatna sredstva za nabavku sredstava za dezinfekciju i higijenu, te dalo detaljne upute o provođenju mjera na prevenciji i zaštiti zdravlja učenika i radnika škola. Također pripremili smo i jedan letak na kom je tako grafički prikazano a za učenike da mogu biti bolje upoznati sa načinom ponašanja u cilju prevencije od koronavirusa. Također želim da kažem da smo već ranije, 27.01., 10.03. obavijestili sve škole o naredbama kriznog štaba koje su obavezni provoditi. Vezano za izvođenje on-line nastave, šta ukoliko dođemo u situaciju da moramo prekinuti nastavu.

Želim da kažem da razumijevajući zabrinutost i brigu koju iskazuju učenici, roditelji i nastavnici i javnost, Ministarstvo poduzima sve mjere kako bi pravovremeno reagovalo na novonastalu situaciju. Pod tim prvenstveno podrazumijevam realizaciju on line nastave. Ministarstvo za obrazovanje nauku i mlade i sve škole u Kantonu Sarajevo su apsolutno spremni za realizaciju on line nastave. U srednjim školama se on line nastava već izvodi. Mislim izvodila se ranije, imaju iskustva i nemamo nikakav problem da se takva nastava realizira. U osnovnim školama u većem broju škola također. U onom dijelu OŠ gdje on line nastava se do sada nije realizirala imamo namjeru prevazići problem na način da se u ovom trenutku formira tim za podršku realizaciji on line nastave pri Ministarstvu za obrazovanje nauku i mlade, koji će pomagati školama koji dosad nisu realizirali on line nastavu kako bi se takva nastava realizirala. U OŠ od I do IV razreda ta se nastava realizirala u saradnji sa roditeljima i učiteljima. Ministarstvo u roku od dan i po može uspostaviti cjelokupan sistem realizacije on line nastave. To je vrijeme koje je neophodno da kažemo nakon dan i po sve je spremno da krenemo u realizaciju. Ono što treba istaći jeste da takva nastava je instruktivna nastava, da je različita i da se kvalitet nastave razlikuje od kabinetske nastave. Ono što će Ministarstvo svakako pratiti jesu naredbe, instrukcije kriznog štaba. Ništa mimo tih naredbi nemamo namjeru raditi osim izvršenja priprema za eventualnu realizaciju on line nastave. U ovom trenutku mogu da kažem da smo zato apsolutno spremni. Želio bih odgovoriti na pitanje uvaženog zastupnika Marića vezano za OŠ Zaim Kolar u Šabićima. Mi smo u međuvremenu kontaktirali direktora ove škole, također smo kontaktirali i direktora OŠ Osman Nuri Hadžić. Mi nismo uspjeli dobiti informacije o tome da je higijena ili sanitarni uslovi na bilo koji način ugroženi. Djeca uredno idu u ljetnu školu u Šabićima od septembra mjeseca. Taj se program realizira nesmetano. Ono što će se sigurno desiti u narednom periodu jeste da će direktor Osman Nuri Hadžić organizovati posjetu otići će lično da se uvjeri o čemu se radi tragom ovih informacija. Želio bih se prvenstveno zahvaliti za pitanje koje sam dobio od uvažene zastupnice Dizdarević koja se odnosi na realizaciju programa EDUS i stanja u školi Vladimir Nazor. Onog dana kada smo imenovani, 03.03. pa do danas ja svaki dan razmišljam o tom problemu i izučavam taj problem. Ono što znam jeste, ono što želim da vam kažem jeste da je to jedna vrlo obimna materija za naučiti i shvatiti probleme locirati ono što je problem. Ja se zahvaljujem na ovom pitanju, smatram da je iznimno važno, možda u ovom trenutku se tako ne čini, ali zaista jeste, ja bih vas zamolio pošto tu ima jako puno informacija, ja ne želim davati bilo kakve lažne informacije, pogotovo jer se radi o vrlo specifičnoj materiji, o vrlo ranjivim kategorijama, smatram da bi bilo kakve akcije od strane Ministarstva moraju biti vrlo precizne i iz tog razloga vas molim da o onome kakvo je trenutno stanje. Ja znam kakvo je trenutno stanje, ali ne bih želio da bilo šta kažem pogrešno. Želio bih te informacije duplo provjeriti i dostaviti odgovor pismeno. Mislim da je to odgovor na sva pitanja koja su meni bila upućena. Hvala na pažnji.

Predsjedavajući:

Zahvaljujem ministre. Vjerovatno imamo dopunska neka pitanja uvaženi zastupnik Jakupović, izvolite.

Poslanik/zastupnik Vedran Jakupović:

Zahvaljujem predsjedavajući. Znam da je mimo procedure, ali evo zahvaljujem obzirom da je tema ovakva. Dobio sam odgovor za respiratore. Znači 36 u KC, 8 u Općoj bolnici. Imam informaciju da ima nekih pokvarenih respiratora u KC. Samo kao dodatak evo za razmišljanje, da li bi ste mogli doći do tih informacija. Ja govorim sada o nečemu što se može desiti u narednih 10 do 15 dana a znamo da su respiratori krucijalni u tim situacijama. Drugo KC pokriva puno širi pojas nego što je to Kanton Sarajevo. Znam sigurno da ima jako malo respiratora i u Travniku i u tim nekim bolnicama. Bolje poslati njima ako mi imamo nego da oni nama šalju pacijente, u ovakvim situacijama. Druga stvar, imate li podatak koliko respiratora ima na stanju eventualno u Veleddrogerijama, gdje se mogu nabaviti, deset. Čisto da imate informaciju, da ne odu negdje u Italiju, ako su slučajno tu na stanju u veleprodajama lijekova. Drugo, jako bitno, zaštita zdravstvenog osoblja, postoji zakonska obaveza i imali smo sada prilično tešku situaciju sa gripom koju smo prešutili zbog koronavirusa, ali kolika je kontrola ustvari zdravstvenog osoblja. Koliko oni sami se bave time i kakvo je kažnjavanje tih koji se ne štite kako treba a jako jako dobro znamo da evo neću sada da ponavljam neke stvari pošto je riječ o kolegama koliko bi se tu moglo stvari ubaciti, od rezanja noktiju pa nadalje. Kada je riječ o komuniciranju, drago mi je. Ministar Krivić je spomenuo ovo komuniciranje, nešto je urađeno, nekakvi leci i nešto. I da je na zgodan način to djeci rečeno kako da se štite. Ja znam da iz sredstava Ministarstva obrazovanja nema toliko planiranog novca za dezinfekciju, dezinfekciona sredstva pa evo nek Vlada nekim hitnim mjerama prebaci to jer konstantan je problem oko higijene u školama, posebno osnovnim i srednjim školama. Dajte neki novac da hitno da učenici imaju opciju dezinfekcije. Mada sam ja apsolutno za prekid nastave, evo lično. Dan za dan, jedan, dva, tri, pet, eksponencijalno širenje u ovoj nekoj situaciji kada nemamo toliko problem hvala bogu kao što neke druge države imaju, možemo se strpiti neko vrijeme i bez nastave, gospodin ministar jeste evo novi, ali jako je puno djece zaostajalo i od gripe i ta djeca su već imunološki kompromitovana. Ja ću zamoliti stvarno još pola minute. Represivne mjere kažnjavanja ne samo prema ljudima koji ne poštuju odluke o samoizolaciji nego i prema medijima. Imali smo neke panične od ključnih medija ovdje da je neka žena bila na proslavi 8. Marta. Definitivno moramo razmišljati o kažnjavanju tih medija. Znači kažnjavaju za širenje dezinformacija i širenje panike i kažnjavanje već sam pomenuo kažnjavanje zdravstvenih radnika i da kažem lihvara u trgovinama u farmaceutskim, i apotekama i veleprodajama, jer evo kolega Suljević isto spomenuo da se dižu marže i da ljudi zarađuju sada na ovom svemu. Dakle ako ćemo biti država moramo neke stvari malo. Ja se izvinjavam zbog vremena i zahvaljujem kolegi Čeliku.

Poslanik/zastupnik Zvonko Marić:

Zahvaljujem predsjedavajući. Zaista trudim se da puno ne govorim i da se više prostora ljudima koji su imaju tu obavezu da izvijeste javnost o onome što poduzimaju vezano za koronavirus. Ali nekoliko samo stvari, onako u najkraćem. Meni je drago što je uvažena direktorica Pilav nama obrazložila sve ovo ali volio bih da je bilo puno konkretnijih stvari, možda preporuka građanstvu a manje onoga u smislu posmatrali smo pa smo došli do zaključka da je Italiji ovo ili u Zagrebu flasterisanje dalo rezultate, a to nije učinjeno u Italiji. Ja razumijem da poduzimamo mjere, ali građanstvo nešto drugo traži. Nešto definitivno

konkretnije i kada smo govorili o eventualno obustavi nastave, mislim, ja jesam u principu zaista za rigoroznije mjere, ali ima puno tu nekih stvari koje su kontradiktorne, kaže obustavljena nastava u zdravstvenim školama. Šta ja da mislim nakon te mjere? Da li to zdravstvene škole pripadaju zdravstvu sustavu, odnosno obrazovnom sustavu Kantona Sarajevo ili su one izvan. Ili razumijem specifičnosti obrazovanja u zdravstvenim školama. Ali molim vas recite mi da li su ta djeca manje otporna od druge djece. I onda se dobije taj svojevrsni prizvuk diskriminacije. Moramo te stvari nejasnoće. Dakle to su pitanja koja o kojima razmišlja obični građanin. Prema tome ne treba ostavljati prostora građanima u sumnje jer te nedorečenosti, zapravo i taj stepen besmisla koji nam se nudi kroz tako nešto i zanemarujemo takve stvari. Pa pitat će svaki građanin, evo od mog komšije dijete ide u zdravstvenu školu, obustavljena je nastava, a ovamo nije. Je li manje vrijedno ono drugo dijete u drugoj školi? Dakle da se ujednače ti kriteriji jer oni onda manje razloga ostavljaju za sumnju. Druga stvar moram reći i to da će bojim se, ukoliko ne poduzmemo rigoroznije mjere a vrijeme je sada i velika je šansa, evo konkretno u Austriji je bilo 157 zaraženih jutros, a sada je već 201. Znači napreduje to, ne znam da li se tamo desilo flasterisanje ali znam da su tamo poduzete mjere ikada je riječ o školi da se razmisli. Ja znam da će biti ovo i svojevrsni udar na privredu Kantona Sarajevo iz prostog razloga što odgovorni ljudi, odgovorni ljudi oni koji drže do sebe i civilizirani ljudi i ne rizikuju i ne putuju, otkazuju već rezevirana mjesta u raznim ugostiteljskim objektima ali znam i da je Vlada izvodila preko milion i nešto za ovu situaciju ali također mislim da bi možda trebalo razmišljati ukoliko ne obustavi se nastava da djeca kao u Austriji također nose, da im se dijele maske jer poslije nastave oni odbace te maske itd. Da i ta mjera se upotrijebi. Ne znam koliko će to koštati ali evo raspitali smo se koliko košta jedno pakovanje maski onih najobičnijih, 0,60 feninga. 10 njih je 60. Evo završavam. Dakle to su te stvari. A što se tiče ove škole u prirodi, znam da je istekao ugovor o pranju veša već prije šest mjeseci. I nema te higijene. Ali to je dobro ministre Kriviću što će direktor OŠ Osman Nuri Hadžić posjetiti pa eventualno preuzeti odgovornost za neke posljedice. Ali to u svakom slučaju treba učiniti kao odgovorna osoba da provjeri stanje u ovoj školi. Hvala.

Poslanik/zastupnik Damir Nikšić:

Hvala. Ja sam maloprije čuo, kaže: „nesprovođenje mjere javljanja osoba koje su bile negdje vani kriznom štabu i ovim službama podliježe krivičnoj odgovornosti. E moje pitanje ko krivično odgovara kada se osoba javi a vi je ne testirate na koronavirus a kaže vam da je bila u Lombardiji. Pošto imam prijatelja koji je bio u takvoj situaciji. I nije niko došao do njega, niti mu je uzeo krv, niti je provjerio da li je bio. Dakle, mi po mom mišljenju, mi trenutno možemo imati jako puno zaraženih koronavirusom oko nas a da mi to ni ne znamo jer čak i kada vam se jave ti ljudi vi ne odete i ne uzmete krv i ne provjerite da li su pozitivni na koronavirus. To imam svjedočanstvo iz prve ruke. E sada, ko će biti krivično odgovarati u tom slučaju ako budne koronavirus odjednom radi tih propusta. E sada, drugo je da se nadam da će zbog ove situacije trenutno, zbog koronavirusa, pošto je to tema, 45 000 koje je ministar Mesihović uzeo od sredstava za prevenciju, očuvanje i unapređenje zdravlja građana i namjeravao utrošiti na novo službeno vozilo i u to u jeku ove epidemije, da će se ta sredstva iskoristiti za respiratore i maske. I volio bih da mi se to potvrdi ovdje danas. Hvala vam.

Poslanik/zastupnik Amra Junuzović Kaljić:

Hvala predsjedavajući. Ja bih evo samo još sa nekoliko dodatnih informacija koje se odnose na djecu. To su možda evo nismo sve obuhvatili ali evo, dakle što se tiče upisa djece u školu, dakle sistematskih pregleda, koji se obnavljaju u predškolskim dispanzerima za upis u narednu školsku godinu i za koje smo pozivali u ranije u martu mjesecu, to je odgođeno. Ovo manje više kao informacija naravno i za zastupnike i za građanstvo, još jednom ponavljamo. Jer kako smo vidjeli građani možda nedovoljno čitaju. Evo ja ću se samo referirati na izlaganje uvaženog gospodina Marića. Preporuke i rad zdravstvenog sistema unazad mjesec, mjesec i po, stanovništvo je možda ili ne znam, ili ne znam možda i mi sami onako dosta neozbiljno, pa i nije pratilo te preporuke i informacije koje su neprekidno stilaze iz zdravstvenog sistema. Dakle vezano za sistematske preglede za upis u školu, to se odgađa. Također bilo je pitanje oko briseva itd koji se najčešće rade radi vrtića, molim vas, za vrtiće koji negdje po svom nekom nahođenju nalažu roditeljima da idu vaditi briseve mališanima, želimo poručiti da to apsolutno zabranjeno u ovom momentu. I takva vrsta okupljanja. Indikaciju za uraditi bris postavlja medicinski radnik. To se odnosi na sve vrtiće. Ako ljekar kaže, ako kaže epidemiolog, bilo ko iz zdravstvenog sistema, onda radi briseve a ne onako kako neko iz vrtića to poželi. Drugo, mislim da je totalno neshvaćena ili nije jednostavno nije dobro shvaćena ova instrukcija koja je vezana za zdravstvene škole. Ovdje se radi o prekidu praktične nastave za zdravstvene škole. Praktična nastava a zdravstvene škole znači ulazak djece u zdravstveni sistem, u bolnice, u DZ itd. I taj dio je reduciran. Ostala nastava nije i ne radi se ovdje ni o kakvoj diskriminaciji djece. Ono što zaista treba poručiti odavde, i svako od nas, čitajte preporuke, naredba je vrlo jasna. Hvala lijepo.

Poslanik/zastupnik Damir Marjanović:

Zahvaljujem predsjedavajući. Zahvaljujem se ministru, primijetit ću da mi nije odgovorio, al neću mu zamjeriti zato što sam mu postavio pitanje na koje ne može da mi odgovori u datom momentu jer nisam uopće ni sumnjao da je ministarstvo upravo uradilo ono što je trebalo da uradi, da je dalo instrukcije prema školama. Ja sam postavio pitanje da li se škole drže tih instrukcija i da li imaju kapacitete da se drže tih instrukcija? Ja se zahvaljujem na vašem odgovoru koji me sada inicirao za sugestiju, molbu, prijedlog da u narednih 48 sati, ako je moguće 24 sata se formira inspekcija ispred Ministarstva obrazovanja i Ministarstva zdravstva koje će obići, ja znam da je to teško ali sve škole i provjeriti svo stanje. Nemojte misliti da odmah aludiram na to da su neki ljudi tamo neodgovorni, nego je osnovno pitanje da li su sve škole osnovne i srednje bile u mogućnosti i materijalnoj mogućnost da obezbijede sva ta sredstva za dezinfekciju i sve ono što je neophodno i sve ono što mi imamo sada ovdje u ovoj zgradi Kantona Sarajevo. Tako da vam se zahvaljujem ministre na odgovoru.

Poslanik/zastupnik Bilsena Šahman.

Samo nisam dobila odgovor na pitanje vezano za migrante od ministra Juske i nismo dobili odgovor da li svi domovi zdravlja, evo dobijamo informaciju da svi domovi zdravlja nemaju dovoljno sredstava za dezinfekciju a što je osnov za primarnu zaštitu od kolegice Pilav, zapravo direktorice Pilav.

Poslanik/zastupnik Amel Mekić,

Hvala vam. Postavljenih osam pitanja dobio sam odgovor samo na jedno. Tražim odgovor vezano za migrante, nadzor migranata, izolacija. Nalaze se po svim dijelovima grada, na svakom semaforu, svaka raskrsnica, svaki šoping centar, svaki market veći. Kada dođe do pandemije, kako ćemo vladati masama? Kako ćemo i gdje liječiti migrante, bit će nemoguće. Želim da budemo ovdje svi odgovorniji, i da se spremimo na vrijeme. Iz medija sam upratio da virus može da preživi 12 sati pa pitam koja je svrha zabrane za javna okupljanja i sportska takmičenja a nismo obustavili školu. Dijete ako ode u učionicu i kihne, taj virus će preživjeti i prvu i drugu smjenu. Kihnut će u holu, virus će živjeti 12 sati. Moramo ipak malo odgovornije. Ako dođe do pandemije, evo vidjeli smo koliko imamo respiratora, mi smo totalni nespremni. Toliko od mene, hvala.

Poslanik/zastupnik Dževad Poturak:

Zahvaljujem predsjedavajući. Zašto rizikovati, zašto našu djecu stavljamo na metu, zašto ih ne spašavamo na vrijeme dok je vrijeme? I mi imamo ekstra mogućnost brzog djelovanja uspostave on line škole. Ja ne vidim stvarno razloga zašto rizikovati nekoliko dana i priželjkivati da se ništa ne desi, a ustvari moguće je da se svašta dogodi. Mi ustvari i ne znamo koliko je koronavirus prisutan u BIH, koliko ljudi ima koji su otišli, došli, pošli. A nisu testirani, čak i ako su htjeli biti testirani niko ih nije htio testirati. Ali evo kažem dajte da reagujemo, bar ovdje možemo da spriječimo našu djecu, hajde da kažemo nekih sedam dana do deset dana, da ih sklonimo sa okupljanja jer mislim da je to prijeko potrebno. Zahvaljujem.

Dopredsjedavajuća Danijela Kristić:

Hvala predsjedavajući. Nije mi odgovoreno na jedno pitanje da li se vrši dezinfekcija velikih tržišnih centara i ako da ko je vršio?

Poslanik/zastupnik Elmedin Konaković;

Samo kratko broj respiratora nije baš bio. Jednu smo čuli informaciju od ministra Mesihovića a drugu od direktorice Pilav da nam malo Mesihović pojasni bliže. Dakle broj respiratora u JU.

Predsjedavajuć.

Zahvaljujem uvaženi zastupniče Konaković. Sljedeći ima riječ uvaženi ministar Ismir Jusko, izvolite.

Ministar Ismir Jusko.

Zahvaljujem predsjedavajući. Koristim priliku da pozdravim vas, vaše zamjenike i zamjenice, zastupnike i zastupnice, uvažene kolege ministre, ministrice i sve građane ispred malih ekrana. Uvaženoj zastupnici Bilseni Šahman se zahvaljujem na postavljenom pitanju mislim da ću reći ono što su imali prilike čuti u proteklom periodu, ali evo sa nekim možda i novim informacijama. Jedan od prvih sastanaka koje sam imao u Ministarstvu unutrašnjih poslova imao sam sa kolegama koji su uključeni direktno kada su u pitanju migranti i migrantska kriza, neću reći ništa novo ako kažem da MUP bavi se više posljedicama nego uzrocima i da u ovom momentu informacija da je nešto više od 3000 migranata na području Kantona Sarajevo ako to uključimo i ove koji su došli jutros, ta je cifra negdje oko 3500. Zastupnik Mekić je u

potpunosti upravu i svjedoci toga su i građani Kantona Sarajevo da gotovo nema raskrsnice na kojoj se ne nalaze oni, i bez obzira što to nije direktna nadležnost MUP-a, već Službe za poslove sa strancima, pripadnici MUP-a svakodnevno patrolnim vozilima kupe sa raskrsnica i gdje god je to moguće i vode ih nazad u Ušivak. Ali kada uzmemo koliki je broj migranata na ulici, veoma je teško da Ministarstvo kojem u ovom momentu nedostaje 319 ljudi, pokrije sve ono što se traži od njih. Ja dobijam informacije u kojima građani kažu da vidite policiju na svim raskrsnicama ali kada govorimo o praktičnim stvarima budite uvjereni da 319 ljudi u ovom momentu, jedan od ključnih nedostataka koji u ovom momentu MUP ima, uz svo dužno poštovanje možete Ministarstvu dati najbolju opremu, ne znam u kojem segmentu, ali ako nemate ljudske resurse na terenu, onda to predstavlja problem. Na nivou Ministarstva postoji koordinaciono tijelo koje u dnevnom kontaktu sa Službom za poslove sa strancima i pratimo sve te pojave, ja sam na ovom sastanku svojim kolegama postavio određena pitanja i očekujem u naredna dva dana da mi dostave sve informacije šta oni očekuju prije svega od zakonodavca, a to je Skupština, i na kraju krajeva i Vlade da bi Ministarstvo po ovom pitanju bilo efektivnije i efikasnije na terenu. Svi se možemo složiti da u određenim situacijama solidarnost koju pokazuju građani Kantona Sarajevo prema ovim ljudima i te kako velika zbog toga što su ljudi s ovim prostora imali priliku da prođu kroz ovakve i slične situacije, ali moj stav kao ministra MUP-a bit će veoma jednostavan. Svi oni koji poštuju Ustav i Zakon naše zemlje i Kantona Sarajevo neće nikada imati nikakvih problema. A svi oni koji po pitanju bilo čega unose nemir i ne poštuju Zakon policija će postupati u skladu sa zakonom. Hvala.

Predsjedavajući:

Zahvaljujem uvaženi ministre. Sljedeća ima riječ uvažena ministrica Glamoč a neka se pripremi ministar Mesihović.

Ministrica Glamoč:

Zahvaljujem. Pozdravljam sve prisutne kao i gledaoce kraj malih ekrana. Ono što je pitanje gdje Kristić bilo jeste da li ćemo vršiti pritisak na Federalnu Vladu zbog kretanja cijene nafte koja je u ovom trenutku u padu. Ja se iskreno nadam da do toga neće doći, da svaka četiri mjeseca, odnosno kvartalno vrši se analiza kretanja cijene nafte i da se u formulu u kojoj je ruski isporučilac vrši u devet mjeseci dolazi do smanjenja. Znači mi ćemo redovno pratiti to kretanje koje je ovih dana evo u jednom padu. Zadnja cijena smanjenja cijene je bilo od 01. Januara. Znači analiza će se nakon aprila vršiti i intenzivno ćemo sarađivati i sa federalnom vladom kao i preduzećima koja se tim bave. Ja se iskreno nadam da će sigurno ako ovakav trend bude doći i do smanjenja.

Predsjedavajući:

Zahvaljujem, možda i dopunsko pitanje. Vjerovatno uvažena zastupnica Bešlija, pa možete onda nakon toga odgovoriti. Izvolite.

Poslanik/zastupnik Vildana Bešlija:hvala predsjedavajući. Pa evo da malo pomognem ovu raspravu, odnosno ono sve što nas interesuje i preporuka i odgovor koji sam tražila radi se o obustavi škola, odnosno nastave u svim obrazovnim institucijama. Upravo sam evo pročitala,

vjerujem da su možda i ostali, možda to i može skratiti raspravu, znači da je u Federacija BiH odlučeno da obustavi nastava u svim obrazovnim institucijama. Toliko. Hvala.

Predsjedavajući:

Zahvaljujem. Uvaženi ministar Mesihović, izvolite.

Ministar Rusmir Mesihović:

Ja se zahvaljujem uvaženoj zastupnici na informaciji. Naravno, krizni štab Kantona Sarajevo će provesti tu odluku što je brže moguće. Uvaženi zastupnik Konaković 36 respiratora gore, 8 mu Općoj bolnici. Budžetu je planirano još 10 za Klinički da se nabavi i još 5 za Opću bolnicu. Da ne bi bilo zabune, možda je ovo nespretno formulisano što se tiče auta, što je kolega spomenuo. To su sredstva za potrebe kriznog štaba za automobil, koji naravno, tako je namijenjeno, koji naravno nije za Ministarstvo baj d vej, zadnja godina kada je kupljeno to je 2007 godina. Možda je nespretno formulisano u brzini, ali je to tako. Ja se evo, neću reći izvinjavam, evo tako je. Kolega molim vas sve je divno, ja kažem.

Predsjedavajući;

Uvaženi zastupniče Nikšiću nemojte tako

Ministar Rusmir Mesihović:

Molim? Ne pravim se ja budala. Izvinjavam se molim, evo greška, oprostite. Hvala.

Predsjedavajući:

Zahvaljujem. Ministar Kalem Adi izvolite.

Ministar Adi Kalem:

Zahvaljujem predsjedavajući. Uvaženi predsjedavajući, dopredsjedavajući, zastupnici, poštovani premijeru, ministri i gosti, gledaoci pore d malih ekrana, sve vas srdačno selamim i pozdravljam. Zahvaljujem se zastupnicima na pitanjima. Obzirom da se sva tiču javnog prijevoza, treba da znate da su poduzete sve mjere prevencije od zaštite od korona virusa, te da se na dnevnoj bazi uposlenici Grasa i Centrotransa dezinfikuju svoja vozila. Sredstva za dezinfekciju sami nabavljaju. Po zadnjoj informaciji u Grasu se očekuju dodatna sredstava za dezinfekciju pa planiraju istu vršiti dva puta dnevno. Ono što je za pohvaliti u Grasu su izdali uputstvo o načinu preduzimanja preventivnih mjera lične zaštite uposlenika u novonastaloj situaciji što je stavljeno na oglasne table u preduzeću. Dakle vozila se čiste i dezinfikuju svaki dan. Zahvaljujem.

Predsjedavajući:

Zahvaljujem ministre. Imate li potrebe uvažena direktorice Pilav da odgovorite. Izvolite. Konkretno moli vas.

Direktorica Aida Pilav:

Konkretno, naravno. Vezano za migrante evo ja sam rekla, možda neću redoslijedom. Kao što kaže uvaženi ministar Jusko ja mogu reći ono što je zavod za javno zdravstvo radio od

ustanovljavanja ovoga Ušivka i Delijaša. Mi smo išli i redovito jednom sedmično radimo higijensko epidemiološki nadzor i savjetodavno djelujemo. To su novci Međunarodne zajednice. Preko IOM: i oni su pod, a inače su ti kampovi, kada govorimo o kampovima konkretno pod ingerencijom Ministarstva sigurnosti. Mi smo obavili redovito naši timovi idu na teren, kažem mi još uvijek idemo savjetodavno i kažemo trebamo pojačamo i sada idemo kao krizni štab. Sve drugo, kao što vam je uvaženi ministar rekao, sve drugo mi možemo samo u tom slučaju preporučiti. I to sigurno imamo pod u svojoj agendi. A sve vam je drugo ministar rekao način na koji se to može napraviti u Kantonu Sarajevo kada su oni na nekim vanjskim lokacijama. Gospodin Damir Nikšić je postavio pitanje odgovornosti. Ja ću ponoviti još jednom. Dakle ovako, u Krivičnom Zakonu kaže, ne pridržavanje naredbi i uputa odgovarajućeg strastvenog tijela po pitanju zaraznih bolesti podliježe krivičnoj odgovornosti. To je jedna stvar. U ovom slučajevima naredna „Javljajte se ukoliko nije bilo to vam je obaveza i odgovornost“. A što se tiče postavljanja indikacija one su epidemiloške, pa su to medicinske i epidemiloške indikacije. Dakle prva indikacija je put u te zemlje, praćenje zdravstvenog stanja, što znači da li dolazi do pogoršanja zdravstvenog stanja, povišene temperature i druge akutnih respiratornih simptoma i onda se postavlja indikacija, to je doktrinarni stručni pristup o tome kada se neko testira. Ja se nadam da sam dala odgovor. Uvažena zastupnica Šahman pitala je zaštitna sredstva DZ. Dakle odmah smo dali pojačane su mjere prema svim direktorima i uvaženi prof Kulić on je član kriznog štaba i po našim saznanjima da ima dovoljno sredstava trenutno. Mislim da je išao i prema lokalnim, načelnicima i lokalnim zajednicama da obezbijedi dodatna sredstva, mislim na finansijska sredstva. Ovo sada trenutno što raspoložemo za ovaj obim, zaštite ima dovoljno. Idemo u tu nabavu preko sredstva koja smo dobili iz Civilne zaštite. Migranti, odgovornost sam rekla, DZ, evo škole. Evo ako je to sada bila vijest, mi smo cijelo vrijeme bili u konstantu sa Federacijom taman je išlo ono što sam rekla prije nekoliko minuta, dakle najbolje da Federacija da tu mjeru, onda ste vi mirni za cijelu, kao što je uradila RS. Pretpostavljam da docent, Mandić slijedom ovih dogovora sa kolegama iz RS donio, evo ako je to sada. To je vijest ja nisam bila u toku. Vi ste pitali gđo Danijela ili ne znam ko je bio od uvaženih zastupnica, ko radi dezinfekciju velikih tržišnih centara? Rekla sam imaju svi veliki tržišni centri i sve institucije za preventivnu dezinfekciju imaju ugovore sa kompanijama koje to njima rade, i u ovim situacijama one se pojačavaju. Oni rade ponavljam sistem a zavod radi protiv epidemiju, a preventivne po Zakonu oni ugovaraju i rade po zakonskim odredbama. Evo ga. Koje su uvijek na snazi, da se razumijemo jer se mi stalno štitimo od zaraznih bolesti.

Predsjedavajući:

Zahvaljujem direktorici Pilav. Sljedeća ima riječ uvažena zastupnica Dizdarević a uvaženi zastupnik Nikšić, Mekić i Marić neka se isključe jer nemam na osnovu čega da dam riječ jer ste iskoristili svoje pravo nezadovoljstvo odgovorom. Imali ste pravo, to ste iskoristili. U članu 217 je decidno navedeno na koji način vam mogu dati riječ. Izvolite uvažena zastupnice.

Poslanik/zastupnik Neira Dizdarević:

Hvala predsjedavajući. Evo ja ću moliti za dodatno objašnjenje od ministra zdravstva vezano za nabavku službenog vozila kako je istakao da je vjerovatno nespretno formulisano. Nisam provjerila kod sa kojeg se planiraju sredstva planiraju prebaciti za ovu kupovinu, zato će nam

trebati pauza prije samog razmatranja budžeta, zanima me da li je uopće, vjerovatno da sam proces javne nabavke može tako brzo da se završi uzimajući u obzir da su u naredne dvije sedmice ključne za ovaj problem širenja koronavirusa, i koje to uopće automobil za 45.000 KM koji se planira kupiti. Ako može da bude malo precizniji. Hvala.

Predsjedavajući:

Zahvaljujem. Ako hoćete sada ili kada budemo razmatrali tačku dnevnog reda, izvolite ministre. Kada budemo razmatrali tačku dnevnog reda što se tiče Prijedloga budžeta. Jedino poslovnička intervencija. Hajte recite za sigurnost sjednice.

Poslanik/zastupnik Damir Nikšić:

Poslovnička intervencija za sigurnost sjednice. Pošto, htio bih vas da pitam kada ste došli iz Njemačke pošto ljude zaustavljaju u Tuzli na aerodromima i stavljaju u karantenu, da li ste vi prijavili da ste bili u Njemačkoj?

Predsjedavajući:

Uvaženi zastupniče ja sam prošao sve zdravstvene kontrole prije tri dana tako da ako želite da dobijete informaciju, nazovite one koji trebaju da vam daju informaciju i dat će vam da sam prošao sve ljekarske kontrole. Hvala.

Prelazimo na realizaciju Zaključaka, imamo tri zaključka.

Prvi zaključak uvažena zastupnica Dizdarević je podnijela.

1. Obavezuju se sva pravna lica i fizička lica na području Kantona Sarajevo koji u svojoj djelatnosti imaju emisiju zagađujućih materijala u zraku, postrojenja za sagorijevanje, tehnološka postrojenja i privredni subjekti koji imaju emisiju u zrak da u roku od mjesec dana dostave potrebne podatke za listu pravnih i fizičkih lica na koje se odnosi plan, koji su obavezni primjenjivati odredbe plana u skladu sa odlukom o zaštiti i poboljšanju kvaliteta zraka u Kantonu Sarajevo.
2. Obavezuje se Ministarstvo prostornog uređenja, građenja i zaštite okoliša da navedene zaključke objavi na svojoj web stranici.

Idemo sa glasanjem. Otvaram glasanje. Molim rezultate. Za je bilo 25, protiv i suzdržanih nije bilo. Konstatujem da je zaključak usvojen.

Uvažena zastupnica Jasmina Bišćević – Tokić je tražila dopunu Zaključka koji je usvojen 25.02. i to. Poslovnička intervencija izvolite uvaženi zastupniče Suljević.

Poslanik/zastupnik Samir Suljević:

Pošto maloprije nisam imao dovoljno vremena a inicirao me je ovaj zaključak uvažene zastupnice Bišćević ja moram da kažem ako ćemo mi zaključke, zakone, na osnovu samo člana 106 Poslovnika koji kaže da zastupnik ima pravo da predloži u odnosi na zakone Federacije, uredbe, zvanične akte, ovo je po meni zloupotreba pozicije, jer naučili smo mi da

nema pravo niko da se zaposli u Kantonu Sarajevo dok neki drugi ne kažu. Nemojte zakone tretirati selektivno, nemojte tražiti da neko može da se zaposli, neko ne. Ovaj zaključak koji smo na prošloj sjednici donijeli je nelegitiman, nezakonski i nemojte tražiti da se Zakon stalno krši. Toliko.

Predsjedavajući:

Zahvaljujem uvaženi zastupniče.

Dajem na izjašnjavanje prijedlog uvažene Jasmine Bišćević – Tokić a to je zaključak da se dopuni: „Izuzetno od zabrane iz prethodnog stava izuzimaju se odgojno obrazovne i visokoškolske ustanove, kao i zdravstvene ustanove za hitna i opravdana zapošljavanja, kao i upošljavanje pripadnika i djece šehida i poginulih boraca kroz realizaciju programa, kao i sve ostale programe zapošljavanja kod nadležnih službi za zapošljavanje uz obaveznu prethodnu saglasnost Vlade Kantona Sarajevo,“

Otvaram glasanje. Molim rezultate. Za je glasalo 21, protiv 8, suzdržanih 5. Konstatujem da je prijedlog zaključka, odnosno dopune zaključka dobio većinu.

Prelazimo na realizaciju zaključka uvaženog zastupnika Suljević Samira a to je o stavljanju van snage zaključka Skupštine Kantona Sarajevo sa 21. Sjednice Skupštine Kantona Sarajevo održane dana 25.02.2020 godine, kojom se zabranjuje zapošljavanje državnih službenika aktuelnom sazivu Vlade Kantona Sarajevo u JP i institucijama koje se finansiraju iz budžeta Kantona Sarajevo“.

Otvaram glasanje. Molim rezultate. Za je bilo 16, protiv 10, suzdržanih 7. Konstatujem da nije usvojen ovaj prijedlog zaključka.

Poslovnička intervencija uvaženi zastupnik Suljević radi stenograma, molim vas.

Poslanik/zastupnik Samir Suljević:

Izražavam sumnju u glasanje i tražim pojedinačno izjašnjavanje.

Predsjedavajući:

Zahvaljujem. Uvaženi sekretaru izvolite.

Sekretar po ovlaštenju Almira Kulovac Šetkić:

1. Aljović Hamed PROTIV
2. Bešlija Vildana ZA
3. Bišćević-Tokić Jasmina SUZDRŽANA
4. Čampara Aljoša SUZDRŽAN
5. Čelik Mirza PROTIV
6. Ćosović-Hajdarević Samra PROTIV
7. Delalić Sabahudin SUZDRŽAN
8. Dević Mahir SUZDRŽAN
9. Dizdarević Neira ZA
10. Duraković Jasna ZA

12. Hasagić Amra SUZDRŽANA
13. Hasanović Senad PROTIV
14. Hodžić Admela PROTIV
15. Jakupović Vedran ZA
16. Junuzović-Kaljić Amra ZA
17. Kerla Bibija PROTIV
18. Konaković Elmedin ZA
19. Krstić Danijela ZA
20. Marić Zvonko SUZDRŽAN
21. Marjanović Damir ZA
22. Mekić Amel ZA
23. Memić Arijana OPRAVDANO ODSUTNA
24. Milavica Sead PROTIV
25. Nikšić Damir ZA
27. Pecikoza Fahrudin PROTIV
28. Pleho Haris SUZDRŽAN
29. Poturak Dževad SUZDRŽAN
30. Srna- Bajramović Segmedina ZA
31. Stojanović Igor ZA
32. Suljević Samir ZA
33. Šahman Bilsena SUZDRŽANA
34. Viteškić Smiljana PROTIV
35. Vreto Elvis ZA

Predsjedavajući:

Za je bilo 16, protiv 9 i suzdržanih 9. Konstatujem da nije usvojen ovaj prijedlog zaključka.

Prelazimo na tačku 3,

AD -3.

PRIJEDLOGU ODLUKE O IZBORU PREDSJEDAVAJUĆIH, ZAMJENIKA PREDSJEDAVAJUĆIH I ČLANOVA STALNIH RADNIH TIJELA SKUPŠTINE KANTONA SARAJEVO

Prijedlog ste dobili u dopunskom materijalu.

Molim predstavnika Predlagača da podnese uvodne napomene. Uvaženi zastupnik, ko će uvodne napomene? Dević Mahir izvolite.

Poslanik/zastupnik Mahir Dević:

Kratko ću u nekoliko rečenica. Mi smo na Kolegiju Skupštine Kantona Sarajevo donijeli bili jedan zaključak da svi predstavnici političkih stranaka dostave svoje prijedloge za zamjenu članova u svim skupštinskim komisijama, naravno nakon što je promijenjena Komisija za

izbor imenovanje. Kolege iz bivše parlamentarne većine da ostaju pri svojim prijedlozima. Nove prijedloge su dostavili nezavisni zastupnici, njih iz kluba čini mi se pet. Mi smo to razmatrali na nekoliko sjednica komisije, pokušali smo evo na neki način da udovoljimo maksimalno koliko smo bili u stanju da udovoljimo. Naravno to je bilo nemoguće da se ispoštuju na neki način sve želje koje su se pojavile u tom procesu, ali evo cijenim da smo barem 70 do 80% uspjeli da tih imena usaglasimo. Vodili smo računa o pozicijama koje su zastupnici obnašali u komisijama i prije. Onoliko koliko smo mogli struku i aktivnosti i afinitete određenih da uvažimo uvažili smo. Bilo je nekih promjena u imenima unutar političkih stranaka, tako da evo imate taj materijal uz jutrošnji amandman, to je ustvari prijedlog tih komisija koje smo evo čini mi se tri sjednice Komisije za izbor i imenovanje rješavali ako sam dobro ovo rekao sekretaru. Eto, toliko u uvodu, kratko.

Predsjedavajući

Zahvaljujem uvaženi zastupniče. Da li predstavnici radnih tijela žele riječ? Ima li pitanja? Uvaženi zastupnik Jakupović, izvolite.

Poslanik/zastupnik Vedran Jakupović:

Pitanje za komisiju za sigurnost, kolega Elvedin Okerić jel tu prisutan kao jedini kriminalista u Skupštini kojeg imamo. Neću ova dalja, evo obrazovanje i zdravstvo da postavim. Ja sam u nekoj komisiji za socijalno. Ovo da ljudima pojasnimo, građanima. Ovo nisu neke posebne komisije, koje se dodatno plaćaju, nego radna tijela Skupštine a koja mi nismo dodatno plaćeni a u kojima vezano za svoju struku možemo doprinijeti kao pripremu za rad ove Skupštine. Dakle, puno više informacija dobijemo na toj komisijama da bi smo mogli raditi u Skupštini na kvalitetniji način. samo da ne bude kada se spomene komisija odmah se pomisli na neki novac, dakle ovdje nije riječ o novcu nego o struci, pa bih evo zamolio da mi se odgovori na to pitanje.

Poslanik/zastupnik Vildana Bešlija.

Hvala predsjedavajući. Ja bih da ukažem na grešku koja je ovdje primjetna u materijalu. Kao što je kolega Dević rekao, Naša stranka je ostala pri svojim prijedlozima onakvim kakve je imala i ranije. A nova većina je izvukla, odnosno ostavila i napravila onakav raspored kakao je smatrala da treba biti. Ono što nije mijenjano a činjenica je, gđa Lejla Dragnić je članica komisije za budžet i pored njenog imena stoji da je članica političke organizacije NiP. To nije tačno, Lejla Dragnić je članica Naše stranke. Hvala vam.

Predsjedavajući:

Zahvaljujem uvaženi zastupniče Deviću odgovor. Nema, nema.

Poslanik/zastupnik Mahir Dević:

Znači ja sam predsjedavajući u uvodnom izlaganju rekao, nismo jednostavno bili u mogućnosti da ispunimo sve želje i sve zahtjeve svih političkih subjekata a ovo što je kolegica Vildana Kazala, vjerovatno je to tehnička greška koju komisija ne treba da tretira nekom novom sjednicom. U pitanju je štamparska greška. Eto to je to.

Predsjedavajući:

Tehničku grešku može i sekretar ispraviti. Evo smatram ćemo tehničkom greškom. Uvažena dopredsjedavajuća Kristić, izvolite.

Dopredsjedavajuća Danijela Kristić:

Sami ste u izlaganju gledali da stavite struku u komisiju, zar je moguće u Komisiji za sigurnost od četiri zapisnika koji trebaju ući da ne može ni jedan zapravo jedini diplomirani kriminalista da bude? Jel tu pričate o struci ili o čemu? Jel to želja nekoga? Ja mislim da je logika ako je struka da u toj komisiji bude jedini diplomirani kriminalista.

Poslanik/zastupnik Senad Hasanović:

Zahvaljujem predsjedavajući. Pozdravljam sve prisutne pošto se prvi put javljam. Želio bih ispravku krivog navoda, već drugi put se pominje Komisija za sigurnost. S obzirom da je i moje ime u toj komisiji, ja moram radi javnosti i radi kolega zastupnika napomenuti da sam ja diplomirani politolog iz oblasti sigurnosti tako da definitivno u toj komisiji će biti ljudi koji su od struke. Hvala.

Predsjedavajući:

Zahvaljujem. Imate li potrebe za odgovorom. Uvaženi zastupnik Konaković izvolite.

Poslanik/zastupnik Elmedin Konaković:

Ma imam ja potrebu a nisam boga mi mislio, ne znam šta hoće kolega Hasanović da nam kaže. Kakva je ovo trebala biti konstatacija dakle, diplomirani kriminalista i politolog iz oblasti sigurnosti, nisu ista profesija, to nije ista struka. I ako govorite o komisiji za sigurnost, ne možete povlačiti ovu paralelu. Niste odgovorili do sada ni jednom na pitanje, a ja ću vam reći. U nekoliko komisija, uopšte se ne javljam, nisam to trebao sam samo pročitati možda komentar kolega Devića kada smo mi na početku ovog mandata poredili komisije, na koji način je on reagovao i kako je danas govorio. I to bi naravno rasvijetlilo nešto što je potpuno normalan politički proces. Imate 18, 16 plus 2 ruke imate, redajte brate komisije, sebi napravite prohodost, ali ne možete zanemariti jednu činjenicu, gdje god mislite praviti tamo neke mušafere, sklonili ste članove NiP. U oblasti sigurnosti koja je bila najznačajnija institucija u rasvjetljavanju slučaja Memić i ubistva mladog čovjeka, Elvedin Okerić je bio najzaslužniji za taj proces i vi ga mičete iz Komisije za sigurnost jer vam tamo smeta, i sigurno bi vam smetao za ono šta vi planirate da radite. To što nije u komisiji za sigurnost ne sprječava ga da kao zastupnik dalje djeluje. Ali da ga ovako, kako Hasanović to pokušava objasniti ko biva on će to tamo pokriti, neće. Je to što ste vi danas uradili s komisija, ništa to nije posebno i neznčajno ali ljudi treba da znaju istinu. Sklanjali ste i iz oblasti zdravstva, tamo gdje niko do vas neće smjeti pitati ono što bi mi smjeli pitati, sklanjate članove NiP. Sigurnost isto tako. Dakle politika je to, mi vas shvatamo ali vas boga mi dobro i poznajemo-tako da nemojte nam danas prodavati neku šuplju priču. Hvala.

Predsjedavajući:

Zahvaljujem, obzirom da nemamo više prijavljenih pitanja otvaram raspravu. Ukoliko se više niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O IZBORU PREDSEDavajućIH, ZAMJENIKA PREDSEDavajućIH I ČLANOVA STALNIH RADNIH TIJELA SKUPŠTINE KANTONA SARAJEVO.

Otvaram glasanje. Molim rezultate.

ZA JE GLASALO 20 ZASTUPNIKA, PROTIV 13, SUZDRŽANIH 1.

KONSTATUJEM DA JE SKUPŠTINA DONIJELA OVU ODLUKU.

Poslovnička intervencija, uvažena zastupnica Dizdarević.

Poslanik/zastupnik Neira Dizdarević:

Izražavam sumnju u glasanje molim pojedinačno izjašnjavanje.

Predsjedavajući:

Uvaženi sekretaru dajete nam.

Sekretar po ovlaštenju Almira Kulovac Šetkić:

1. Aljović Hamed ZA
2. Bešlija Vildana PROTIV
3. Bišćević-Tokić Jasmina ZA
4. Čampara Aljoša ZA
5. Čelik Mirza ZA
6. Ćosović-Hajdarević Samra ZA
7. Delalić Sabahudin ZA
8. Dević Mahir ZA
9. Dizdarević Neira PROTIV
10. Duraković Jasna SUZDRŽANA
11. Handžić Vibor PROTIV
12. Hasagić Amra ZA
13. Hasanović Senad ZA
14. Hodžić Admela ZA
15. Jakupović Vedran PROTIV
16. Junuzović-Kaljić Amra SUZDRŽANA
17. Kerla Bibija ZA
18. Konaković Elmedin PROTIV
19. Krstić Danijela PROTIV
20. Marić Zvonko ZA
21. Marjanović Damir SUZDRŽAN
22. Mekić Amel PROTIV
23. Memić Arijana OPRAVDANO ODSUTNA
24. Milavica Sead ZA
25. Nikšić Damir SUZDRŽAN
26. Okerić Elvedin PROTIV
27. Pecikoza Fahrudin ZA

28. Pleho Haris ZA
29. Poturak Dževad ZA
30. Srna- Bajramović Segmedina PROTIV
31. Stojanović Igor PROTIV
32. Suljević Samir PROTIV
33. Šahman Bilsena ZA
34. Viteškić Smiljana ZA
35. Vreto Elvis SUZDRŽAN

Predsjedavajući:

Za je bilo 18, protiv 11, suzdržanih 5.

Konstatujem da je Skupština donijela ovu odluku.

Prelazimo na realizaciju tačke pet:

AD - 5.

PRIJEDLOG BUDŽETA KANTONA SARAJEVO ZA 2020. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene. Uvaženi premijeru ili ministre finansija izvolite.

Ministar Jasmin Halebić: UVODNO IZLAGANJE

Predsjedavajući:

Zahvaljujem uvaženi ministre. Da li predstavnici radnih tijela žele riječ? Jel neko iz radnih tijela ili idemo na pitanja? OK. Ima li pitanja? Ima.

Dopredsjedavajuća Danijela Kristić:

Zahvaljujem predsjedavajući. Ja imam par pitanja. Prvo pitanje je za ministra privrede. Poziciju 614300 ste uvećali za iznos od milion KM. Mogu li znati koji su projekti planirani vezani za ZOI'84 obzirom da smo imali više sastanaka i grupa inicijativa Bjelašnica je dostavila jedan zahtjev gdje su tražili da se otvore nove stavke za projekte u budžetu koji bi se radili u 2020 godini? Drugo pitanje je, uvaženi premijer kada je izlagao ekspozicije ja sam ga pitala da li misli nastaviti sa realizacijom projekta izgradnje nove zgrade MUP_a. Vaš odgovor je bio da namjeravate, da shvatite značaj tog projekta. Međutim, u amandmanima Vlade ste umanjili sredstva od 2 miliona koja su bila namijenjena za poziciju izgradnje objekta zgrade MUP-a i uvećali poziciju izgradnje gradskih saobraćajnica. Pa možete li nam reći da li odustajete od tog projekta i voljela bih čuti ministra MUP-a da li on smatra da ovaj projekat treba nastaviti i da li ima u planu novu zgradu za MUP? Isto za ministra privrede, vašim amandmanima ste poništili ukidanje parafiskalnog nameta koji je bio prvi reformski korak u kreiranju poslovnog okruženja u Kantonu Sarajevo. Možete li reći kakvu poruku šaljete poslovnoj zajednici sa ovim dijelom? Prošla Vlada je po javnom pozivu imala za nagodbe prijavljenih kandidata u iznosu od 17 miliona, rebalansom je osigurano 11 miliona. A

iz budžeta 2020 još 6 miliona se obezbijedilo kako bi se izmirile te obaveze u potpunosti. Da li hoćete da nam kažete da se sada ove nagodbe neće izmiriti? I ministru prostornog uređenja, građenja i zaštite okoliša Kantona Sarajevo u amandmanima Vlade otvarate novi ekonomski kod izradu projekte dokumentacije za žičaru Hrasnica Igman u iznosu od 50.000 KM. Da li ste namjeravali raditi studiju o uticaju na okoliš pomenute žičare jer će ona prolaziti kroz vodozaštitnu zonu i dovest će do sječe i krčenja šume. Hvala.

Poslanik/zastupnik Vildana Bešlija:

Hvala predsjedavajući. Zahvaljujem se na ovom obrazloženju amandmana ministru finansija ali ja bih htjela da čuje, odnosno pozivam premijera Nenadića da nam obrazloži jer ipak se ovo tiče i ekspozea kojeg smo imali priliku čuti a evo ja sam našla uporište vezano za amandmane i ovog što je kolegica Kristić već nagovijestila, radi se o poslovnom ambijentu u Kantonu Sarajevo. Znači uradila se vrlo detaljna analiza na inicijativu poslodavaca, znači da je postojala opravdano unapređenje i želja poslodavaca koji su konkretno rekli ono što im predstavlja problem u obavljanju njihove djelatnosti. Na strani broj 12 u Ekspozeu jasno stoji prva rečenica kaže „U oblasti privrede stvarati poslovni ambijent koji će dati šanse privrednim subjektima za ubrzani ekonomski rast i razvoj, zapošljavanje, povećanje konkurentnosti i privlačenje stranih investicija. Zar ne mislite premijeru da ste na ovaj način sa amandmanom Vlade, gdje ukidate parafiskalni namet koji je u iznosu od 6 miliona, za koji je bivša sada već Vlada, prva reformska Vlada, sa prvim reformskih iskoraku u oslobađanju parasfikalnog nameta iznos od 6 miliona, se ostavili na plećima privrede. Tačno je da je Zakon o izmjeni o šumama u nacrtu, i da se očekujem ustvari on je bio u nacrtu, u javnoj je raspravi, to je nešto što je započeto i što bi ova Skupština trebala da ima obavezu da to i završi. Ja bih mogla i povjerovati u namjeru koju ste rekli da će se to eventualno nastaviti raditi, ali vi ste na drugim pozicijama već raspodijelili ta sredstva. Također želim naglasiti da pozdravljam vašu inicijativu za projekat kojim će se povećati uraditi pošumljavanje, što ste naveli kao jedan od glavnih razloga zašto će vam trebati ta sredstva, ali ne zaboravimo da su ta sredstva bila već planirana u budžetu i na taj način realizaciju i te vrste projekta ste mogli uraditi i iz tih sredstava. Nije potrebno uopšte da se dodatno privreda opterećuje na ovaj način. zamolila bih da mi date odgovor na ovo konkretno pitanje, a ostalo ćemo u diskusiju. Hvala vam.

Poslanik/zastupnik Segmedina Srna Bajramović:

Hvala predsjedavajući. Ja također svoja pitanja želim uputiti premijeru Kantona Sarajevo koji je u svojim prvim medijskim istupima najavio koncentraciju na pregled budžeta i naglasio da će prioritet biti okončanje početih dobrih projekata. Pa bih zamolila, može li javnost znati koji su to projekti dobri, a koji loši? Ili je još rano, pa ćemo to iščitavati u hodu, na bazi budućih aktivnosti ove Vlade. Najavili ste također rad na sistemskim mjerama. Imamo li u ovom momentu dijagnozu šta je bilo nesistemski od prošle Vlade i možemo li dobiti bare naznake vaših sistemskih mjera? Najavili ste nužnost završavanja velikih infrastrukturnih projekata, posebno u saobraćaju. O tome je istina već govorio nešto ministar Halebić, no ja bih svejedno zamolila premijera da nam ukoliko je moguće ponovi o kojim većim projektima se radi, i da li se oni nalaze u registru započetih projekata koji su vam predati kod primopredaje? Evo već smo luli i vidjeli smo iz amandmana koje ste nam dostavili da niste značajnije mijenjali budžet, da li to znači da nastavljate sa projektima prošlog saziva Vlade Kantona Sarajevo ili

u planu ipak imate rebalans kojim ćete ovaj budžet znatnije mijenjati? I još samo jedno, ad i je Vlada Kantona Sarajevo razmatrala u ovom kratkom periodu od imenovanja moguće smanjenje prihodovne strane u budžetu zbog posustajanje globalne ekonomije, pada trgovinske razmjene kao i posjeta turista i postoji li plan djelovanja po tom pitanju? Zahvaljujem.

Poslanik/zastupnik Elmedin Konaković:

Zahvaljujem predsjedavajući. Kada govorite iza tri pametne i dobro pripremljene zastupnice, sve sam iskrižao pitanja, skoro sve su postavile, nešto mi je ostalo. Da li ova Vlada planira nastaviti aktivnosti po pitanju subvencija za djecu u vrtićima koju je prethodna Vlada započela? Dakle vrlo bitan značajan projekt za mlade roditelje. Pošto ste prihvatili ovu metodologiju i pozdravljam koncept iako smo sada mi opozicija, pozdravljam koncept prilagođavanja federalnoj i ustvari programa utroška sredstva po ministarstvima, što će Vladu siguran sam učiniti efikasnijom, i u tome imate podršku ubijeden sam i opozicije. Da li ste iz dokumenta u kojem mi to ne može vidjeti planirani subvencije za roditelje čija djeca idu u vrtiće? Da li znate, pošto vidim da jeste planirali subvencije za plin, da stranke koje su vas predložile, ozbiljno su nas optuživala za povredu propisa iz oblasti sada ću možda pogriješiti, neka energetska zajednica je reagovala, a onda nas zasuli sapštenjima iz stranaka koje su vas delegirale na ove pozicije, kako je nezakonita subvencija za plin. Da li znate da li su vas o tome obavještavali i šta vi o tome danas mislite? Moram akcentirati nekoliko stvari, naravno odnosi se na ovu podršku rasterećenju realnog sektora, za koju znam da su i premijer i resorni ministar finansija učinili puno u prethodnim mandatima, znam da to jeste njihova filozofija i apelujem na vas da razmislite da ovo rasterećenje sredstva OKFŠ ne siječete tako brzo i tako naglo i ne odsutajete od Zakona koji bi ljude koji rade u realnom sektoru u Kantonu Sarajevo rasteretio. Također vas pitam da li ste prepoznali politiku Vlade da tamo gdje piše akumulirani deficit ustvari je riječ o onome što ponovo mogu govoriti o dvojici lidera ove Vlade, jer smo zajedno započeli, a zove se isplata presuda iz radno pravnih statusa. Uglavnom je to fokus bio Vlade koja nam je evo ostavila i 5 miliona suficita. Da li ste o toj politici razmišljali, kako je vidite kako planirate uopšte u ovom budžetu rješavati presude iz radno pravnih statusa. Također vas molim, apelujem, sugerišem nemojte nam zaustavljati ovu zgradu MUP-a ako može i šta pitam vas ima li načina da vratite sredstva za MUP-ovu zgradu, i molim vas da obidete ovdje u La Benevolencije i ljude koji rade na najtežim oblicima kriminala, rasvjetljavanja, da vidite u kakvim uslovima žive. I također vas upozoravam da je neki plan regulacioni urbanistički čini mi se u opštini Novo Sarajevo ozbiljan opasnost da ubrzo dole ljudi neće imati gdje, i PU Novo Sarajevo već nema gdje da boravi. Ugrožen je bukvalno taj sistem sigurnosni, tako da vam molim da o tome povede računa. Zašto ste predsjedavajućem Skupštine Kantona Sarajevo ostavili 86.000 da diskreciono raspolaže? Ha-ha-ha. Jel mislite da treba predsjednik zakonodavnog organa raspolagati sa 86.000 samo sam malo, odgovorite, ali naravno ja znam zašto to pitam. I zašto mislite da je u Ministarstvu finansija mjesto za ovih 120.000 koje će tamo opet neka komisija raspoređivati po osnovu javnog poziva, a za šta sam ovdje bio mobingovan, mogu tako reći. Možete to shvatiti kao pošalicu, dakle ja vama ništa ne prigovaram, samo hoću da čujem vaš stav o onome što ja, kažu, nisam bio u pravu. Dakle, dalje, još je tu bila samo jedna čini mi se stvar. Nema, to su pitanja. Zahvaljujem. Kroz diskusiju ću komentarisati.

Poslanik/zastupnik Elvedin Okerić:

Zahvaljujem predsjedavajući. Moguće da ću ponoviti određena pitanja, pa nemojte uzeti za zlo. Amandmanima nove Vlade, vidimo da neće biti izmirenja po nagodbama iz javnog poziva kako objašnjavate ovakvu situaciju s obzirom da su sve Vlade do sada vodile računa o izmirivanju nagodbi? Sljedeće pitanje se odnosi na MUO. Sa Uprave policije skinuto je 750.000 KM i prebačeno na ministarstvo. Koji su razlozi za to? Zašto su sredstva smanjena, je li to znači da se neće raditi na poboljšanju materijalnog položaja policije, kako je to predviđala prošla Vlada? Zašto je izbačen projekat nabavke helikoptera? Da li je ova Vlada spremna preuzeti odgovornost za sve moguće nove slučajeve u kojima će našim građanima biti potrebna pomoć u kriznim situacijama? I još jedno pitanje, da li je Vlada odustala od izgradnje azila u Prači, s obzirom da u amandmanima koje je Vlada dostavila možemo vidjeti da je umanjila sredstva za milion KM na poziciji projekat opremanja prihvatilišta pasa lutalica. A u diskusiji ću više. Hvala.

Poslanik/zastupnik Damir Nikšić:

Zahvaljujem. Sindikat radnika u zdravstvu je ako se sjećamo prvobitno tražio 40 miliona iz Budžeta od prošle Vlade. Pa onda je nekim pregovorima došao na 15, pa na 7. E sada hoće li sa ovom novom vladom hoće li taj sindikat odustati od zahtjeva ili ćete im izaći u susret i odrediti prvobitnih 40 miliona koje su imali u protekloj godini. To je jedno pitanje. Ja bih volio da dobiju 40 miliona što su tražili. Moderni aparat, ovdje imam mišljenje jednog eksperata, moderni aparat jedne uspinjače u dužini Hrasnica Igman polje bez obzira na to da li se radi o zatvorenim kabinama ili otvorenim, onim sjedištima, košta između 12 i 17 miliona eura. A 50.000 KM se čini kao neka neslana šala. Ovdje imam pitanje isto jednog građanina kaže za donacije, u vezi donacija na strani 15 ovoga budžeta originalnog u potkategoriji srednjih škola Bošnjačka gimnazija dobija 32.000 KM dok Srednja grafička škola i Medicinska škola dobijaju 1000 i 5000. Smatram da treba podržati Medicinsku školu i Srednju školu grafičkih tehnologija barem u proporcionalnim iznosima. Drug, podkategoriji fakulteta i akademija Ekonomski fakultet kao jedan od najprofitabilnijih organizacionih jedinica UNSA, dobija 210.500 KM a sa druge strane Poljoprivredno prehrambeni fakultet dobija, ovdje kako piše građanin, sramotnih 100 KM. Dodatno Mašinski fakultet 1500 KM, Farmaceutski 17.000. pitanje da li je ovo sukladno potrebama i ciljevima pomenutih fakulteta u svrhu razvoja naučnog procesa? U podkategoriji kulturnih ustanova Narodno pozorište dobija 20.000 Muzej Sarajeva 25.000 i sve to u periodu kada kulturni život u Sarajevu skoro pa izumire. Eto to su bila pitanja građana koje sam vam prenio. Hvala.

Poslanik/zastupnik Vedran Jakupović:

Zahvaljujem predsjedavajući. Evo i ja ću se dotaći malo ovih šuma. Ja sam čak podnio jednu inicijativu za pošumljavanje Čoline kape, trebala se pošumiti jesenas, nije se ništa desilo ili barem ja ne znam da se desilo. Tako da apsolutno podržavam projekte zaštite okoline i pošumljavanja onog što smo tokom agresije izgubili. Ali s druge strane maksimalno podržavam Vladu prethodnu u nastojanjima da se pomognu i rasterete naši privrednici. Pitanje vezano za ove kapitalne projekte iz šumarstva, 4.154.000 je odvojeno od ovih 6 kao nešto da se pošumljava. Da li je tu planirano osim pošumljavanja i nabavka puževa, jelena lopatara

kao što se to radilo i ranije? Kada je riječ i zdravstvu, imamo nabavku po osnovu ovog projekata prevencije raka debelog crijeva i raka dojke u Kantonu Sarajevo 4 miliona novih. Može li se negdje vidjeti taj projekat sa specifikacijom troškova obzirom da je riječ o implementaciji od strane Zavoda za javno zdravstvo Kantona Sarajevo. Kada je riječ o ministarstvu za obrazovanje nauku i mlade, ja sam podnio inicijativu da se odvoji stavka finansiranje domaćih naučnih časopisa koji nisu indeksirani, jer ljudi koji izdaju ove časopise, odnosno udruženja ili fakulteti nemaju priliku da zbog kriterija dobiju novac po osnovu konkursa ili javnog poziva koji se izdaje. U okviru ovog sufinansiranja programa nauke, pa evo i novog ministra da upoznam sa tom činjenicom. To je riječ o 50.000 ili da se odvoji ili da se posebno planira finansiranje ovih časopisa, domaći časopisi koji nisu indeksirani i teško da mogu biti indeksirani jer riječ o nekim prilično ovako čak i raritetnim naukama koje nemaju šanse da budu indeksirane u međunarodnim bazama. I to bi bilo to. Evo na kraju samo da pohvalim ministra bivšeg Garibiju vezano za ovu zgradu na Otesu, da konačno riješimo. Kolega Čelik odnosno predsjedavajući je konstantno ponavljao taj problem koji evo nadam se da će biti riješen i da će Kanton Sarajevo na kraju da neće izgubiti ono što smo se bojali da ćemo izgubiti, a to je i novac i zgradu. I zahvaljujem Vladi što je podržala taj projekat i stavila ovo u novi budžet. Hvala.

Poslanik/zastupnik Damir Marjanović,

Ja se zahvaljujem. Postavit ću tri relativno kratka pitanja a u diskusiji ću dati komentare vezano za budžet, posebno iz oblasti obrazovanja i nauke. Prvo pitanje je tematska sjednica o obrazovanju i nauci, između ostalog predviđela da se otvori nova budžetska linija koja se zove Reforma obrazovanja i da se u 2020 predvide određena sredstva u toj budžetskoj liniji. Možda nisam dobro vidio, ili možda neki fajnovi na ovim PDF formatima mi ne rade, ne vidim tu liniju, pa me zanima da li je otvorena ili je možda uklopljena u neku od postojećih stavki. Drugo pitanje ide prema Ministarstvu finansija i prema premijeru. Vjerujem da te upoznati da i u prethodnom nacrtu budžeta i onom prijedlogu budžeta UNSA je iskazao određene veće potrebe nego što je predviđeno. Mislim da se te potrebe kreću čak do nekih 7 do 8 miliona KM. Zanima me da li ste planirali u ovoj godini, u ovom budžetu ili eventualno nekom rebalansu budžeta da napravite određene modifikacije, tako da rad UNSA ne bi došao u pitanje. I treće pitanje se odnosi samo malo, nek ostanu za sada samo ta dva pitanja. U diskusiji ću se dotaći (nerazumljivo). Hvala velika.

Poslanik/zastupnik Igor Stojanović:

Hvala predsjedavajući. Moje prvo pitanje je za ministra za boračka pitanja. Dakle i ovdje također pričamo o akumuliranom deficitu iz prethodnih godina koji se umanjuje za milion KM. I uvećava se nova pozicija kapitalni transferi za očuvanje tekovina 92-95 i 41-45. Navodi se projekat od 1 milion KM koji bi trebao da košta čak i preko milion KM vezano za spomen obilježje, centralno, i navode se projekti koji su isključivo vezani za rat iz 92-95 a to su prije svega opsada i odbrana Sarajeva, Tunel D-B, Centralno spomen obilježje svim poginulim braniteljima opkoljenog Sarajeva, Muzej opsade i odbrane Sarajeva 92-95, Sarajevska panorama i drugo. Ono što mene zanima i smatram da je ova stavka, mislim da smo, da je odvojeno previše novca za ovu stavku s obzirom na probleme u Kantonu Sarajevo. Međutim, smatram značajnim da treba povezati antifašističku borbu iz 41-45 kao i 92-95. I

jednu antifašističku kulturu Sarajeva smatram da treba njegovati. Međutim ono što mene zanima, ne vidim ovdje niti jedan projekat koji će biti finansiran iz ovog novca a koji obilježava ovaj period 41-45. Godine. Pa me zanima da li postoje takvi projekti u planu ove Vlade. Moje drugo pitanje odnosi se, vezano je za Ministarstvo kulture i sporta al prije svega ga upućujem premijeru. Uvećane stavke za institucije kulture, isključivo se odnose na povećanje bruto plaća i naknada. Vi ste najavili, između ostalog jedna od stavki koju ste najavili je i revitalizacija KK Bosna. Prethodna Vlada je izdvajala između 120 i 200.000 KM za KK Bosna koji je trenutno prvi na tabeli Druge lige i ulazi u Prvu ligu. Ja vodje u Ministarstvu kulture i sporta ne vidim niti jednu izmjenu koja bi podržala on što ste vi iznijeli u ekspozeu, pa me zanima kakav je vaš plan. I ne vidim da se u ovom Ministarstvu odnosi bilo koja stavka na bilo šta iz sporta. Uzimajući u obzir da od 657 ljudi samo je u ovom Ministarstvu samo je 4 zaposleno u sportu, a 653 u kulturi, zanima me da li vi stojite iza vaših riječi iz ekspozea i šta će se desiti konkretno kada je ovo Ministarstvo u pitanju. I također imam pitanje vezano za Ministarstvo prostornog uređenja, građenja i zaštite okoliša Kantona Sarajevo. Nakon što je Sarajevo jedno vrijeme bilo jedno od najzagađenijih gradova, vi ukidate stavku nabavka opreme za zaštitu zraka od 200.00 KM kreditno zaduženje. Ne bi to toliko čudno bilo da se ne odlučujete da taj novac prebacite Gerontološkom centru za sufinansiranje materijalnih troškova i podrška radu. Šta se to desilo u Gerontološkom centru pa toliko oni troškova materijalnih imaju odjednom, za 300.000. ja bih to volio da znam. Kao i projektna dokumentacija a ovu žičaru, to su već zastupnici pitali, ali zanima me zašto ukidamo nešto što je izuzetno opasno za građane, a to je prljav zrak da bi radili projektnu dokumentaciju. Nemam neko logičko objašnjenje. Možda vi imate. I također volio bih da ministar zdravstva obrazloži, ukidanje u jeku borbe sa koronavirusom ukidanje ove stavke za jačanje borbe, stavke koja se odnosi na javno zdravstvo, ukidanje 100.000 smanjivanje da bi se nabavilo vozilo od 45.000 KM i 55.000 za neke druge troškove. Ja bih volio da znam zašto je značajnije u ovom trenutku kupiti vozilo i nabaviti neke materijale a ne ovaj novac usmjeriti da bi se građani zaštitili od koronavirusa koji se više uzima danak. Hvala.

Poslanik/zastupnik Jasna Duraković:

Zahvaljujem predsjedavajući. Pozdravljam sve prisutne u Sali. Imala sam gotovo identično pitanje kao kolega Marjanović tako da se neću ponavljati, evo samo bih voljela čuti odgovor od ko je uputio prema Ministarstvu finansija. Drugo pitanje se odnosi na pitanje koje sam već postavila na protekloj sjednici a to se vezuje za tzv reformu u obrazovanju gdje se u samom ekspozeu spominjalo da će se izvjesna dodatna sredstva odvojiti za ovu reformu u obrazovanju bez ikakve dodatnog obrazloženja ili bilo čega pa me zanima na što se to tačno odnosi, koji su to iznosi, koja su to sredstva? I evo da ne budem baš preširoka, da nekako suzim to pitanje, konkretno kada je riječ o visokom obrazovanju koja sredstva tačno se odvajaju za tehnička koja se upotrebljavaju ili koje su to reforme koje kanimo provesti, i ovo da li se igdje spominje, nisam vidjela zaista. Još prošle godine sam uputila inicijativu prema Ministarstvu obrazovanja, nauke i mladih u Kantonu Sarajevo, na koju na žalost nisam do sada dobila adekvatan odgovor, pa evo radi novog ministra da u kratkim crtama samo kažem o čemu se radi. Dakle, tražila sam da ministarstvo izvrši detaljnu analizu ishoda učenja ili tzv reforme, šta je ta reforma dobro učinila u ovih 14 skoro 15 godina kako je implementirana u naš obrazovni sistem. Da li se ta stavka koja pominje tu izdvajanje dodatnih sredstva odnosi i

na ovaj dio te planirane analize koju čeka već skoro godinu dana. Dakle u maju mjesecu prošle godine sam postavila tu inicijativu pa evo voljela bih čuti neki odgovor. Hvala vam.

Poslanik/zastupnik Elvis Vreto:

Hvala predsjedavajući. Neka od pitanja su već kolegice i kolege postavile pa neću ponavljati. Jedno od njih koje imam namjeru postaviti da li ste planirali novac za plaćanje taksi neophodnih za početak izgradnje Univerzitetske biblioteke u Kampusu? Drugo pitanje je za ministra finansija. Da li je obrazloženje koje smo dobili uz budžet za sjednicu planiranu 26. Decembra sastavni dio ovog prijedloga budžeta? Upravo iz razloga ovo pitam zato što u obrazloženju je puno jasnije opisan plan koji ima namjeru usvojiti Vlada po resornim ministarstvima zbog nove metodologije i kako ona se p vama reflektuje na transparentnost u uvid budžeta da li smatrate da treba pokrenuti jedan dodatni vid, evo ja ću reći da je premijer u svom izlaganju u ekspozeu najavio da će raditi budžet za građane. Ja sam prije par mjeseci na 15. Redovnoj sjednici pokrenuo tu inicijativu da se pored budžeta radi i aplikacija budžet za građane koji će približiti bolje budžet ljudima koji se manje razumiju u ekonomsku nauku. Mislim da bi to bilo neophodno i evo postavljam pitanje da li imate namjere i u koje to vrijeme imate namjeru uraditi tu aplikaciju? Ostala pitanja su već kolege postavile. I mene zanima zaista ovo ukidanje vezano za smanjenje rasterećenje privrede vezano za šume. I to je to.

Poslanik/zastupnik Neira Dizdarević:

Hvala predsjedavajući. Pa evo prije svega želim da kažem da je jako ohrabrujuće ono što je gospodin premijer iznio a to je da će razmotriti racionalizacija pozicije kupovine službenog vozila za Ministarstvo zdravstva. No u ovim amandmanima imamo još par najavljenih kupovina službenih vozila. Pa moje pitanje je zašto nije urađena analiza voznog parka Kantona Sarajevo, da se eventualno vidi da li postoje određena vozila koja se mogu preraspodijeliti, donirati. Imali smo pozitivne primjere odricanja od službenih vozila u prethodnom mandatu, Fortine Vlade, ali i vrlo uspješne primjere preraspodjele pa je tako recimo Disciplinski centar poklonio jedno službeno vozilo Centru za socijalni rad, jedno službeno vozilo Dječijem domu Bjelave. Mislim da se nekako možda moglo naći neko bolje i racionalnije rješenje. Toliko. Hvala.

Poslanik/zastupnik Jasmina Bišćević-Tokić:

Zahvaljujem predsjedavajući. Evo ja imam jedno pitanje. U prijedlogu budžeta Kantona Sarajevo za 2020 godinu na razdjelu 31 Direkcija za robne rezerve Kantona Sarajevo predviđeni iznos za plate i doprinose za 10 uposlenika. Koliko imam informaciju svih tih 10 radnika već radi u Direkciji. Međutim za poziciju pomoćnika direktora za opće i pravne i zajedničke poslove u Direkciju nisu predviđena sredstva za platu, TO; regres, doprinose. A na ulazu u Skupštinu Kantona Sarajevo može se vidjeti rješenje o prijemu na ovu poziciju. Pa me zanima iz kojih sredstva će se izdvojiti ovaj novac? Zahvaljujem.

Poslanik/zastupnik Samir Suljević:

Hvala. Pa imam nekoliko pitanja. Prvo da li su u budžetu predviđena sredstva za ublažavanje procesa posljedica koronavirusa u industriji i turizmu. Znamo da hoteli bilježe već 80% pad a

također i za izvozno orijentirane firme. Drugo, da li su predviđena sredstva za povezivanje Južne longitudinalne odnosno izmještanje zgrade u Grbavičkoj koja već godinama stoj. Očigledno je da je tu jedno slijepo crijevo u saobraćaju, i da je to planirano ali nikako da se to nit pokrene nit da se sredstva planiraju. Za ministra za boračka pitanja, kada ćemo dobiti spomen kompleks palim na Žuči? Iz godine u godinu, to smo prošle godine postavljao, evo i ove. Nikako da se krene sa ovim. Pitanje imam koliko sam vido da su određena finansijska sredstva predviđena za Gras skinuta pa bih volio malo da mi se obrazloži zbog čega. Na današnjoj sjednici smo usvojili zaključak kojim se po procjenama predviđaju gubici u određenim JKP, npr po procjenama Sarajevo šume će u naredna tri mjeseca imati gubitak milion KM. A ne znam informacije po drugim firmama. Tako da me interesuje da li su i ta sredstva već planirana za sanaciju tih JKP? I zadnje, da li ste već predvidjeli sredstva u budžetu za isplatu po tužbama na osnovu zaključaka kojim su poništeni već objavljeni konkursi za zapošljavanje u firmama? Hvala.

Predsjedavajući:

Zahvaljujem uvaženi zastupniče. Evo redoslijedom. Kako ćemo premijeru? Hoćete li vi prvi pa ministar Halebić pa da se ministri prijave koji imaju pitanja pa da mogu odgovarati po redoslijedu. Poslovnička intervencija zastupnik Konaković. Izvolite.

Poslanik/zastupnik Elmedin Konaković:

Postaje uobičajeno da ja reagujem u ovim situacijama. Dakle znamo da možda Nenadiću ne treba, ali nekim ministrima vjerovatno treba vremena. Pola dva je. Vrijeme je za ručak. Ja ću tražiti pauzu od pola sata, a ako hoćete vi predložite ovu od sat, da se ministri i premijer pripreme a da mi na pauzi za ručak nešto pojedemo.

Predsjedavajući;

Zahvaljujem. Ja moram dati prijedlog na glasanje, svakako ako ćemo jedan sat pauzu. Pauza za ručak. Evo otvaram glasanje. Ukoliko se izglasa pauza za ručak od jedan sat. Molim rezultate.

Za je glasalo 23 zastupnika, protiv 2, suzdržanih nije bilo. Konstatujem da je usvojena pauza od jedan sat. Nastavljamo u 15 sati.

NASTAVAK NAKON PAUZE

Predsjedavajući:

Nastavljamo sa radom sjednice. Premijeru izvolite, vi ste imali riječ. Ali bih vas molio zaista da odgovarate onako na postavljena pitanja, nemojte ništa od onoga što nije postavljeno kao pitanje. Stoga vas molim da budete u okviru Poslovnika na način kako je i definisano.

Premijer Mario Nenadić:

Hvala gdine predsjedavajući. Kolega zastupnici, evo pozdravljam vas još jednom. Ja ću manje više biti uvod u nastavak ove sjednice. Neću detaljno odgovarati na pitanja, ako su negdje bila postavljanja između Ureda premijera ili mene lično, i pojedinih ministara, mi smo dogovorili upravo da bi i dobili na vremenu i da bi ste vi dobili konkretne jasne odgovore iz svakog od

resora na postavljeno pitanje, naš plan je ovakav. Nadam se da se slažete, da vas ja obavijestim kako ćemo davati odgovore danas. Da nakon toga ministar finansija odgovori generalno na ona pitanja na koja on i zna i ima odgovor kroz obrazloženja u budžetu, a da onda kratko svaki ministar, kojem su bila upućene pitanja da odgovori detaljno na ta pitanja. Ono što bih vam ja htio reći da smo jako zadovoljni pitanjima, da ona ustvari značajno upućuju, ojačavaju i naše obaveze i najave iz ekspozice, iz drugih programskih dokumenata, mi smo šesti dan u funkciju. Dakle šesti dan od kada smo u mandatu ove Vlade. Svaki dan smo zasjedali radili na amandmanima na budžet. Pokušali smo za početak, ovo je da kažem i prvi budžet koji pripremamo. Radili smo ga sa klubovima zastupnika. Jučer smo makar omogućili, stvarno su bile kratke konsultacije, nakon što smo mi okvirno pripremili prijedloge, obavili smo konsultacije i sa klubovima i također sa Vijećem za mlade, sa Ekonomsko socijalnim Vijećem, kojom prilikom su nam svi iz svoje perspektive skrenuli pažnju na određene prioritete. Javna potrošnja danas je bila, generalno kada kažem problematizirana. Tu smo oprezni. Naime još uvijek nismo izvršili analizu i fiskalne procjene određenih odluka koje su donošene, posebno ovo nije kritički osvrt, nego je jednostavno oprez jedan. Moramo da vidimo šta se desilo sa određenim kolektivnim ugovorom i ugovorima koji su potpisivani, posebno jedan koji je potpisan zadnji dan rada Vlade u prethodnom mandatu. Da vidimo o čemu se tu radi, koji je to ugovor, kakve su njegove pravne i finansijske i druge posljedice. Isto tako i potencijalno šta taj ugovor vuče kao obavezu u odnosu na druge već potpisane kolektivne ugovore. Ali rekli smo, nećemo dugo oko toga. Ono što smo stigli, evo vezano za program rada. Vi znate da je ovo malo neobična situacija. Morali smo raditi na donošenju budžeta a još uvijek nismo imali usaglašen i donesen program rada. Ima puno važnih odgovora na vaša pitanja. Tako da ja predlažem ovim redom. Da ministar finansija da odgovore onako kako ste tražili, ministre na upite kolega zastupnika. A da tada svako iz resora doda, ne da ponovi ono što je rekao ministar finansija, nego da dopuni odgovor na konkretno pitanje, ukoliko smatra da ima informacije koje mogu dopuniti ministra Halebića. Ako se slažete, evo ja bih toliko.

Ministar Jasmin Halebić:

Zahvaljujem. Još vas jednom srdačno pozdravljam. Ja ću biti kratak. I pokušati biti koncizan u odgovorima. Bilo je jedno pitanje ili više pitanja u vezi sa privredom. Dakle, pozicija koju sam pročitao milion, nije za ZOI; to je pozicija koja će tretirati projekte mladih, obuke u poduzetništvu motivisanja mladih na samozapošljavanje, na osnivanje preduzeća. Ona je stavljena u poziciju gdje se spominju industrijske zone i ZOI ali se spominju i mladi. Program utroška Vlade, ovaj milion će tretirati kategoriju mladih. Zgrada MUP-a. Za zgradu MUP praktično mi nemamo lokacije. Mi smo do sada hajd da kažemo ispekli neki zanat, a to je da ne možemo projekte rješavati tako što upišemo neki novac za to. Taj projekata se u stvarnosti ne dogodi. Sada smo kazali, u komunikaciji sa resornim Ministarstvom da se najprije treba odrediti lokacija, projektna dokumentacija, dobiti dozvole i onda ćemo to podržati novcem. I prethodna Vlada je slično uradila, pa je sa tog projekta na koji su stavili bili oko 2 miliona na kraju preraspodijelila ta 2 miliona jer nije mogla naravno napraviti zgradu u zraku. Prema tome, ne odustaje se od te ideje izgradnje zgrade MUP-a ali moramo pratiti redoslijed koraka. OKFS, bilo je više pitanja o OKFS i povezano sa tim pitanjem i pitanjem opterećenja parafiskalnim nametima privrede u Kantonu Sarajevo. Ja ću nas sviju podsjetiti da je u

periodu od 15 pa na dalje, u BIH a u Kantonu Sarajevo naročito zabilježen ekonomski rast. Ekonomski rast znači porast privrede, mi to vidimo kroz ove javne prihode. A tada je postojao OKFŠ. Prema tome mi ne uvodimo dodatni parafiskalni dodatni namet, drugo ovaj prihod koji smo mi sada uvrstili u budžet je zapravo morao da se usvoji jer nemamo Zakona. Do ovog momenta godišnji obračuni su se podnijeli do 28.02.2020 godine za '19. Poslodavci su obračunali OKFŠ kao jedan od prihoda koji moraju plaćati, mi imamo sredstva koja se gomilaju, prikupljaju na trezoru. To što mi nešto želimo da uradimo, a nismo uradili ne zaustavlja sistem. Prvo trebat će se raspraviti o Zakonu. Zakon može imati različite verzije. Prva verzija je da se promijeni stopa pa da se ublaži. Ona je sada čini mi se 0.7. ona može biti 6, 5 do one krajnje 0%. Prema tome mi se još uvijek hajde da kažemo tražimo u toj našoj konkretnoj mjeri. Sljedeće nije samo parafiskalni namet OKFŠ i ne odustajemo mi sa ovim od rasterećenja privrede. Rasterećenje privrede se može dogoditi i to nam je također opredjeljenje kroz izmjenu Zakona koji tretiraju takse a ti zakoni su oni zakoni koje smo mi povukli zajedno sa svim drugim zakonima, jer je to običaj svake Vlade da povuče zakone, dok ih malo pretrese. Ne sumnjamo, nećemo da kažemo da su prethodnici loše uradili, nego imamo pravo i obavezu da te zakone još jednom pretresemo. Dakle, ne želimo da se pošalje danas poruka da mi prvo uvodimo neke dodatne parafiskalne namete, drugo da odustajemo od naše politike rasterećenja privrede, treće da imamo situaciju da se taj parafiskalni, da ga sistem prikuplja. I četvrto, nemamo Zakona po kojem bi smo mi sada izbrisali taj parafiskalni namet. Sutra bi smo imali u reviziji primjedbju da mi nismo odgovorni prema javnim prihodima, da ih nismo sve uvrstili u budžet. Vansudske nagodbe, bila je konstatacija sve Vlade su vodile brigu o vansudskim nagodbama. Ja ću ispraviti tu ne smatram krivim navodom, ali nisu sve Vlade vodile brigu o vansudskim nagodbama. Vlade su počele voditi brigu o vansudskim nagodbama od 2015, tada su Vladu činili hajde da kažem neki ljudi koji sjede i vodje na različitim pozicijama. Do data su banke skinule bez modela 20 miliona KM sa kamata sa svim pripadajućim troškovima. Onda je tadašnja Vlada iskazala odgovornost i rekla ovo nije dobar model. Uvodi model koji ćemo kreirati koji će značiti vansudske nagodbe. U tom periodu od 2015 na vandsudske nagodbe isplaćeno 24,7 miliona. Plus Zakon tretira ovo pitanje pokaže 0,3% budžeta morate izdvojiti na to, bez obzira imali kakvo vi rješenje ili ne. Naravno mi smo poštovali taj Zakon i svake godine smo 0.3%, uključujući i ovu, jer je to zakonska kategorija izdvojili. U periodu 15-19 i prethodna Vlada je naravno to radila, je izdvojeno 8 miliona KM. Ukupno pošto je ovo priča koja traje 53 miliona KM je plaćeno po vansudskim nagodbama. Šta je uradila prethodna Vlada? Prethodna Vlada je objavila jedan javni poziv. Na taj javni poziv se prijavilo 17 miliona vrijednosti vansudskih nagodi. Znae iz početka kada smo ovaj model kreirali zajedno sa drugima bilo je nedoumica, pa neće vam se niko javiti, pa to nije fer itd. Sada vidimo da je potpuno ovaj model dobio jednu potvrdu, da to ljudi žele i da ćemo mi nastaviti u okviru budžetskih mogućnosti da se ovim modelom bavimo. Ako ništa da kažemo pa evo nešto što smo počeli uz podršku Skupštine naravno i drugih osoba taj projekat nastavljamo. Od 17 miliona koliko je pristiglo u 2019 godini, prethodna Vlada je isplatila 2,9 miliona, dakle 14 miliona KM nije isplatila iz razloga, evo ja ću se truditi da ne komentiram puno ovaj prethodnike, iz nekih razloga. Zbog toga je povećano zaduženje za deficit za 10 miliona. Mi smo taj deficit sada preraspodijeliti u kapitalne projekte. Nismo da kažemo ta sredstva negdje utrošili tek tako. Idemo u kapitalne projekte. Koji donose upravo ekonomski razvoj itd. Koliko će biti za vandsudske nagodbe

vidjet ćemo kako se bude kretala tekuća rezerva. Na tekućoj rezervi smo pored vanskidovskih nagodi koje se nalaze tu tretirali ovaj, koronavirus. Pa sad mjere koje budu se istoj domenu kandidovale. Na kraju ćemo izvijestiti kao što je i nas ova Vlada izvijestila, dakle na kraju godine i Skupštinu ćemo izvijestiti u 2020 mi smo riješili ovog problema nekoliko miliona KM ili x miliona KM. Objektivno jedino je to moguće. Subjektivno, šta bi bilo kad bi bilo. Mogli bi mi ovdje još napisati 100 miliona, pa da bude budžet 1,2 milijarde. Ali opet se ni to ne bi dogodilo. Prema tome, želimo da imamo realnu priču u budžetu i ne želimo da bježimo od obaveza koje stoje u budžetu. Sistemske mjere, infrastrukturni projekti, registar projekata, započeti registar projekata. Mi smo dobili od prethodne Vlade, hajde da kažemo knjižicu projekata gdje su popisani projekti. Naravno to nije zvaničan dokument. Mi smo organ uprave, mi tražimo sve informacije kroz zvanične tokove komuniciranja. To je bio jedan da kažemo vodič aktivnosti koje je prethodna Vlada ostavila ovoj Vladi. Naravno na tome im hvala. Ali mi radimo sistemski. Jedna ili dvije rečenice, vi sada ne prihvatate to objašnjenje, ustvari nije dovoljno jedno objašnjenje. U tom vodiču se nalaze objašnjenja projekata, pa tako po dvije tri ili po jedan pasus. Prema tome, mi ćemo povući ukupne informacije iz sistema i vidjet ćemo koji projekti su u kojoj fazi realizacije. Da ne bi smo se sada bavili time je li to pretenciozno, promotivno s nečije strane bilo, u svakom slučaju dobar potez od prethodne Vlade i mi nastavljamo projekte u saobraćaju. Bilo je pitanje da li ćemo nastaviti projekte u saobraćaju. Naravno, ja sam pročitao projekte pretpostavljajući da je to interes i zastupnika i građana na kraju krajeva. Spomenuo sam iznose projekata koji znače inostrano zaduživanje. Objasnio sam proceduru koju mi kao Kanton moramo proći i otprilike vremenski period u kojem se jedno zaduženje može što se tiče finansijske i projektne dokumenatacije dovesti do početka da se negdje nešto zakopa. To je godina dana. Subvencije vrtićima se nastavljaju. 1,7 miliona KM je planirano u Budžetu. Imamo i ambiciju da pojačamo instituciju JU Djeca Sarajeva pa da se iz te subvencije jer to nije trajno rješenje, to je bilo rješenje da se riješi višegodišnji problem. To je dobro rješenje ali naravno nije trajno rješenje. Vjerovatno bi i prethodna Vlada da je imala priliku išla ka trajnije rješenju, da tako kažem. Ono što je bilo u Budžetu bit će i sada. Ja sam rekao da smo 3,5% budžeta promijenili, postalo nismo. Subvencije nismo promijenili, ione su tu. Isplata presuda, to sam objasnio, zgrada MUP-a također. Transfer predsjedavajući Skupštine ministar finansija, premijer. Uredba o kriterijima za finansiranje programa i projekata neprofitnih organizacija daje pravo da tri osobe mogu objavljivati te pozive. Predsjedavajući Skupštine naravno, premijer naravno, ministar finansija. Uredba je donesena 2011. Godine. Sredstva se mogu odobravati i pojedincima koji su u stanju socijalne potrebe, liječenja, i po svim resorima. Ne moram ja iz finansija, samo finansijama, odnosno ministar finansija, samo finansijama objaviti. Iz domena finansija odobravati te projekte, nego i drugim, iz svih drugih resora, premijer također, predsjedavajući također. Ono što smo sada uradili da smo uradili, da smo vratili sistem, da smo ga resetovali na ono prethodno. Prethodno je bilo da je ta pozicija bila u Ministarstvu finansija u našoj usmenoj komunikaciji predsjedavajući Skupštine je iskazao ideju spremnost da se ta pozicija vrati a da se preostali iznos opet transparentno, onaj nivo transparentnosti koji je postignut u kabinetu predsjedavajućeg Skupštine, da se taj nivo transparentnosti održi i da se vidi da li će nam ta pozicija trebati. Daj bože da nam ne treba. Jer je to najbrža pozicija. Daj bože da nam ne treba u smislu realizacije, najbrža pozicija. Policijska uprava MUP Kantona Sarajeva 700.000. podatak je da li će bruto plaće biti ugrožene. Naravno da neće bruto plate biti ugrožene za PU.

2019 je njihovo izvršenje, dakle svi su primili plate i svi su primili po kolektivnim ugovorima dva puta nagradu je bilo 45 miliona KM. Sa popravkom, sa dogradnjom kolektivnog ugovora mi smo taj iznos povećali na 50 miliona KM. Dakle provjerite to u budžetu, majko 50 miliona je ta pozicija. I mi smatramo da će se sve plate ponovo u PU, u MUP-u i naravno u svim drugim organima uprave izmiriti u 12 mjesečnih plata dakle januar –decembar. Sljedeće je bilo azil da l to znači odustajanje. Ne, ne znači. Pozicija je bila 2 miliona, mi smo tu poziciju umanjili za milion, prebacili smo ga na mlade, to sam objasnio odmah na početku, osao je milion. Taj projekat je tekući projekat i mi ne odustajemo naravno do tog projekata nego kažemo imamo i drugih prioriteta. Između ostalog dovršiti ovaj projekat naravno, prihvatilišta za pse lutalice i pojačati istovremeno sektor mladih. Žičara 14 miliona je ukupna vrijednost, ovo je samo projektna dokumentacija. Resorni ministar će se više uključiti u vezi sa studijom održivosti odnosno uticaja na okoliš sječom šume u vodozaštitnoj zoni. Donacije, šta je sa donacijama, Bošnjačka ima nisam napisao koji iznos, Grafička nema. Za grafički dizajn nema. Donacije su znate otvorena pozicija, kada bi bogdo svaki budžetski korisnik milion KM donio donacija u budžet mi bi smo to na Vladi jednim unosom sve stavili kao mogućnost potrošnje. Ovo su njihove procjene koliko neko od njih ostvariti donacija, ne iz budžeta, iz budžeta je redovno finansiranje. To bi značilo ja se nisam ovome posvećivao ali dinamika je za svakog takva. Ko god ostvari donaciju, prijavi nam tu donaciju, u smislu obavijesti nas, mi kažemo super, čestitamo, unosimo tu donaciju, potrošiti je u skladu sa namjenom za donaciju koju donator utvrđuje. I to nam je OK. Dakle to su njihove aktivnosti, ko je od njih aktivniji, agilniji, u prikupljanju donacija, zaista to ne znam. Ali donacije nisu problem da ih mi primimo u budžet. Dajemo i neke donacije evo Srebrenici, ne znam grantove itd. Ali ne doniramo Bošnjačku gimnaziju, ne doniramo škole. Njih finansirano, njih ne doniramo. Zdravstvo. Ima li više informacija o projektu borbe protiv karcinoma. Ima ta informacija se nalazi u programu javnih investicija, program javnih investicija ima jedan obrazac koji se zove IP obrazac. Informacija o projektu. Svaki podnosilac projektne inicijative je u obavezi da ispuni taj IP obrazac i da da sve potrebne informacije o ovom projektu. Mi smo, evo to nisam spomenuo, ali evo sad ću, u ovih pet dana svaki dan smo imali sjednicu, izmijenili program javnih investicija i tu kapitalnu investiciju uvrsti u program javnih investicija. Naravno popratna dokumentacija je u programu javnih investicija. Finansiranje časopisa koji nisu indeksirani. Pitanje naravno da li je to nauka. Naučni časopisi moraju biti indeksirani, postoje svjetske relevantne baze, SSC, Scopus i ostale baze u kojima se evidentiraju i registruju i to zapravo znači indeksaciju časopisa. Ako ovo nisu indeksirani časopisi mi u sektoru obrazovanja, ne želim da uzimam riječ ministru težimo podizanju kvaliteta. Uslovi za izbor u akademska zvanja su također podignuti. Dakle ne može se sada bilo gdje objavljivati. Oni časopisi koji nisu indeksirani to su više stručni časopisi, nisu u domenu nauke, nego struke i onda se mogu finansirati iz drugih pozicija. Ovdje nam, ako bi smo nešto mijenjali, onda bi smo pružili podršku časopisima da s indeksiraju. A ne bi nam trebalo biti opredjeljenje da podržimo časopise koji ne žele da se indeksiraju. Dakle da budu u fazi u kojoj jesu jer očekuje se da napravimo praktično iskorak u tom smjeru. Obezbijedili smo 2,8 miliona za finansiranje nauke. Kada sam se već dotakao plata UNSA, spomenuto je i to. Plate UNSA su prošle godine izvršene, svi primili platu, u iznosu od 100 miliona. Mi smo u ovom budžetu planirani 105,5 miliona KM na plate. Ponovo ista poruka neće niko biti, bilo da je UNSA, sada je UNSA sada budžetski korisnik, ni jedan budžetski korisnik neće se dovesti u tu nezgodnu

poziciju, naravno da svi žive od plata da mu se ne isplati plata 12 ili bilo koja druga. Otvorena nova pozicija, reforma obrazovanja. Mi smo otvorili dvije nove pozicije. Jedna je Centar za izvrsnosti u obrazovanju a druga je reforma obrazovanja. Jedna je 200 a druga je čini mi se 400 ili obrnuto. Ne znam sada koja je, ne znam napamet koja je koja, ali te smo dvije reforme uvažili. Možda sada sam ja brzo čitao pa nije neko primjetio, ali te dvije reformske inicijative se finansiraju sa preko pola miliona KM. Pored toga UNSA i to je dobra okolnost ima razgraničena sredstva od nekih 20 miliona. Ta razgraničena sredstva znači da nisu potrošili 20 miliona u 2019. Naravno ta njima sredstva se vraćaju ponovo će se ona implementirati na UNSA. Smatramo da su ta sredstva dovoljna. Mi smo UNSA prihvatili sa punio manjim budžetom prije dvije godine u budžet. Sada je taj budžet UNSA značajno povećan. Naravno ako bi smo počeli pričati o željama onda samo nebo je granica. Ali budžetsko ograničenje koje smo postavili je sasvim dovoljno da UNSA stabilno posluje i da ove projekte koje zajedno ovdje odobravamo a vi odobravate, kao što je program nauke, prvenstveno je to praktično priča o UNSA i o ljudima koji se bave naukom, da se implementiraju. Spomen obilježje, antifašistička borba. Antifašistički duh Sarajeva, naravno da mi negujemo i želimo da negujemo antifašistički duh Sarajeva i naravno u historiju koliko god se ode u historiju. Neka infrastruktura je izgrađena, neka nije, ova prethodna je bila izgrađena, ona je više sada tema da kažemo održavanja onoga što je izgrađeno, ova kapitalna investicija je bila investicija koja nije izgrađena, spomen obilježje borbama ARBIH, ne znam jel tu i MUP. Centralno spomen obilježje je investicija koja nije izgrađena. Mi možemo eventualno pričati o Vracama kao projektu koji treba održavati i dovesti u neko stanje koje je i ranije bilo. Aktivnosti koje su bile podrške Igmanskom maršu itd, koje su baštine ovu prvu borbu antifašističku naravno će se podržati kroz budžet i u omjeru u kojem se to podražavalo i ranije. Čuli smo da su boračka udruženja iz tog perioda bila zadovoljna tom podrškom, mi je naravno nećemo ukidati, nemamo potrebe da takve pozicije, niti nam je to opredjeljenje niti politika. Kultura KK Bosna. To je bilo na grupnoj poziciji, ministar je izvadio podatak i o ukupnoj podršci koju je KK Bosna primila preko ovog resornog Ministarstva. Čini mi se da je riječ o milionskom iznosu. Ona sredstva koja su bila planirana i koja su izvršena u 2019 godini, vjerujem da su bila u prijedlogu za 2020 godinu. Mi tu poziciju možda ste primijetili nismo dirali, u smislu da je umanjujemo. Omjer koliko je iz kulture, koliko iz sporta. Evo sada je sretna okolnost, ili takva okolnost kakva jest da je ministar sa back groundom iz sporta vjerujemo da će imati senzibilitet prema tom domenu resora kultura i sport pa da će ako ništa umanjiti taj disbalans koji postoji na kulturi. Taj disbalans je zbog toga što imamo ustanova iz kulture 12 ili ne znam 14 i one naravno imaju svoje budžete. Zbog toga kada podvučemo liniji i kažemo u KM, ovdje su institucije a ovamo nemamo institucije sporta kao što imamo u kulturi. Sljedeće je bila Gerontološki centar. KJU Gerontologija je kolokvijalno je zovemo, započet je projekat u iznosu od 700.000 KM. 400.000 je prethodna Vlada uradila bili su stavili nastavak tog projekta u Rebalans od 150 ili 160000 KM jer je standard pružanja usluge tamo jako nizak. Došla je informacija da ustanova želi da podigne cijene za štíćenike te ustanove. Mi naravno ne želimo to su kategorije kojima se ne bi trebala podizati cijena, jer to nije ustanova koja posluje na komercijalnom principu posluje, dogodio se sada nastavak onoga što prethodna Vlada praktično nije kroz rebalans, jer se rebalans nije usvojio, uspjela da dovrši u tom podizanju standarda usluge i podršci poslovanja za Gerontološki centar. Nova metodologija, naravno, metodologija ja sam kazao da smo prešli na novu metodologiju, ona podrazumijeva

da Vlada usvaja utrošak sredstva za pojedine programe, transparentno o tome objavljuje. Ti programi utroška se objavljuju u Službenim novima i objavljuje u formi izvještaja o izvršenju budžeta koji predočava Skupštini. Na dva načina, službene novine i na kraju godine sumarno. Tako da ta vrsta transparentnosti će sigurno biti prisutna i po ovom novoj metodologiji. Mi nismo ovu novu metodologiju koju smo naslijedili shvatili ili razumjeli kao pokušaj da se smanji transparentnost u procesu planiranja i izvršavanja budžeta. Naprotiv da se efektivnost i efikasnost izvršavanja budžeta podigne na jedan viši nivo. Budžet za građane naravno bit će budžet za građane. To je dio ekspozice. Budžet za građane da bi se donio, mora se prvo donijeti budžet. Tako da prvo evo nadam se da će Skupština usvojiti ovaj Budžet danas, sljedeća aktivnost u domenu budžeta je da se pravi budžet za građane od usvojenog budžeta. Mi ne možemo praviti budžet za građane za budžet koji nije usvojen. Onda bi nam građani rekli pa šta je ovo, ovoga nema ima, itd. Prvo usvajanje budžeta zatim budžet za građane. U 100 dana ćemo isporučiti budžet za građane kao dokument koji budžet približava građanima. Bilo je pitanje o nabavci vozila. Službena vozila za sud meni se čini, općinski sud koji je iskazao potrebu za tri ili je kantonalni. Općinski, za nabavku tri vozila, prethodno smo informisali o stručnoj službi za zajedničke poslove koja upravlja voznim parkom. Oni su nam kazali da je i njihov vozni park prilično oronuo, dotrajavao i da nemaju vozila na raspolaganju koja bi dali drugim korisnicima. To ne isključuje mogućnost bilateralnog izlaženja u susret, kao što je bilo u prethodnoj Vladi. Mi nismo naravno za ovih 5 dana mogli da vidimo da li neki ada direktora ustanova ili nekih drugih direktora ili organa uprave koji imaju pravo na službeno vozilo želi da se tog službenog vozila odrekne u korist ove potrebe koja jeste realna za Kantonalni sud. Zbog toga smo stavili ovaj iznos od 60.000. Ukoliko proširit ćemo ovaj dopis, ne samo komunikacija sa stručnom službom za zajedničke poslove nego sa svima u sistemu ukoliko se neko javi da želi da svoje službeno vozilo prepusti, da da na upotrebu resoru sudstva, nama je to samo da preknjižimo s jednih na druge, time bi se ova pozicija umanjila. Time bi ovu poziciju aktivnost šire komunikacije sa sistemom nismo uspjeli provesti u ovih 6 dana. Ova je informacija iz službe za zajedničke poslove koja nabavlja vozila koja vodi računa i brigu o voznom parku Kantona. To je njihova procjena dakle, još je bilo Direkcija za robne rezerve. Plaće da li su za jednog pomoćnika te plaće obračunate. Znači budžet je instrument koji je planski dokument, ako se taj pomoćnik, a razumio sam da je oglas za njegovo zapošljavanje negdje zalijepljen na oglasnoj ploči. Ako se on primi u radni odnos naravno da ćemo mi obezbijediti u budžetu i njegovu plaću. Zašto do sada nije bila, ne znamo zašto nije bila. Mi cifre do 1000, 2000 i 3000 praktično podrazumijevamo da ćemo rješavati u hodu. Ako nečija plaća 12x2500 u brutu nije predstavljena u Budžetu u 12 mjesecu imamo viškova na nekim platama, na nekim budžetskim korisnicima imamo manjkova. Onda mi to sve sravnimo. Oni koji imaju viškove kolegijalno to prepuste, jer ne mogu ih potrošiti bez Vlade, bez Ministarstva finansija, ni u kakvu drugu svrhu. Viškove sa plata prebacimo kod onih kod kojih se iz nekog razloga ukaže manjak. Ako to bude Direkcija za robne rezerve naravno da će i Direkcija za robne rezerve dobiti sredstva za isplatu plaća. Koronavirus privreda turizam izvoz, da li imamo ikakve mjere. Pa neozbiljno bi bilo s naše strane da mi sada izađemo sa nekim dokumentom koji se tiče jednog takvo ozbiljnog pitanja. Prepoznali smo da Vlada Federacije koja je u kontinuitetu da kažemo, da osmišljava paket mjera za podršku privrednicima. Ostvarit ćemo komunikaciju sa Vladom FBiH da vidimo da li mi kao Kanton da li su neke aktivnosti planirali, koje su oni planirali da se mi ne ponavljamo koja su

sredstva planirali tako da vidimo da li mi možemo potrebu prepoznavamo, zasigurno trebamo. Na koji način se možemo uključiti u podršku privredi zbog dejstva korone. Kako će se ova situacija razvijati. Mi ne znamo kako će se situacija razvijati, zašto nismo nekoliko miliona više ili manje predvidjeli. Ovo je situacija praktično kada imamo sadašnje informacije za tekuću rezervu smo stavili određena sredstva 1,3 milina, za ono sve što ne znamo i nije napisano u budžetu, tekuća rezerva se može koristiti za pokrivanje takvih vrsta troškova. Zgrada 5 miliona u saobraćaju planirana je izmještanje zgrade. Dogodine je planirano 7 miliona. Ukupno 12 miliona. Zgrada košta više. Ukupno 12 miliona i želimo da se konačno taj višegodišnji problem riješi da se ta saobraćajnica nastavi izgrađivati. Planirano 5 miliona na resoru saobraćaja. Gras skinuta sredstva, zapravo nisu skinuta sredstva nego je skinuta subvencija pa je sada Gras doživio povećanje prihoda. Jer kada nekome skinete subvenciju onda to znači da će taj plaćati kartu. Kartu plaća Grasu i Centrotransu, povećavaju se sredstva. Trebala bi da se povećaju sredstva za javni prijevoz. Mi funkciju javnog prijevoza držimo stabilnom, to je ono što se može sada reći. Nastavljamo započete projekte sa Britanskom ambasadam, sa konsultantskom kućom PWS sa ostalim projektima koji se u ovom resoru događaju. Mi to nismo shvatili samo kao podršku isplati plata nego podršku funkcionisanju Grasa. Gras ima složene probleme i dug i gorivo itd. Tako da smo da Gras uvijek posmatramo šire ne samo plate. Bilo je pitanje kompleks na Žuči. Vjerujem da je to pitanje iz Ministarstva za boračka pitanja. Kompleks na Žuči je započeti projekat. Mi ga ovdje nismo pročitali u smislu da ga smanjujemo, povećavamo. Ukoliko čini mi se da ga vodi lokalna zajednica, ukoliko mogemo naći da kažemo neki zajednički osnov, i zajednički nazivnik naravno da podržavamo takvu vrstu projekata. Mi smo razgovarali o centralnom obilježju za borbe. Ne znam je li bilo brzo, bila je sugestija da to brzo sve ispričam.

Predsjedavajući:

Zahvaljujem ministre. Obzirom da ste to detaljno pripremili. Pozivam ministre, ukoliko nešto nije odgovorio ministar, mislim da je sve obuhvatio odgovore, evo prozvat ćemo ovako po redoslijedu. Ministar Jusko Ismir, izvolite.

Ministar Ismir Jusko:

Zahvaljujem predsjedavajući. Još jedanput koristim priliku da pozdravim sve prisutne i gledaoce koji prate ovu Skupštinu. Zahvaljujem se na postavljenom pitanju od uvažene zastupnice Kristić i zastupnika Konakovića. Kada je u pitanju nova zgrada, ja ću samo evo dati jednu malu uvertiru, prije nego što smo i položili zakletvu, ja sam već tada razgovarao sa uvažanim ministrom Kapidžićem i rekao sam da ću mu sigurno konstantno dosađivati kada je u pitanju nova zgrada MUP-a zbog toga što je za sve nas to jedan od najvećih prioriteta. Informacije radi, ovo je nama šesti dan u ovom mandatu, ja sam već prvi dan rekao svojim najbližim saradnicima da ćemo u najkraće vrijeme formirati jednu radnu grupu zbog toga što mi u ovom momentu nemamo ni slova na papiru šta ta zgrada sve treba da sadrži, a ta radna grupa treba da donese informaciju koliko imamo uposlenika u administraciji, koliko u PU Novo Sarajevo i u Saobraćajnoj policiji koji bi trebali da budu smješteni. Da to sve stavimo na papir, da dođemo i da idemo prema projektnom rješenju. Nešto više će vam kasnije reći i ministar Kapidžić o rezultatima ovoga što smo razgovarali sumirano. U ovoj godini imamo sasvim dovoljno sredstava da se napravi projektna dokumentacija. Za sve one koji znaju koji

je to proces, pretpostavljam da znaju kada se pravi tolika zgrada da to nije proces koji se može uraditi u kratkom vremenskom periodu. Ako mene lično pitate i u razgovoru sa kolegama iz Vlade, čak i ako se desi da taj proces bude ubrzan, u toku ove godine, budite uvjereni da će se naći sredstva za početne, inicijalne radove. Kada je u pitanju nabavka helikoptera. Ja sam to više puta istakao i u medijima, da sigurno jedan od ljudi koji sjedi u ovoj sali i koji jedva čeka da ga vidi parkiranog negdje, da je u upotrebi da stoji na raspolaganju svim građanima i šire Kantona Sarajevo, sam sigurno ja. Međutim kada pogledamo sve prioritete, u ovom momentu ja ću se samo osvrnuti na stav radne grupe koja je radila po ovom pitanju. Pa koja kaže da su sve etape podijeljene u tri segmenta. Jedna od najvažnijih da se timu od četiri pilota i osam avio mehaničara pošalju na edukaciju. A ta edukacija treba da traje tri godine. Hipotetički da ove godine krenemo u nabavku helikoptera i da ga nabavimo do kraja godine, od tog momenta, kada bi u tom momentu kada bi završili kompletnu procesnu proceduru koja je vezana za odabir kandidata koji trebaju da idu u drugu zemlju, malte ne letjelica bi dvije do tri godine stajala po strani, u hangaru kojeg također nemamo. Znači ne posjedujemo ni projektnu dokumentaciju za hangar. Ne poznaje se lokacija gdje bi hangar trebao da bude. Postojala je jedna inicijativa da to bude na aerodromu, međutim znam da su kolege dole bile, da imovinsko pravni odnosi nisu riješeni po tom pitanju, tak da sa te strane, idemo redoslijedom prioriteta. Prije svega izbor kandidata za pilote i aviomehaničare. Njihova selekcija, njihovo slanje na obuku, a onda tek možemo ući u etapu, po etapu u drugu priču. Mislim da sada kada bi zamijenili redoslijed ovih događaja da bi faktički došli u situaciju samo sami sebi da skačemo u stomak. Da li nam je u interesu to da imamo naravno da jeste. Ali samo da pratimo etapu po etapu faktički koju je napisala ta radna grupa. Dozvolite mi da samo pročitam jedan pasus, predsjedavajući komisije je predvidio dinamiku obavljanja poslova, koja kaže da se prvo treba izvršiti prijem kandidata u radni odnos i poslati iste na edukaciju i z navedene oblasti a tek nakon što se steknu uslovi za sve navedeno izvršiti nabavku hangara za helikoptersku jedinicu i samog helikoptera. Ovdje je malte ne p tom pitanju sve rečeno. I još na kraju da se osvrnem kada je u pitanju prebacivanje sredstava od 700.000 KM sa Uprave na administraciju. Moj uvaženi kolega Katica je započeo jedan proces, ja vjerujem da bi ga on i završio do kraja, međutim ove smjene koje su se desile nisu mu to dozvolile, a to je da u skladu sa kolektivnim ugovorom za državne službenike i namještenike pripremio pravilnik o plaćama službenika i namještenika te isti dostavio na mišljenje. Ovim amandmanom se omogućava njegova implementacija i sprječavanje tužbe po članu 545 Zakona o državnim službenicima i namještenicima u Ministarstvu. Poruka prije svega mojih uvaženim kolegama iz MUP-a isto tako informacija je za uvažene zastupnike i zastupnice, budite uvjereni da ni jedan uposlenik MUP-a neće ostati oštećen po pitanju svega onoga što njih sleduje. Samo neka oni rade svoj posao, ovo je samo bila jedna prekompozicija da ne dođemo u situaciju da imamo nove tužbe, a ja sam već razgovarao sa ministrom finansija sa te strane, a već je to ministar i nagovijestio da ne mogu doći da tako kažem da budu oštećeni po ovom pitanju. Ja sam isto tako dobio informaciju da se sindikat Ministarstva unutrašnjih poslova u potpunosti slaže sa ovakvim stavovima i podržava da niko u MUP ne treba biti favoriziran nego trebaju biti svi isto zastupljeni. Hvala.

Ministar Kenan Alikadić:

Uvaženi predsjedavajući, zastupnici, premijeru, kolega ministri, posjetioci, predstavnici medija, ja vas sve srdačno pozdravljam. Ja sam imao tri pitanja iz oblasti kulture i sporta, koja su danas bila delegirana. Prvo pitanje se tiče omjera ulaganja u kulturu, odnosno neke ustanove iz oblasti kulture. Ja sam u prethodna dva dana posjeti 11 kulturnih ustanova gdje smo razgovarali, delegirali neke od problema i trasirali sam put djelovanja ovog Ministarstva kada je u pitanju ono što nije definisano samim zakonom i podzakonskim aktima iz oblasti kulture, tako da će to biti predmetom jedne kvalitetne analize koja će svakako omogućiti svima da budu ravnopravno zastupljeni na ovim grantovima koji se definišu iz oblasti kulture. Tamo ste mogli vidjeti da su budžetske pozicije njih tačnije nekih par stotina procesom agregacije svedeno na njih sedamnaest, tako da će to biti jedan sublimiran budžet gdje će se na osnovu kriterija koji budu jasno definisani a poziv se već raspisuje u petak, svi imati mogućnost da u okviru kvalitete svojih projekata učestvuju u samom djelovanju iz oblasti kulture. Kada je u pitanju tamo je jedan od zastupnika spomenuo povećanje plata. Ono što je ova Vlada zatekla odnosi se na kolektivni ugovor koji je potpisan 27.12.2019 godine, on je definisao određena prava, proizveo određene finansijske obaveze koje smo mi kao ministarstvo morali amandmanom da ugradimo u ovaj budžet, budžetske plate po tom kolektivnom ugovoru su isplaćene u januaru u iznosu od 116.000 a projekcija za ovu godinu koja je morala biti amandmanom biti ugrađena u budžet podrazumijeva povećanje od 1.350.000 KM za oblast djelovanja u kulturi. Kada je u pitanju uvaženi zastupnik Stojanović, kada je u pitanju njegovo pitanje iz oblasti sporta, u Ministarstvu kulture i sporta ne rade četiri nego dva uposlenika iz oblasti sporta, i to je jedan od razloga što mi danas imamo i ono naredno pitanje koje je on postavio a odnosi se na samu KK Bosnu i njegov angažman. KK Bosna je u 2019 nije dobio 120.000 KM nego 165.000 KM kroz aplikacije po projektima i 69.901 KM a odnosi se na uplatu termina za sam trenažni proces. To je ukupno 234.901 KM što je svakako jedan od vodećih klubova kada je u pitanju ulaganje ovog Ministarstva u oblasti sporta. U 11 godina taj klub je dobio blizu 2,4 miliona KM iz budžeta Kantona Sarajevo što je svakako jedna kvalitetna podrška ali svakako i nedostatna kada je u pitanju razvoj vrhunskog sporta. Ono što je problem u oblasti sporta i što nije bilo definisano i drago mi je da je uvaženi zastupnik Stojanović trasirao da kažem to pitanje, tu problematiku, iskreno nadam da ćemo u narednom periodu zajedničkim snagama uraditi nešto po pitanju sporta. Mi nemamo svakako ni jedan Zakon niti podzakonski akt ni bilo kakav drugi normativ koji bi definisao status vrhunskih sportista kojih nema puno u Sarajevu kada uzmemo strukovne saveze i sve one rezultate koje su postignuti na vrhunskom nivou. Druga stvar, koja je vrlo bitna a nije sastavni dio ovog Ministarstva odnosi se na postojanje inspekcije, odnosno uposlenika u oblasti inspekcije koji bi mogli da kažem preventivno djelovati imali bi neke poluge mehanizme gdje bi mogli da uočimo neke nedostatke odnosno probleme koji se dešavaju u određenom klubu ili udruženju, zavisno od oblika kako je on organizovan tako da bi mogli preventivno djelovati, imali bi neke pokazatelje odnosno neke alarme koji bi se palili blagovremeno i mogli bi da usmjeravaju samo angažman kako Ministarstva kulture i sporta Kantona Sarajevo tako i Vlade i same države kada je u pitanju razvoj sporta. Mi ćemo u narednom periodu, danas bi bilo zaista neozbiljno da ja govorim o nekim smjernicama koje se moraju poduzeti odnosno o nekom akcionom planu kako da doživimo KK Bosna koji je svakako gigant u oblasti sporta. Ja dolazim iz porodice Bosna klubova, bio sam dugo član

Karate kluba Bosna i iz tog perioda poznajem gospodina Konakovića i Stojanovića kroz njihov angažman u KK i evo vidim u ovim zastupničkim klupama imamo dovoljno sportista tako da možemo ravnomjerno krenuti u proces određenih promjena kada je u pitanju sport. Mi ćemo nakon samog angažovanja timova iz oblasti analitike dostaviti detaljan plan kako ćemo u narednom periodu krenuti u sam razvoj sporta, odnosno elitni sport koji u ovom Sarajevu u ovom trenutku u Kantonu Sarajevo možda nije adekvatno zastupljen. Hvala.

Ministar Faruk Kapidžić:

Predsjedavajuće, dopredsjedavajuće i sve prisutne. Evo prvi put u životu zato nisam htio odozdo pričati, reko moram probati ovo. Da vidim kako izgleda. Na mene se možda direktno odnosilo jedno ili dva pitanja, međutim i neki drugi resori koji su imali određena za koje ste imali pitanja ja ću se upetljati jer možda do sada to nije bila praksa, uglavnom se Ministarstvo prostornog uređenja spominjalo od kraja oktobra pa tako do februar i uglavnom se spominjalo kada se radilo o okolišu, a zapravo je to Ministarstvo prostornog uređenja, građenja i okoliša. Tako da dosta pitanja se zapravo odnosi za ovo Ministarstvo mada nije upućeno. Dopredsjedavajuća Kristić je postavila pitanje za žičaru i studiju vodozaštitne zone. Stvar je u tome što naravno da bi se studija radila i to je obaveza pri takvim zahvatima projektantskim zahvatima iz infrastrukture, međutim, ja smatram, ja zapravo možda malo drugačije gledam itd- kada je bilo ovo oko budžeta, mi smo imali razgovore sa svim načelnicima i sa gradonačelnikom i sa svim institucijama ovim i u najmanju ruku zapravo sam dokazao sebi jer sam ja vidio taj problem kroz praksu da je najveći problem što se tiče urbanog planiranja zapravo u toj komunikaciji između opština, Grada, Zavoda za planiranje i Ministarstva. Ministarstvo dugo vremena nije ni postojalo u toj smislu i zbog toga se pojavila ova stavka za žičaru odnosno za projekat žičare. Kolega Nikšić je spomenuo da je to premalo para za žičaru. To je premalo para i za projekat, obzirom da u nekim procjenama i prvim razgovorima žičara će možda koštati i do 40 miliona. Projektna dokumentacija za takve objekte 3 ili % sa svim sadržajima. To će sigurno biti preko milion ili milion i po. 50.000 KM je odvojeno u ovoj stavci, odnosno ja sam našao prostor za ovu stavku iz prostog razloga da se napravi idejni projekat odnosno da se preduhitri opština Ilidža je u priči jako zainteresovana da to radi, gradi i kako se radi pruga Hrasnica Ilidža, kako se gradi, opština Ilidža bi ušla i u ovo. Međutim ja neću da dozvolim da se bez planova ovo radi, zato što sam u neformalnoj priči došao do rješenja gdje recimo pruga željeznička i žičara početna stanica na nekom razmaku od možda 800 metara, ili kilometar. To nema razloga da nam se dešava jer to mora biti jedinstven infrastrukturni projekat koji će povezati tramvaj sa žičarama. Onda nam treba žičara do žičare. Iz tog razloga sam isforsirao da iskontrolišem proceduru i da napravim projektno rješenje koje će biti sukladno da u budućnosti možemo da pravimo takve projekte i tu je odvojeno 50.000 KM da se napravi idejni projekat. Na osnovu idejnog projekta će se raditi studija. Kada se poziciona trasa itd. Međutim ja smatram da nećemo imati potrebe sa studijom zato što paralelno sada od decembra prošle godine su 4 urbanistička plana kod mene u Ministarstvu ja sam tek ovlaš uspio da ih pogledam su pripremljena u nekom prednacrtu a urbanistički planovi se rade na period od 20 godina. Ja stvari kao što su žičara, kao što je zgrada MUP-a i sve ovo što se veže zapravo ide kroz te urbanističke planove koje bih pokušao da ih napravimo završimo i usvojimo do kraja ove godine a oni i imaju obavezu izradu sveobuhvatne studije o uticaju plana na okoliš. A pošto bi se ovo paralelno dešavalo, nema potrebe da

bacamo pare i da dajemo duple pare za istu stvar. Nego ako se ovo uradi, ta će studija biti urađena i za taj dio. Zbog toga, to ćemo vidjeti u procesu kojom ćemo dinamikom ići⁸. Ako bude ovo sporije onda ćemo raditi. A ako nam ne treba nećemo bacati pare za to. Kolega Igor Sotajanović je spominjao ukidanje stavke zaštite zraka 200.000. Ja moram priznati ja sam se prvi put susreo sa ovim dokumentom budžeta, tim resorom i tako dalje, ali principijelno odmah mi je upala ovakva stavka, dobro to je nesretno napisano. Stavka zaštite zraka. To ne znači ništa, to su radi stavka o zaštiti protiv zagađenja zraka, odnosi se na mjerače čistoće zraka. E sada ja sam odmah rekao to nećemo raditi to se radi iz kreditnih sredstava i odmah sam rekao da to ne dolazi u obzir eksplicitno što je moje mišljenje, i sa provjerom sa terena mi smo te mjerače postavili imamo ih dovoljno. I mi tačno znamo, čak imamo ih više nego mnogi europski i svjetski centri. Imamo dobar presjek zraka količina prljavosti u zraku i njegovog kretanja. Nema potrebe da trošimo 200.000 EBRD kredita na to, i onda sam rekao bitnije mi je da recimo peduhitrim grešku u Općini Ilidža pa da ta žičara bude pogrešno postavljena, jer da sam imao prilike da se uključim na žičaru, ovu koju imamo ona bi sigurno išla sa parkinga sa Vijećnice a ne sa pola brda. Jer to su greške koje mi pravimo samo zato što nisu uvezane strukture opština i gradonačelnik nisu u komunikaciji, to tako nastaje, jedna dobra investicija druga nisu sklopljene u jednu cjelokupno rješenje. I gospodin Samir Suljević je postavio pitanje za zgradu Južne longitudinale, odnosno ta stambena zgrada. To je opet priča identična. Načelnici općina, Zavod za izgradnju, Zavod za planiranje ovo Ministarstvo to nikakve komunikacije nema i vezano za ovo, iako je to možda konkretno slučaj saobraćaja jer on to sprovodi, obzirom da sam ja Ministarstvo prostornog uređenja, a izmješta se jedna zgrada, naravno da sam se uključio i u tri sastanka sa Zavodom za izgradnju, Zavodom za planiranje i načelnikom dobio sam tri različite informacije. A to se radi sredstva stoji 5 miliona stoji mi plaćamo pare za ta sredstva a to stoji iz nekog razloga iz kojeg ja sada treba da dokučim zašto je to i ko je tu u pravu. Odnosno vjerovatno niko nije u pravu i tu možda nema ništa ni sporno, samo što to treba posložiti. Došlo se do urbanističke saglasnosti i ne izdaje se. I to su sada razlozi. Sutra može investicija krenuti ukoliko se raspetlja taj trokut, jer sada treba samo uhvatiti zašto se ne izdaje urbanistička. Ja sam dobio tri različite informacije, pa ćemo sada da vidimo. To je jedan od ciljeva. I isti slučaj samo brzinski odgovor za zgradu MUP-a. Sa kolegom Juskom smo prvi dan pričali u vezi toga ne može se ovdje nabacivati izdvajati pare za zgrade a da prije toga nemamo kompletnu dokumentaciju i da znamo koliko košta. To je moj stav a to je isključivo strukovni stav, inženjerski stav. Znači ne samo za zgradu, za bilo šta, pa čak i za famozni helikopter. Ako nemamo to šta trebamo da uradimo i napravimo, ne znamo ni koliko košta, ne trebaju se davati pare za to. Ni stavljati na budžet. Mi smo imali situaciju, ja sam bio uključen u projektovanje vezano isto za ovo, za bolnicu u Jagomiru forenzičke psihijatrije. Dva puta se u budžetu stavljale pare za to 2 ili 3 miliona. Meni je to sve izgledalo čudno. Reko možda to tako ide. Ne da projekat nije ni urađen, nego nemamo ni idejni. To se već stavlja. Eto samo to da kažem vezano i za zgradu MUP-a da ćemo napraviti u toku ove godine pripremiti za idući budžet. Hvala.

Ministrica Nihada Glamoč;

Pozdravljam još jednom sve prisutne u Sali i gledaoce. Ja ću odgovoriti samo na pitanje dodatnih sredstva u budžetu po pitanju subvencije. Neki od nas su kako iz medija nego iz drugih izvora da imamo otvoren predmet u energetske zajednici po pitanju subvencije za gas

koja je u prošloj godini upućena prema našim sugrađanima preko preduzeća Sarajevo gas. U ovom trenutku imamo činjenično stanje da je potpisan sporazum između Sarajevo gasa i resornog Ministarstva na osnovu zaključka prethodne Vlade gdje predviđeno da za dva mjeseca je potpisan sporazum date su izjave za prvi kvartal da će biti obezbijedena sredstva a u budžetu su planirana samo dva miliona. Za prva dva mjeseca, januar i februar preduzeće Sarajevo gas je preko naše sugrađana već je subvenciju i fakturisao u Ministarstvo finansija za 4,9 miliona tako da je apsolutno ova Vlada podržala zato što su već stvorene obaveze kod ovih preduzeća i planirana su sredstva za ovaj budžet za prva četiri mjeseca za subvencioniranje.

Ministar Anis Krivić:

Ministar Halebić je odgovorio na većinu pitanja koja su postavljena vezano za obrazovanje, ja bih samo dopunio sa ovim odgovorima na pitanja koja ministar Halebić nije dao odgovor. Prvo pitanje je uvažene zastupnice Duraković. Ja bih uvaženu zastupnicu Duraković u vezi pitanja analize ishoda učenja zamolio da vezano za ovaj izvještaj o analizi ishoda učenja koji još uvijek nije sačinjen da sačekamo neko vrijeme da on bude sačinjen te da joj isti dostavimo. Ono što ja u ovom trenutku znam jeste da analiza ishoda učenja je pri kraju i da će izvještaj biti ubrzo završen. Nakon toga bi mogu reći detaljniji odgovor i sam izvještaj dostavio u pismenoj formi. Pitanje uvaženog zastupnika Vreće koje se odnosi na sredstva za izgradnju Univerzitetske biblioteke u budžetu Kantona Sarajevo su predviđena sredstva za Univerzitetsku biblioteku sa naznakom da se radi o vlastitim sredstvima u iznosu od 500.000 KM. I to su odgovori na pitanja na koja ministar Halebić nije dao odgovor. Hvala.

Ministar Hajrudin Grabovica:

Zahvaljujem. Pozdravljam predsjedavajućeg, uvažene zastupnike, kolege ministre. Kada se tiče pitanja uvaženih zastupnika Stojanovića i Suljevića, premijer je u ekspozu a evo i maločas ministar za finansije dao dobrim dijelom odgovore na pitanja koje su postavili uvaženi zastupnici. Općenito rečeno, Ministarstvo za boračka pitanja isto tretira učesnike odbrambeno oslobodilačkog rata i narodno oslobodilačkog rata. Što se tiče očuvanja tekovina, Skupština Kantona Sarajevo je donijela odluku da tretira kalendar značajnih datuma 41-45 i u tom kalendaru je naznačeno pet stavki, to su Igmanski marš, Dan oslobođenja grada Sarajeva, Dan pobjede nad fašizmom, Dan ustanka naroda i narodnosti BIH, i Dan ZAVNOBiH-a. To su obaveze koje ministarstvo obavezno i redovno tretira pored ovih u saradnji sa nadležnim i odgovarajućim udruženjima, prije svega SABNOR-a. Ministarstvo učestvuje u obilježavanju značajnih bitaka kao što su Sutjeska, Neretva i slično. Ovo su tekovine koje mi obavezno baštinimo. Pored ovoga ministar finansija je rekao sanacija obilježja i spomenika iz tog perioda je u nadležnosti Fonda memorijala koji je posebna organizaciona jedinica pri ovom Ministarstvu. Koji je sačinilo odgovarajuće elaborate sredstva se planiraju na njihovoj zbirnoj poziciji 821600 pod nazivom sanacija i rekonstrukcija spomen obilježja, memorijalnih i spomeničkih kompleksa. To je kada se tiče pitanja koje je postavio uvaženi zastupnik Stojanović. Kada se tiče pitanja Žući koje je postavio uvaženi zastupnik Suljević Ministarstvo za boračka pitanja i Fond memorijala provode aktivnosti u saradnji sa općinom Novi Grad na čijem području se gradi kompleks sačinjeni su idejni i izvedbeni projekti, općina Novi Grad je osigurala otkup zemljišta i rješavanje imovinsko pravnih odnosa uz izdavanje građevinske

dokumentacije. Do sada je općina izgradila objekat koji predstavlja ulaz u kompleks, pod nazivom Dom oslobodilaca Žuči. Trenutno je u fazi sanacija i rekonstrukcija rovova i tranšea na lokalitetu Golo brdo, gdje je općina provela sve procedure a ministarstvo je i u prethodnoj godini, prethodnom mandatu osiguralo sredstva od 100.000 KM s tim da nadležno resorno Ministarstvo nastavlja dinamiku u saradnji sa ova dva praktično subjekta koji rade na ovom projektu. Toliko hvala.

Predsjedavajući:

Zahvaljujem uvaženi ministre. Otvaram raspravu. Prvi za riječ se javio uvaženi zastupnica Neira Dizdarević poslovnička intervencija.

Poslanik/zastupnik Neira Dizdarević.

U ime Kluba Naše stranke molim za pauzu od 20 minuta.

Predsjedavajući:

Pauza 20 minuta. Nastavljamo u 16 i 30. Minuta.

NASTAVAK NAKON PAUZE

Predsjedavajući:

Zastupnice Dizdarević hoćete li obrazložiti pauzu ili ćemo nastaviti. Nećemo, evo pozvat ćemo, naravno.

Nastavljamo as radom. Uvažena zastupnice Dizdarević imate li potrebu da obrazložite pauzu? Dajte riječ uvaženoj zastupnici Dizdarević.

Poslanik/zastupnik Neira Dizdarević:

Hvala predsjedavajući. Bile su nam potrebne kratke konsultacije u Klubu.

Predsjedavajući:

Zahvaljujem. Prvi za riječ se javio uvaženi zastupnik Konaković. Izvolite.

Poslanik/zastupnik Elmedin Konaković:

Hvala predsjedavajući. Ne vidim ministra finansija, još. Evo ga ulazi. Tamam. Pa nekako moja diskusija ne može biti skoro ni sa jednom kritikom prema ovim ljudima koji sada, danas prezentiraju budžet jer imaju nekoliko objektivnih okolnosti, oni su tek došli. Nije za očekivati da tako brzo uđu u materiju i ponudili su nam dokument koji je uglavnom skoro pa identičan dokumentu koji je priredila stara Vlada. Ono što mogu reći da mislim da bi te politike kako smo ih mi vidjeli a djelimično se ne slažu, bile izbrušene bolje nego što ove jesu u tih nekih 3 ili 4%. Govorit ću o nekim drugim okolnostima, možda čak više političkim uticajima na ovaj budžet ali neću naravno odstupiti od teme. Drago mi je, nisam vidio to za djecu i za vrtiće. Slažem se da to nije dugoročna mjera, ali je vrlo efikasna kratkoročna mjera jer za oporavak JU Djeca Sarajeva treba puno više vremena, pogotovo za obnovu infrastrukture ove institucije za koju će trebat mnogo više novca od ove kojom se rješava pitanje 600 porodica a u kojima onda majke ili očevi imaju pravo da rade, onda mogu otići da

zarade svoj novac jer smo im mi subvencijama pokrili troškove vrtića i ne daju cijelu svoju platu za taj vrtić. O tome smo govorili. To je istina bila inicijativa, Naše stranke u predizbornoj kampanji, ja sam je možda ukrao kada sam je pokrenuo, nebitno je. I evo bitno je da i ova Vlada prepoznaje taj problem. Nekoliko stvari hoću ovdje malo da korigujem, nisu baš takve kako što nam je ministar Halebić govorio iako je vrlo efektno za kratko vrijeme, što je logičnom, zadržao je tu formu iz bivše Vlade i nije prošlo ni puno vremena. Ali nekih stvari ima ovdje koje bi smo trebali malo prokomentarisati. Dakle MUP zgrada ima rješenje, ona nije nula. Nije ona s ulice i nije ona kako bi rekao projekat koji je neizvjestan ako vi imate dobre volje. Meni se čini da nemate. Dakle dogovor je bio, sastanci su održani, Skupština JKP VIK je već na tragu stava svog osnivača bila spremna da se ona zgrada dole kod Energoinvesta koristi za tu namjenu. Ja sam čuo da vi imate neke ideje da ta zgrada bude sada ne znam grandiozna, da se na njoj može spustiti taj helikopter, kog vi nećete, ali eto praviti ćemo taj prostor za helikopter koji se spušta na tu zgradu. I da ona košta puno više od onoga kako smo mi to vidjeli. A vidjeli smo tako zato što evo još jednom vam sugerišem, odete sada odavde u La Benevolenciju pošto smo mi ovih dana stalno bili na saslušanjima u MUP-u i vi ste se kolege uvjerali. Da vidite u odjelu za privredni kriminal gdje u kojim uslovima ljudi rade. Ovdje je nužda zgrada. I ona nema vremena za ovo što se meni ne sviđa u politici. Kao što je govorio ministar prostornog uređenja. Vidjet ćemo dok mi to izanaliziramo pa da mi to vidimo, pa skontamo. Ako vam treba godinu dana da analizirate, niste trebali ministre Kapidžiću prihvatiti ovu funkciju. Trebali ste pustiti nekoga ko zna danas šta treba da radi. Jer nama te analize dubinske nisu ništa posebno nikada donijele, niti su se neka nova rješenja posebno tu smislila. Propust je da ne krenemo već u ovoj godini u izgradnju zgrade MUP, mislim da tu pravimo svi zajedno veliku grešku. Ovo sada kako ste govorili o nekim vašim idejama, naravno nema ovdje ministra finansija i premijera Forte da vam objasne ono što mi svi znamo. I ovdje je bilo sakriveno tih 18 miliona na poziciji akumuliranog deficita i tekuće rezerve koje bi se na sličan način do samog usvajanja budžeta rasporedile na neke projekte. Neki vaši su i dobri, oni bi to vidjeli malo drugačije. Dakle to je bila tajna tih 13,1 akumuliranog deficita od kojeg bi se te izvršne presude, a istine radi to je Halebićeva ideja bila i u prošloj Vladi i ne mislim da će se od toga odstupiti, samo sam pitao šta se po tom pitanju planira uraditi. Dakle te presude i sanacije deficita jesu nešto što treba biti bitno a moguće je i da ima nekih drugih prioriteta. Bilo je lijepo slušati kako je ova Vlada koja je otišla ostavila taj tekući suficit, izmirene sve obaveze i kod izvršenja budžeta ćemo više o tome komentarisati i gledati. Ja sam naravno više pitao onako šaljivo za subvencije za plin zbog pritiska, reakcija saopštenja, u kojima smo mi tu nebuloza federalne Vlade iako ne znate pao je taj izvještaj BH gasa, tog zeta direktora. Nije usvojen ni tamo gdje ima većinu ova koalicija, pao mu je izvještaj jer se taj BH gas zajedno sa federalnom vladom poigrao grubo, sa građanima Kantona Sarajevo, nametnuo im 30% povećanja cijene koja je potpuno nerealna jer oni nisu pratili tokove povećanja i poskupljenja. I dobro je rekla ministrica Glamoč da treba neki period procjene e to oni nisu radili. Nisu ništa oni procjenjivali, nego su ad hoc donosili odluke bez ikakve procjene kako će se kretati cijena dolara, barela nafte i kursa dolara. To je jedan cirkus koji evo danas vi time što radite isto kao prethodna Vlada naravno demaskirate te politike koje su ovdje pričale o nekim zavjerama kako bi ta Vlada bila eventualno smijenjena. Kao što je sama zavjera ovaj helikopter. Ministar Jusko danas kaže sve je ono što mi govorimo od samog početka, i naravno da vi niste mogli ovih 27 a ne 40

miliona kao što su politike govorile i ova jedna novinarka kartica za sve oblasti, posebno za helikoptere u federalnom parlamentu, pričala je o 40 miliona kojih nema. I danas ova Vlada kaže naravno da ih nema. Ko ih ima? Ima ih u projekciji budžeta u narednim godinama a ne u ovoj. Tako da ono što je nama ovdje govorila kolegica Šahman, pa ona kaže uzmite pare od helikoptera dajte za deponiju Smiljevići. E što niste dali za deponiju Smiljeviće. Zato što ih nema. Zato što je to projekcija zaduženja i što ne može tako što je bio paravan za rušenje Vlade, jer ljudi nisu smjeli da kažu mi smo nova koalicija rušimo vlast. Nego su tražili sebi alibi. Opet naravno ne prigovaram ništa ovoj postojećoj Vladi. Dakle isti osjećaj imam lične satisfakcije danas ministar Halebić pročitao ono što sam ja govorio, a ko biva ovi nisu htjeli slušati. Naravno postoji uredba u kojoj piše koje su to tri osobe koje mogu raspolagati diskreciono i koje mogu raspisivati javne pozive. To je ministar Finansija to je premijer, i to je predsjedavajući Skupštine. I taj od 120.000 koji je bio na kabinetu predsjedavajućeg Skupštine danas ide u finansije. Ja objektivno ne znam zašto. To je politika Vlade i nemam ništa protiv jer je to jedan teret u kom ćete vi raspisati ljudi će se prijaviti, dat ćete i većina će biti nezadovoljna. Na isti takav način, po istoj toj uredbi, još su neki projekti realizovani i danas se demaskira ta priča o nekom famoznom trošenju predsjedavajućeg Skupštine. Ja sam se šalio i mislim da treba. Ima Mirza Čelik 86.000 i 286.000 zato što će mu se obratiti 5000 ljudi u stanju socijalne potrebe sa nekim dobrim projektima, neka zlatna djeca i on će moći odgovoriti na jednu a na 101 neće. Ja samo danas imam tu političku satisfakciju da ljudi potpuno vide da je to bio pokušaj neke prevare birača da se ko biva to neki razlozi za rušenje Vlade. Budžet danas, potpuno demaskira. Ne slažem se s ovim konceptom, tu se s Halebićem ne slažem i tu je malo mudro, to je možda uvio. Nismo mi rekli da ste vi nametnuli namete na realni sektor, niko to nije rekao. Vi ste obrazlažući rekli nismo mi ništa nametnuli. Niste. Ali nismo rasteretili a ponovo smo mi kao generatori te ideje prije četiri pet godina shvatili da sve što ova ovakva Federalna Vlada neće uraditi, mi poslovno okruženje i poslovni ambijent u Sarajevu trebam mijenjati. I ovaj Zakon je jedan od naših obaveza u dokumentima koje smo potpisali sa Svjetskom bankom i vrlo uspješno implementirali taj sektor o mandatima i Fortine, i Zoljeve i vlade koju sam ja vodio. Dakle to je kontinuitet za koji danas mislim da ga niste trebali prekinuti jer ni ovi rezultati ili efekti ovih 8 miliona nisu baš tako neki bingo, više su neka politika i neko brušenje budžeta kioji je uglavnom bio već skoro pa završen. Dakle, to što nema Zakona po meni nije alibi. Teoretski ok. Nema Zakona, po meni trebali ste odmah taj Zakon, imate ga, nacrt, javna rasprava, procedura donošenja Zakona. Dakle trebali ste barem teoretski ostaviti tu mogućnost ili eto možda u rebalansu hoću, ohrabruje ono što Halebić kaže, doprinosimo odustali vidjet ćemo kako ćemo. Eto s tim se ne slažemo. Mi mislimo da ste to trebali uraditi danas. Dakle, nema tu puno. Da, kao nema sada ta teza, nema znate nekih projekti nisu, malo je objašnjenje. Dobro, s kakvim ste projektima došli? Koji je to projekat i koji ste vi rekli ovi vaši su na dvije tri rečenice a mi imamo ove. Jer nije Vlada valjda osim dva Ministarstva opet ne prigovaram ministrima, nego politika, koje su noć prije imenovani za ministre. Valjda je bila neka projekcija planiranja, valjda je bilo nekih mjera, 300 ili 500. Dvije, 18 u kojima se vidi neki rok, neki plan, neka akcija. Pa se kaže ovaj vaš ovdje plan kako to evo ministar Kapidžić ponovo govorio, nije dobar ali ovaj je dobar. To za godin dana vidjet ćemo, analize ćemo, ako neko nešto neće da napravi u Kantonu Sarajevo, on napravi neko radno tijelo koje treba da uradi neki elaborat, pa da on pokaže to je koncept kako ne može. Nama treba koncept kako može. Mi ćemo glasati za ovaj budžet. Ne morate

skupljati ruke, trčati po ljude. Ništa nemojte brinuti. Neko je naumio da ode, tetka rođendan slobodno. Mi glasamo zbog građana Kantona Sarajevo. Ne bi smo vas doveli u poziciju da nemate ruke za budžet, to je politički neozbiljno. I zato ove neke naše kritike, opet adresiram, jer ja moram reći možda pretjerujem sa nekada pohvalama ljudi koji vode ovu Vladu, pogotovo Nenadića i Halebića, mislim da vi to možete i bolje. A ovo što danas ne valja su isključivo te političke okolnosti kao što je uglavnom slučaj u ovoj Sali. Hvala.

Poslanik/zastupnik Elvedin Okerić:

Hvala predsjedavajući. Dopredsjedavajući, uvažene kolegice i kolege, ministrice i ministri, građani kraj malih ekrana, sve vas srdačno selamim i pozdravljam. Ono što nam je ministar finansija obrazložio kada su u pitanju amandmani Vlade, možemo jasno da vidimo da je ovo 95 čak i više posto Fortin budžet, odnosno budžet ministra finansija bivšeg Amela Kovačevića. Prokomentarisat ću par nekih pitanja, koja sam postavio sa kojima sam djelimično zadovoljan, one koje nisam također ću ih prokomentarisati. Kada je u pitanju MUP raduje me, obzirom da nam je ministar Jusko objasnio da neće stati sa jasnim opredjeljenjem jačanja MUP-a- i policije tako da će ovih 750 000 ići u realizaciju. Također sam razumio iz diskusije ministra Juska da se ova Vlada opredjeljuje i da ide ka edukaciji pilota. Ali ono što mi je drago to je da je javnost mogla da vidim opet po ko zna koji put da je bilo samo obično politikanstvo i traženje razloga razbijanja šestorke a formiranje nove Vlade. Pa su se izmišljale cifre da helikopter košta 40 miliona a ne 27, da se ne radi o projekciji već da se on nalazi u budžetu i niz drugih spinova. Kada je u pitanju Ministarstvo privrede volio bih ako je moguće da mi ministar finansija obrazloži, ovdje se kaže da umanjuje se pozicija projekat opremanja prebivališta pasa lualica u iznosu od milion KM, a uvećava se pozicija tekući transfer Skenderija, ZOI, poticaj razvoju male privrede, zapošljavanje mladih, podrška razvoju IT industrije i ostali transferi. U njegovom izlaganju čuli smo da se direktno sredstva stavljaju na poziciju kao za poziciju za mlade. Međutim ovdje vidimo da to nije, da se spominje Skenderija i ZOI. Želim da napomenem aktuelnu Vladu da 20.12.2019 godine ova Skupština Kantona Sarajevo je prihvatila moju inicijativu kada je u pitanju propisivanje mjere, a odnosno jasnog opredjeljenja prema mladima, gdje se Vlada zadužila da 15,5 miliona koji su predviđeni trima mjerama ugrade u budžet u aktivnosti koje su već predviđene i one aktivnosti koje nisu a da se predvide. Ova cifra od 15,5 miliona može ponuditi tračak nade mladima a ovaj milion KM koji je nejasan i nije onako kako je ministar naveo da se odnosi samo za mlade, ovdje već vidimo i određena preduzeća odnosno jačanje tih preduzeća. A spominje se da je povećan iznos samo za mlade. Spomenut ću par stvari koje se odnose na projekat izgradnje prihvatilišta za napuštene pse lualice u Kantonu Sarajevo. Da je to jedan od najznačajnijih projekata i od primarnog interesa za građane Kantona Sarajevo. Tako da bi volio da Vlada Kantona Sarajevo pokaže opredjeljenje i bojazan odnosno sve one probleme koje smo imali kada su u pitanju psi lualice da ne odustane od unapređenja ovog problema. Psi su od svih životinja koje su u kontaktu sa ljudima najvažniji izvor infektivnih i parazitarnih oboljenja. Psi mogu biti nosioci više od 300 parazita. U BIH preko 40 vrsta od kojih više od polovine mogu parazitirati kod čovjeka. U okviru istraživanja uzročnika oboljenja zononskog tipa na području Kantona Sarajevo u toku 16,17 i 18 godine dokazano je prisustvo mnogih bolesti od kojih mogu oboljeti ljudi. Napušteni psi nisu pod nadzornom stručnih službi i u pogledu vakcinacije protiv bjesnila. Prema tome, postoji realna opasnost da nakon

eventualnog ugriza ljudi obole od svake opake bolesti. Posljednji uticaj ugriza pasa lutilica je rezultirao amputacijom noge, posebna opasnost kod pasa lutilica predstavljaju i ove osjetljive kategorije kao što su djeca. A na osnovu svega naprijed navedenog u aprilu treba da počne prva faza izgradnje prebivališta pasa jer su izvršene sve neophodne pripreme i ne bi voljeli da umanjenjem ove stavke od miliona KM ovaj projekat stane. Toliko od mene. Hvala.

Poslanik/zastupnik Damir Marjanović:

Zahvaljujem predsjedavajući. Pa evo bližimo se kraju ove tačke, obećavam da neću dugo. Tako da ću narednih 45 minuta skratiti svoju diskusiju. Dokaz da svi spavaju niko nije reagovao na 45 minuta. Negdje na početku kada smo pričali vezano za ovu Vladu, smjenu Vlade i dolazak nove Vlade, rekli smo iskreno i pošteno a ćemo hvaliti dobre i kудiti dobre poteze i mislim da toga treba da se držimo. Stoga počet ću sa jednom pohvalom prema ovoj Vladi što je uistinu ukazala da će prihvatiti onu politiku kontinuiteta prethodne Vlade premijera Forte, svih ministara, i svih nas koji smo direktno i indirektno sudjelovali u pripremi ovoga budžeta koji kako su i sami rekli nekih 95 % poklapa se i smislim da je to bila mudra odluka jer objektivno gledano sadašnja Vlada u proteklih par dana i nije pretjerano imala vremena a vjerujem da će se kroz rebalans pokazati ukazati na one pravce politike koji će stvarno pratiti a koje će neke nove inovirati. No stvarno red je pomenuti i pohvaliti premijera Nenadića i ministra Krivića koji su prepoznali pozitivne tendencije budžeta prethodne Vlade u ovom sektoru i koji su se izborili za dodatno preciziranje, posebno ove stavke vezano za naučno istraživačke projekte, a s druge strane sačuvali sve ono u budžetu, što će na neki način omogućiti nastavak reformskih procesa koji su već dobrano odmakli u proteklih godinu dana. Danas kao osoba koja je sudjelovala u pisanju dijela onih 300 mjera posebno iz oblasti obrazovanja i nauke, mogu biti zadovoljan doživjeti satisfakciju jer nekako i politički oponenti na neki način su kroz prihvatanje cijele ove ideje pokazali da te mjere uistinu piju vode i da se stvarno treba potruditi da se one realiziraju a prvi korak definitivno jeste da budžetom odredi se jasna politika u tom pravcu. Izdvojit ću vezano za ovaj budžet, nije zgorega ponoviti posebno iz oblasti obrazovanja i nauke, prvi put imamo jasno izdvojen i to veliki novac za talentovane učenike, skoro pola miliona KM; imamo jasno definirano opredjeljenje za uspostavljanje Instituta za preduniverzitetsko obrazovanje imamo uduplan novac za kurikularnu reformu, imamo poštivanje zaključaka tematske sjednice. Tu se zahvaljujem na pojašnjenju, vidio sam da postoji ona stavka o kojoj smo pričali. Povećano je i to kristalno jasno povećano izdvajanje za nauku gdje je ostalo prošle godine uvedeno i sada je ostalo u istom iznosu i subvencija za vrtiće u kojima je već manje više sve rečeno. Ono što ću na neki način da podsjetim još jednom i Vladu i premijera i ministre da ostaje još uvijek izazov finansiranja UNSA čija finansijska konstrukcija prema informacijama koje ja imam i projekcijama koje sam dobio su UNSA nije u potpunosti zatvorena ali sam siguran da će kao i prethodna Vlada kao što je to planirala negdje u toku godine kroz neki rebalans te stvari otprilike da finansijski zatvori i s druge strane podsjećanje na jedan divni projekat koji predugo traje i mislim da bi konačno trebao da se pogura koliko imam informacije sa UNSA mislim da bi ova godina bila ključna na ovu temu, izgradnje Univerzitetske biblioteke u Kampusu koja između ostalog prema informacijama sa UNSA podrazumijeva otprilike 1,5 milion plaćanja određenih taksi doslovno prelijevanja iz jednog u drugi džep i vraćanja u kantonalni budžet. Siguran sam da će se pronaći te stvari, jer ako s ene pronađe taj novac,

možemo ugroziti jednu jaku investiciju od preko 15 miliona dolara i dobijanja jednog modernog objekta koje je pak opet preduvjet za onu ideju Sarajeva kao univerzitetskog regionalnog centra. Znači govorim o izgradnji Univerzitetske biblioteke u Kampusu za koji je novac obezbijeđen iz Fondacije Saudijske Arabije. Na kraju, jezikom aplikacije znanstvenika, mislim da će se kolega Halebić složiti, sada ću se pozvati na njegovo akademski dio, aplikacija, apliciran je znanstveni projekat, blizu je da se odobri i bit će odobren, i mi ćemo definitivno glasati za ovaj budžet, poslije toga slijedi realizacija tog projekta, a tokom realizacije slijedi monitoring. Siguran sam da znate sa svaki put u određenim periodima razdobljima taj monitoring može biti intenziviran i tek ćemo onda na osnovu privih tri, četiri, pet mjeseci vidjeti da li ovo danas što je ponuđeno kao budžet je bilo samo jedna dobra želja, valja ili ono nužno zlo da se ne piše novi budžet. Ili stvarno želja da se u oblasti obrazovanja i nauke neke stvari koje su započete stvarno i nastave. S tim u vezi, želim puno uspjeha ovoj Vladi, želim puno uspjeha resornom ministru i kao što smo rekli na početku, posmatram ćemo vas i svaki put ćemo reagovati na sve ono što možda nije dobro ali i pohvaliti sve ono što je dobro. Hvala.

Poslanik/zastupnik Igor Stojanović:

Hvala predsjedavajući. Prvo ću se osvrnuti na nekoliko odgovora koje sam dobio od ministara. Raduje me da ministar za boračka pitanja će se potruditi da poveznica između antifašističke borbe 41-45 i 92-95 dobije značajno mjesto i da će se voditi računa o svima onima koji su se borili protiv fašizma u Sarajevu. I to me raduje da će mnogi projekti ostati tu. Drago mi je zbog takvog opredjeljenja ove nove Vlade. Također bih ministru kulture i sporta rekao da osim ova dva uposlana imamo i u Sportskom savezu Kantona još 2 uposlana koji su redovno na budžetu ali se finansiraju od strane Kantona Sarajevo i u značajnoj mjeri rade. To je ukupno 4 ljudi uz ove u Ministarstvu koji rade u oblasti sporta od 650 nešto zaposlenih. Postavio sam pitanje za Bosnu i tačne ste iznose rekli da je Bosna ukupno dobila negdje oko 220.000 KM od kojih je dio za trenažni proces kako ste rekli, a ovaj dio koji niste spomenuli je dio za košarkaški turnir Mirza Delibašić. To nije direktno pomoć Bosni nego je isključivo za jedan event. I kao što ste rekli to je tačno, Bosna je u proteklih 11 godina dobila negdje oko 2 miliona KM. Reći ću vam da KK Igokea koji predstavlja BIH u regionalnoj Jadranskoj ligi samo ove godine ima budžet 2 miliona KM. Mi smo to uspjeli iz ovog budžeta da damo Bosni za 11 godina. Ono što Dodik da svojoj Igokei za jednu godinu. Volio bih da to ministre imate u planu i mi smo sa tom namjerom odnosno Vlada šestorke u prošlom mandatu podigla značajno stavku za sport koja je dakle podignuta za 2 miliona KM u odnosu na 2017 godinu i ja se nadam da ćemo taj novac uspjeh da usmjerimo ovako kako ste i vi govorili u vašoj diskusiji a to je da vrhunski sport u Sarajevu dobije adekvatno mjesto, a samim tim i u regiji da ne budemo zapećak sportski, ono kako trenutno Sarajevo izgleda kada je sport vrhunski u pitanju. Što se tiče samog budžeta, činjenica je da je većim dijelom ovaj budžet Vlade šestorke. Ono što je mene razočaralo što nova Vlada već polako sa određenim stavkama daje nam do znanja da ćemo se mi vraćati u neki prošli period. Sve ove stavke koje polako gasimo i kod kojih je nova Vlada već pomalo odustaje, je pokazatelj da se vraćamo u neku praksu koja je bila u prethodnim godinama a koja je proizvela da imamo pola milijarde gubitka. I umjesto da rješavamo te probleme ono što je prije svega bilo opredjeljenje Vlade šestorke da vraćamo dugove mi smo sada se evo, konkretno jedna stavka, ja smatram da ovaj spomenik o

kojem se govori u ministarstvu za boračka pitanja za koji bi trebalo za sve borce Armije BiH i MUP-a da se odvoji milion KM ja smatram da to u svakom slučaju treba da se napravi ali oduzimati stalno sa ove pozicije koja govori o akumuliranom deficitu iz prethodnih godina postavlja se pitanje kada ćemo mi vratiti ovaj deficit. Opredjeljenje Vlade šestorke je bilo da mi sa nekih 18 miliona KM u ovoj godini vratimo određene dugove. I očigledno da će se taj dio uskraćivati da se dugovi neće vraćati i postavlja se pitanje da će se vjerovatno nakon četiri pet godina u kojima nismo uspjeli da vratimo mnoge presude da će to ostajati kao jedan teret Kantonu, a realno poslovanje Kantona je u svakom slučaju dužno da to uradi prema svima dužnicima. Kada je u pitanju čisti zrak u Sarajevu kao jedan od velikih problema koji utiče na zdravlje građana, moguće da će ministar prostornog uređenja, građenja i zaštite okoliša pronaći adekvatniji pristup rješenju ovog problema i da će 200.000 za opremu koja bi trebala da definiše koliko je zrak prljav, da za njega taj projekat očigledno nije dovoljno dobar, ali je ovaj projekat dio Studije koja je trebala da nam pomogne u ovoj mjeri da dodemo do kvalitetnijih rezultata. Ne vidim ste uspjeli u ovom kratkom vremenu, da kroz amandmane pokažete da imate bilo kakav drugi adekvatan projekat koji bi nam pomogao da imamo čistiji zrak. Ali uspjeli ste da ukinete tu stavku. Također priča o helikopteru. To je već neka politička priča u kojoj se ovdje spominje da ukida se neka stavka od 27.404.000 ja stvarno ne znam da li je to bilo u budžetu za 2020 godinu, stavka od 27 miliona to je kreditno zaduženje, i ne vidim nikakvu potrebu da se zastupnicima daje do znanja da se ukida ta stavka kada znamo da ona nije stajala. Da je 27 miliona na ovakav način. U svakom slučaju, nadam se da se nova Vlada, da će se zaustaviti na ovim silnim izmjenama i povratku u neku prošlost, i da će uspjati da se na neki način potruži da sve projekte koji su trebali da rješavaju probleme građana u Kantonu Sarajevo, da oстане dosljedna a ne da ih urušava. Ja ne vidim to na isti način kao moj kolega Marjanović. Tačno je da su ostali neki projekti, međutim naznake koje Vlada pokazuje već na samom početku je ustvari povratak na staro. Ja se nadam da se to neće nastaviti i vjerujem da ćete vi krenuti putem promjena ili na kraju krajeva, sigurno mi iz opozicije ćemo vas tjerati da krenete u promjene jer ovo do sada nije bilo dobro. To govori pola milijarde duga. Hvala.

Poslanik/zastupnik Vildana Bešlija:

Hvala predsjedavajući. Budžet u velikoj mjeri ustvari predstavlja viziju Fortine Vlade. Sama činjenica da ovi amandmani predstavljaju nekih 3,5% kako smo čuli u izlaganju ministra, to i potvrđuje. Na žalost, ono što nije baš, budžet je već bio spreman krajem decembra. I mi smo već evo u martu mjesecu. Ova činjenica da je tako malo izmijenjen govori da smo imali spreman budžet i da smo ovo trebali davno uraditi. Jedan od revolucionarnih iskoraka u vidu transparentnosti je i Registar projekata od značaja za građane Kantona Sarajevo koji uključuje, kako mu i naslov kaže, to vam je ovaj dokument i mislim da je javnosti predstavljen, koji uključuje nekih 60 stranica i zove se Registar projekata od značaja za građane Kantona Sarajevo, vrijednosti, očekivane rezultate vremenski okvir, status realizacije, implementacija za 2018-2022. Znači najznačajnijih projekata. Sasvim logično je ministre finansija da vi imate i kao Vlada i vi kao ministar širi dijapazon djelovanja i to od vas i očekujemo. Ovo je samo dio projekata satkan na nekih 60 stranica koje Vlada koju ste naslijedili predstavila i ovdje ostavila iza sebe, kao nešto što je od posebnog značaja za građane. Važno je to što će u budžetu ostati subvencija za vrtiće. To je recimo jedna od stvari koja je pohvalna, koju nećete

dirati. Ono što moram apostrofirati, mislim da niste trebali tako olako odbaciti prijedlog za rasterećenje privrede. To sam već i u pitanjima naglasila, a od premijera, premijeru od vas, kao od odgovorne osobe od osobe kod koje očekujemo da će ispuniti obećanja koja je navela u ekspozeu i s tim u vezi očekujem da ćete raditi na tome da se rastereti privreda. Bez obzira ne može nam biti obrazloženje da je privreda dobro poslovala da imamo neki porast pa ćemo onda to ostaviti. Mi moramo u kontinuitetu to raditi, a ako ste i sami to naveli, znači da je to ustvari i vidite kao neki od osnovnih zadataka i ono što je sigurno da ćemo pratiti i insistirati ne samo to, nego i ostatak realizacije budžeta. Zbog izgubljenog vremena od momenta predlaganja Nacrta budžeta, od danas je 11. Mart, znamo da smo pri kraju privremenog finansiranja od svega onoga što građani Kantona Sarajevo očekuju od nas, Naša strana će podržati budžet, a ono što je sigurno da ćemo pratiti realizaciju i data obećanja. Hvala.

Poslanik/zastupnik Segmedina Srna Bajramović:

Hvala predsjedavajući još jednom. Pa možda ću pomalo neuobičajeno početi svoje današnje izlaganja. Gerontologija, kolokvijalno je zovemo, reče ministar, ministar Halebić, ja bih zamolila da više ne koristite takve kolokvijane izraze, vjerovatno ste mislili na Gerontološki centar, jer barem što se mene tiče, imaju pomalo pežorativno značenje. Jer domovi za stare su mjesta na kojima se s ljubavlju i pažnjom brinemo o osobama treće životne dobi, potpuno poštujući njihovo dostojanstvo i individualne potrebe. Dakle mi danas ne možemo ofarbati sve ono što su ti ljudi za svog života napravili. Oni su gradili stvarali, da bi danas politika imala šta devastirati, dijeliti i rastjerivati njihovu djecu širom svijeta, možda i ovakvim nesmotrenim izjavama. Molim vas ministre Halebić, da ovu moju opasku shvatite krajnje dobronamjerno jer moramo biti u svakom trenutku svjesni onoga što javno izgovaramo jer se sjednice Skupštine javno prenose. Kada je u pitanju budžet, ono što želim da kažem, jeste da je svaka tranzicija vlasti štetna sama po sebi jer traži objektivno vrijeme za analizu procesa u koji se uključujete pa je samim tim institucijama i ta institucionalna dinamika zapravo posljedično podkapacitirana a efikasnost u smislu rezultata manja. I ono što želim takođe naglasiti jeste da mislim da je vrijeme da svi zajedno politički odrastemo i prestanemo da osjećamo potrebu da impresioniramo jakim najavama svaku tranziciju vlasti, jer građani u ovoj zemlji već odavno ne vjeruju u ovoj zemlji političarima a politikom iracionalnog bez ikakve potrebe stavljamo jedni drugima potpuno nepotrebne hitpoteke koje opterete sam rad ali i saradnju. A to je ono što nam je potrebno. Mi kao zastupnici danas imamo pred sobom budžet smijenjene Vlade, njihov registar započetih projekata, a imali smo i ekspoze premijera kao viziju perioda pred nama. Pretpostavljam svakako i na to su se oslanjala i moja pitanja na početku današnje tačke dnevnog reda, da javnost očekuje, a mislim da je nekako i logično da u razumnom periodu od aktuelne Vlade dobijemo jasno opredjeljenje u smislu podrške nastavku započetih projekata i konkretno kojih. To govorim iz dva praktična razloga. Prvo zbog nastavka uspostavljanja transparentnosti svih procesa i praćenja efikasnosti realizacije istih. A drugo, zbog činjenice tanke parlamentarne većine koju je premijer, istina naglasio i kao izazov, gdje bi ga na taj način aktuelna Vlada mogla pretvoriti i u šansu ostvarenja značajne podrške u Skupštini na upravo konkretnim projektima. Posljednji podaci Porezne uprave FBIH o prikupljenim direktnim porezima na početku 2020 godine trebali bi nam svima upaliti sve alarme. I struka upravo već mjesecima upozorava da je projektovani ekonomski rast nedovoljan na nivou BIH, a on bi mogao biti i manji od očekivanog. Dakle

rast prikupljenih javnih prihoda je 25 puta manji u odnosu na isti period prošle godine. Struka i prošle godine u aprilu upozorila da će doći do usporavanja ekonomije do kraja godine. I da treba korigovati stopu ekonomskog rasta na oko 2% što se na kraju ispostavilo ispravnim. Posebno zabrinjavaju i tendencije usporavanja privrednog rasta u nekim od ekonomski najmoćnijih zemalja EU, poput Njemačke i Italije koje su naša izvozna tržišta, tako da se danas nalazimo u prostoru pada izvoza i stranih investicija, što će definitivno predstavljati ozbiljne razloge u smislu rizika održivosti javnih finansija na svim nivoima. Dakle, očigledno je da se bh ekonomija nalazi u fazi stagnacije, te da će posljedice i koronavirusa o kojem smo govorili na početku današnje sjednice, imati svoj uticaj i dodatno zakomplikovati stvari. I zbog toga je izuzetno važno da u periodu pred nama, stvari detaljno analiziramo, još bolje planiramo, racionalno trošimo, i kontinuirano mjerimo efekte ostvarenog. Na taj način ćemo zapravo najbolje pokazati najveći stepen odgovornosti prema javnom novcu koji nam građani i privreda u sve težim okolnostima stavljaju na raspolaganje. Toliko. Zahvaljujem.

Poslanik/zastupnik Elvis Vreto:

Hvala predsjedavajući. Pokušat ću biti što kraći. Prijedlog koji danas imamo budžeta kojeg razmatramo 97% je prijedlog prethodne Vlade kojoj želim da se zahvalim. Ovi amandmani koje je danas usvojila, trenutna Vlada razmatrala i prethodna Vlada isto tako usvojila djelimično, međutim oni zbog ovih poznatih dešavanja nisu došli na dnevni red. Ovoj Vladi želim da se zahvalim na prihvaćenim amandmanima da se dva ključna pitanja na području opštine Ilidža kao što je Stojčevac i stara željeznička stanica konačno krene u njihovo rješavanje koji su 23 godine problem kako ne samo opštine Ilidža, nego i samog Kantona i države BIH. Ono što mene zanima Vlada naravno preuzima odgovornost i za ova 3% izmjena koje su uradili u ovom budžetu. Više me zanima prihodovna strana i ovo upravo što je govorila kolegica Segmedina, ona može biti zaista ugrožena zbog poznatog koronavirusa i dešavanja pada ekonomske aktivnosti. Nadam se da neće doći do toga, što će u mnogome ugroziti i ovaj dio kojim mi najviše raspravljamo, rashodovnoj strani. Ovu Vladu naravno ćemo pratiti u implementaciji, nakon usvajanja budžeta, upravo ih čeka taj najteži put, da implementiraju ono što će se danas usvojiti. I što kažu konstruktivno ukazivat ćemo na sve one nedostatke kako bi se popravljali ukoliko ih bude. Sve što bude dobro, imat će podršku. Evo kolega Marjanović u ime Kluba zastupnika vjerovatno najavio, mi ćemo podržati ovaj budžet zbog građana Kantona Sarajevo. Toliko.

Poslanik/zastupnik Vedran Jakupović:

Zahvaljujem predsjedavajući. Evo mogu najaviti ispred Kluba NiP 2, da ćemo podržati ovaj budžet uz par nekih stvari koje ću naglasiti, koje su razlika u odnosu na ono što je prethodna Vlada i ministar Kovačević donio kao novitete. Vezano naravno za 300 mjera koje smo i potpisali i poštovali u prvoj godini nakon izbora. Dakle evo kratko. Ja sam postavio par pitanja primarno vezano za nauku, dobili smo odgovore i za nauku i za vrtiće i za neke stvari iz oblasti saobraćaja. Pomenuta ova Južna longitudinala. Evo ne znam kako će u narednom periodu izgledati ta relacija sa općinom Novi Grad, jer znamo da Južna longitudinala došla do granice općina Novo Sarajevo i Novi Grad i da je dalje veliki problem u općini Novi Grad, pa nadati se da će se situacija između Novog Grada i centrale riješiti na najbolji način po građane Sarajeva. Dakle, samo da pojasnim ministru finansija vezano za nauku i za časopise. Ovo je

stvar koja je izašla kao rezultat rada Komisije za naučno istraživački rad, koja je donijela sredstva i za projekte i za časopise i konferencije itd. Uglavnom postojao je problem obzirom da je komisija jako visoko podigla ljestvicu, on je to dobro primijetio, posebno profesor Velagić dekan Elektrotehničkog fakulteta insistirao na tome, a vidim da je insistirao i na, obzirom da je u Komisiji za novi Zakon o visokom obrazovanju da je i tu podigao kriterije. Naravno, doći će taj Zakon pa ćemo ga malo intenzivnije razmatrati. To nije sada tema. Ali tema su časopisi, radovi. I oblasti nauke, ja sam namjerno u pitanju pomenuo, koje nisu atraktivne, koje nisu elektrotehnika ili genetika, ili da kažem ekonomija, odakle ljudi mogu objavljivati u stranim časopisima, odnosno naši časopisi mogu biti interesantni u svjetskim okvirima. To su, od bosanskog jezika, filozofije, evo da ne ponavljam sada neke orijentalistike u kojoj ljudi u kojoj izdaju časopise u BIH ne mogu indeksirati. To su naučni časopisi na visokom nivou ali ne mogu postići ove indeksacije o kojima govorimo od Q1 do Q4, ti časopisi su jako visokog naučnog nivoa. Nisu stručni časopisi, ljudima trebaju sredstva bez obzira neće biti indeksirani. To nisu nikakva sredstva, ali evo ja potenciram čisto kao jedna dodatna stvar. Ponovo ćemo imati ovaj isti konkurs i ponovo će se ljudi javiti i ponovo neće dobiti novac zato što ne mogu realno da dođu na svjetski nivo. A neophodno je da održavamo tu nauku. Te da kažem discipline. I po samim grupacijama je dolazilo do problema, da li evo političke nauke spadaju u društvene ili humanističke i na osnovu toga da li će dobiti neki novac. Da li će se priznati neke konferencije itd. Neću sada da zamaram i vas i javnost ali bitna je stvar da se, nije neki poseban novac i uglavnom gospodin Kukuruz je upoznat s tim detaljima. I mislim da treba tu i ministar obrazovanja da da maksimalnu podršku. Kada je riječ o privredi, ovih 6 miliona vezano za šume. Zastupnik kolega Konaković je već pomenuo, čak je definisao rečenicu kako sam je i ja napisao, znači nije riječ o ovome da ne namećemo, ne govori niko ovdje da neko nameće nove takse, nego jednostavno ono što smo mi planirali da se ne plaća, sada se nastavlja plaćati. Eto tako da pojednostavimo. Ne može mi niko reći da su privrednici sretni da plaćaju te neke takse za šume iako nemaju nikakve veze sa šumom, njihova djelatnost nema nikakve veze sa šumom. I inače su ti parafiskalni nameti ako govorimo o prikupljanju poreza jedna stvar koja je veliko opterećenje za privrednike a ne vidi se. Ti parafiskalni nameti, akcize ne vide se tačno gdje odu. Evo da ne širimo sada tu temu. Nadati se i nakon lokalnih izbora da će i ovi nameti evo bar na nivou općina na lokalnom nivou biti smanjeni jer za razvijanje malog i srednjeg biznisa ogromne troškove nose ti parafiskalni. Kada je riječ o zdravstvu očekujem povećanje ulaganja u preventivu i da vidimo ovih 4 miliona za početak za onkološke pacijente. Naravno za hronične, nezarazne bolesti koje sam već pomenuo. Kultura, postoje institucije koje su i u ekspozeu premijera pomenute, to su institucije koje su zvanično na državnom nivou, koje žive dobrim dijelom zahvaljujući finansiranju od strane Kantona Sarajevo. Dio njih je na kulturi, dio njih je na obrazovanju, Zemaljski muzej, Biblioteka, Nacionalno univerzitetska biblioteka za slijepa i slabovidna lica, itd da ne nabrajam te sve ustanove. Očekujem na rebalansu da bude razlika. Tu pokušavamo evo malo više a ponovit ću evo i sada a i u narednom periodu da se te ustanove, ako se već ne mogu prebaciti, a i o tome je bilo govora, da se prebace potpuno u kantonalnu nadležnost kada je riječ o finansiranju, da im se pomogne maksimalno u smislu direktnog finansiranja unutar budžeta. Neprofitne organizacije 40.000. kolegica Jasmina Bišćević-Tokić je dobila informaciju za 2018 godinu čini mi se gdje su ulagana ta sredstva. Znamo da je bilo i kolega zastupnika i članova porodica kojima su dodjeljivanja ta sredstva po raznim osnovama. Dio za

kulturu, dio za sport. Evo sada povećamo za 40.000 i potpuno netransparentno. Ja očekujem i postavio sam zastupničko pitanje, nisam još dobio odgovor gdje su ta sredstva išla kome. Kolegica Bišćević – Tokić je dobila za jednu godinu, ja sam tražio još 4 godine, pa očekujem da će sada iz Ministarstva, obzirom da ne vidim ministra ovdje, da će ta informacija doći da vidimo gdje ta sredstva idu. Kao što sam na početku rekao glasat ćemo za budžet i sačekat ću rebalans da vidimo je li nešto novo ova Vlada smislila da bi poboljšala život građana Kantona Sarajevo. I da završim sa ovim helikopterom, kojeg nema ustvari, kao što nam Sidran kaže u pjesmi „Kući kojoj nema – pjeva“, tako i vi izbacujete helikopter kojeg nema ustvari u budžetu, nego postoji projekat a niko još do sada nije rekao kolika je stvarna potreba. Drago mi je da je ministar Jusko rekao da je on prvi za to. Ne jedan nego više helikoptera nam je neophodno. Hvala.

Poslanik/zastupnik Amra Junuzović – Kaljić:

Hvala predsjedavajući. Evo uz podršku budžetu ovakvom kakav jeste i uz ove praktički vrlo konstruktivne diskusije koje smo danas čuli usvojene amandmane, ja bih ustvari samo željela reći da mi je drago, da želim da istaknem da je već u ekspozu premijera bilo prepoznatljivo da određeni projekti na Ministarstvu privrede se prosto nastavljaju onako kako su postavljeni. Ustvari prepoznatljiva je i namjera da se neki marginalizirani projekti kao što su Igman, Bjelašnica, da se i u tom pravcu da se radi. Ono što je zaista važno i što je negdje kontinuitet koji bi smo trebali prepoznati i u radu ove Vlade, to je transparentnost i to je taj jedan kontinuirani dvosmjerni odnos sa građanima otvorenost za sugestije, za potrebe građana, takva saradljivost može biti samo obostrana. Hvala lijepo.

Dopredsjedavajući Vior Handžić:

Zahvaljujem predsjedavajući. S obzirom da se javljam prvi put dobar dan svima. Napominjem odmah da ću govoriti u ime kluba, šalim se, neće biti toliko duga diskusija. Na početku neću stvarno toliko dugo, želim napomenuti iako je u uvodnim izlaganjima predlagrača rečeno da je samo 3,5% otprilike se razlikuje ovaj današnji prijedlog budžeta u odnosu na onaj koji je predložila Vlada Edina Forte, iako se slažem da je naravno suštinski budžet u najvećem mogućem omjeru i jeste onaj budžet koji je predložila Vlada Edina Forte, moram istaći, ako uzmemo da se kompletan iznos budžeta od 900 i nešto miliona ne može baš mijenjati i raspodjeljivati, govorim o platama i mnogim stavkama koje su zakonska obaveza dođemo da nije to baš 3,5% nego više u odnosu na one stavke koje se mogu mijenjati ali nije bitno, on jeste suštinski u najvećem mogućem omjeru kao onaj koji je bio predložen krajem decembra prošle godine. Kratko samo za moje kolege iz SDA, oni su bili u prethodnom periodu jako aktivna opozicija i puno su amandmana predlagali na prošle budžete i ja moram reći, dva su mi bila posebno onako specifična, koja ste vi predlagali i prilično ste bili agresivni pri predlaganju ta dva amandmana i kroz saopštenja itd. Očekivao sam iskreno da ih vidim danas u amandmanima Vlade. Govorim o ovom višemilionskom povećanju za naknade porodiljama i višemilionskom izdvajanju smanjenja zagađenja zraka u Kantonu Sarajevo. Ali evo, s obzirom da je kratak period bio, ja očekujem stvarno u rebalansu da ćete vi to promijeniti. Pratiti ću vas. Imam stvarno ove opće korisne funkcije šuma, odnosno ovo smanjenje parafiskalnih nameta kroz izmjenu i dopunu Zakona o šumama. Ministar Halebić je rekao da oni neće odustati od tog Zakona. Donekle imam vjeru da je to tako s obzirom da

izmjene i dopune Zakona o šumama nisu jedan od Zakona koji ste vi povukli iz parlamentarne skupštinske procedure, što vjerujem da će doći do konačnog prijedloga tog Zakona. Ja se nadam da ćete vi zadržati ovaj kurs potpunog ukidanja tih naknada zato što su za mene parafiskalni nameti potpuno nenormalno opterećenje na privredu s obzirom na već postojeće poreze i dadžbine koje sve privredni subjekti moraju plaćati. Ja ne znam, nisam baš ekspert za ekonomiju, znam da ima ekonomija državnog intervencionizma, i ekonomija slobodnog tržišta. Ovo što se u BIH je neki hibrid kleptomanske ekonomije u kojem se na sve te poreze još dodatni teret na leđa stavlja privrednika i to je potpuno nepotrebno i treba to ukinuti. Ovo opet danas je bio ovaj komičan dio Nadrealisti vezano za ovaj službeni automobil. Zato kažemo stvarno od lošeg menadžmenta gori je samo krizni menadžment. Dakle prvo je 55.000 za službeni automobil pa nije za službeni automobil nego je za potrebe ovog kriznog štaba za koronavirus, pa onda konačna izjava e nije ni to vidjet ćemo ukoliko bude potrebe onda ćemo nabaviti auto. A duže traju javne nabavke za kupovinu automobila nego što će trajati opasnost od virusa do kraja ovog mjeseca otprilike. I moram samo na kraju reći, ovo stvarno još jedna komedija vezano za ovu nabavku helikoptera jer kad se prave amandmani zna se koja je forma da se određena stavka iz budžeta skida, alociraju se sredstva na neke druge stavke budžetske. Vidimo i ovdje kako u dijelu kapitalnih budžet samo briše nešto što nije u budžetu ni bilo planirano. Nego je samo bilo jedno programsko opredjeljenje za naredni dugi niz godina. Neću dalje komentarisati. Zahvaljujem toliko.

Poslanik/zastupnik Neira Dizdarević:

Hvala predsjedavajući. Ja neću također dugo. Neću ponavljati ono što su moje prethodnice i prethodnici već naglasili, ja ovim putem ustvari želim da čestitam Fortinoj Vladi na budžetu koji mi danas razmatramo i usvajamo, jer je velikim dijelom to ustvari ovaj budžet i kako je ministar finansija naglasio izmjene se odnose tek na nekih 3,5 %. Što nam ustvari govori o koliko dobrom i kvalitetnom prijedlogu se radilo. Gotovo ovakav isti budžet je bio spreman 26. Decembra na sjednici na kojoj je oboren i dnevni red, pa onda ostaje nejasno šta se to u ovim tri do četiri procenta izmjena desilo da je navelo zastupnike nove većine da danas podrže eventualno ovakav prijedlog. Bilo bi interesantno to znati kao što je interesantno i posjetiti se stenograma i primjedbi nove većine na prethodni budžet kako je to moj kolega Vibor već rekao od svesrdnoga zalaganja za pomoć majkama, porodiljama, porodicama sa djecom, povećanju dječijeg doplatka i niza amandmana koje smo danas očekivali, iznenađeni smo da ih nismo čuli, pa ili je Fortina Vlada odradila jako dobar posao ili se odustaje od principijelnost u radu pojedinih zastupnika. Budžet jeste velikim dijelom budžet prethodne Vlade kako sam već rekla, međutim i ove male izmjene koje ste napravili, pokazuju u kojem smjeru ide Vlada, mislim prije svega na ovo što smo već problematizirali, nabavke službenih automobila, prvenstveno u ministarstvu zdravstva za koju sam očekivala prema najavi ministra finansija da ćemo odmah danas imati amandman. U toku sjednice, jer je ministar Halebić najavio da će se ova stavka racionalizirati, evo to se još uvijek nije desilo, možda zvuči mali iznos od tih 45.000 KM koliko je planirano za nabavku službenog automobila. Ja smatram da je apsolutno viška i podsjetiti ću vas da smo recimo sa samo 100.000 KM prošle godine riješili pitanje neosiguranih trudnica u cijelom Kantonu Sarajevo. Dakle sa 100.000 KM sve trudnice u Kantonu Sarajevo koje nisu osigurane po bilo kakvom osnovu dobile su zdravstveno osiguranje za vrijeme trudnoće i nekoliko mjeseci nakon poroda, što smatram da je zaista bila odlična mjera prethodne Vlade. Nama je zaista problematično i ovo prvo

neispunjenje obećanja evo samo par dana nakon imenovanja nove Vlade. Obećanje iz ekspozee a to je povoljniji ambijent za privrednike. Ukidanje parafiskalnih nameta koje je moja kolegica Vildana Bešlija već problematizirala taj iznos od 6 miliona koji se ponovo stavlja na teret privrede. Vildani je ovo zaista inicijativa bila u prošlom mandatu i ovo je bila jedna od revolucionarnih mjera, zasigurno, prethodne Vlade. Kako smo najavili, s obzirom da smo došli u situaciju da 11. Marta razmatramo budžet, da nam ističe privremeno finansiranje, krajem mjeseca i da je ovo ipak velikim dijelom budžet Fortine Vlade, kako smo već najavili, Klub Naše stranke će podržati. Hvala.

Poslanik/zastupnik Elmedin Konaković:

Kaže SDA izdala nama saopštenje na prošlom budžetu važnija je Fortinoj Vladi kapela Gavrilova nego spomenik na Žuču. Ja se s vama slažem, a ne slažem se s SDA jer mislim da je koncept koji ste vi danas predložili dobar, mi moramo, i vi kao kantonalna Vlada morate riješiti kantonalno centralno spomen obilježje palim borcima onako kako ste predložili u budžetu i zato imate punu podršku. Teško bi ste mogli po svim opštinama reagovati, teško bi ste mogli udovoljiti svim zahtjevima a naravno da na svakom kraju kantona, gdje god je moguće treba obilježiti ovu teritoriju. Ja se slažem s vama a ne slažem se s SDA. U ovoj zemlji je u zadnje tri godine rođeno 20% manje beba. Svi mi zajedno, ne prigovaram nikome, treba mnogo više računa da posvetimo pronatalitetnim politikama i u ovom i u svim narednim politikama. 20% manje beba. Dobro pazite na ekonomske parametre. Prvi put je čini mi se u zadnjem kvartalu prošle godine drastično smanjen porast prihoda. On je rastao ali mnogo manje procentualno nego u godinama ispred nas što pokazuje da ova zemlja usporava. Industrijski razvoj u protekloj godini je manji za 5%. Industrijska proizvodnja, pardon. To su parametri preozbiljni da bi smo se mogli lagano ili indolentno prema njima ponašati. Ovu Praču molim vas shvatajte ozbiljno. Djelimično je riješen problem napada pasa lualica bez rješenja sistemskog Prače, nemojte ljudi da se vratimo na period od prije 5,6 godina kada smo imali tri napada dnevno. I reći ću vam za kraj nešto o tom helikopteru. Na žalost, mi nemamo kao društvo svijest šta taj helikopter ovom društvu treba da znači. Podlegli ste pritisku ili reakciji, refleksnoj reakciji nekolicine ljudi koji su u ovom društvu napravili zbrku i dozvolili da se od toga napravi priča. Vi ste demaskirali danas kompletan taj proces, ali realno smo mi nedorasli ovom zadatku. Milorad Dodik i njegovo režim nabavio je tri nova. Ja govorim o dva aspekta. Prvi je aspekt sigurnost građana u miru, i drugi je aspekt sigurnost naših građana od onih koji kada smo slabi, vide nas kao plijen. I na žalost, ljudi poput predsjednika SBB to ne shvataju i ne smijemo podleći takvoj vrsti razmišljanja jer ste samo prije dvije sedmice možda imali priliku da neki povrijeđeni planinar čeka i da mu u pomoć priskoči helikopter iz manjeg bh entiteta ili OS za koju se dozvole čekaju po četiri, pet sati. Morate razbijati te, refleksne, lične ekogistične reakcije. I shvatite da je to i za jednu i za drugu stvar, za građane ove zemlje jako bitno. Tri su imala republička MUP-a prije agresije na BIH. Evo 15 sekundi tolerancije. Tri su imala, sva tri republička MUP-a Zenica, Tuzla, Sarajevo. Mi nemamo ni jedan. Federacija ima jedan 39 godina star koji očigledno nije ni u funkciji. I molim vas da tome posvetite pažnju. Izvinite za ovih 15 sekundi.

Poslanik/zastupnik Igor Stojanović:

Hvala predsjedavajući. U prilog svojoj prvoj diskusiji želio bih da upozorim Vladu pred ovo usvajanje budžeta, posebno ministra zdravstva. Ministar zdravstva odnosno Vlada podnijela je amandman u kojem stavku Prevencija, očuvanje i unapređenje zdravlja stanovništva Kantona Sarajevo umanjuje za 100.000 radi kako ovdje piše nabavke opreme, odnosno automobila od 45 000 i ostale ugovore usluge 55000 javnost je već reagovala. Ali za mene nije toliko strašno. Možda i stvarno postoji neka potreba za automobilom za neku službu. Ja u to stvarno ne bih ulazio. Ono što je za mene mnogo strašnije od nabavke automobila je to, da mi u trenutku kada se borimo sa koronavirusom, umanjujemo stavku za Prevenciju, očuvanje i unapređenje zdravlja. Ja mislim da ova Vlada sebi dozvoljava da građani Kantona Sarajevo osjećaju se poprilično nesigurno. Umanjivati ovu stavku, u ovom trenutku kada se očekuju strašne stvari, kada zaustavljamo dolazak djece u školu, kada vodimo računa o javnim skupovima, kada ograničavamo ljude u kretanju, u mnogo stvari, skinuti 100.000 u takvom trenutku, pa ako ništa mogli ste sačekati ii makar skinuti sa neke druge stavke a ne u ovom trenutku, ne sa ove stavke koja nam mnogo znači. Ja mislim da upravo sa ove stavke smo možda trebali da uložimo u toj nekoj prevenciji da bi se sigurnost građana podigla na neki veći nivo. Nadam se da ovo neće biti u buduće praksa Vlade da materijalna neka sredstva bez kojih možemo budu prioritet u odnosu na zdravlje građana. Mislim da to nije dobra politika i nije dobro da na ovakav način Vlada uđe sa svojim prvim budžetom i da to bude jedna od desetak, dvanaest jedinih izmjena koje imamo na prvom budžetu. Nadam se da ćete voditi o tome računa.

Predsjedavajući:

Zahvaljujem uvaženi zastupniče Stojanović. S obzirom da nemamo više prijavljenih zaključujem raspravu. Premijer ili ministar finansija je tražio riječ prije glasanja. Ministar Halebić.

Ministar Jasmin Halebić.

Hvala. Pa evo samo nekoliko napomena koje su ostale nedorečene. Ja sam primijetio da ste vi korektno iznosili primjedbe, malo ste nas pohvalili malo i kritikovali,. U redu je. Neke činjenice. Mi smo Vlada osam dana odnosu na 365, to je 2,1%. Promijenili smo budžet za 3,5%. Dakle promijenili smo više nego što smo u mandatu. Drugo, 2015 godine evo uvaženi zastupnik koji je tada bio premijer će se toga sjetiti jer smo to bezbroj puta ponovili naslijedili deficit od 90,5 miliona KM a realni puno veći. Vladi prethodnoj Vladi smo ostavili deficit 34 miliona KM. Smanjili smo ga u tom periodu za 56,7 miliona. Ili godišnje 14 miliona KM. nama Je prethodna Vlada, koju pohvaljujem u tome, smanjila deficit za 5 miliona. Dakle mi smo ga dva i po puta više godišnje smanjivali. To su suhe brojke. Registar projekata nije službeni dokument Vlade. Nije bio nikada razmatran na sjednici Vlade, to je jedna da kažem dobra kolegijalna praksa da su napravili neki vodič stvari koje su oni radili. Mi nemamo vremena da s3e time bavimo, ali bi možda bilo dobro da sada napravimo jedan tim, jedan iz pozicije jedan iz opozicije pa da tih 300 mjera malo evaluiraju da vide je li zaista 200 mjera u godinu dana od 300 mjera implementirano. Možda jeste, možda nije. Ali ipak govoriti jednostrano da jeste, dobit ćemo jednu drugu vrstu subjektivnosti. Neka to ostane ako neko želi da se uključi u to, mi ćemo kandidovati jednog koji će biti predstavnik pozicije, vi kandidujete koji će biti predstavnik opozicije neka provjere koliko je to zaista implementirano. Ne šta je napisano, nego koliko je zaista implementirano, koliko je riješeno. Ja u dobroj vjeri

smatram da je dosta toga implemetnirano. Neću licitirati brojevima jer ih nemam. Gerontološki centar, izvinjavam se, ja sam rekao Gerontologija, nisam imao nikakvu namjeru naravno da umanjim važnost tog budžetskog korisnika niti bilo kog drugog. To je hajde da kažem za mene tehnički izraz. Ja prepoznajem tehničke izraze iz oblasti finansija koje vi ne izgovarate onako kako bi se trebali izgovarati, to je sasvim normalno. Da jedan neko ko se obrazuje u jednoj oblasti dobije pojačanu osjetljivost za jednu vrstu terminologije. Ja nemam tu možda izgrađen rječnik, izvinjavam se ako sam nekoga tu ovim mojim nespretnim izrazom povrijedio. E sada da vidite ovo, Komisija za nauku je podigla toliko kriterije da smo mi imali primjedbu vratite nam malo te kriterije. Sada je ispalo da je Vlada prethodna toliko dobro radila da vi zapravo nećete da toliko dobro ona radi. Pa ste rekli vratite nam malo te kriterije neka mogu ovi i časopisi koji su inače stručni časopisi da i oni ne otpadnu. U redu, popraviti ćemo. Nikakav problem. Popraviti ćemo. Ali neka i to bude kazano. Ali delegirate nam problem da ga mi riješimo. Nikakvo to za nas nije iznenađenje. Naravno da ćemo mi to rješavati, kao što su i oni prethodna Vlada naslijedili nešto što mi smo njima ostavili da dorade. Revolucionarna mjera nije ukidanje OKFŠ tu je sada prejak izraz. Revolucionarna mjera ne može biti 6 miliona KM. Ako neko misli da se može riješiti privreda za 6 miliona KM mi pristajemo da se riješi privreda da tih 6 miliona KM vratimo. To nije revolucionarna mjera, to je jedna mjera u nizu mjera koja se treba uraditi. Mi nismo odustali od te mjere, rekli smo da ćemo je analizirati, da li će biti stopa ili ne, smanjena. Evo vam još jedna informacija. U EU gdje mi želimo da budemo ima niz takvih mjera koje znače zaštitu životne sredine itd. Tipa OKFŠ. Dakle, zavisno kako posmatramo. I evo službeni automobil. Evo ja oдавde vam kažem da se u 2020 godini, dok ne riješimo ovo pitanje neće nabaviti. Ne možemo sada mijenjati amandman, možemo kontrolisati implementaciju budžeta i kontrolisat ćemo. Sredstva će biti prebačena za rad kriznog štaba. I u 2020 godini se neće nabaviti i neće se nikako nabaviti dok smo mi ovdje po iznosu od 45.000 za jedan automobil jer ih ima po pristupačnijoj cijeni. Psi lutalice, e samo i ovo da kažem molim vas. I mladi. Evo sada primjer gdje se nismo dobro razumjeli. U poziciji u kojoj su spomenuti mladi, je spomenut i ZOI i industrijske zone itd. Tu je 8 miliona, mi smo na tu poziciju dali još 1 miliona i skinuli sa prihvatilišta. Uspješnost prethodne Vlade se ogleda u tome što su jedan miliona KM iz kredita Razvojne banke utrošili u iznosu od 41.000 a nama ostavili 960.000 da mi ih dovršimo. Dakle ima i toga to su ova razgraničeni prihodi. Već na tom prihvatilištu ima 960.000 KM koje nas čekaju jer prethodna Vlada nije uspjela da ih utroši. Mi tome dodajemo 1 milion. A taj treći sada prebacujemo za mlade. Mislim da je to nešto što uopšte ne dovodi u pitanje realizaciju ovog projekta prihvatilište za pse lutalice. Predsjedavajući toliko.

Predsjedavajući:

Poslovnička intervencija ne može, zaključili smo raspravu. Poslovnička intervencija može, ja se izvinjavam.

Poslanik/zastupnik Vedran Jakupović.

Upravo je riječ o tome da ste zaključili raspravu pa pustili ministra da filozofira iza nas. Znači zamolit ću da ne zaključujete raspravu ili da ne dajte riječ njemu priliku jer sam se ja trudio da budem korektan. Nećemo tolerisati ovdje političke govore o konkretnim problemima. Eto od

sada pa u buduće. Zamolit ću da ne zaključujete raspravu ako puštate ministra, jer mi treba da zaključimo. Hvala.

Predsjedavajući.:

Zahvaljujem na sugestiji. Obzirom da su tražili premijer i ministar, evo nisam znao tek nakon zaključivanja rasprave, ali neće se ponoviti. Bešlija nije se prijavila ja se izvinjavam.

Poslanik/zastupnik Vildana Bešlija.

Ja bih zaista zamolila bih vas prvenstveno kao predsjedavajućeg htjela sam vas pitati na šta ste na osnovu čega ste dali uopšte riječ ministru da ovdje daje bilo kakve da vodi političke govore, a da ne kažem o tome da je to u ime premijera, koji ovdje na sva usta prije sedam dana, šest tačnije, kao što volite naglasiti da niste već ni punu sedmicu tu, naglašavao da neće biti mjesta u novoj Vladi, nema visoke politike u Vladi koju on predvodi. Molim vas, objasnite nam šta je ovo zadnjih jedno 10 do 15 minuta što smo slušali, osim jedan najobičniji politički govor?

Predsjedavajući:

Jeste li završili?

Poslanik/zastupnik Vildana Bešlija:

Sada jesam i molim vas, molim vas predsjedavajući da mi kažete na osnovu čega je ministar dobio pravo na riječ? Hvala.

Predsjedavajući.

Ja vodim sjednicu evo neće se to više ponoviti.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU BUDŽETA KANTONA SARAJEVO ZA 2020. GODINU.

Otvaram glasanje. Molim rezultate.

ZA JE GLASALO 34, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA BUDŽET KANTONA SARAJEVO ZA 2020. GODINU.

Prelazimo na tačku šest:

AD – 6.

PRIJEDLOG ZAKONA O IZVRŠAVANJU BUDŽETA KANTONA SARAJEVO ZA 2020. GODINU

Materijal ste dobili uz poziv za sjednicu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ne žele. Ima li pitanja?

Poslanik/zastupnik Mahir Dević.

Ne znam kakav je stav predlagača po ovom pitanju, govorim o ovom Zakonu što je predložio kolega Nikšić, jel tako? A izvršavanje budžeta, izvinjavam se. Pogriješio sam.

Predsjedavajući:

Otvaram raspravu. Ukoliko se niko ne javlja za riječ molim vas da nastavimo sa sjednicom.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ZAKONA O IZVRŠAVANJU BUDŽETA KANTONA SARAJEVO ZA 2020. GODINU.

Otvaram glasanje. Molim rezultate.

ZA JE GLASALO 34 ZASTUPNIKA, PROTIV nije bilo, SUZDRŽANIH nije bilo.

KONSTATUJEM DA JE SKUPŠTINA DONIJELA OVAJ ZAKON.

Prelazimo na tačku sedam:

AD – 7.

PRIJEDLOG ZAKONA O KAŽNJAVANJU GOVORA MRŽNJE KANTONA SARAJEVO - SKRAĆENI POSTUPAK

Prijedlog ste dobili uz poziv za sjednicu. Molim vas da se smirite.

U skladu sa članom 158. stav 2) Poslovnika Skupštine Kantona Sarajevo molim predstavnika Predlagača da nam ukratko obrazloži razloge za donošenje Prijedloga zakona po skraćenom postupku. Izvolite. Uvaženi zastupnik Marjanović.

Poslanik/zastupnik Damir Marjanović:

Ja vam se zahvaljujem. Razgovarali smo i prije nekada kada smo pripremali ovaj Zakon, s obzirom da se radilo o kratkom Zakonu i datom momentu mislili smo da to treba ići po skraćenom postupku, međutim s obzirom da smo dobili zanimljive i sugestije i komentare, mi bi sada predložili, ja bih kao predlagač predložio da ovo ide u redovnu proceduru kao nacrt. Mislim da to ne bi trebalo biti problem po Poslovniku, zar ne?

Predsjedavajući.

Obzirom da ide kao Nacrt Zakona predlažem molim predstavnika predlagača da podnese uvodne napomene.

Poslanik/zastupnik Damir Marjanović: UVODNE NAPOMENE PREZENTACIJA

Predsjedavajući:

Zahvaljujem uvaženi zastupniče Marjanović. Samo nam trebate predložiti vremenski trajanja rasprave.

Poslanik/zastupnik Damir Marjanović.

Definitivno mislim daje standardni rok trajanja rasprave 30 dana. Ne vidim nikakvog razloga da to ne uradimo i ovaj put. I neka bude 30 dana.

Predsjedavajući.

Usaglasili smo trajanje. Ja vam se zahvaljujem. Da li predstavnici radnih tijela žele riječ? Ima li pitanja? Vi možete sjesti. Zahvaljujem. Otvaram raspravu.

Poslanik/zastupnik Jasmina Bišćević-Tokić:

Zahvaljujem predsjedavajući. Zahvaljujem se našem uvaženom profesoru na izlaganju i prijedlogu ovoga od danas nacrtu Zakona. Čitajući materijal koji sam spremala našla sam dosta zanimljivih podataka upravo sa različitih nivoa same države koji su se već očitovali prema ovom nacrtu Zakona. Pa evo počeo ću iz početka. Vlada prošla koja je bila je napravila zaključak da se prihvata mišljenje Ministarstva pravde i uprave Kantona Sarajevo, mišljenje Ureda za zakonodavstvo Vlade Kantona Sarajevo, mišljenje Kantonalnog Tužilaštva, mišljenje MUP-a Kantona Sarajevo, odnosno Uprave policije, i mišljenje kantonalnog suda u Sarajevu. Prosljedila je naravno tadašnjem predsjedavajućem a kasnije vama predsjedavajući da krenete u proceduru. Međutim ono što je interesantno da svaki ovaj, te Ured za zakonodavstvo, te Kantonalni sud, Uprava policije je faktički dala negativno mišljenje za ovaj nacrt Zakona. Ja bih voljela da je mogao premijer Nenadić da odgovori u principu kakvo je njegovo mišljenje za ovaj nacrt Zakona jer je iskusan pravnik, bio bivši ministar pravde, i bio pomoćnik ministra za ljudska prava. I mislim da je ova tematika njemu vrlo poznata. Ono što bih željela da uđe u stenogram, a i za javnost da kažem, to je mišljenje Ureda za zakonodavstvo a vezano za ovaj Zakon, pa evo ja ću pročitati tačno o čemu se radi. A radi se član 2. Mišljenja Ureda za zakonodavstvo. Ustavnim odredbama utvrđeni su najviši standardi ljudskih prava i građanskih sloboda, suzdržani u međunarodnim aktima koji su sastavni dio složenog ustavno-pravnog sistema BIH. U tom smislu posebno napominjemo da je Europska komisija protiv rasizma i netolerancije Vijeća Europe EKRI u svom trećem izvješću o BIH preporučila da je potrebno da vlasti usklade krivični Zakon BIH sa preporukom o opštoj politici broj 7, postupajući u skladu sa naprijed navedenom preporukom nadležnog tijela Vijeća Europe čija je članica BIH i definisan je nivo nadležnosti na kojem je neophodno regulisati predmetnu materiju. U prilog mišljenju da je predmetnu materiju neophodno normativno pravno uraditi na nivou države BIH, jeste i činjenica da je na državnom nivou donesena i strategija za prevenciju za borbu protiv terorizma, za period 2015-2020 kao i Akcioni plan za provedu strategije. Regulisanje ove materije kantonalnim propisom može dovesti do sukoba nadležnosti pravosudnih organa u primjeni propisa, narušavanje pravne sigurnosti po pitanju osnovnih ljudskih prava i sloboda i nemogućnosti efikasnog i jednakopravnog sankcionisanja krivičnih djela iz ove oblasti. Cijeneci navedeno mišljenje smo da je ovu materiju neophodno na jedinstven način definisati državnim zakonom a u skladu sa aktima i propisima međunarodnih institucija. Kantonalni sud također je dao slično mišljenje, kao i Uprava policije. Pa ću pročitati šta su oni napisali, tačnije komesar Nusret Selimović. Da slijedom važećih pravnih normi u BIH koji se odnose na izradu i donošenje zakonskih propisa, dostavljena forma predloženog Zakona s ene može prihvatiti. Prije svega jer slijedi jedinstvena pravila za izradu pravnih propisa u institucijama BIH. Krivičnim

zakonom FBIH u članu 163 te u članu 363 određene su elementi bića ova dva krivična djela kojim su obuhvaćene skoro sve ključne odredbe koje su navedene i u prijedlogu Zakona o kažnjavanju govora mržnje u Kantonu Sarajevo. I također navest ću instituciju OSCE koja je slično dala mišljenje. Isto tako pozvala se na Vijeće Europe, tačnije EKRI procedure i da se već krivičnim zakonom kako Federacije tako i RS-a ova pravna norma, ali ono što vidim da nema u ovom materijalu a i preporuka je Ureda za zakonodavstvo, a to je mišljenje ombudsmena. Tako da bih ja vas stvarno predsjedavajući molila, a i molila sadašnju Vladu da nekako sa profesorom Marjanovićem probaju naći nekakvo srednje rješenje, jer po ovom trenutnom, ako mogu reći iz ovih materijala što sam vidjela niko nije za to da ide ova forma Zakona jer nisu se stekle zakonske procedure i zakonska forma. Ne možemo mi iz Kantona Sarajevo ići prema Federaciji koja je sastavni dio svega ovoga. Evo zahvaljujem.

Poslanik/zastupnik Vildana Bešlija;

Hvala predsjedavajući. Ja cijenim dobru namjeru kolege Marjanovića jer govoru mržnje moramo stati na put ali nisam sigurna da je ovo pravi put za tako nešto. Materijala govora mržnje, izazivanja mržnje, po mnogim osnovama već je tretirana entitetskim krivičnim zakonima. Ono što se može primijetiti da odredbe ovih Zakona nisu potpune i zahtijevaju dopune. Kolege i kolegice iz Kluba zastupnika Naše stranke u Predstavničkom domu Parlamenta Federacije BiH pripremaju Zakon o izmjenama i dopunama krivičnog Zakona Federacije gdje će pored govora mržnje unaprijediti odredbe koje se tiču i drugih pitanja kao što su neovlašteno snimanje i nasilje u porodici. Slažem se sa kolegicom koja je govorila ranije i mislim da je to pravi put da prvo to moramo uraditi na većim nivoima pa onda spuštati vodje. Mišljenja sam da donošenje lex specialis u govoru mržnje na kantonalnom nivou može samo dovesti do problema u primjeni. Već su se negativno kao što smo evo i detaljno čuli, povodom ovog nacrtu izjasnili i Ministarstvo pravde Kantona Sarajevo, Kantonalni sud, MUP, i Tužilaštvo Kantona Sarajevo. Članovi Zakona koje sam pominjala na federalnom nivou su član 163 izazivanje narodnosne, rasne, i vjerske mržnje, razdora ili netrpeljivosti koje definiše to, član 363 Krivičnog Zakona FBIH neovlašteno posjedovanje ili ugrožavanje javnog reda putem radio ili TV stanice, javno izazivanje i podsticanje nasilja i mržnje, član 359 Krivičnog Zakona RS-a i mislim kada bi se ovo sve na čemu će raditi kolega na Federaciji zajedno inkorporiralo u federalni Zakon i onda spuštalo ka kantonalnom nivou mislim da bi onda bili na pravom putu. Hvala.

Poslanik/zastupnik Mahir Dević:

Pozdravljamo jednu ovakvu vrstu inicijative i namjeru, samo često puta namjere budu možda najbolje, ali ono što imam za rezultat ne bude dobro. Sličnu smo situaciju imali na početku mandata kada je bio Zakon o prijavi podataka o imovini. I drago mi je danas čujem od kolegice Vildane da nije dobro u pravilu usvajati lex specialis zakone na kantonalnom nivou. Mi smo tada upozoravali i na to podržali, da ne bi bilo u nekom populizmu da smo protiv takvog jednog registra i danas imamo stanje da je čini mi se, kako rekoše, 120 prijava je otišlo prema zvaničnicima od kojih će neki da plate kazne, neki vjerovatno neće, tražit će sudska odlučivanja i onda ćemo vi vrlo vjerovatno kao Skupština i Vlada ući u problem da ćemo morati plaćati te kazne na sudovima, na sporovima koje izgubimo i onda postavlja se pitanje na kraju šta ćemo dobiti. Ovo sam samo naveo kao primjer jer smo i tada upozoravali, a evo i

sada upozoravamo. Prvo mislimo da rok od 30 dana zaista je izuzetno kratak za javnu raspravu uzimajući u obzir sva ova mišljenja koja imamo ispred sebe, čak i ovo mišljenje OSC. Vlada je imenovana prije nekoliko dana, dobro bi bilo da se u ovu tematiku uključi Ministarstvo pravde i uprave i premijer. Da pregledaju ovaj Zakon i da probamo da vidimo šta možemo izvući od tog Zakona, da postignemo cilj da se stane u kraj jednoj takvoj aktivnosti govora mržnje, ali da to bude usklađeno sa zakonskim propisima koji definišu ovu oblast a prije svega ovog krivičnog Zakona Federacije. Iz tog razloga evo ja sam i na Kolegiju to govorio da nije dobro da ide po hitnoj proceduri, ako se sjećate vi koji ste bili prisutni. Danas smo prihvatili opciju da ide u nacrt, predlažem da to bude ipak duži vremenski period, da vidimo šta će se desiti, jer bojim se da ćemo doći u situaciju da trebamo da glasamo za neki Zakon a nećemo se moći o njemu izjasniti. Mi kao Klub SDA hoćemo da podržimo jedan takav Zakon ali samo ukoliko je on usklađen sa svim relevantnim propisima. Ako ne bude usklađen kao što smo radili u prethodnu godinu, kada smo bili opozicija mi to nećemo moći podržati. Možda bi dobro bilo da predlagač ipak stavi vremenski okvir od 90 dana da se vidi šta će se desiti ovom inicijativom za izmjenu tog krivičnog zakona da se ovo dobro izdiskutuje i da dobijemo nešto od ovog Zakona a ne da ga usvojimo i da napravimo do njega nešto što će biti mrtvo slovo na papiru, odnosno ono što će biti neprovedivo ili što je još gora stvar da nas uvede u jednu pravnu nesigurnost koju u konkretnom slučaju čak i OSC upozorava. I prošli put smo imali takva mišljenja ovo sam maloprije naveo kao primjer. Znači nekada je dobra namjera a rezultat bude pogrešan. Mislim da nema potrebe da žurimo s ovim. Treba to dobro izdiskutovati, konsultovati relevantne ljude, stručnjake, relevantne zakone i kada na kraju kada doneseno naravno da to donesemo jednoglasno i da on ima svoju funkciju i cilj zašto smo donijeli taj Zakon, a ne samo da se to kao nešto broji, mi smo nešto donijeli a ustvari napravili problem. Eto toliko. Hvala.

Poslanik/zastupnik Elmedin Konaković:

Ma ja nekako imam refleks da reagujem u ovim situacijama jer se ne slažem. S ovim ošto govore moje kolegice Bišćević, pa ni kolegica Bešlija, pogotovo se ne slažem s Devićem što nije nešto posebno neuobičajeno. Vi hoćete da opet čekamo neku Novalićevu, Drljačinu Vladu koja bi nam trebala uređivati stanje u Kantonu i ovdje ima nekoliko navoda koji nisu tačni. Donošenje Zakona o prijavljivanju i porijeklu imovine jedna je od najboljih stvari koja se desila u periodu poslije agresije na BIH u isključivo trenutno a dešava se i u nekim drugim kantonima. Osporeno je od strane Ustavnog suda, osporeno, u mišljenju je rečeno da u jednom dijelu tog Zakona, tamo gdje čini mi se odnosi se samo na suprotnosti u odnosu na porodični Zakon i do kog se tog koljena može to zahvatiti mi smo govorili da bi to najrađe do najdaljih rođaka ali ne može, i tu je potrebno korigovati ovaj Zakon. Ništa drugo u tom Zakonu nije upitno. I ako bog da svih će ovih 150 ljudi platiti kazne, iduće godine neće raditi istu stvar. Pazite, načelnici sarajevski, vijećnici sarajevski, neka cijela vijeća, nisu željela prijaviti imovinu, govorim to komparirajući sa prijedlozima a se eventualno na neki način u negativnom kontekstu govori i ovom Zakonu danas. Slušali smo jednog načelnika sarajevske opštine u čijoj Sali sjedimo, on kaže šta mene to zanima, mene to ne zanima, taj kantonalni propis. Mi smo kantonalna Skupština, po Ustavu ovlaštena ad donesemo zakone koji su obavezni za sve načelnike ovog Kantona i za sve vijećnike i gradske vijećnike. Oni se s time,

tome se izruguju, između ostalog možda i zbog našeg tako eto predstavljanja, nekakvog tamo ko fol papira. Naravno slažem se da koliko god je to moguće i usklađenost s Ustavom, treba voditi računa, ali da čekamo još jednom po ovom modelu već prepoznatom da nam neki viši nivoi vlasti to donesu, riječ je o Vladi je ovdje povećala 30% cijenu građanima, evo i ovoj Vladi napravila problem, nije samo bivšoj. I riječ je o Vladi koja to nikada neće donijeti. Ako nešto u ovoj zemlji postoji, ne ovoj nego federalnoj govorim, ako nešto postoji, postoji potreba da se osim ovih Zakona uredi Zakon kojim bi se regulisao govor mržnje. Ja garantujem da bi smo u nekoj ustavnoj borbi pravnoj, s ovom Vladom na čelu, izvojevali tu bitku da imamo pravo onako kako smo tu izabrali Vibora Handžića kao četvrtog dopredsjedavajućeg, iz reda Ostalih a nisu to uradile ni Federalna Vlada ni državna neka Vlada, ni niko više u ovoj zemlji osim nas. Dakle mi kao prostor u kom je avangarda nekoliko puta politička prezentirana da sada ponovo tražimo isti je scenarij, nemojte dok ovi, nemojte dok oni, slažem se da možda rasprava treba biti 60 dana, 90 dana, zašto ne, uključite OSC u donošenje ovog zakona da nam neko objasni šta je to. Ured za zakonodavstvo koji je nekoliko puta davao dva različita tumačenja ili neke drugi, ne bi trebali stati na put jednom dokumentu koji bi sigurno mogao biti značajan u rješavanju ovog problema. Hvala.

Predsjedavajući:

Replika Dević Konakoviću, pa Jasmina Bišćević Tokić pretpostavljam Konakoviću.

Poslanik/zastupnik Mahir Dević:

Da ne bi bila nezanimljiva Skupština u pravilu, ja i kolega Konaković se ne slažemo oko niza stvari samo što kolega Konaković je čovjek velikih riječi, velikih spinova, velikih obrazloženja i to smo gledali u prethodnih godinu dana. Ja sam upozorio na stvar oko ovog Zakona u nacrtu pa u prijedlogu. A evo čekat ćemo pa ćemo vidjeti šta će se desiti na ovom sudskom odlučivanju. Još se jedno tri puta najmanje nismo slagali oko ovih mišljenja ustavnog suda i apelacija i trebalo bi kolegu Konakovića obavijestiti da je sada za sada 3:0 za mene. Kada su u pitanju ove presude Ustavnih sudova. Ja ovo upozoravam ne da mi ne bi usvojili taj Zakon, ja upozoravam da ga usvojimo u dobrim redovnim procedurama, imamo sada vrhunskog premijera koji je pravnik, pozivam ga da se uključi i da, bio je ministar pravde i uprave i da taj Zakon uskladimo da ne bi smo ponovo došli u neku situaciju da usvojimo ovaj Zakon da sutra po tom Zakonu za neki eventualni govor mržnje, nemamo sankcije. A ovo ćemo vidjeti, ovo je pred nama šta će reći sudovi vezano za ovu temu. Ja se bojim da ćemo mi sebi napraviti budžetsku dubiozu po osnovu ovog Zakona kada to dođe na sudove. A vidjet ćemo evo. A d sada je 3:0 u ovim rezultatima a vidjet ćemo još šta će dalje biti. Evo ja ne prejudiciram, ponavljam bojim se da će ti ljudi koji su tražili sudska odlučivanja na žalost biti u pravu. A volio bih da griješim da ne bude tako jer će to proizvesti ogromne probleme i troškove za budžet Kantona Sarajevo a onda nam ove velike riječi neće značiti ništa jer ćemo to ljudima morati isplatiti. O tome se radi, ja na to upozoravam. Uopšte nisam protiv ovakvog Zakona da ga donesemo. I zato sam predložio daj da to fino izdiskutujemo. To sam govorio i za onaj Zakon. A podsjetiti ću nas ve da još uvijek imamo Zakon koji nam nije u skladu s ustavom jer je tako rekao Ustavni sud. Koje trebamo uskladiti a ljudi idu na sudska odlučivanja. A vi znate kako će to advokati vrlo lijepo iskoristiti u tim sudskim procesima. Ja na to upozoravam. Hvala.

Poslanik/zastupnik Elmedin Konaković.

Ma nekako mi razgovor s Devićem o nekim pravnim procedurama zaista se osjećam loše kada se moram na taj nivo spustiti ali on danas ne zna matematiku, on ne računa, on ovako meni kaže: znate ono što smo i vama apelirali vama za budžet da vam Novalić ukine budžet to je 1:0 za nas. A sud se proglasio nenadležnim kada je njegov premijer iz SDA Novalić po njegovom nalogu tražio da stane život u Kantonu. On kaže vidi kako smo vas mi tu dobili na ustavnom sudu. Kolega Dević.

Ima kolega Dević ispravku krivog navoda.

Poslanik/zastupnik Mahir Dević:

Nije nervoza kolega nikakva već ste vi spomenuli jednu situaciju koju sam ja ovaj put izostavio. Rekao sam 3:0, to bi bilo 4:0 s tom situacijom. To nisam spominjao.

Poslanik/zastupnik Elmedin Konaković:

Onda je problema realno matematika, onda je 3:1 kada bi on to tako računao, bilo bi 3:1 jel tako? A matematika je danas ovdje problem u odnosu na pravo. Kolega Dević je ovdje čitao zaključak nad kojim se zgražavala bh javnost, kada su vas kolega Čelik izabrali skupštinskim rukama za predsjedavajućeg Skupštine, vrhovni tumač ustava, OHR i ostali potvrdili, bilo nas sve sramota što se to dešava u Sarajevu. T je ovo njegovo matematičko pa će on valjda to negdje sabrati. Nije to suština jer on je ovdje citirao, član 111 Etičkog kodeksa kao dio Poslovnika. Mi bi sada kao biva trebali raspravljati o pravu, on se matematikom danas treba pozabaviti.

Predsjedavajući;

Ispravka krivog navoda,

Poslanik/zastupnik Mahir Dević.

Ispravka krivog navoda se odnosi na ovaj dio u kome kolega Konaković kaže da sam ja pisao taj zaključak. Ne nisam ja pisao taj zaključak. Ja sam ga samo predložio. A druga stvar vi to još niste osporili na Ustavnom sudu, am i smo vama donijeli dokument u kome je rečeno da ste vi prekršili Ustav i da ste vi nelegalno izabrali predsjedavajućeg.

Predsjedavajući.

E sada vas ja molim uvaženi zastupniče Dević i uvaženi zastupniče Konaković da se vratite na temu, danas razgovaramo nešto drugo a kada budete imali priliku da razgovarate ili na TV ili gostovanju, bilo gdje pozovite ili Devića ili Dević da pozove vas pa v to raspravite na TV negdje u debati. Zastupnik Konaković izvolite i vratite se molim vas na tačku dnevnog reda. ,

Poslanik/zastupnik Elmedin Konaković.

Ostat ću na temi, u pravu ste raspravljati o ovom s Devićem nema skoro nikakve svrhe. Repliciram kolegi Deviću na ovo što je rekao, isti je to scenarij. Osporavanje ovog Zakona dešava se na isti onaj način na koji je pokušao osporavati Zakon o prijavljivanju imovine i danas priča kao vješti ekspert iz oblasti prava, a da ćemo mi plaćati nekakve penale jer

sarajevski vijećnici, načelnici među kojima su neki koje ja poznajem, nije politika uopšte u pitanju, nisu prijavili svoju imovinu i vjerujte da će zato platiti kaznu. Možete li kolegici Kerli reći da malo se smiri, molim vas. Jer je baš prebučna, preglasna, ne znam šta se dešava.

Predsjedavajući:

Molim zastupnike da se smire.

Poslanik/zastupnik Elmedin Konaković.

Oni će platiti kazne kakve treba da plate i porediti to danas sa donošenjem ovog Zakona, osporavati ovakav Zakon, ne znam kako bih to nazvao, zaista nekako gubi smisao, matrica ista samo što ja na te matrice ne mogu šutiti dok većina šuti. Dević radi isto, Bišćević radi isto, isto radi Dević, isto radi Bišćević, to je isti scenarij.

Predsjedavajući.

Ispravka krivog navoda Dević izvolite.

Poslanik/zastupnik Mahir Dević:

Ja ne osporavam donošenje ovakvog Zakona, ja upozoravam da se to uradi u procedurama u skladu s ustavom i da imamo dobro zakonsko rješenje. Ponavljam ne osporavam. Nisam osporavao ni onaj već sam upozoravao. A vidjet ćemo ishod sudskih rješenja koja su vjerovatno u toku. Ja sam svoju imovinu i kolege iz Kluba SDA svi prijavili i poštujemo to zakonsko. Ko nije vjerovatno ima neki razlog što nije. Ali sam upozorio šta će se desiti ako te sada procese počnemo gubiti na sudu. A imali smo velike riječi ovdje.

Predsjedavajući:

Zahvaljujem uvaženi zastupniče Dević. Replika Bišćević Konakoviću vjerovatno.

Poslanik/zastupnik Jasmina Bišćević-Tokić:

Evo ja bih prvo zamolila i vas a i uvaženog kolegu Konakovića ja nisam Bišćević. To je za sljedeći put da vodite računa. S druge strane ja ne znam kako je kolega Konaković ovo uopšte shvatio, mi ne stojimo na putu nikakvom nacrtu niti prijedlog Zakona. Voljela bih da mi gospodin Konaković kaže koje je dao ovdje dao pozitivno mišljenje i za šta? Znači u cijeloj dokumentaciji koja je dostavljena nama zastupnicima svi su dali negativno mišljenje. I Ured za zakonodavstvo, i Kantonalni sud, i Uprava policije i OSC. Sve do jednog su rekli da ne idemo u ovaj proces. Svaki put se nama nešto fakturiše, vi iz SDA, vi ste protiv nečega. Mi nismo ni protiv čega što nije u skladu sa zakonom. Ja ne želim da se vade riječi iz konteksta. Ja se ne slažem sa ovim, ne slažem sa onim. Ured za zakonodavstvo rekao ne, Kantonalni sud rekao NE, uprava policije rekla Ne, OSC rekao NE. A kakav je zaključak stare Vlade, nikakav. Nema zaključka. Prihvata se i mišljenje i jednog i drugog i trećeg i četvrtog. Koji je zaključak stare Vlade? Jesu li saglasni s nečim? Vlada su radili po nekom Poslovniku Vlade. Po Poslovniku Vlade, kolega Konakoviću sve ovo moraju imati. Kada sve ispune SDA će stajati iza ovoga Zakona. Mi ne bježimo, nikome ne stojimo na putu, ali ne mimo Zakona. Zahvaljujem,

Poslanik/zastupnik Elmedin Konaković.

Ma opet mi neugodno, a moram opet. Kolegica Bišćević-Tokić isto radi ovdje godinu i po dana, ona interpretira na njoj svojstven način neke akte i mišljenje Ureda za zakonodavstvo smatra negativnim. Ured za zakonodavstvo samo misli da je to potrebno donijeti na višim nivoima, ne osporava ustavnu nadležnost Kantona ni u jednoj od svojih tačaka ili sugestija. Dakle jedno vrlo uopšteno mišljenje. Ni po čemu nije negativno. Nego samo kaže potrebno je usklađivanje, usaglašavanje, evo ga ovdje kako bi Vlada kantona dana mišljenje. Regulisanje ove materije kantonalnim propisom može dovesti do problema. Sugerišu. Nisu rekli: nemojte, ne smije, nemoguće. Nego u okviru javne rasprave treba povesti računa. I treba povesti računa. Uskladiti ga s drugim zakonima. Takva su uopštena mišljenja i drugih institucija. Dakle naravno da treba voditi računa s Krivičnim zakonom i drugim. I evo dobro je, Dević je predložio, i Damir je, rekao je sve OK. Kolegica Bišćević . Tokić pardon. Dakle ljudi nemojte to raditi. Tako ono uvjerljivo ću ja iščitati neki dokument, reći to je negativno. Ovo nije negativno. Ovo su vam sugestije kako bi se u okviru rasprave mogao popraviti dokument koji ima dobru namjeru. I evo drago mi je da nema problema, da ima podršku. Hvala vam.

Predsjedavajući.

Poslovnička intervencija uvaženi zastupnik Vreto, izvolite.

Poslanik/zastupnik Elvis Vreto:

Hvala predsjedavajući. Predlagač je ovaj Zakon promijenio u nacrt. Sva mišljenja koja su došla, došla su na prijedlog Zakona koji je trebao biti po hitnom postupku. Ja mislim da je to ogromna razlika. Sve ove primjedbe koje je kolegice i kolege imaju putem javne rasprave neka se delegiraju i potpuno je opravdano što se ovaj Zakon pretvara u nacrt jer će tokom javne rasprave upravo trebati da dobije ono što mu je potrebno da se usklade svi članovi i odredbe sa zakonima višeg reda i da imamo prijedlog Zakona o kojem će se ponovo ove institucije koje su dale ovakvo mišljenje i izjašnjavati. Mislim da vodimo potpuno bespotrebnju raspravu. Ovaj Zakon se pretvorio u nacrt, dajmo ga u javnu raspravu a javna rasprava do prijedloga će doći i sve ove sugestije koje ste iznijeli će biti dijelom tretirane. Toliko predsjedavajući.

Predsjedavajući:

Poslovnička intervencija uvaženi zastupnik Marić.

Poslanik/zastupnik Zvonko Marić:

Zahvaljujem predsjedavajući. Zasta sam se suzdržavao da ne komentiram ovo ali najljubaznije molim vas predsjedavajući da izvan konteksta, izvan tačke dnevnog reda ne dozvolite bilo kakve raspravu jer ona ničemu ne vodi, stvara ovdje tenzije i znate kada kolega Konaković i kolega Dević počnu da polemiziraju, odnosno jedan drugome replike, a pri tome se doda Bišćević-Tokić gospođa, onda dobije sliku kao da je to svojevrsna otužna ostavinska rasprava bračnih drugova koji su se razišli pazite.

Predsjedavajući:

Poslovnička intervencija uvaženi zastupnik Konaković izvolite.

Poslanik/zastupnik Elmedin Konaković:

Pa ne možete dozvoliti Mariću da ovo radi, pod plaštom poslovničke intervencije pjesme pjeva čovjek. Koji je dio Poslovnika, šta je kako. Nek sačeka barem svoj dio da diskutuje može sve ovo reći. On se javi poslovnička intervencija, izrecituje ostavinske rasprave, neostavinske rasprave. Uopšte nije slušao o čemu smo mi ovdje pričali. Nemojte mu ovo dozvoljavati.

Predsjedavajući:

Uvaženi zastupniče Marić molim vas da se vratimo zaista na Poslovnik.

Poslanik/zastupnik Zvonko Marić:

Vratiti ćemo se. Ali imam pravo na repliku ispravku krivog navoda. Niko ovdje ne pjeva, ako gospodin Konaković pretvara ovu govornicu u estradu to je njegov problem. Ja nisam ovdje ništa pjevao samo govorim da li možete od bilo koje ove rasprave da koristite za javnu raspravu nacrtu Zakona. Ne možete. Nemojte da diskreditiramo ovaj dom.

Poslanik/zastupnik Jasmina Duraković poslovnička intervencija.

Evo ja bih samo tragu ovoga, neću oduzimati vrijeme na diskusiju, iako sam imala potrebu da kažem, ali evo rekla bih, sugerirala kolegi Marjanoviću da možda produži taj rok javne rasprave na 90 dana upravo iz razloga što se ne bi dovodili u ovakve situacije da imamo dovoljno vremena da se sve te institucije oglase ovim povodom. Evo to je moja sugestije pa razmislite o tome. Ali ja mislim da trebamo ići sa nacrtom ovog Zakona da nema apsolutno razloga da to više odugovlačimo jer znam, poznajem taj nedinamični rad Federalne Vlade koja se sada preko godinu i po dana u tehničkom mandatu, koja neće uraditi apsolutno ništa. Tako da evo toliko.

Predsjedavajuća:

Zahvaljujem uvažena zastupnice. Replika Stojanović.

Poslanik/zastupnik Igor Stojanović:

Kolegici Jasmini Bišćević-Tokić. Zamolio bih i kolegicu i kolegu Devića da bez obzira imamo sasvim razjašnjeno kolega Marjanović je predložio da ovo ide u nacrt. Možemo sada diskutirati koliko hoćete da možda preuranjeno donosimo neke zakone i da eventualno ćemo imati neke probleme, kao što su na kraju krajeva, kao što su kolege iz SDA govorile o tome da smo mimo ustava izabrali nekoga iz reda Ostalih u rukovodstvo Skupštine Kantona Sarajevo. Dakle mi možemo dovoditi u pitanje puno stvari ali tako ćemo čekati čitavo vrijeme da.

Predsjedavajući:

Ispravka krivog navoda Dević. Ja bih vas lijepo molio da se držimo tačke dnevnog reda od sada ću svakome oduzimati riječ ko god se ne drži tačke dnevnog reda. Izvolite.

Poslanik/zastupnik Mahir Dević.

Podržavam predsjedavajući to. Ispravka krivog navoda se odnosi na ovo da smo mi kazali da je kolega Vibor izabran nelegalno. Mi to nismo govorili ovdje nikada, i to je možda bila stvar nekih medija tamo ali ovdje, Klub nikada to nije kazao. To je ispravka krivog navoda.

Poslanik/zastupnik Igor Stojanović:

Pa evo možda niste rekli za govornicom ali ste dovodili u pitanje imenovanje iz reda Ostalih odnosno kada se imenovalo rukovodstvo. Da mogu se vratiti na temu, tema je otišla upravo zbog diskusije gospodina Devića koji je otišao sa teme. Imamo 90 dana, sve njegove zamjerke, 60 ili 90 dana može reći u javnoj raspravi bez ikakvih problema da nas ne maltretira svojim subjektivnim mišljenjima. Sve zamjerke svi mogu dati i zastupnicima i kompletna javnost na ovaj Zakon. Ja vas molim da završimo ovu diskusiju i da krenemo, na kraju krajeva govorimo o nacrtu. Ne govorimo o konačnom Zakonu. Nemojte molim vas da diskutujemo dalje.

Predsjedavajući:

Odgovor na repliku zastupnik Dević.

Poslanik/zastupnik Mahir Dević:

Bila je u cilju prevazilaženja ove situacije da se predloži Predlagaču da ipak ostavi 60 dana, čini mi se da je on saglasan da to bude 60 dana. I sve diskusije su se odnosile na to da ne treba brzo i ishitreno donositi nešto što će biti u konačnici neprovodimo. To je bilo, nije to bilo nikakvo ovdje maltretiranje. Nemojte takve izraze kolega Stojanović koristiti.

Predsjedavajući.

Odgovor na repliku Stojanović Deviću.

Poslanik/zastupnik Igor Stojanović:

Gospodine Deviću ovo vam je deseti put da diskutujete po ovoj tački ako to nije maltretiranje ja onda stvarno ne znam šta je maltretiranje, molim vas dajte svoje sugestije ako imate na Zakon i da nastavimo dalje. Hvala.

Poslanik/zastupnik Mahir Dević.

Predsjedavajući molim vas da se držimo Poslovnika i da vodite računa kako se zastupnici obraćaju jedni prema drugima. Ja ovdje nikoga ne maltretiram, prema tome ne dozvoljavam da se tako sa mnom razgovara.

Predsjedavajući:

Zahvaljujem uvaženi zastupniče Deviću. Jel ima neko još replike, poslovničke intervencije? Izvolite uvažena zastupnica Kerla.

poslanik/zastupnik Bibija Kerla:

imam ja repliku Mahiru Deviću ja bih ipak da se ovaj Nacrt produži do mjesec dana prije samih izbora da imamo razloga koga kažnjavati. Hvala lijepo.

Predsjedavajući:

Za prvu diskusiju se javio uvaženi zastupnik Nikšić. Izvolite.

Poslanik/zastupnik Damir Nikšić:

Hvala. Slažem se, mislim se sada kada sam čuo, slažem se sa svim što sam čuo ali opet se vraćamo na ono što sam ja nekada govorio dok budemo čekali sve da se posloži na višim tim nekim državnim nivoima a u biti ne radimo ništa drugo nego se sinhronizujemo sa europskim pravnim nasljeđem. Što i oni moraju na višim nivoima da urade, ja sam uvijek i prije i sada imam taj stav da nije važno ko prvi krene, jer i onako idemo prema europskim zakonima i europskom pravnom nasljeđu. I moj je stav bio i po pitanju kanabisa i svega toga i drugih nekih Zakona sam bio na toj liniji. S druge strane mi smo ovdje legislativa, mi i trebali da donosimo neke zakone i onda a već dugo nismo nešto pametno napravi. Ja mislim da je ovo pametan jedan prijedlog i nacrt zakona i potreban nam je. Nije sada da nema mržnje u Sarajevu, Kanton Sarajevo i da nismo svi žrtve masa nas, i ovdje nas prisutnih i raje okolo obične, građana, civila da nismo žrtve govora mržnje i da to mislim da u glavnom gardu BIH treba zaustavljati podhitno. I boriti se protiv toga. I nekako ako ne radimo na tome ako ne donosimo zakone, što bi kao zakonodavno tijelo, ja sjedim vodje i mi smo neko zakonodavno tijelo, ja ne znam čime se onda mi bavimo, šta smo mi? Board nekih direktora da vodimo javna preduzeća, koliko zarađuje koje javno preduzeće, koja će se partija rastaliti od kojeg dobitka ili ne znam šta. Ja nisam zadovoljan s takvim poslom. Dosadno je da sjedimo vodje i samo da se bavimo tim nekim stvarima koje u suštini nisu primarne stvari. Primarne stvari su ipak po meni legislativa, donošenje Zakona i progres. Ovo sve što čujem, OK ima smisla ta pravnička država. Ne pravna, nego pravnička država gdje smo mi zastupnici i građani koji su nas birali. Uvijek patronizirani od strane onih koji bi da održe neki status kvo u ovoj zemlji. 25 godina niti Aneks 7 da je prošao, niti je došlo do pomirenja, niti je došlo do integracije društva, upravo zbog ovakvih stvari, zbog govora mržnje koji je narastao. Čini mi se da je manji bio prije 10, 15, 20 godina nego sada. I mislim da je naša zadaća i dužnost da djelujemo i da idemo naprijed, da se otkačimo malo. Ja znam da je to OSC rekao. A šta je OSC uradio na kraju krajeva. Šta su oni svi uradili? Onaj tamo prima Incko, kojeg sam budio više puta preko telefona, prima neku platu, mislim građani su nezadovoljni. Ja samo prenosi što ljudi govore. Ne mičemo se s mrtve tačke. Ja mislim da bi trebali da krenemo, da budemo kreativni. Da kreiramo nove zakone. Da vladamo sami sobom, što je definicija parlamentarizma, parlamentarne demokratije a ne da primamo neke direktive odozgo. I ako konačno želimo da regulišemo taj govor mržnje, što je vrlo bitna stvar, barem da naučimo šta smijemo, šta ne smijemo reći i da se dalje ponašamo u skladu s tim, ja mislim da je to jedna plemenita i vrlo progresivna i bitna stvar da krenemo u tom pravcu. I radi toga se slažem, evo nek bude tih 90 dana, ja mislim da će se i Damir Marjanović složiti s tim i hvala na ovim upozorenjima šta bi moglo biti kada bi bilo i ne znam kasnije da neko tuži, da se žali. Ali je vrlo bitno da kao društvo krenemo naprijed. Da krenemo u tom pravcu. A krenut ćemo tako što će biti javna rasprava. I ljudi će se uključiti, to je naš posao ovdje da involviramo čitavo društvo u tu vrstu razmišljanja, da učestvuju u kreiranju Zakona sami sebi. T je definicija slobode, vlast nad samim sobom. Tako se pod navodnicima citiram. Sloboda jest jednako vlast nad samim sobom. A vlast nad samim sobom se radi na taj način što sami kreiramo

zakone da živimo u društvu kakvom mi želimo da živimo. Građanskom nekom civilizovanom društvu bez tako razuzdanog govora mržnje po medijima. I ja mislim da se građani slažu da je vrlo interesantno da svi krenemo u tu i da iniciramo ovdje, da mi povedemo odavde inicijativu iz Kanton Sarajevo da povučemo društvo u tom pravcu da se bavi tim, da razmišlja o tome, da se involvira, i da zajedno napravimo takav neki Zakon kojeg ćemo poštovati baš zbog toga što smo ga zajedno napravili. I zajedno smo ga kreirali i sročili. I ja mislim da je to naša osnovna zadaća kao zastupnika ovdje da djelujemo na taj način. slušajte razni su zakoni bili prije 100 godina, prije 200 godina. Mi živimo u moderno doba, tako da nam je neko non stop govorio e ne može, ima Zakon koji je takav. Ja ne znam šta bi bilo. Građanska revolucija se ne bi desila, ne bi se desila moderna sekularna država. Ne bi ništa bilo. Tako da ja sma za to da mi u ovoj formi kako smo sada kako je Damir Marjanović promijenio prijedlog u nacrt i 90 dana da idemo s tim i da glasamo za. Hvala vam.

Predsjedavajući.

Hvala vam zastupniče. Pretpostavljam da je druga diskusija zastupnik Konaković. Izvolite

Poslanik/zastupnik Elmedin Konaković:

Pa ja samo malo detaljnije. Ja nisam potpuno detaljno pročitao, e sada mi je potpuno nejasne intervencije s početka ove priče. Svi akteri na koje se pozvala kolegica Bišćević-Tokić osim ministarstva policije, čije se mišljenje može smatrati negativnim, ali i oni navode razloge zbog kojih se u trenutnoj situaciji mogu naći u problemu sukoba ovog ili nekog Zakona višeg reda, nisu negativni. Nego su segestivni i kažu, i Ministarstvo privrede, i evo ko ima strpljenja, na našoj stranici imate taj materijal i Ured za zakonodavstvo i Tužilaštvo gđa Berina Alihodžić umjesto tužiteljice Sabine Sarajlije i predsjednik suda gospodin Špoljarić koji vrlo finom tonu govori nemojte požuriti da ne napravite problem, sugerisem da odete u javnu raspravu. E zato sam možda previše burno reagovao. Niko nije rekao ne, i niko nije rekao nemojte raditi i ničije mišljenje nije negativno. Nego je mogli smo ovo u duhu finom jednom reći. Dobro u redu, idemo danas je nacrt raspraviti ćemo 60 do 90 dana. Ni OSC to nije rekao i OSC je rekao da bi moglo doći do procesa nekažnjavanja ukoliko ovaj Zakon bude sučeljen nekim zakonima na nivou Federacije BiH ili u suprotnosti s odredbama Krivičnog Zakona. I sve bi se to nekako shvatilo da su ove diskusije u početku bile malo mirnije, da kao što je i bila vjerovatno želja, ali da kažete negativna su mišljenja, niko nije za to, šta je to, čekamo Federaciju. Zato sam reagovao. To je meni potpuno nelogično jer ovo nije bilo tačno. Pročitajte pažljivo sve materijale i mišljenje OSC i drugih aktera. Čak su neki konkretno djelovali na određen članove, Ministarstvo pravde kaže brišite član 3. Sugerisem da se promijeni Zakon, njegovo ime, način komuniciranja ovog Zakona. I onda čujete ovdje, ne, ne treba Federacija će, država će. I svi su negativni. To je rekla kolegica Bišćević-Tokić i zato smo tako reagovali. I još jednom tvrdim to nije tačno. Ko bude želio da pogleda vidjet će da tako piše u materijalima. Javna rasprava 60 do 90 dana je potpuno po meni jedna normalna stvar- samo ja kolegi Marjanoviću sugerisem da dobro razmisli jel on će biti odgovoran za implementaciju ove javne rasprave. Bit će teško. Ja znam kada smo predlagali Zakon o porijeklu imovine, kako ćete biti zatrpani različitim komentarima i bit će vrlo važno da vas Ministarstvo pravde i uprave ili neka druga Ministarstva u održavanju tih javnih rasprava

isprati. Zato naravno puna podrška, uz prihvatanje sugestija ovih aktera koji su nam dali svoja mišljenja.

Poslanik/zastupnik Vildana Bešlija:

Pa ja ću samo kratko pošto se otvorila neka žučna rasprava da kažem da ne bih bila pogrešno shvaćena, diskusiju bi željela da kolega Marjanović shvati kao doprinos javnoj raspravi. Naravno da ćemo podržati Nacrt i to je sasvim logično i da se bavimo ovom temom. I uopšte nije bila namjera u tom kontekstu ni u tom pravcu da nećemo podržati. Ja sam samo rekla da će inicijativa za izmjenu Krivičnog Zakona biti od strane kolega u Federalnom parlamentu svakako pokrenuta i da se treba naslanjati jedno na drugo. Ali naravno da ćemo podržati jer nema razloga i vrlo pohvalno da pričamo o voj temi i da je dodatno uređujemo. Hvala vam.

Poslanik/zastupnik Jasmina Bišćević-Tokić:

Pa evo uvažena kolegica je već Vildana Bešlija je rekla ono što sam i ja htjela reći. Mi smo navikli kako to kolega Konaković već interpretira, prvo nam kaže pročitajte dobro materijale. A prije toga je rekao kako on nije materijale pročitao. Materijali već stoje 12 dana na stranici Skupštine i mogli su svi pročitati pa i sam zastupnik Konaković. Znači niti moja a vjerujem a niti kolegice Bešlije diskusija išla u tom pravcu da mi osporavamo ovaj Zakon. Ne želim samo da uđemo u nekakve pravne nesigurnosti što su nam svi akteri u ovom dopisu rekli. Da li su to mišljenja, ili ne, kako to tumači kolega Konaković, ostavit ćemo njemu da on rastumači jer on očito pravo jedino u Kantonu Sarajevo zna, a mi niko od nas 34 ne zna. Ja bih molila kolegu Marjanovića da ostavi javni prostor 60 ili 90 dana, svejedno. Mi ćemo svakako podržati, već sam odmah rekla na početku da ovo ide kao javna rasprava. I nije bilo nikakvih tenzija. Tenzije koje prave u Skupštini Kantona Sarajevo jedini kolega Konaković. Zahvaljujem.

Poslanik/zastupnik Elmedin Konaković replika.

Vama tenzije pravi Konaković jer ne dozvoljava da vi radite to što pokušavate da radite, da ko biva onako pogledom u kameru, onako vrlo samouvjereno, nešto ko fol pročitate a to što čitate netačno, neistinito. Ono što se odnosi na ovaj materijal i ono što ste vi rekli, a uzmite stenogram veze nema sa životom. Jer ste rekli da su to negativna mišljenja, da to treba da urade viši nivoi vlasti. Vama je to tenzija. Pripremite se, ta će tenzija trajati jer ne možemo to odšutiti. Dakle neko ko kaže negativna su mišljenja i evo sada na kraju svoje rasprave kaže nisu negativna mišljenja, sa sobom treba porazgovarati. Jer to nisu negativna mišljenja, to su sugestije onih od kojih se mišljenje tražilo. Nemoguće je pustiti da sada vi tako. Zato ako vam je tenzija šta ću vam ja boga mi. Morate to iščitati. I nije tačno da sam rekao nisam pročitao materijal. Nisam pročitao ove dijelove jer mi je bilo nelogično da neko može ovako diskutovati. Ne priprema se na te nelogične stvari. Pripremam se na logične rasprave u onome što u Zakonu piše. A da će neko reći da je negativno mišljenje suda, u kojem predsjednik suda Špoljarić kaže ovo, ovo ovako, nemojte žuriti, raspravite fino i donesite Zakon. To su vama možda tenzije. Takvih će tenzija sigurno biti do kraja ovog mandata.

Poslanik/zastupnik Jasmina Bišćević-Tokić odgovor na repliku:

Kolega Konakoviću možda vi imate tenzija, mi stvarno nemamo a napomenut ću vas još jednom da čitate materijale. Ponavljanje je majka znanja. Zahvaljujem.

Predsjedavajući:

Damir Marjanović kao predlagač izvolite.

Poslanik/zastupnik Damir Marjanović:

Ja vam se zahvaljujem. Ova diskusija koju smo sada imali stvarno dokazuje aktuelnost ovog nacrtu i na neki način moram priznati da meni kao Predlagaču godi zato što je bila izuzetno dobra, plodonosna i u kojem slučaju pokazala je da stvarno trebamo o ovom ozbiljno razmisliti i da nam treba jedan ovakav Zakon. Odmah da vam kažem i kolegici Bešliji, i kolegici Bišćević-Tokić, od kolege Marjanovića, ne da ne shvatam ovo nimalno negativno, u mom svijetu nauke kritike, pitanja, sugestije su poželjne kada pošaljete rad u neki od onih časopisa o kojima smo danas pričali, Q2, Q2, Q3, Q4 očekujete od recenzenata da ga dobro izmasakriraju, sjeckaju, iseciraju da bi on bio još što bolji. Tako da ja sve ove vaše sugestije izuzetno uvažavam i pokazuju i dokazuju da ona naša primarna odluka o kojoj smo već i prije saopćili da ne idemo sa hitnom procedurom, nego da idemo sa diskusijom je upravo dobra. Vezano za, dozvolite mi, ja sam imao dva dijela prezentacije i dao sam vam prvi dio prezentacije da ne bi odugovlačili, u drugom dijelu prezentacije su mišljenja na mišljenje. Neće mi kolege pravnici zamjeriti ja sam isto i sudski vještak bio i poprilično po sudovima i znam da je to šala pravnika koja kaže: kada hoćete pet mišljenja o jednoj stvari pitajte dva pravnika. E ja sam zajedno sa ekipom koja je pravila ovaj Zakon razmatrao sva ova mišljenja, koja su se stvarno primarno odnosila na samu proceduru, na određene sugestije da to treba ići na državno, federalno, da budem oprezniji itd. Mi smo i pripremili više za diskusiju neke stvari, pa evo vrlo konkretno za vas. Vi ste naveli mišljenje da je stav Europske komisije pored rasizma i netolerancije Vijeća Europe u svom trećem izvještaju preporuku da je potrebno uskladiti Krivični Zakon BiH sa Preporukom o opštoj politici broj 7, definisao nivo nadležnosti na kojem je potrebno regulisati ovu materiju i da je pogrešan. Da ne bi trebalo na Kantonu nego više. Ali članice Vijeća Europe je BiH, i jasno je da Vijeće ne ulazi u stvarno složenost naše teritorijalne, ustavne organizacije, tak da ono što je bitno da se u pravnom sistemu BiH ima inkorporirati najviši nivo zaštite, odnosno zaštite ugroženih grupa od govora mržnje. Mi imamo definitivno probleme funkcionalnosti u BiH, imamo te različite nadležnosti itd. A kada je riječ o usvajanju ovog Zakona i drugih propisa, što jeste i osnovni razlog predlaganja ovog Zakona na nivou Kantona Sarajevo to je taj nivo na kojem mi sada to možemo predložiti. Posebno naglašavamo ustvari da značaj počinjenja ovog krivičnog djela an internetu gdje bi se jasno otvorila i nadležnost Kantonalnog Tužilaštva dovodi da je osnovni nivo Kanton Sarajevo. To su odgovorili isto pravni eksperti kao na odgovor na ovo mišljenje. Zahvaljujem se kolegici Bešliji, drago mi je, ja sam ovaj Zakon diskutovao sa fabrikom propisa Naše stranke. To je jedno tijelo u Našoj stranci, u kojoj sam ja bio, još poodavno prije nekih 9 ili 10 mjeseci, i nekako imam mišljenje i drago mi je da je ta naša diskusija inicirala kolege iz fabrike propisa da idu sa izmjenama federalnog Zakona. Jedva čekam da vidim te izmjene federalnog Zakona i uvijek ću ih rado podržati. I tada sam kolegama iz fabrike propisa rekao da su se pozvali na dva člana 163 i 363 koji pokriva narodonosnu, rasnu ili vjersku mržnju. To je 163. A 363 član se odnosi, ima sasvim drugu svrhu i on se odnosi na posjedovanje RTV bez odobrenja. Odnosno stavom 2 zahtjeva ugrožavanje javnog reda i mira a ne govorimo o ovome o čemu sada pričamo. Malo ta dva

člana kolege pravници koji su pravili ovaj Zakon kažu da nisu u skladu. Ali evo, t su upravo te diskusije o kojima pričamo, i to su te diskusije koje ulaze u stenograme, i ja se nadam, i znam kolega Konakoviću šta me sve čeka. I volim te izazove, i jedva čekam da ova sala bude puna sa onima sa lijeve strane ZA i sa desne protiv i onim između. Ili obratno, sasvim svejedno. I zato u potpunosti prihvatam da idemo sa što dužom javnom raspravom. Kolega Dević je predložio 60 dana. Ja bih čak prihvatio iz Kluba, kolegicu Jasnu Duraković i kolegu Damira Nikšića, neka ide slobodno na 90 dana. Dajte da imamo dovoljno vremena da to na neki način dobro iseciramo. Kolega Vreto je dobro rekao, i kolega Konaković je isto dobro primijetio, ljudi ove su stvarno primjedbe nisu bile ne, ne, ne. Nego s bile sugestije koje su stvarno nas dobro uputile, hajte da ne žurimo, da ne bude po nekome hitno postupku nešto doneseno. I u krajnjem slučaju dat ću vam sada samo kao primjer jednog paradoksa jer danas smo o tome pričali. Mi intenzivno radimo na donošenju Zakona o naučno istraživačkog djelatnosti u Kantonu Sarajevo. I mi već imamo taj Zakon. A ne znam da li znate da nadležnost za naučno istraživačku djelatnost snosi FBIH. Mi imamo Ministarstvo obrazovanja i nauke i znate da imamo problem sa ustavno neustavnim kategorijama itd i da je upitna bila ustavnost u oblasti obrazovanja, ali ne u oblasti naučno istraživačke djelatnosti. Znači govorimo o tome da već godinama postoji Federacija BiH koja je nadležna za naučno istraživačku djelatnost i koja ne donosi zakone na federalnom nivou vezano za naučno istraživačku djelatnost pa onda kao rezultat toga imamo i stanje vezano za nauku u Federaciji BiH koje nije nimalo briljantno. Zato smo odlučili na Kantonu Sarajevo bar da riješimo to. Neko je davno odlučio sa tim kantonalnim zakonom koj mi sada popravljamo. Nemojte da nam se to desi ponovo sa govorom mržnje. Tako da rado prihvatam, zahvaljujem se na svim sugestijama. Nadam se da ćete podržati nacrt. Radujem se ovim diskusijama i definitivno još jednom ponavljam, evo sada neka bude moj prijedlog neka ide 90 dana rasprave. Hvala velika.

Predsjedavajući:

Zahvaljujem Predlagaču. Ukoliko se (više niko ne javlja za riječ, zaključujem raspravu i predlažem da Skupština po Nacrtu zakona o kažnjavanju govora mržnje Kantona Sarajevo donese sljedeće Zaključke:

1. Utvrđuje se Nacrt zakona o kažnjavanju govora mržnje Kantona Sarajevo.
2. Javna rasprava održat će se u kantonalnim organima, jedinicama lokalne samouprave, naučnim i stručnim ustanova i trajat će **90 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se zastupniku Damiru Marjanoviću koji organizuje i provodi javnu raspravu.
4. Zastupnik Damir Marjanović dužan je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o kažnjavanju govora mržnje Kantona Sarajevo.

Molim zastupnike da pristupe izjašnjavanju o predloženim zaključcima. Molim rezultate.

**ZA JE GLASALO 29 ZASTUPNIKA, PROTIV I SUZDRŽANO NIJE BILO.
KONSTATUJEM DA JE SKUPŠTINA DONIJELA ZAKLJUČKE.**

Prelazimo na realizaciju tačke osam
AD – 8.

PRIJEDLOG ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2020. GODINU SA ODLUKOM O IZVRŠAVANJU FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2020. GODINU

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ima li pitanja? Izvolite uvažena zastupnice Šahman, pitanje.

Poslanik/zastupnik Bilsena Šahman:

Hvala predsjedavajući. Naravno mi ćemo ovo podržati, finansijski plan JU, ja hoću nešto drugo da pitam. Jučer sam propratila u medijima da su imali potpisivanje ugovora, okupljanje je bilo za obuku ida su skupili 328 ljudi plus predavače u Domu mladih Skenderija a nakon objave da se skupovi ne održavaju sa više od 250 ljudi. Šta to znači? Da sada imamo širenje i nepoštivanje onoga što donese krizni štab od JU, a očekujemo to od privatnih. Eto to da mi neko odgovori zašto su se oglušili na Odluku kriznog štaba?

Predsjedavajući.

Zahvaljujem uvažena zastupnice. Pitanje uvaženi zastupnik Konaković.

Poslanik/zastupnik Elmedin Konaković:

Zamolio bih gospodina Kamočaja, ako jeste, tu je, da nam odgovori u kojoj fazi je realizacije je projekat zapošljavanja porodica šehida i porodica poginulih boraca? Vidio sam iz medija nisam još uvijek dobio odgovor na svoje zastupnička pitanje, inicijativu. Znam da u prvom krugu nije bilo dovoljno čini mi se prijavljenih preduzeća. Ali je naš stav i dogovor bio da se kontinuirano do pune realizacije održava ovaj proces i zamolio bih ga danas samo za dodane informacije i kakva je namjera za dalje jer idu ponovo oglašavanja, mislim da je negdje oko 200 do 250 ljudi po ovom osnovu treba da dobije posao, šta je sa ostalima? I hoćemo li to dovesti do kraja?

Poslanik/zastupnik Sead Milavica:

Zahvaljujem predsjedavajući. Bit ću vrlo kratak što se tiče ove tačke dnevnog reda, gospodina Kamočaja neću ništa pitati. Mi u radnom tijelu smo sve ovo prihvatili, bili smo za. Ali ono što želim da pitam to je sljedeće. Potrošili smo sigurno pola dana danas na priču oko koronavirusa da li nam možete dati informaciju, da li možete dobit informaciju iz kriznog štaba da li definitivno u Kantonu Sarajevo djeca idu, pošto imamo upita zaista masu upita od roditelja, da li je krizni štab u Kantonu Sarajevo donio odluku ili je uskladio sa Federacijom i donio odluku da sutra djeca ne idu u školu? Eto toliko hvala.

Poslanik/zastupnik Damir Nikšić:

Ma samo bih htio Igora Kamočaja da pitam onako ako ima neko mišljenje ili saznanje ili informaciju kakva je bila politika zapošljavanja povratnika u Sarajevo, ljudi koji su se vratili u Sarajevo nakon rata, koje su stare Sarajlije, koji su bili prije rata u Sarajevu živjeli. Je li postojala ikakva politika, pošto ja ne znam, ja dugo nisam bio tu, vratio se te 2010 zastalno. Da li je postojala ikakva politika pošto se ipak radi o Aneksu 7 koji je vrlo bitan Aneks u Dejtonskom mirovnom sporazumu, i nekom održivom povratku tih povratnika. Pa eto samo ako mi može reći je li ikada bila ikakva politika neke prednosti ili ne znam čega prioriteta ili bilo šta zapošljavanja povratnika u Sarajevo? Hvala.

Poslanik/zastupnik Bibija Kerla:

Pa ja sam u toku dana razgovarala s gospodinom Kamočajem i skrenula sam im pažnju da svi oni projekti koji su raspisani od strane Zavoda za zapošljavanje su već pri kraju i molim upravo gospodina Kamočaja da zatraži od Vlade Kantona Sarajevo odluku da se ti projekti produže na onoliko dana koliko je potrebno poslodavcu da nađe te radnike jer gospodin Konaković je rekao da imamo problema djecom porodica šehida. Tačno je to, mislim da veliki broj uposlenih koji su bili planirani u svim JU nije dobio mjesto, zato što nemamo dovoljan broj tih ljudi i treba produžiti termin do onog momenta dok poslodavac nađe onoliko radnika koliko mu treba te vrste. Hvala lijepa. Trenutno zasjeda Vlada Kantona Sarajevo i gospodin Sead Milavica će dobiti vrlo brzo odgovor što se tiče školske djece i onoga što se tiče koronavirusa.

Predsjedavajući.

Zahvaljujem uvažena zastupnice Kerla. Neko će vjerovatno iz Ministarstva ili službe za zapošljavanje Kantona Sarajevo dati odgovore. Igor Kamočaj.

A evo da vas izvijestim svakako Vlada se zajedno sa premijerom naravno povukla kako bi donijela ovu odluku a po preporuci Federalnog kriznog štaba vezano za obustavu nastave. Tako da ćemo imati informaciju vjerovatno do kraja sjednice, odnosno obavještenje Vlade šta su donijeli kao zaključak. Izvolite radi stenograma se samo predstavite i možete odgovoriti.

Igor Kamočaj

Zahvaljujem predsjedavajući, članovi predsjedništva, predstavnici Vlade, drage kolegice i kolege zastupnici, dragi gledatelji mislim daje sada dnevnik pa nas i ne gledaju. Zahvaljujem na pitanjima, krenut ću redom. Što se tiče okupljanja, da jučer je izvršena obuka za 328 polaznika nezaposlenih osoba koji su po programu sufinansiranja samozapošljavanja ocijenjeni kao najuspješniji aplikanti. Naša zakonska obaveza i bila je ugovorna obaveza da bi se krenulo u realizaciju tih finansijskih sredstava da bi oni krenuli sa svojim vlastitim biznisima, bitno je da prođu obuku iz poduzetništva. Obuka je ranije zakazana, održana u deset, nakon toga je tek objavljena vijest Kriznog štaba a pratili smo pomno, da su minut do deset javili da je Krizni štab Kantona donio odluku, mi bi to otkazali. Dakle odluka Kriznog štaba ja mislim nekada bila oko podne ili 11 ili 12. U momentu održavanja obuke nije bilo odluke kriznog štaba Kantona Sarajevo o okupljanju. I naravno da se ona sprovodi. Što se tiče programa realizacije mjera zapošljavanja po posljednjem objavljenom javnom pozivu 21.12. 2019 godine gdje je bilo devet mjera za zapošljavanje, između ostalog Program mjera

zapošljavanja i stimulisanja zapošljavanja porodica poginulih boraca i porodica koje pripadaju kategoriju šehidskim porodicama, taj program je u fazi realizacije. Negdje preko tri miliona smo od ukupnog iznosa smo ostavili još uvijek je otvoren poziv i on se neće zatvarati ukupno je ostalo 27 pozicija, ili praznih mjesta za program samozapošljavanja dakle kada e u pitanju zapošljavanje, u pravnim subjektima on je već realizovan, potpisali su se ugovori sa poslodavcima a ostalo je od 50 mjesta još 27 mjesta i mi smo objavili i pozivamo sve zainteresirane da se prijave. Sjajan program bio, dobrim se pokazao, bilo je iz početka kako će krenuti. Mi smo zaista zadovoljni sa implementacijom. Za vašu informaciju, evo iz iskustva ću vam reći da nikada brža i efikasnija implementacija programa mjera nije bilo. 21.12. je objavljen javni poziv koji je zahvaljući odlukama na kraju krajeva i Vlade gdje su se sve administrativne barijere uklonile, za manje od 60 dana pristupio punoj implementaciji. I evo imat ćemo tek efekte nakon godine dana nakon same realizacije. Pitanje politike zapošljavanja povratnika. Zakon o posredovanju zapošljavanju i socijalnoj sigurnosti nezaposlenih osoba, federalni Zakon.

Predsjedavajući:

Morat ćemo sačekati da se isključi alarm. Ja se izvinjavam.

Igor Kamočaj:

Dakle zakonom o posredovanju u zapošljavanju socijalnoj sigurnosti nezaposlenih osoba, kolega Nikšiću odgovaram na vaše pitanje, federalni Zakon i kantonalni, jasno je definisano na koji način se vodi proces posredovanja, evidencije nezaposlenih osoba i svih onih osoba koje ispunjavaju pravo da budu na evidenciji službe za zapošljavanje. Ne postoji poseban program zapošljavanja povratnika nego postoji program zapošljavanja osoba koje se nalaze na evidenciji. Dakle svaki povratnik u periodu kada je krenuo povratak u Sarajevo ko je bio na evidenciji u periodu kada su bili raspisani javni pozivi imao je pravo učešća da li kroz programe samozapošljavanja ili da li putem poziva od strane poslodavaca. Produženje rokova oko realizacije ugovora o ovom smo pričali uvažena zastupnice. Ugovorom između Službe za zapošljavanje i poslodavaca definisano je da 30 dana imaju rok da pristupe realizaciji ugovora. Kada bi rekli da ne postoji rok onda bi implementacija sredstva mogla da se akumuliraju sredstva i troši do i čeka njeno izvršenje do konca mjeseca. Ne postoji pravna smetnja. Svaki poslodavac koji ne može u roku 30 dana pronaći osobu koja mu je potrebna oni se obrate pismeno službi za zapošljavanje i produžava se rok sve do momenta implementacije. Nema potrebe za posebnim nikakvim odlukama Vlade niti zaključcima jer na taj način mi zajedno radimo i trijažu zajedno sa poslodavcima. Dakle, nema pravnih smetnji ukoliko u roku od 30 dana ne poslodavca ne može zaključiti ugovor, ne može pronaći osobu koja mu je potrebna na način kako su oni to tražili. Obraćanjem dopisa prema službi se taj rok produžava sve do implementacije samog ugovornog odnosa. I mislim da sam odgovorio na sva pitanja. Hvala vam.

Predsjedavajući:

Zahvaljujem uvaženi Kamočaj. Otvaram raspravu. Ukoliko se niko ne javlja za riječ, zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2020. GODINU SA ODLUKOM O IZVRŠAVANJU FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2020. GODINU.

Molim rezultate.

ZA JE GLASALO 28 ZASTUPNIKA, PROTIV I SUZDRŽANIH NIJE BILO.

KONSTATUJEM DA JE SKUPŠTINA DONIJELA OVU ODLUKU.

Obzirom da smo iscrpili sve tačke današnje sjednice zaključujem rad na 22. Radnoj sjednici i zahvaljujem se uvaženim kolegicama i kolegama.